





BIBLIOTHECAE DE ROSA

R. BIBL. NAZ.
Vitt. Emanuele III.

RACCOLTA
VILLAROSA

A

659

NAPOLI

Rec. Vol. A

659



C. PLINII CÆCILII
SECUNDI
EPISTOLÆ
ET
PANEGYRICVS.

EDITIO NOVA.

MARCVS ZVERIVS
BOXHORNIVS

recensuit, & passim emendavit.



AMSTELÆDAMI,
Ex Officina Elzeviriana,
MDCCLXIX. 1 2



592245



NOBILI,
OMNIBVSQVE ANIMI VIRTU-
TIBVS ORNATISSIMO, EMEN-
DATISSIMOQVE VIRO,
MARTINO TANCKE,
SERENISSIMI POTENTISSIMIQ.
DANORVM, NORWAGO-
RVM, &c. REGIS
CONSILIARIO,

ET
CELSISSIMI SAXONVM
ELECTORIS
RES IN FOEDERATORVM BEL-
GARVM AVLA AGENTI FEL-
CITER AC CVRANTI,

HAS
C. PLINII CÆCILII
SECVNDI,
CONSVLIS ROMANI,
EPISTOLAS,

VERAS



VERAS
DELITIAS DIVITIASQ.
MVSARVM,

ET
CIVILIS SAPIENTIÆ
MAGISTRAS,

POST FOEDISSIMAS, QUÆ
HACTENVS CIRCVMFERE-
BANTVR, EDITIONES AC-
CVRATE A SE RECENSI-
TAS, ET PASSIM EMEN-
DATAS, IN BENIVOLEN-
TIÆ IMMORTALIS DVRA-
TVRIQVE SEMPER CVL-
TVS FIDEM

L. . M. Q.

D. D. D.

HVMANITATI EIVS COMI-
TATIQ. DICATISSIMVS
MARCVS ZVERIVS BOXHORNIVS,

A N. C H R.
C I O I O C L I I I.

L E-



LECTORI

MARCVS ZVERIVS
BOXHORNIVS

S.

AMice Lector, Cum secundam hanc Plinianarum Epistolarum editionem Elzevirii nostri adornarent, intellexissentque nonnihil curæ à nobis positum in emendando textu, qui hætenus corruptissimus circumferebatur, & qualemcunque opem nostram ac curam haud ingratam sibi futuram significarent, egregio huic eorum desiderio singularique studio in promovenda ornandaque re literaria nihil negandum judicavimus. Accipe igitur tandem Plinium non quidem ubique emaculatum (quis enim id aut præstiterit jam, aut speraverit?) multo tamen quam ante nitidiorem. Quod passim deprehender, qui hanc editionem cum aliis aliorum conferre non gravabitur. Exemplaria MSS. ad manum nobis nulla fuere.

* 3

Plinium

Plinium igitur ipsum consulimus , & corruptarum lectionum apices , in quibus verarum fere sunt vestigia, diligenter excussimus ; & , cum in interpunctionibus haud semel peccatum prehenderemus , peccatumque ita , ut certam aliquam sententiam elicere non liceret , eas quoque mutavimus, ut , quantum quidem fieri poterat , nihil non Plinianum hic legeretur. Rationes mutationum emendationumque omnium eruditus lector ipse per se facile agnoscet. Dare enim eas nunc , festinantibus typographis , non licebat. Et nobis quoque alia agenda offerebantur. Si tamen vitam Deus & otium fecerit , singulari Animadversionum libello desiderio tuo brevi , aut certe proxime sequuturâ editione , satisfaciemus. Vale , & his nostris conatibus , ut soles , fave.

MARCI

MARCI ZVERII BOXHORNII

DE

C. PLINIO CÆCILIO

SECUNDO

J V D I C I V M,

Quo Christianum eum non fuisse,
ut volunt alii, ostenditur.

Persecutionis Christianorum sub Trajano atrox tempestas non quidem desuit, sed minor ac quasi mitior esse tandem coepit, admonente Trajanum Plinio, singularem Christianis innocentiam vitæ esse ac integritatem. Exstant hodieque scriptæ eâ de re Trajani & Plinii epistola; ex quibus utcumque cognosci potest, qualis ea tempestate Christianorum fuerit disciplina.

Non est mihi dubium, quin ex iis epistolis natum sit ridiculum eorum commentum, qui Christianum aliquando operâ Titi factum Plinium, in literas mittere ausi sunt. *Flavius Dexter in Chronico*; Titus cognomento Justus, Episcopus factus, sequutus primo S. Paulum, mox Eugenium, prædicat in Carpetania, ubi ejus memoria magnitudoque miraculorum celebratur. Is Titus converterat ad fidem Plinium Juniorem ex Bithynia Pontoque redeun-

tem, in Creta insula, ubi jussu Trajani Iovi templum exstruxerat. Nec desunt qui putent septimā Sextilis ad Novocomum esse passum. *Si hunc audimus, non Christianus tantum Plinius, sed & martyr fuerit. Ceterum Pseudodexter est, qui hac scribit. Quae de re plura nos alibi dicemus. Porro addit ad hunc locum Franciscus Bivaricus de Plinio Christiano ista;*

Sed unde habemus, in Creta Plinium Secundum Iuniorem ad fidem perductum opera S. Titi? Ex Actis ipsius, quae Zena, legisperitus, & Apostoli discipulus, scripsit, refertque Equilinus, ubi eum Zena, cum promississet Titum, in Cretam iterum reversum, multos ad Christi fidem perduxisse, ordinasseque Presbyteros & Diaconos, subdit: Cum die quadam transiret ante palatium, quod Secundus Proconsul (is erat Plinius Secundus Iunior) jussu imperatoris in Iovis nomine construebat, maledixit illud; & statim opus funditus dissipatum est. Nonne id dixerat Dexter illis verbis; Is Titus converterat ad fidem Plinium Iuniorem in Creta insula, ubi jussu Trajani Iovi templum erexerat? Subjiciunt acta; Tunc Secundus venit ad Titum cum lacrymis rogans, se indemnem ab opere conservari. Cui Titus imposuit, ut opus
in

in nomine unius Dei Christianorum inci-
 peret, ut sic opus perficere posset; quod
 & factum est. Completo vero opere Se-
 cundus cum filio suo baptizatus est. Fuit
 hic nepos ex sorore C. Plinii Secundi, cujus
 de natura rerum extant insignes Commen-
 tarii: ipsius vero Plinii Secundi Iunioris
 extat liber Epistolarum, & Panegyricus
 Trajano Casari dictus, quo gratias agit
 Consulatum ejus auspiciis adeptus. Is etiam
 Hispanis nonnulla contulit beneficia. Nam
 Quintiliani filiam pauperem dote juvit, &
 Martialem Poëtam ab Vrbe in Hispaniam
 secedentem, viatico prosecutus est, ut ipse in
 Epistolis testatur. De Martyribus sub Tra-
 jano passis agit ipse Lib. x. Epist. xcvi.
 Ceterum ipsum tandem Novocomi, patria
 sua, martyrium subiisse, inde nonnulli pu-
 tant haberi, quod die vi Augusti seu Sexti-
 lis cum aliis quinque reperitur in Romano
 Martyrologio, inter alios Martyres, quidam
 nomine Secundus. Nam in eo sic legimus:
 Novocomi passio Sanctorum Martyrum
 Carpophori, Exanthi, Cassii, Severini,
 Secundi, & Licinii, qui in confessione
 Christi capite truncati sunt. Meminit ipso-
 rum Martyrum Galestinus ex veteribus
 monumentis Ecclesia Mediolanensis, Ber-
 gomensis, & Aquilegensis. Ignorarunt

*sanè historiam istam Comenses cives, cum
anno Domini c^lo ccccxcviii, pro foribus
edis B. Virginis sui concivis junioris Plinii
marmorì incidi curarunt hujusmodi in-
scriptionem, sine Martyris titulo, quam Vola-
terrani refert lib. xviii.*

C. PLINIO CÆCILIO SECUNDO,
QUI CONSULATU, AVGURATU, MILITIÆ
GESTIS, AC ORANDIS CAUSIS, POEMATIBUS,
ET HISTORIIS CONFICIENDIS,
CÆSAREM TRAIANUM AUGUST. LUCULENTIS-
SIME LAUDANDO, ADFICIENDOQ. IMMENSA
LIBERALITATE PATRIAM SUAM, EIDEM
IMMORTALE CONTULIT ORNAMENTUM,
ORDO COMENSIS CONCIVI SVO DESIDERABILI,
HONORE ACCEPTO,
MONUMENTUM POSUIT.

M. CCCC. LXXX. VIII.

K A L. M A I I.

FUNCTUS ERAM SED TVM VETERI PRÆCLARUS
HONORE;
VIVEBAM, PERII: NUNC QUOQUE VITA
MIHI EST.

*E latere dextro hujus memoria extat alia
C. Plinii Secundi senioris, quam tu, lector,
apud eundem Volaterranum legere poteris.*

*Hac & similia istis alia quoties lego, non
possum satis mirari stuporem hominum, qui
talìa aut scribere aut credere potuerunt.
Hoc demum est cum ratione insanire. An
quia in Actis Martyrum legitur, pro Christi
nomine Secundum passum fuisse, Plinius
Secun-*

Secundus intelligendus est ? Plures Secundi dicti sunt, quam hic Plinius. Sola illa littera, qua hodie exstant, Christianum eum fuisse, primis hujus fabula auctoribus persuasere. Agnosco quidem ego luculentum exstare in iis de Christianorum innocentia ac integritate testimonium; sed & illud in iis invenio, Christianam religionem, exitiabilem superstitionem appellari. Si Christianorum doctrina exitiabilis superstitio visa ei sit, quare aut quomodo dicitur Christianus ? Si Christianorum aliquis Stoicorum & in docendo & in scribendo severitatem laudibus extolleret, an iccirco Stoicus merito diceretur ? Qui paganus Christianorum vitam moresque commendat, non eo minus paganus est. Sed dictu prope infinitum est, quam levi & nulla ratione moti jam olim nonnulli Christianae Historiae scriptores plurimos Christi nomen professos tradiderint, qui Christiani non fuere. Cum hoc, quod hic nobis oblatum est, exemplo unum modo jam jungam; ex quo & liquido constabit verissimam esse eam rationem hujus de Plinio Christiano commentum, quam jam dedi. Pontii Pilati, sub quo Dominus noster passus est, uxor (Claudiam Proculam vocant, quorum animo immota sedet ac fixa quidvis fingendi

*libido) Christiana fuisse dicitur. Pseudo-
dexter ille, cujus jam meminimus, in Chro-
nico: Claudia Procula, uxor Pilati, admo-
nita per somnium, in Christum credit, &
salutem consequitur. Certe huic etiam quo-
rundam sententia occasionem dedere illa, quae
apud Matthaeum de Pilati conjuge leguntur
verba; Sedente autem illo, Pilato nempe,
pro tribunali, misit ad eum uxor, dicens;
Nihil tibi & justo illi; multa enim passa
sum hodie per visum, propter eum. Quia
igitur marito dixit illa; Nihil tibi & justo
illi, scilicet Christo, Christiana fuit. Quae ra-
tione id colligant, qui tradunt, scire ego ve-
lim. Pro innocentia Christi, tanquam non
damnandi aut crucifigendi, vel non rei, pro-
nuntiat, non autem pro Christo, tanquam cu-
jus sanguine ac morte genus humanum redi-
mendum esset. Sed hac hic obiter. Alibi plura
de ejusmodi veterum Christianorum com-
mentis dicemus. Vnum hoc modo nunc addam,
mirum videri posse, quare & iidem Pilatum
Christianum non fecerint. Nam hac ejus de
Christo verba exstant; Nihil mali fecit. Sed
quia alio & sequuto postremo Pilati de Chri-
sto judicio, in gratiam Iudeorum, Christus
damnatus est, Christianum factum Pilatum
credere non debuerunt.*

C. PLINII

C. PLINII CÆCILII SECUNDI
V I T A

Ex Epistolis collecta.



A I V S Plinius Iunior, ex Como
novo Italiæ Transpadanæ oppido
natus, patrem habuit Cæcilium, vi-
rum eo tempore pietate simul & eru-
ditione in primis clarum: avuncu-
lum verò, Plinium Veronensem, Græcæ &
Latinæ linguæ peritissimum: (cujus triginta se-
ptem Rerum naturalium libri tanto studio & la-
bore conscripti sunt, ut doctorum omnium cal-
culis digni judicati sint, qui ob multifarias hi-
storias ex Græcis simul & Latinis philosophis
depromptas, raræque eruditionis thesaurum, non
obiter tantum legantur, sed evolvantur, omnium-
que studiosorum assiduis conterantur manibus)
à quo adoptatus, non tantum amplissimorum
avunculi bonorum, sed studiorum quoque, ac
nominis successor factus est. Puer adhuc, cum
egregiam præ se ferret indolem, ut liberalibus
artibus imbueretur, Fabio Quintiliano, omnium
fidissimo puerorum informatori, & in oratoria
professione nulli secundo, datus, artes huma-
niores mira ingenii felicitate perdidicit. Aliarum
disciplinarum avidus, paulo post Nicetem Smyr-
næum sophistam, & præclarum eo tempore ora-
torem, audivit: qui adeo ingenium ad utram-
que rationem accommodabat, ut judiciale so-
phistica quadam facultate exornaverit, sophi-
sticum vero & umbratile forensibus aculeis ro-
boraverit, & cujus sententiæ ac paradoxa quasi
bacchantes Thyrsi, mellis lactisque copiam præ-
bere

bere videbantur. quibus artibus cum Plinium probe instituisset, annuente avunculo in Syriam tanquam ad præclarissimarum artium omnisque philosophiæ mercaturam misit, ubi Euphratem philosophum naturæ arcana explicantem audiuit. Verum cum post multos in studiorum curriculo exantlatos labores, jam sine cortice natare didicisset, & optimos quosq; sibi auctores legendos proposuisset, Livium tamen Romanæ historiæ antesignanum & principem cum toties à Quintiliano præceptore laudibus celebrari audivisset (qui Patavinum in concionibus supra quam narrari potest, eloquentissimum vocare solitus est, & ob id inter ceteros scriptores in scholis quam diligenter legendum in oratoriis suis institutionibus præcipit) ejus historias lactea eloquentia descriptas, raro de manu deposuit, ex quibus eam etiam hausit eloquentiam, quam in doctissimis suis epistolis & Trajani imperatoris Panegyrico, magno verborum & sententiarum ornatu, orationisque fecunditate abunde satis ostendit. Græca in Latinam, nostra in Græcam transferens, ingenium exercuit. Ad poëticiæ studium furore quodam naturali raptus, comœdias assidue audiuit, inspexit mimos, legit Lyricos: quibus adoleſcentiæ studiis cum animum excoluisset, jamque ad graviora altioraque studia animum intenderet, undevigesimo ætatis suæ anno dicere in foro cœpit, ac in senatu plures gravissimasque causas magno audientium stupore egit. Bæticis namque contra Bæbium Massam, & iisdem de Cæcilio Classico querentibus adstitit. Marium Priscum repetundarum accusavit, Iulium Bassum & Varenum in capitalibus causis defendit & liberavit. Si quid vero temporis à civilibus negotiis,

quibus

quibus totum jam intenderat animum, suffurari potuit, colendis agris consumpsit, priscos illos Romanos, Numam Pompilium, C. Licinium, Catonem, Cincinnatum, Pisones, Fabios, Cicerones, aliosque virtute claros viros imitatus, qui in magno honore constituti, vites putare, stercore agros & irrigare, nequaquam turpe & inhonestum putarunt. Laurentinum suum rus, & alterum in Tuscis (in quo templum principum statuis mirifice ornatum ædificavit) doctissimis epistolis celebravit, ut agriculturæ se studiosissimum ostenderet. Cui cum venatio cognata esset, sæpenumero calores, pluvias, sudorem, frigora, nives, & id genus alia compluscula, quæ venatoriæ voluptates continent, perpeffus, ad venabula sedens, spumantes, & à canibus in furorem conversos apros propria manu confodit. Ad administrandam remp. aptissimus judicatus, celeriter ad summos honores, amplissimasque in urbe dignitates, evectus est. Æmiliæ namque viæ, quæ ab Æmilio Scauro post Ligures bello subactos, à Placentia Ariminum usque structa & strata erat, curam administravit. Quæsturam cum Calestrio Tirone, cum quo stipendia ante fecerat, & Præturam cum eodem consecutus est. Cornutum Tertullum, præfectus ærarii salutatus, collegam habuit. In Pontum & Bithyniam missus proconsul, non minorem prudentiæ, quam moderationis & diligentiae gloriam retulit. Consulatum summa fama, parique integritate cum Tertullo, amicitiarum familiaritate semper conjunctissimo, gessit. In auguratu sacerdotio prisco, quod viventi nunquam adimebatur, Iulio Frontino viro principi successit, quibus, aliisque multis dignitatibus, cum sua industria Romanorum Rempubli-

cam

eam mirum in modum auxisset , in tantam apud bonos & claros viros exultationem venit , ut juveni ex clarissimis familiis in urbe uxores offerrent. Habuit autem duas, ex quibus posterior erat Calphurnia, Pompeiæ clarissimæ feminæ filia : cum qua multos annos honestissime, sine prole tamen, vixit. Vitæ suæ innocentia, & omni scientiarum eruditione principum multorum animos sibi conciliavit : in primis tamen Trajani , invictissimi imperatoris , à quo non tantum sibi ipsi, sed amicis quoque multa impetrare potuit. Viconio quippe Romano , condiscipulo & contubernali suo , multas dignitates : Accio Suræ præturam : Harpocrati Iatraliptæ peregrinæ conditionis homini , Chrysippo Mithridatis , uxori-que Chrysippi Stratonicæ Epigoni , Posthumi demum Marini propinquis aditum in urbem impetravit : libertis Antoniaæ Maximillæ , ornatissimæ matronæ , præterea Hediæ , Antoniaæ , Harmeridique citra omnem difficultatem jus Quiritium obtinuit. Tanta fuit opulentia, ut ducenta millia nummum pro accessione pretii agrorum contempserit , emptrice Cornelia hoc petente. eas tamen facultates quas partim hereditario jure à parentibus & avunculo , partim Trajani Mæcenatis sui munificentia habuit , ab omni alienus avaritia , bene meritis , & quovis præmio dignis, summa liberalitate distribuit , & erogavit. His Caninium Rufum municipem suum , studiis jam valedicentem , ad artes , humanioraque studia revocavit. Valerium Martialem poetam secedentem ab urbe, honestissimo viatico juvit. Romano condiscipulo tria millia nummum ad equitis facultates implendas obtulit, & dedit. Fabium Quintilianum primæ pueritiæ præceptorem , senem
jam,

jam, & pecunia carentem, dote, & omni impensa maritandæ filiæ necessaria ornavit, & quingenta millia nummum, ut secundum mariti conditiones vestitu simul ac comitatu instrueretur, quasi parens alter contulit. Patriæ suæ annua festertia tricena, quæ à nobis 750 aureis æstimantur, donavit. Ut ad bonarum artium studia juventutem incitaret, in municipio suo bibliothecam optimis libris refertam, ad communem studiorum usum dedicavit: annuos sumptus in alimenta ingenuorum erogavit, amplissimaque præceptoribus constituit stipendia. Gentilis licet fuerit, Christianorum tamen in maxima persecutione acerrimus propugnator extitit. Cum enim variis tormentis eos qui in Christum crederent, cruciari videret, ut à fide desciscerent, misericordia & interemptorum multitudine motus, eos apud Trajanum defendit, dum scribit, nihil omnino sceleris in his deprehendi, aut quippiam committi quod Romanis legibus contrarium esset: quandoquidem adulteria, & cetera ejus notæ crimina illicita arcerent, & tantum antelucanos hymnos Christo cuidâ Deo canerent. Ob morum studiorumque similitudinem præcipue viros doctrina excellentissimos sibi amicitiarum societate devinxit. ex poetis quidem Virginium Romanum, hominem (ut ipse appellat) probitate morum, ingenii elegantia, operumque varietate monstrabilem: Valerium Martialem, Epicuri sectatorem, & Silium Italicum, in carmine heroico post Vergilium facile principem. Ex Historicis vero, Suetonium Tranquillum, & Cornelium Tacitum. Ex Iurisperitis autem, Pomponium Saturninum causidicum, Arrianum, Titum Aristonem, & Cornelium Minutianum, rectissimos judices, & for-

fortissimos advocatos : quos sæpe cum Frontino, si quando de rebus arduis agendum esset, consuluit. Inter prædilectos autem libertorum suorum, præcipue Zosimum, hominem ut probum & officiosum, ita maxime literatum habuit. Ut nomen suum immortalitati consecraret, non tantum Cornelii Taciti historiis laudari voluit, sed ipse quoque multa scripsit, quæ tamen ad posteros non venerunt : utpote Tragœdiam Græcam, De maris Icarii tempestatibus Elegos, Hendecasyllaborum librum, Demonstrativas orationes, in quibus Demosthenem summum oratorem sequutus est : De Helvidii ultione libros aliquot, quos Quadratus studiosissime semper legere solitus est. & multa quidem alia, quæ temporis injuria, magno Musarum mœrore ita interierunt, ut ne fragmenta quidem hodie extent. Ex his tamen omnibus singulari divini numinis beneficio ad posteros venerunt, decem epistolarum libri mira eloquentia scripti, Libellus de viris in re militari & administranda Republica illustribus, & Panegyricus Trajani Romanorum invictissimi imperatoris, qui post Nervam, juxta Eusebii supputationem, usque ad annum Christi Salvatoris nostri **cxix**, regnavit : quo tempore, vel paulo post, Plinium nostrum è vivis exemptum esse, & conjicere & divinare licet.



EX ONVPHRII PANVINI
C O M M E N T A R I I S
in Fastos,

AD ANNUM DCCCLIII.

HOc ipso anno idem Plinius [Secundus] ut in Panegyrico tradit, cum Cornuto Tertullo consulatum bimestrem in Kalendas Septembres iniit & gefsit. De quo tale adhuc exstat antiquum epigramma.

C. PLINIVS. C. F. C.N. CÆCILIVS. SECVNDVS
COS. AVGV. LEGAT. PRO. PRÆT. PROVINC.
PONTI. CONSVLARI. POTESTATE. IN. EAM
PROVINCIA M. AB. IMP. CÆSARE. NERVA
TRAIANO. AVG. GERMANICO. MISSVS
CV RAT. ALVEI. TIBERIS. ET. RIPAR.
PRÆF. ÆRARI. SATVRNI. PRÆF.
ÆRARI. MILIT. LEG. LEG. VI. GALLIG.
X. VIR. STLIT. IVDICANDIS

Ceterum is Plinius filius fuit C. Cæcilii Novocomensis, & Pliniæ, sororis C. Plinii Secundi, Veronensis, scriptoris historiæ naturalis: quæ quum ipsi C. Cæcilio Novocomensi nupisset, hunc C. Cæcilium genuit, qui ab avunculo C. Plinio Secundo Veronense adoptatus, C. Cæcil. Plinius

nus Secundus appellatus est. Qui natura quidem Novocomensis civis, verum lege & adoptionis jure Veronensis, ut ejus pater adoptivus C. Plinius fuit. hinc ipse libro VI. Epist. ultima ad Maximum Africanum ita scribit, *Recte fecisti quod gladiatorum munus Veronensibus nostris promissisti, à quibus amari, suspiceris, ornari.* Plinium autem, Veronensem fuisse, ipsemet scribit in præfatione historiæ naturalis ad Titum Cæsarem Vespasianum, in qua Catullum conterraneum suum vocat. Si enim & ipse Novocomensis fuisset, non recte conterraneum dixisset. est enim Verona Cœnomanorum urbs, vel potius Venetorum, Novocomum vero Insuorum. hæc, in decima regione Italiæ, illa in XI. quæ regiones & terræ diversæ sunt. Adde quod hoc per manus à majoribus traditum, semper ita creditum est. Franciscus enim Petrarcha, Pius II Papa, & plerique alii, Plinium historiæ naturalis scriptorem, Veronensem vocaverunt. Quod si Veronensis non fuit (ut quidam affirmant) cur antiquissimum hoc adhuc extat Veronæ marmorei frusti epitaphium à Plinio parentibus suis & sorori factum, quod inter rudera octuaginta annis antea in agro Veronensi inventum est?

C. P - I N I V -

- N D V -

- A V G.

- R C I V I Æ -

- C E L L Æ -

- R I

- E R I. P A T R I -

- M Æ M A T R I -

- M A R C E L L Æ

T. F. I.

Non

Non abs re autem fuit, hoc loco ubi occasio
fese obtulit, Plinium Veronensem asserere, quod
eum ut de Homero dicitur, nonnullæ aliæ urbes
sibi vendicare conatæ sunt; cum ut rei veritas in-
telligatur, tum quod patriæ meæ hac in re non
suffragari, hoc potissimum loco nefas esse duxi.
Ad institutum autem nostrum revertamur. Hoc
ipso anno in Kal. Novembris Plinio & Tertullo,
consules successos fuisse Iulium Ferocem, & Acu-
tium Nervam ipse indicare videtur libro II. epi-
stolis ad Octavianum, & Arrianum. quos consules
designatos post Cornutum Tertullum subjicit.



NOMEN-

NOMENCLATOR

Eorum ad quos Plinius Epistolas scripsit.

*Primus numerus Epistolam, secundus
Librum indicat.*

A.



Cilio.	14,3	Calvinæ.	4,2
Adriano, vi-		Calvisio.	20,2.1,3.7,5.
de Anto-			2,8.6,9
nino.		Calvisio Rufo.	19,3
Albino.	10,6	Caninio Rufo.	3,1
Anniano.	16,2	Caninio.	8,2.7,3.21,6.
Antonino, seu Arriano.			18,7.33,9
	3,4.18,4.10,5	Capitoni.	8,5
Apollinari.	9,2.6,5	Catilio.	12,3
Appio.	35,9	Catilio Severo.	22,1
Aristoni.	3,5.14,8	Celeri.	17,7
Arriano.	2,1.11,2.12,	Cereali.	19,2
	2. 8, 4. 12, 4. 2, 6.	Clementi.	2,4
	21, 8	Coloni.	9,9
Atrio Clementi.	10,1	Corn. Tacito.	6, 1.
Augurino.	8,9		20, 1
Avito.	6,2	Corn. Titiano.	17,1

B.

Æbio Hispan.	24,1	Corneliano.	31,6
		Corelliz Hispaniz.	3,3
		Corelliz.	14,7
		Cornuto.	21,7.31,7

C.

Calestrio Tironi.	12,
	1
Calphurniz.	4,6.7,6.
	5,7

E.

Evricio.	61,7
----------	------

F. Fa.

NOMENCL. IN PL. EPIST.

F.		Macro.	18,5.24,6
F	Abato.	Mæſio Maximo.	25,43
	Fabato profocero.	Mamiliano.	16,9.25,9
	4. 12, 5. 12, 6. 16, 7.	Marcellino.	16,5.23,8
	23,7.32,7.10,8	Maurico.	18,2.14,6
Fabio Iuſto.	11,1	Maximo.	14, 2. 2, 3.
Falconi.	27,4.22,7.15,9		20,3. 20,4. 5,5.11,6.
Feroci.	13,7		34,6. 26,7. 19,8. 24,
Flacco.	2,5		8. 1,9. 23,9
Fundano.	15,4.6,9	Minutiano,	9,3. 11,4.
Fuſco.	9,7.36,6.40,9		12,8
G.		Minutio.	12,7
G	Allo.	Minutio Fundano.	2,1
	17, 2. 17, 4.	Montano	29,7.6,8
	20, 8	Muſtio.	39,9
Geminio.	24,7.5,8.22,	N.	
	8.11,9.30,9	N	Aſoni.
Geniali.	13,8		6,4
Genitori.	30,7.17,9	Nepoti.	
H.		3,2. 16,3.	
H	Iſpano.	26,4.19,6	
	25,6	O.	
	Hiſpulle.	O	
	19,4.11,8	Ctavio Rufo.	
L.		7,1.	
I	Vlio Genitori.	10,2	
	11,3	P.	
Iunio Maurico.	14,1	P	Aterno.
Iuniori.	15,8.12,9		14,4.16,8
Iuſta.	2,7	Paulino.	
L.		2, 2. 19,5.	
L	Aterano.	3,9.37,9	
	7,9	Plinio Paterno..	
Lepido.	7,4	21,1	
Licinio Suræ.	30,4	Pompeiz Celerinz ſo-	
Luperco.	5,2.26,9	cru.	
M.		4,1	
M	Acrino.	Pompeio Saturnino.	
	7,2.4,3.	8,1	
	6,7. 10, 7. 17,8.	Pompeio Falconi.	
	4,9	23,1	
		Pomponio Baſſo.	
		23,4	
		Pontio.	
		15, 5. 28, 6.	
		4, 7	
		Priſco.	

NOMENCL. IN PL. EPIST.

Prisco. 13,2. 21,3. 8,6.	Severo. 6,3. 18,3. 28,4.
8,7. 19,7	1,5. 27,6. 22,9
Procuro. 15,3	Sofio Senecioni. 13,1
Præfenti. 3,7	Soffio. 4,4
Q.	Sparfo. 5,4. 5,8
Q Vadrato. 29,6. 12,9	Spurinnæ. 17,5
Quintiliano. 32,6	Spurinnæ & Coccia. 10,3
R.	Suræ. 27,7
R Estituto. 17,6. 1,7	T.
Romano Voconio. 5,1. 1,2. 13,3.	T Acito. 13,4. 9,6.
29,4. 15,6. 33,6.	16,6. 20,6. 20,7.
8,8. 7,9. 28,9	33,7. 7,8. 14,9
Romano Firmo. 19,1	Tironi. 1,6. 22,6. 5,9
Rufo. 21,5. 25,7	Titiano. 32,9
Rufino. 18,8	Tranquillo. 18,1. 8,3.
Rufoni. 19,9	11,5. 34,9
Rustico. 29,9	Triario. 23,6
S.	V.
S Abino. 10,4. 18,6.	V Alenti. 24,4
2,9. 18,9	Valeriano. 4,5. 14,5
Sabiano. 21,9. 29,9	Valerio. 15,2
Sardo. 31,9	Valerio Paulino. 16,4
Saturnino. 9,5. 7,7.	Velio Cereali. 21,4
38,9	Venatori. 20,9
Scauro. 13,5	Vero. 3,6
Sempronio Rufo. 22,4	Voconio Romano, Vide
Septitio. 1,1. 28,7. 1,18	Romano.
Septitio Claro. 15,1	Vrfo. 9,4. 20,5. 5,6.
Serviano. 17,3. 26,6	13,6. 9,8



C. PLINII CÆCILII

S E C V N D I

EPISTOLARVM

LIBER PRIMVS.

I. C. PLINIUS SECVNDVS

SEPTITIO SVO S.

PRÆFATIO.

REQVENTER hortatus es ut epistolas, si quas paulo accuratius scripsissem, colligerem publicaremque. Collegi, non servato temporis ordine (neque enim historiam componebam): sed ut quæque in manus venerat. Superest ut nec te consilii, nec me poeniteat obsequii. Ita enim fiet, ut eas quæ adhuc neglectæ jacent, requiram: & si quas addidero, non supprimam. Vale.

II. C. PLINIUS ARRIANO SVO S.

QVia tardio rem adventum tuum prospicio, librum, quem prioribus epistolis promiseram, exhibeo. Hunc rogo ex consuetudine tua & legas & emendes: eo magis, quod nihil antea peræque eodem ἥλπε scripsisse videor. Tentavi enim imitari Demosthenem, semper tuum, Calvum, nuper meum, figuris duntaxat orationis.

A

Nam

Nam vim tantorum virorum pauci, quos æquus amavit, assequi possunt. Nec materia ipsa huic (vereor ne improbe dicam) æmulationi repugnavit. Erat enim prope⁴ tota in contentione dicendi; quod me longe desidiæ indormientem excitavit, si modo is sum ego qui excitari possim. Non tamen omnino Marci nostri λεκόντες fugimus, quoties paululum itinere decedere non intempestivis amœnitatibus admonebamur. Acres enim esse, non tristes, volebamus. Nec est quod putes me sub hac exceptione veniam postulare. Immo, quo magis intendam limam tuam, confitebor & ipsum me & contubernales ab editione non abhorreere, si modo tu fortasse errori nostro album ~~culum~~ adjeceris. Est enim plane aliquid edendum, atque utinam hoc potissimum, quod paratum est! (audis desidiæ votum) edendum autem ex pluribus causis: maxime quod libelli, quos emisimus, dicuntur in manibus esse, quamvis jam gratiam novitatis exuerint; nisi tamen auribus nostris bibliopolæ blandiuntur. Sed sane blandiantur, dum per hoc mendacium nobis studia nostra commendent. Vale.

III. C. PLINIVS CANINIO

RVFO SVO S.

Quid agit Comum; tuæ meæque deliciæ? quid suburbanum amœnissimum? quid illa porticus, verna semper? quid ⁵ πλάτρινόν opacissimus? quid Euripus viridis & gemmeus? quid subjectus & serviens lacus? quid illa mollis, & tamen solida, gestatio? quid balineum illud, quod plurimus sol implet & circumit? quid triclinia illa popularia? quid illa paucorum?⁶ quid popinæ? quid cubicula diurna nocturna? Possidentne
te,

te, & per vices partiuntur? An, ut solebas, intentione rei familiaris obeundæ, crebris excursionibus avocaris? Si te possident, felix beatusque es: sin minus, unus ex multis. Quin tu (tempus est enim) humiles & sordidas curas aliis mandas; & ipse te in alto isto pinguique secessu studiis adseris. Hoc sit negotium tuum, hoc otium; hic labor, hæc quies: in his vigilia, in his etiam somnus reponatur. Effinge aliquid & excude, quod sit perpetuo tuum. Nam reliqua rerum tuarum post te alium atque alium dominum sortientur: hoc nunquam tuum desinet esse, si semel coeperit. Scio quem animum, quod horter ingenium: tu modo enitere ut tibi ipse sis tanti, quanti videberis aliis, si tibi fueris. Vale.

IV. PLIN. POMPEIÆ CÆLERINÆ, SOCRVI S.

Quantum copiarum in Oriculano, in Narniensi, in Carsulano, in Perusino tuo, in Narniensi vero etiam balineum, ex epistolis meis (nam jam tuis opus non est) una illa brevis & vetus sufficit. Non, me hercule, tam mea sunt quæ mea sunt, quam quæ tua. Hoc tamen differunt, quod sollicitius & intentius tui me, quam mei excipiunt. Idem fortasse eveniet tibi, si quando in nostra diverteris. quod velim facias: primum ut perinde nostris rebus, ac nos tuis, perfruaris: deinde, ut mei expergiscantur aliquando, qui me secure ac prope negligenter expectant. Nam mitium dominorum apud servos ipsa consuetudine metus exolescit: novitatibus excitantur, probarique dominis per alios magis quam per seipsos laborant. Vale.

V. C. PLINIVS VOCONIO

ROMANO SVO S.

Vidistine quemquam Marco Regulo timidiorem
 humilioremque post Domitiani mortem? sub
 quo non minora flagitia commiserat, quam sub
 Nerone, sed tectiora. Cœpit vereri, ne sibi irasce-
 rer: nec fallebatur; irascebar. Rustici Aruleni pe-
 riculum foverat, exultaverat morte: adeo ut li-
 brum recitaret publicaretque, in quo Rusticum
 infectatur, atque etiam *Stoicorum simiam* appel-
 lat. Adjicit, Vitelliana cicatrice stigmatosum. Agno-
 scis eloquentiam Reguli. Lacerat Herennium Se-
 necionem tam intemperanter quidem, ut dixerit
 ei Metius Carus, *Quid tibi cum meis mortuis?*
nunquid ego aut Crasso aut Camerino molestus sum?
 quos ille sub Nerone accusaverat. Hæc me Re-
 gulus dolenter tulisse credebat, ideoque etiam
 quum recitaret librum, non adhibuerat. Præterea
 reminiscebatur, quam capitaliter ipsum me apud
 Centumviros laceffisset. Aderam Arionillæ, Ti-
 monis uxori, rogatu Aruleni Rustici. Regulus
 contra. Nitebamur [nos] in parte causæ senten-
 tia Metii Modesti, optimi viri: is tunc in exilio
 erat, à Domitiano relegatus. Ecce tibi Regulus,
Quæro (inquit) *Secunde, quid de Modesto sen-*
tias. Vides, quod periculum, si respondiſsem, Bene:
 quod flagitium, si, Male. Non possum dicere aliud
 tunc mihi quam deos adfuisse. Respondebo, in-
 quam, quid sentiam, si de hoc Centumviri judica-
 turi sunt. Rursus ille, *Quæro quid de Modesto*
sentias. Iterum ego, Solebant testes in reos, non
 in damnatos, interrogari. Tertio ille, Non jam
 quid de Modesto, sed quid de pietate Modesti
 sentias. *Quæris, inquam, quid sentiam?* At ego,
 ne

ne interrogare quidem fas puto, de quo pronuntiatum est. Conticuit: me laus & gratulatio sequuta est; quod nec famam meam aliquo responso, utili fortasse, inhonesto tamen, læseram: nec me laqueis tam insidiosæ interrogationis involve-
ram. Nunc ergo conscientia exterritus apprehendit Cæcilium Celerem; mox Fabium Iustum rogat, ut me sibi reconcilient. Nec contentus, pervenit ad Spurinnam. Huic suppliciter (ut est quum timet, abjectissimus) Rogo mane videas Plinium domi: sed plane mane; neque enim diutius ferre sollicitudinem possum; & quoquo modo efficias, ne mihi irascatur. Evigilaveram. Nuntius à Spurinna; Venio ad te. Imo ego, Ad te. Coimus in porticum Liviæ, quum alter ad alterum tenderemus. Exponit Reguli mandata, addit preces suas, ut decebat optimum virum pro dissimilimo, Parce, inquit. Cui ego, Dispicias ipse quid renuntiandum Regulo putes. Te decipi à me non oportet. Expecto Mauricum (nondum enim ab exilio venerat) ideo nihil alterutram in partem respondere tibi possum, facturus quidquid ille decreverit. Illum enim esse huius consilii ducem, me comitem, decet. Paucos post dies ipse me Regulus convenit in prætoris officio: illuc me persequutus secretum petit. Ait, timere se ne animo meo penitus hæreret quod in centumvirali iudicio aliquando dixisset, quum responderet mihi & Satrio Rufo, *Satrius cui est cum Cicerone æmulatio, & qui contentus non est eloquentia seculi nostri.* Respondi, nunc me intelligere maligne dictum, quia ipse confiteretur; ceterum potuisse honorificum existimari. Est enim, inquam, mihi cum Cicerone æmulatio, nec sum contentus eloquentia seculi nostri. Nam stultissimum credo,

ad imitandum non optima quæque proponere. Sed tu, qui hujus judicii meministi, cur illius oblitus es, in quo me interrogasti quid de Metii Modesti pietate sentirem? Expalluit notabiliter, quamvis palleat semper. Hæsitabundus, inquit; Interrogavi, non ut tibi nocerem, sed ut Modesto. Vide hominis crudelitatem, qui se non dissimulet exuli nocere voluisse. Subjunxit egregiam causam, Scripsit, inquit, in epistola quadam, quæ apud Domitianum recitata est, Regulus omnium bipedum nequissimus. quod quidem Modestus verissime scripserat. Hic fere nobis sermonis terminus. Neque enim volui progredi longius, ut mihi omnia libera servarem dum Mauricus venit. Nec me præterit esse Regulum ^{1º} *δυναστάτην*. Est enim locuples, factiosus; curatur à multis, timetur à pluribus, quod plerumq; fortius amore est. Potest tamen fieri ut concussa labantur. Nam gratia malorum tam infida est, quam ipsi. Verum, ut idem sæpius dicam, expecto Mauricum. Vir est gravis, prudens, multis experimentis eruditus, & qui futura possit ex præteritis providere. Mihi & tentandi aliquid & quiescendi illo auctore ratio constabit. Hæc tibi scripsi, quia æquum erat te pro amore mutuo non solum omnia mea facta dictaque, verum etiam consilia cognoscere. Vale.

VI. C. PLIN. CORNELIO TACITO. SVO S.

Ridebis, & licet rideas. Ego Plinius ille, quem nosti, apros tres, & quidem pulcherrimos, cepi. Ipse? inquis. Ipse: non tamen ut omnino ab inertia mea & quiete discederem, ad retia sedabam: erant in proximo, non venabulum aut lancea, sed stylus & pugillares. Meditabar aliquid eno-

enotabamque, ut si manus vacuas, plenas tamen ceras reportarem. Non est quod contempnas hoc studendi genus. Mirum est, ut animus agitatione motuque corporis excitetur. Iam undique silvæ & solitudo, ipsumque illud silentium quod venationi datur, magna cogitationis incitamenta sunt. Proinde quum venabere, licebit auctore me, ut panarium & lagunculam, sic etiam pugillares feras. Experieris non Dianam magis montibus, quam Minervam inerrare. Vale.

VII. C. PLIN. OCTAVIO RV-

FO SVO S.

Vide in quo me fastigio collocaris, quum mihi idem potestatis idemque regni dederis, quod Homerus Iovi opt. max.

Τὸ δ' ἔπειτα μὲν ἔδωκε πατὴρ, ἔπειτα δ' ἀνέ-
χουσιν.

Nam ego quoque simili nutu ac renutu responde-
re voto tuo possum. Etenim sicut fas est mihi,
præsertim te exigente, excusare Bæticis contra
unum hominem advocationem: ita nec fidei no-
stræ, nec constantiæ, quam diligis, convenit adesse
contra provinciam quam tot officiis, tot labori-
bus, tot etiam periculis meis aliquando devinxe-
rim. Tenebo ergo hoc temperamentum, ut ex
duobus, quorum alterum petis, eligam id potius
in quo non solum studio tuo, verum etiam iudicio
fatissfaciam. Neque enim tantopere mihi consi-
derandum est, quid vir optimus in præsentia velis,
quam quid semper sis probaturus. Me circa idus
Octobres spero Romæ futurum, eademque hæc
præsentem quoque tuâ meâque fide Gallo. con-
firmaturum: cui tamen nunc jam licet spondeas
de animo meo,

A. 4.

H. 5.

Ἡ καὶ πανήσιν ἐπ' ὅπρσι νεῦσι Κερνίων.
 Cur enim non usquequaque Homericis versibus
 agam tecum? quatenus tu me tuis agere non pa-
 teris: quorum tanta cupiditate ardeo, ut videar
 mihi hac sola mercede posse corrumpi, ut vel
 contra Baticos adsum. Pene præterit quod mini-
 me prætereundum fuit, accepisse me careotas
 optimas, quæ nunc cum ficis & boletis certamen
 habent. Vale.

VIII. C. PLINIVS POMPEIO SA-
 TURNINO SVO S.

P

eropportune mihi redditæ sunt literæ tuæ, qui-
 bus flagitabas ut tibi aliquid ex scriptis meis
 mitterem, quum ego id ipsum destinasssem. Addi-
 disti ergo calcaria sponte currenti, pariterque &
 tibi veniam recusandi laboris, & mihi exigendi
 verecundiam sustulisti. Nam nec me timide uti
 decet eo quod oblatum est: nec te gravari quod
 depoposcisti. Nec est tamen quod ab homine de-
 fidioso aliquid novi operis expectes. Petiturus
 sum enim, ut rursus vaces sermoni quem apud
 municipes meos habui, bibliothecam dedicaturus.
 Memini quidem, te jam quædam adnotasse,
 sed generaliter: ideo nunc rogo, ut non tantum
 universitati ejus attendas, verum etiam particulas
 qua soles lima persequaris. Erit enim & post e-
 mendationem liberum nobis vel publicare vel
 continere. Quinimo fortasse hanc ipsam cuncta-
 tionem nostram in alterutram sententiam emen-
 dationis ratio deducet, quæ aut indignum editio-
 ne, dum sæpius retractat, inveniet: aut dignum,
 dum id ipsum experitur, efficiet. Quanquam hu-
 jus cunctationis meæ causæ non tam in scriptis
 quam in ipso materiæ genere consistunt. Est enim
 paulo

paulo quasi gloriosius & elatius. Onerabit hoc modestiam nostram, etiamsi stylus ipse ¹¹ fuerat pressus demissusque, propterea quod cogimur cum de munificentia parentum nostrorum, tum de nostra disputare. Anceps hic & lubricus locus est, etiam quum illi necessitas lenocinetur. Etenim si alienæ quoque laudes parum æquis auribus accipi solent, quam difficile est obtinere ne molesta videatur oratio de se aut de suis differentis? Nam cum ipsi honestati, tum aliquanto magis gloriæ ejus prædicationique invidemus: atque ea demum recte facta minus detorquemus & carpinus, quæ in obscuritate & silentio reponuntur. Qua ex causa sæpe ipse ¹² mecum, nobisne tantum quicquid illud est, composuisse, an & aliis debeamus, ut nobis? Admonet istud quoque, quod pleraque quæ sunt agendæ rei necessaria, eadem peracta nec utilitatem parem nec gratiam retinent. Ac, ne longius exempla repetamus, quid utilius fuit quam munificentiae rationem etiam stylo prosequi? Per hoc enim assequebamur, primum ut honestis cogitationibus immoraremur: deinde ut pulchritudinem illarum longiore ¹³ tractatu pervideremus: postremo, ut subitæ largitionis comitem poenitentiam caveremus. Nascebatur ex his exercitatio quædam contemnendæ pecuniæ. Nam quum omnes homines ad custodiam ejus natura restrinxerit, nos contra multum ac diu pensitatus amor liberalitatis communibus avaritiæ vinculis eximebat: tantoque laudabilior munificentia nostra fore videbatur, quod ad illam non impetu quodam sed consilio trahebamur. Accedebat his causis, quod non ludos aut gladiatores, sed annuos sumptus in alimenta ingenuorum pollicebamur. Oculorum porro & aurium

voluptates adeo non egent commendatione, ut non tam incitari debeant oratione quam reprimi. Ut vero aliquis libenter educationis tedium laboremque suscipiat, non præmiis modo, verum etiam exquisitis adhortationibus impetrandum est. Nam si medici salubres, ¹⁴ sed voluptate carentes cibos, blandioribus alloquiis prosequuntur, quanto magis decuit publice consulentem, utilissimum munus, sed non perinde populare, comitate orationis inducere? Præsertim quum enitendum haberemus, ut quod parentibus datur, & orbis probaretur, honoremque paucorum ceteri patienter expectarent & mererentur. Sed ut tunc communibus magis commodis quam privatæ jactantiæ studebamus, quum intentionem effectumque muneris nostri vellemus intelligi; ita nunc in ratione edendi veremur, ne forte non aliorum utilitatibus, sed propriæ laudi servisse videamur. Præterea meminimus, quanto majore animo honestatis fructus in conscientia quam in fama reponatur. Sequi enim gloria, non appeti, debet: nec, si casu aliquo non sequatur, idcirco quod gloriam non meruit, minus pulchrum est. Hi vero qui benefacta sua verbis adornant, non ideo prædicare quia fecerint, sed ut prædicarent, fecisse creduntur. Sic, quod magnificum referente alio fuisset, ipso qui gesserat recensente, vanescit. Homines enim quum rem destruere non possunt, jactationem ejus incessunt. Ita si filenda feceris, factum ipsum: si laudanda, ¹⁵ quod non sileas, ipse, culparis. Me vero peculiaris quædam impedit ratio. etenim hunc ipsum sermonem non apud populum, sed apud decuriones habui; nec in propatulo, sed in curia. Vereor ergo ut sit satis congruens, quum in dicendo assentationem vulgi

accla

acclamationemque defugerim, nunc eadem illa editione sectari; quumque plebem ipsam cui consulebatur, limine curiæ parietibusque discreverim, ne quam in speciem ambitionis inciderem, nunc eos etiam ad quos ex munere nostro nihil pertinet præter exemplum, velut obvia ostentatione conquirere. Habes cunctationis meæ causas: obsequar tamen consilio tuo, cuius mihi auctoritas pro ratione sufficit. Vale.

IX. C. PLIN. MINVTIO FVN-
DANO SVO S.

Mirum est, quam singulis diebus in urbe ratio aut constet aut constare videatur, pluribus¹⁶ cunctisque non constet. Nam, si quem interroges, *Hodie quid egisti?* respondeat; *Officio togæ virilis interfui; sponsalia aut nuptias frequentavi; ille me ad signandum testamentum, ille in advocacy, ille in consilium rogavit.* Hæc quo die feceris, necessaria; eadem, si quotidie fecisse te reputes, inania videntur, multo magis quum secesseris. Tunc enim subit recordatio, quot dies quam frigidis rebus absumpsi? Quod evenit mihi postquam in Laurentino meo aut lego aliquid, aut scribo, aut etiam corpori vaco, cuius fulturis animus sustinetur. Nihil audio quod audisse, nihil dico quod dixisse pœniteat. Nemo me apud quemquam sinistris sermonibus carpit; neminem ipse reprehendo, nisi unum me, quum parum commode scribo: nulla spe, nullo timore sollicitor, nullis rumoribus inquietor. Mecum tantum & cum libellis loquor. O rectam sinceramque vitam! ô dulce otium, honestumque, ac pene omni negotio pulchrius! ô mare, ô littus, verum secretumque *μυστήριον*! quam multa invenitis,

quam multa dictatis? Proinde tu quoque strepitum istum inanemque discursum, & multum ineptos labores, ut primum fuerit occasio, relinque, teque studiis vel otio trade. Satius est enim, ut Attilius noster eruditissime simul & facetissime dixit, otiosum esse, quam nihil agere. Vale.

X. C. PLINIVS 17 ATRIO

CLEMENTI SVO S.

SI quando urbs nostra liberalibus studiis floruit, nunc maxime floret. Multa claraque exempla sunt. Suffecerit unum, Euphrates philosophus. Hunc ego in Syria, quum adolescentulus militarem, penitus & domi inspexi, amarique ab eo laboravi, etsi non erat laborandum. Est enim obvi-
us & expositus, plenusque humanitate quam præcipit. Atque utinam sic ipse quam spem tunc ille de me concepit, impleverim, ut ille multum virtutibus suis addidit! Aut ego nunc illas miror, quia magis intelligo: quamquam ne nunc quidem fatis intelligo. Vt enim de pictore, sculptore, fictore, nisi artifex judicare, ita nisi sapiens non potest perspicere sapientem. Quantum mihi tamen cernere datur, multa in Euphrate sic eminent & elucent, ut mediocriter quoque doctos advertant & afficiant. Disputat subtiliter, graviter, ornate: frequenter etiam Platonicam illam sublimitatem & latitudinem effingit. Sermo est copiosus & varius: dulcis in primis, & qui repugnantes quoque ducat & impellat. Ad hoc, proceritas corporis, decora facies, demissus capillus, ingens & cana barba. Quæ licet fortuita & inania putentur, illi tamen plurimum venerationis acquirunt. Nullus horror in 18 cultu, nulla tristitia, multum severitatis: reverearis occursum, non
refor-

reformides. Vitæ sanctitas summa; comitas par. Insectatur vitia, non homines: nec castigat errantes, sed emendat. Sequaris monentem attentus & pendens: & persuadere tibi, etiam quum persuaserit, cupias. Iam vero liberi tres, duo mares, quos diligentissime instituit. Socer Pompeius Iulianus, cum cetera vita, tum vel hoc uno magnus & clarus, quod ipse provinciæ princeps hunc inter altissimas condiciones generum, non honoribus principem, sed sapientia, elegit. Quamquam quid ego plura de viro, quo mihi frui non licet? An ut magis angar, quod non licet? Nam distringor officio ut maximo, sic molestissimo. Sedeo pro tribunali, subnoto libellos, conficio tabulas: scribo plurimas, sed illiteratissimas literas. Soleo nonnunquam (nam id ipsum quandoque contingit) de his occupationibus apud Euphratem queri. Ille me consolatur; affirmat etiam esse hanc philosophiæ, & quidem pulcherrimam, partem, agere negotium publicum, cognoscere, judicare, promere & exercere justitiam, quæque ipsi doceant, in usu habere. Mihi tamen hoc unum non persuadet, satius esse ista facere quam cum illo dies totos audiendo discendoque consumere. Quo magis te, cui vacat, hortor, quum in urbem proxime veneris (venias autem ob hoc maturius) illi te expoliendum limandumque permittas. Neque enim ego (ut multi) invideo aliis bonum, quo ipse careo; sed contra sensum quendam voluptatemque percipio, si ea quæ mihi denegantur, amicis video superesse. Vale.

XL. C. PLIN. FABIO IVSTO

S V O S.

Olim nullas mihi epistolas mittis. Nihil est, (inquis) quod scribam. At hoc ipsum scribe, nihil esse quod scribas: vel solum illud, unde incipere priores solebant, *Si vales, bene est; ego valeo*. Hoc mihi sufficit; est enim maximum. Ludere me putas: serio peto. Fac sciam quid agas: quod sine sollicitudine summa nescire non possum. Vale.

XII. C. PLIN. CALESTRIO

TIRONI S V O S.

Iacturam gravissimam feci, si iactura dicenda est tanti viri amissio. Decessit Corellius Rufus, & quidem sponte: quod dolorem meum exulcerat: Est enim luctuosissimum genus mortis, quæ non ex natura, nec fatalis videtur. Nam utcumque in illis qui morbo finiuntur, magnum ex ipsa necessitate solatium est; in iis vero quos accersita mors aufert, hic insanabilis dolor est, quod creduntur potuisse diu vivere. Corellium quidem summa ratio, quæ sapientibus pro necessitate est, ad hoc consilium compulit; quanquam plurimas vivendi causas habentem, optimam conscientiam, optimam famam, maximam auctoritatem: præterea filiam, uxorem, nepotem, sorores, interque tot pignora, veros amicos. Sed tam longa, tam iniqua valetudine conflictabatur, ut hæc tanta pretia vivendi mortis rationibus vincerentur. Tertio & tricesimo anno (ut ipsum prædicantem audiebam) pedum dolore correptus est. Patrius hic illi; nam plerumque morbi quoque per successiones quasdam, ut alia, traduntur. Hunc abstinencia, sanctitate, quoad viridis ætas, vicit & fregit: novissime

me cum senectute ingravescentem, viribus animi sustinebat. Quum quidem incredibiles cruciatus & indignissima tormenta pateretur (jam enim dolor non pedibus solis, ut prius, insidebat, sed omnia membra pervagabatur) veni ad eum Domitiani temporibus, in suburbano jacentem. Servi è cubiculo recesserunt. Habebat enim hoc moris, quoties intrasset fidelior amicus: quin etiam uxor (quamquam omnis secreti capacissima) digrediebatur. Circumtulit oculos, & *Cur* (inquit) *me putas hos tantos dolores tamdiu sustinere? ut, scilicet, isti latroni vel uno die supersim. Dedisses huic animo par corpus, fecisset quod optabat.* Affuit tamen deus voto, cujus ille compos, ut jam securus liberque moriturus, multa illa vitæ, sed minora, retinacula abruptit. Increverat valetudo, quam temperantia mitigare tentavit; perseverantem constantia fugit. Iam dies alter, tertius, quartus, abstinebat cibo. Misit ad me uxor ejus Hispulla communem amicum C. Geminium cum tristissimo nuntio, destinasse Corellium mori: nec aut suis aut filiæ precibus flecti; solum superesse me, à quo revocari posset ad vitam. Cucurri: perveneram in proximum, quum mihi ab eadem Hispulla Iulius Atticus nuntiat, nihil jam ne me quidem impetraturum: tam obstinate magis ac magis induruisse. Dixerat sane medico admonenti cibum, *Κίερα*. quæ vox quantum admirationis in animo meo, tantum desiderii reliquit. Cogito quo amico, quo viro caream. Implevit quidem annum septimum & sexagesimum, quæ ætas etiam robustissimis satis longa est: scio. evasit perpetuam valetudinem: scio. decessit superstitiis suis, florente republica, quæ illi omnibus suis carior erat; & hoc scio. Ego tamen, tanquam & juvenis, . . .

juvenis, & fortissimi, morte doleo: doleo autem (licet me imbecillum putes) meo nomine. Amisi enim, amisi vitæ meæ testem, rectorem, magistrum. In summa dicam quod recenti dolore contubernali meo Calvisio dixi; Vereor ne negligentius vivam. Proinde adhibe solatia mihi: non hæc, *Senex erat, infirmus erat* (hæc enim novi) sed nova aliqua, sed magna, quæ audierim nunquam, legerim nunquam. Nam quæ audiui, quæ legi, sponte succurrunt, sed tanto dolore superantur. Vale.

XIII. C. PLINIVS SOSIO

SENECIONI SVO S.

MAgnum proventum poëtarum annus hic attulit. Toto mense Aprili nullus fere dies quo non recitaret aliquis. Iuvat me quod vigent studia, proferunt se ingenia hominum & ostentant: tamen si ad audiendum pigre coitur. Plerique in stationibus sedent, tempusque audiendis fabulis conterunt, ac subinde sibi nuntiari jubent, an jam recitator intraverit, an dixerit præfationem, an ex magna parte eolverit librum: tum demum, ac tunc quoque lente cunctanterque, veniunt; nec tamen permanent, sed ante finem recedunt, alii dissimulanter & furtim, alii simpliciter & libere. At hercule memoria parentum Claudium Cæsarem ferunt, quum in palatio spatiaretur, audissetque clamorem, causam requisisse; quumque dictum esset, recitare Nonianum, subitum recitanti inopinaturnque venisse. Nunc otiosissimus quisque multo ante rogatus, & identidem admonitus, aut non venit, aut, si venit, queritur se diem, quia non perdiderit, perdidisse. Sed tanto magis laudandi probandique sunt quos à scribendi recitandique studio hæc auditorum vel desidia vel superbia

perbia non retardat. Equidem prope nemini defui. Erant sane plerique amici. Neque enim quifquam est fere qui studia, ut non simul & nos amet. His ex causis longius quam destinaveram, tempus in urbe consumpsi. Possum jam repetere secessum, & scribere aliquid quod non recitem; ne videar, quorum recitationibus affui, non auditor fuisse sed creditor. Nam ut in ceteris rebus, ita in audiendi officio perit gratia, si repositur. Vale.

XIV. C. PLINIVS IVNIO

MAVRICO SVO S.

P^Etis ut fratris tui filiz prospiciam maritum: quod merito mihi potissimum injungis. Scis enim quantopere summum illum virum suspexerim dilexerimque: quibus ille adolescentiam meam exhortationibus foverit, quibus etiam laudibus ut laudandus viderer, effecerit. Nihil est quod à te mandari mihi aut majus aut gratius, nihil quod honestius à me suscipi possit, quam ut eligam juvenem ex quo nasci nepotes Aruleno Rustico deceat. Qui quidem diu querendus fuisset, nisi paratus & quasi provisus esset Minutius ¹⁹ Acilianus: qui me ut juvenis juvenem (est enim minor pauculis annis) familiarissime diligit, reveretur ut senem. Nam ita à me formari & institui cupit, ut ego à vobis solebam. Patria est ei Brixia, ex illa nostra Italia, quæ multum adhuc verecundiz, frugalitatis, atque etiam rusticitatis antiquæ retinet ac servat. Pater Minutius Macrinus, equestris ordinis princeps, quia nihil altius voluit: affectus à Divo Vespasiano inter prætorios, honestam quietem huic nostræ, ambitioni dicam an dignitati? constantissime prætulit. Habet aviam mater-

maternam Serranam Proculam, è municipio Patavino. Nosti loci mores. Serrana tamen Patavinis quoque severitatis exemplum est. Contigit & avunculus ei P. Acilius, gravitate, prudentia, fide prope singulari. In summa, nihil erit in domo rota quod non tibi tanquam in tua placeat. Aciliano vero ipsi plurimum vigoris & industriæ, quanquam in maxima verecundia. Quæsturam, tribunatum, præturam honestissime percurrit, ac jam pro se tibi necessitatem ambiendi remisit. Est illi facies liberalis, multo sanguine, multo rubore suffusa: est ingenua totius corporis pulchritudo, & quidam senatorius decor. Quæ ego nequaquam arbitror negligenda. debet enim hoc castitati puellarum quasi præmium dari. Nescio an adjiciam, esse patri ejus amplas facultates. Nam quum imaginor vos, quibus quærimus generum, silendum de facultatibus puto: quum publicos mores atque etiam leges civitatis intueor, quæ vel inprimis census hominum spectandos arbitrantur, ne id quidem prætereundum videtur. Et sane de posteris, & his pluribus, cogitanti, hic quoque in conditionibus deligendis ponendus est calculus. Tu fortasse me putes indulgisse amoris meo, supraque ista quam res patitur sustulisse: at ego fide mea spondeo, futurum ut omnia longe ampliora quam à me prædicantur, invenias. Diligo quidem adolescentem ardentissime, sicut meretur: sed hoc ipsum amantis est, non onerare eum laudibus. Vale.

XV. PLIN. SEPTITIO CLARO

s v o S.

HEus tu, promittis ad cœnam, nec venis. dicitur jus, ad affem impendium reddes, nec id modic.

modicum : Paratæ erant lactucæ singulæ, cochleæ ternæ, ova bina, alica cum mulso & 2^o nive. (nam hanc quoque computabis, immo hanc in primis quæ perit in ferculo.) olivæ Baticæ, cucurbitæ, bulbi, alia mille non minus lauta. Audisses comedum, vel lectorem, vel lyristen, vel (quæ mea liberalitas) omnes. At tu apud nescio quem, ostrea, vulvas, echinos, Gaditana maluisti. Dabis pœnas, non dico quas. Dure fecisti; invidisti, nescio an tibi, certe mihi, sed tamen & tibi. Quantum nos lussissemus, risissemus, studuissemus! Potes apparatius cœnare apud multos: nusquam hilarius, simplicius, incautius. In summa, experire. Et nî postea te aliis potius excusaveris, mihi semper excusa. Vale.

XVI. C. PLINIVS EVRICIO.

s. v. o. S:

A Mabam Pompeium Saturninum, hunc dico nostrum: laudabamque ejus ingenium, etiam antequam scirem quam varium, quam flexibile, quam multiplex esset: nunc vero totum me tenet, habet, possidetque. Audiui causas agentem acriter & ardentem, nec minus polite & ornate: sive meditata sive subita proferret. Adsunt aptæ crebræque sententiæ, gravis & decora constructio, sonantia verba & antiqua. Omnia hæc mire placent, cum impetu quodam & fulmine prævehuntur: placent si retractentur. Senties quod ego; quum orationes ejus in manus sumpseris; quas facile cuilibet veterum, quorum est æmulus, comparabis. Idem tamen in historia [tibi] magis satisfaciet vel brevitate, vel luce, vel suavitate, vel splendore etiam & sublimitate narrandi. Nam in concionibus 1^a eadem quæ in orationibus vis est:

est: pressior tamen, & circumscriptior, & adductior. Præterea facit versus quales Catullus [meus] aut Calvus. quantum illis leporis, dulcedinis, amantitudinis, amoris! Inserit sane, sed data opera, molliusculos leniusculosque, duriusculos quosdam: & hoc, quasi Catullus [meus] aut Calvus. Legit mihi nuper epistolas, quas uxoris esse dicebat. Plautum vel Terentium metro solutum legi credidi; quæ sive uxoris sunt, ut affirmat, sive ipsius, ut negat, pari gloria dignus est, qui aut illa componat, aut uxorem, quam virginem accepit, tam doctam politamque reddiderit. Est ergo mecum per diem totum: eundem antequam scribam, eundem quum scripsi, eundem etiam quum remittor, non tanquam eundem, lego. Quod te quoque ut facias & hortor & moneo. Neque enim debet operibus ejus obesse quod vivit. An si inter eos quos nunquam vidimus, florisset, non solum libros ejus, verum etiam imagines conquireremus, ejusdem nunc honor præsentis & gratia quasi satietate languescet? At hoc pravum malignumque est, non admirari hominem admiratione dignissimum, quia videre, alloqui, audire, complecti, nec laudare tantum, verum etiam amare contingit. Vale.

XVII. C. PLINIVS CORN.

TITIANO SVO S.

EST adhuc curæ hominibus fides & officium: sunt qui defunctorum quoque amicos agant. Titinius Capito ab imperatore nostro impetravit, ut sibi liceret statuam L. Syllani in foro ponere. Pulchrum & magna laude dignum, amicitia principis in hoc uti, quantumque gratia valeas, aliorum honoribus experiri. Est omnino Capitoni in
usu

usu claros viros colere. Mirum est qua religione, quo studio imagines Brutorum, Cassiorum, Catonum, domi, ubi potest, habeat. Idem clarissimi cujusque vitam egregiis carminibus exornat. Scias ipsum plurimis virtutibus abundare, qui alienas sic amat. Redditus est L. Syllano debitus honor, cuius immortalitati Capito prospexit pariter & suæ, neque enim magis decorum & insigne est, statuam in foro populi Romani habere, quam ponere. Vale.

XVIII. C. PLINIVS SVETONIO

TRANQVILLO SVO S.

Scribis te perterritum somnio, vereri ne quid adversi in actione patiaris: rogas ut dilationem petam, & pauculos dies. Certe proximum excusum difficile est: sed experiar.

— ὃ γὰρ τ' ἐνὰ ἐν Διὶς ἔστιν.

Refert tamen, eventura soleas, an contraria somniare. Mihi reputanti somnium meum, istud quod times tu, egregiam actionem portendere videtur. Suscepëram causam Iulii Pastoris, quum mihi quiescenti visa est socrus mea advolta genibus, ne agerem, obsecrare. Et eram acturus adolescentulus adhuc: eram in quadruplici iudicio: eram contra potentissimos civitatis, atque etiam Cæsaris amicos: quæ singula excutere mentem mihi post tam triste somnium poterant. Egi tamen, λογισάμενος illud,

Εἰς οἰωνὸς ἄριστος ἀμυνάσθαι πρὸς πατέρα.

Nam mihi patria (& si quid carius patria) fides videbatur. Prospere cessit: atque adeo illa actio mihi aures hominum, illa januam famæ patefecit. Proinde dispice, an tu quoque sub hoc exemplo somnium istud in bonum veritas: aut, si tutius putas,

putas, illud cautissimi cujusque præceptum. Quod dubitas ne feceris, id ipsum rescribe. Ego aliquam stropham inveniam : agamque causam tuam , ut ipsam agere, quum tu voles, possis. Est enim sane alia ratio tua , alia mea fuit. Nam judicium centumvirale differri nullo modo, istud ægre quidem, sed tamen potest. Vale.

XIX. C. PLIN. ROMANO FIR-
M O S V O S.

MVniceps tuus, & condiscipulus, & ab ineunte ætate contubernalis : pater tuus & matri & avunculo meo , mihi etiam , quantum ætatis diversitas passa est, familiaris: magnæ & graves causæ cur suscipere & augere dignitatem tuam debeam. Esse autem tibi centum millium census satis indicat quod apud nos decurio es. Igitur, ut te non decurione solum, verum etiam equite Romano perfruamur, offero tibi ad implendas equestres facultates ccc millia nummum. Te memorem hujus muneris amicitia nostræ diuturnitas spondet. Ego ne illud quidem admoneo , quod admonere deberem , nisi te scirem sponte facturum , ut dignitate à me data quam modestissime , ut à me data utare. Nam sollicitius custodiendus est honor , in quo etiam beneficium amici tuendum est. Vale.

XX. PLIN. COR. TACITO
S V O S.

FRequens mihi disputatio est cum quodam docto homine & perito , cui nihil æque in causis agendis ut brevis placet. Quam ego custodiendam esse confiteor, si causa permittat, alioqui prævaricatio est, transire dicenda, prævaricatio etiam, cursim & breviter attingere quæ sint inculcanda,
infi-

infigenda, repetenda. Nam plerisque longiore tractu vis quædam & pondus accedit. Utque corpori ferrum, sic oratio animo non ictu magis quam mora imprimitur. Hic ille mecum auctoritatibus agit: ac mihi ex Græcis orationes Lyfiæ ostentat: ex nostris Gracchorum Catonisque, quorum sane plurimæ sunt circumcisæ & breves: ego Lyfiæ Demosthenem, Æschinem, Hyperidem, multosque præterea; Gracchis, & Catoni, Pollionem, Cæsarem, Cælium, in primis Marcum Tullium, oppono, cujus oratio optima fertur esse quæ maxima. Et hercule, ut aliæ bonæ res, ita bonus liber melior est quisque quo major. Vides ut statuas, signa, picturas, hominum denique multorumque animalium formas, arborum etiam, si modo sint decoræ, nihil magis quam amplitudo commendet: idem orationibus evenit: quin etiam voluminibus ipsis auctoritatem quandam & pulchritudinem adjicit magnitudo. Hæc ille, multa que alia, quæ à me in eandem sententiam solent dici, ut est in disputando incomprehensibilis & lubricus, ita eludit ut contendat, hos ipsos, quorum orationibus nitar, pauciora dixisse quam ediderint. Ego contra puto. Testes sunt multæ multorum orationes, & Ciceronis pro Muræna, pro Vareno: in quibus brevis & nuda quasi subscriptio quorundam criminum solis titulis indicatur. Ex his apparet, illum permulta dixisse: quum ederet, omisisse. Idem pro Cluentio ait, se totam causam veteri instituto solum perorasse, & pro Cornelio quadriduo egisse: ne dubitare possimus, quæ per plures dies, ut necesse erat, latius²² dixerit, postea recisa ac purgata, in unum librum, grandem quidem, unum tamen, coarctasse. At aliud est actio bona, aliud oratio. Scio nonnullis ita videri, sed

sed ego (forsitan fallar) persuasum habeo, posse fieri ut sit ²³ actio bona, quæ non sit bona oratio. Est enim oratio actionis exemplar, & quasi ἀρχέ-
τυπον. Ideo in optima quaque mille figuras ex-
temporales invenimus: in his etiam, quas tantum
editas scimus, ut in Verrem, Artificem quemnam?
recte admones. Polycleterum esse dicebant. Sequi-
tur ergo ut actio sit absolutissima, quæ maxime
orationis similitudinem expresserit, si modo ju-
stum & debitum tempus accipiat: quod si nege-
tur, nulla orationis, maxima judicis culpa est. Ad-
sunt huic opinioni meæ leges, quæ longissima
tempora largiuntur, nec brevitatem dicentibus,
sed copiam, hoc est, diligentiam, suadent: quam
præstare nisi in angustissimis causis non potest
brevitas. Adjiciam quod me docuit usus, magister
egregius; frequenter egi, frequenter judicavi, fre-
quenter in consilio fui. Aliud alios movet; ac
plerunque parvæ res maximas trahunt. Varia
sunt hominum judicia, variæ voluntates: inde qui
eandem causam simul audierunt, sæpe diversum,
interdum idem, sed ex diversis animi motibus
sentiunt. Præterea suæ quisque inventioni favet,
& quasi fortissimum complectitur, quum ab alio
dictum est quod ipse prævidit. Omnibus ergo dan-
dum est aliquid quod teneant, quod agnoscant.
Dixit aliquando mihi Regulus, quum simul ad-
essemus, Tu omnia quæ sunt in causa, putas exe-
quenda: ego jugulum statim video, hunc premo
(premit sane quod eligit, sed in eligendo frequen-
ter errat.) Respondi, posse fieri ut genu esset, aut
tibia, aut talus, ubi ille jugulum putaret. At ego
(inquam) qui jugulum perspicere non possum,
omnia pertento, omnia experior, πάντα denique
ἀφ' ὧν κινῶ. Utque in agricultura non vineas tan-
tum,

tum, verum etiam arbuſta, nec arbuſta tantum, verum etiam campos curo & exerceo : utque in ipſis campis non far aut ſiliginem ſolam, ſed ordeum, fabam, ceteraque legumina ſero : ſic in actione plura quaſi ſemina latius ſpargo, ut quæ provenerint colligam. Neque enim minus imperſpicua, incerta fallaciaque ſunt iudicum ingenia, quam tempeſtatum terrarumque. Nec me præterit, ſummum oratorem Periclem ſic à comico Eupolide laudari,

— πρὸς δὲ γ' αὖ πέτρε τάχ' ἢ

Πειθῶ τις ἐπεκφθίη τοῖσι χεῖλαις.

Οὕτως ἐκλήθη, καὶ μόνον τῶν ῥητόρων

τὸ κέντρον ἐγκατέλιπε τοῖς ἀκρωτηρίοις.

Verum huic ipſi Pericli nec illa πειθῶ, nec illud ἐκλήθη brevitate, vel velocitate, vel utraque (differunt enim) ſine facultate ſumma contigiffet. nam delectare, perſuadere, copiam dicendi ſpatiumque deſiderant : relinquere verò aculeum in audientium animis is demum poteſt qui non pungit, ſed inſigit. Adde quæ æque de eodem Pericle comicus alter,

Ἡ σφαπὶ ἐβρόντα, ξωικύνχε τλὴν Ελλάδα.

Non enim amputata oratio & abſciſſa, ſed lata, & magnifica, & excelsa tonat, fulgurat, omnia denique perturbat ac miſcet. Optimus tamen modus eſt : quis negat ? ſed non minus non ſervat modum qui infra rem quam qui ſupra : qui adſtrictius quam qui effuſius dicit. Itaque audis frequenter, ut illud immodice & redundanter, ita hoc jejune & infirme. Alius exceſſiſſe materiam, alius dicitur non impleſſe. æque uterque : ſed ille imbecillitate, hic viribus peccat. quod certe etſi non limatioris, majoris tamen ingenii ²⁴ indicium eſt. Nec vero quum hæc di-

co, illum Homericum ἀμετροπῆ probō, sed hunc,

Καὶ ἔπειτα νικάδωσιν ἰοικόντα χειμερίοισιν
 non quia non & ille mihi validissime placeat,
 παῦρα μὲν, ἀλλὰ μάλα λιγύως. Si tamen detur ele-
 ctio, illam orationem similem nivibus hybernis,
 id est, crebram, assiduam & largam, postremo di-
 vinam & cælestem, volo. At est gravior multis
 actio brevis. Est [quidem] sed inertibus, quo-
 rum delicias desidiāque, quasi iudicium, re-
 spicere ridiculum est. Nam si hos in consilio ha-
 beas, non solum satius est breviter [dicere] sed
 omnino non dicere. Hæc est adhuc sententia
 mea, quam mutabo, si dissenseris tu. sed plane cur
 dissentias, explices rogo. Quamvis enim cedere
 auctoritati tuæ debeam, rectius tamen arbitror in
 tanta re, ratione quam auctoritate superari. Pro-
 inde, si non errare videor, id ipsum quam voles
 brevi epistola, sed tamen scribe. (confirmabis
 enim iudicium meum) si vero, longissimam pa-
 ra. Num corrumpe te, qui tibi, si mihi accederes,
 brevis epistolæ necessitatem: si dissentires, lon-
 gissimæ, imposui? Vale.

XXI. C. PLINIVS PLINIO
 PATERNO SVO S.

VT animi tui iudicio, sic oculorum plurimum
 tribuo: non quia multum (ne tibi placeas)
 sed quia tantum quantum ego, sapis: quanquam
 hoc quoque multum est. Omissis jocis, credo de-
 centes esse servos qui sunt empti mihi ex consilio
 tuo: superest ut frugi sint: quod de venalibus,
 melius auribus quam oculis iudicatur. Vale.

XXII. C. PLINIVS CATILIO

SEVERO SVO S.

Du jam in urbe hæreo, & quidem attonitus. Perturbat me longa & pertinax valetudo Titi Aristonis, quem singulariter & miror & diligo. nihil est enim illo gravius, sanctius, doctius: ut mihi non unus homo, sed literæ ipsæ omnesque bonæ artes in uno homine summum periculum adire videantur. Quam peritus ille & privati juris & publici? quantum rerum, quantum exemplorum, quantum antiquitatis tenet? nihil est quod discere velis, quod ille docere non possit. mihi certe, quoties aliquid abditum quæro, ille thesaurus est. Iam quanta sermonibus ejus fides? quanta auctoritas? quam pressa & decora cunctatio? quid est quod non statim sciat? & tamen plerunque hæsitat: dubitat, diversitate rationum: quas acri magnoque judicio ab origine causisque primis repetit, discernit, expendit. Ad hæc quam parcus in victu? quam modicus in cultu? Soleo ipsum, cubiculum ejus, ipsumque lectum, ut imaginem quandam priscae frugalitatis, aspicere. Ornat hæc magnitudo animi, quæ nihil ad ostentationem, omnia ad conscientiam refert: recteque facti, non ex populi sermone mercedem, sed ex facto petit. In summa, non facile quis quenquam ex istis qui sapientiæ studium habitu corporis præ se ferunt, huic viro compararit. Non quidem gymnasia sectatur aut porticus, nec disputationibus longis aliorum otium suumque delectat: sed in toga negotiisque versatur: multos advocatione, plures consilio juvat. Nemini tamen istorum castitate, pietate, justitia, fortitudine, etiam primo loco cesserit. Mirareris, si interesses, qua patientia hanc

ipsam valetudinem toleret, ut dolori resistat, ut sitim differat, ~ut incredibilem februm ardorem immotus opertusq; transmittat. Nuper me paucosque mecum, quos maxime diligit, advocavit : rogavitque ut medicos consuleremus de summa valetudinis, ut, si esset insuperabilis, sponte exiret è vita : sin tantum difficilis & longa, resisteret maneretque. Dandum enim precibus uxoris, dandum filiae lacrymis, dandum etiam nobis amicis, ne spes nostras, si modo non essent inanes, voluntaria morte defereret. Id ego arduum in primis & præcipua laude dignum puto. nam impetu quodam & instinctu procurrere ad mortem, commune cum multis : deliberare vero, & causas ejus expendere, utque suaserit ratio, vitæ mortisque consilium suscipere vel ponere, ingentis est animi. Et medici quidem secunda nobis pollicentur : superest ut promissis deus adnuat, tandemque me hac solitudine exolvat. qua liberatus, Laurentinum meum, hoc est libellos & pugillares, studiosumque otium reperam. Nunc enim nihil legere, nihil scribere aut assidenti vacat, aut anxio libet. Habes quid timeam, quid optem, quid etiam in posterum destinem : tu quid egeris, quid agas, quid velis agere, invicem nobis, sed lætioribus epistolis, scribe. Erit confusio meæ, non mediocri solatium si tu nihil quereris. Vale.

XXIII. C. PLINIVS POMPEIO

FALCONI SVO S.

Consulis an existimem te in tribunatu causas agere debere. Plurimum refert quid esse tribunatum putes : inanem umbram, & sine honore nomen, an potestatem sacrosanctam, & quam in ordinem cogi ut à nullo, ita ne à se quidem de-
ceat.

ceat. Ipse quum tribunus essem, erraverim for-
 rasse, qui me esse aliquid putavi, sed tanquam
 essem, abstinui causis agendis: primum, quod de-
 forme arbitrabar, cui assurgere, cui loco cedere
 omnes oporteret, hunc omnibus sedentibus stare:
 & qui jubere posset tacere quemcunque, huic si-
 lentium clepsydra indici: & quem interfari nefas
 esset, hunc etiam convitia audire: & si inulta pa-
 teretur, inertem: si ulcisceretur, insolentem videri.
 Erat hic quoque æstus ante oculos, si forte me
 appellasset vel ille cui adessem, vel ille quem con-
 tra intercederem, & auxilium ferrem, an quiesce-
 rem sileremque, & quasi ejurato magistratu priva-
 tum ipse me facerem. His rationibus motus, ma-
 lui me tribunum omnibus exhibere quam paucis
 advocatum. Sed tu (iterum dicam) plurimum in-
 terest quid esse tribunatum putes: quam personam
 tibi imponas, quæ sapienti viro ita aptanda est ut
 2^a perferatur. Vale.

XXIV. C. PLINIVS BEBIO

HISPANO SVO S.

TRanquillus, contubernalis meus, vult emere
 agellum quem venditare amicus tuus dicitur.
 Rogo cures quanti æquum est emat. ita enim de-
 lectabit emissæ. nam mala emptio semper ingrata
 est, eo maxime quod exprobrare stultitiam domi-
 no videtur. In hoc autem agello (si modo arri-
 serit pretium) Tranquilli mei stomachum mul-
 ta sollicitant, vicinitas urbis, opportunitas viæ,
 mediocritas villæ, modus ruris, qui avocet magis
 quam distringat. Scholasticis porro ¹⁶ studiosis, ut
 hic est, sufficit abunde tantum foli, ut relevare ca-
 put, reficere oculos, reptare per limitem, unamque
 semitam terere, omnesque viticulas suas nosse &c

30 C. PLIN. EPISTOLAR.
numerare arbusculas possint. Hæc tibi exposui,
quo magis scires, quantum ille esset mihi, quan-
tum ego tibi debiturus, si prædiolum istud quod
commendatur his dotibus, tam salubriter emerit,
pœnitentiæ locum non relinquat. Vale.

LIBER II.

I. C. PLINIVS [VOCONIO]
ROMANO SVO S.

POST aliquot annos insigne, atque
etiam memorabile populi Romani
oculis spectaculum exhibuit publi-
cum funus Virginii Rufi, maximi &
clarissimi civis, & perinde felicitis.
Triginta annis gloriæ suæ supervixit. Legit scri-
pta de se carmina, legit historias, & posteritati suæ
interfuit. perfunctus est tertio consulatu, ut sum-
mum fastigium privati hominis impleret, quum
principis noluisset. Cæsares, quibus suspectus, at-
que etiam invisus virtutibus fuerat, evasit. reliquit
incolumem optimum atque amicissimum, tan-
quam ad hunc ipsum honorem publici funeris
reservatus. Annum tertium & octogesimum ex-
cessit in altissima tranquillitate, pari veneratione.
Vsus est firma valetudine: nisi quod solebant ma-
nus tremere, citra dolorem tamen: aditus tan-
tum mortis durior longiorque, sed hic ipse lauda-
bilis. Nam quum vocem præpararet, acturus in
consulatu principi gratias, liber, quem forte acce-
perat grandiore, & seni & stanti ipso pondere
elapsus est. Hunc dum consequitur colligitque,
per leve & lubricum pavementum fallente vesti-
gio cecidit: coxamque fregit, quæ parum apte collo-

collocata, reluctante ætate, male coiiit. Hujus viri exequiæ magnum ornamentum principi, magnum seculo, magnum etiam foro & rostris attulerunt. Laudatus est à consule Cornelio Tacito. nam hic supremus felicitati ejus cumulus accessit, laudator eloquentissimus. Et ille quidem plenus armis abiit, plenus honoribus, illis etiam quos recusavit. Nobis tamen quærendus ac desiderandus est, ut exemplar ævi prioris: mihi vero præcipue, qui illum non solum publice, sed etiam privatim quantum admirabar, tantum diligebam. primum quod utrique eadem regio, municipia finitima, agri etiam possessionesque conjunctæ. præterea quod ille tutor mihi relictus, affectum parentis exhibuit. Sic candidatum me suffragio oravit, sic ad omnes honores meos ex secessibus accurrit, quum jampridem ejusmodi officiis renuntiasset: sic illo die quo sacerdotes solent nominare quos dignissimos sacerdotio judicant, me semper nominabat. Quinetiam in hac novissima valetudine veritus ne forte inter quinqueviros crearetur, qui minuendis publicis sumptibus judicio senatus constituebantur, quum illi tot amicti senes consularesque superessent, me hujus ætatis per quem excusaretur, elegit, his quidem verbis. Etiam si filium haberem, tibi mandarem. Quibus ex causis necesse est tanquam immaturam mortem ejus in sinu tuo defleam: si tamen fas est aut flere, aut omnino mortem vocare, qua tanti viri mortalitas magis finita quam vita est. Vivit enim, vivetq; semper, atq; etiam latius in memoria hominum & sermone versabitur, postquam ab oculis recessit. Volui tibi multa alia scribere, sed totus animus in hac una contemplatione defixus est. Virginium cogito, Virginium video, Virginiū jam

vanis imaginibus, recentibus tamen, audio, alloquor, teneo : cui fortasse cives aliquos virtutibus pares & habemus & habebimus : gloria neminem. Vale.

II. C. PLINIVS PAVLINO

s v o S.

Iraſcor: nec liquet mihi an debeam, ſed iraſcor. Scis quam ſit amor iniquus interdum, impoſers ſæpe, *μικραῖτις* ſemper. Hæc tamen cauſa magna eſt, nescio an juſta : ſed ego tanquam non minus juſta quam magna ſit, graviter iraſcor quod à te tamdiu literæ nullæ. Exorare me poteſ uno modo, ſi nunc ſaltem plurimas & longiſſimas miſeris. Hæc mihi ſola excuſatio vera, ceteræ falſæ videbuntur. Non ſum auditurus, Non eram Romæ, vel, Occupator eram. illud enim nec dii ſinant, ut, Infirmior. Ipſe ad villam partim ſtudiis, partim deſidia fruor : quorum utrumque ex otio naſcitur. Vale.

III. C. PLINIVS NEPOTI

s v o S.

Magna Iſæum fama præceſſerat, major inventus eſt. Summa eſt facultas, copia, ubertas. dicit ſemper ex tempore, ſed tanquam diu ſcripſerit. ſermo Græcus, immo Atticus. præſationes terſæ, graciles, dulces; graves interdum & erectæ. Poſcit controverſias plures, electionem auditoribus permittit, ſæpe etiam partes : ſurgit, amicitur, incipit. ſtatim omnia, ac pene pariter, ad manum. ſenſus reconditi, occuſant verba: ſed qualia? quæſita & exculpta. multa lectio in ſubitis, multa ſcriptio elucet. Procœmiatur apte; narrat aperte, pugnat acriter, colligit fortiter, ornat excelleſe : poſtremo docet, delectat, afficit, (quod maxime dubites) crebra

bra ἀριθμημάτων [καὶ νοήματα] syllogismi circumscripti & effecti : quod stylo quoque assequi magnum est. Incredibilis memoria: repetit altius quæ dixit ex tempore, ne verbo quidem labitur. ad tantam εἰς studio & exercitatione pervenit. nam diebus & noctibus nihil aliud agit, nihil audit, nihil loquitur. Annum sexagesimum excessit, & adhuc scholasticus tantum est. quo genere hominum nihil aut simplicius, aut sincerius, aut melius nos enim qui in foro verisq; litibus ³ terimur, multum malitiæ, quamvis nolumus, addiscimus. Schola & auditorium, ut ficta causa, ita res inermis, innoxia est. nec minus felix, senibus præfertim. Nam quid in senectute felicius quam quod dulcissimum est in juvenia? Quare ego Isæum non disertissimum tantum, verum etiam beatissimum judico, quem tu nisi cognoscere concupiscis, saxeus, ferreusque es. Proinde si non ob alia, nosque ipsos, at certe ut hunc audias veni. Nunquamne legisti, Gaditanum quendam, Titi Livii nomine gloriaque commotum, ad visendum eum ab ultimo terrarum orbe venisse, statimque ut viderat, abiisse? ἀγράμματον, illiteratum, iners, ac pene etiam turpe est, non putare tanti cognitionem, qua nulla est jucundior, nulla pulchrior, nulla denique humanior. Dices, Habeo hic quos legam, non minus disertos. Etiam: sed legendi semper occasio est, audiendi non semper. præterea multo magis, ut vulgo dicitur, viva vox afficit. Nam licet acriora sint quæ legas, altius tamen in animo sedent quæ pronuntiatio, vultus, habitus, gestus etiam dicentis affigit. Nisi vero falsum putamus illud Æschinis: qui quum legisset Rhodii orationem Demosthenis, admirantibus cunctis: adjecisse fertur, τί ὃ εἰ αὐτὸ ἢ διγίαι [τὸ αὐτὸ

αὐτῇ ῥήματα βραῦν[ι] ἀκησίειτε; & erat Æschines, si Demostheni credimus, ⁴ μεγαλοφωνότα[ι]: fatebatur tamen longe melius eadem illa pronuntiassē ipsum qui pepererat. Quæ omnia huc tendunt ut audias Isæum: ved ideo tantum, ut audieris. Vale.

IV. C. PLINIVS CALVINÆ S.

SI pluribus pater tuus vel unicuilibet alii plus quam mihi debuisset, fuisset fortasse dubitandum an adires hereditatem etiam viro gravem: quum vero ego adductus affinitatis officio, dimissis omnibus qui, non dico molestiores, sed diligentiores erant, creditor solus extiterim: quumque vivente eo nubenti tibi in dotem centum millia contulerim, præter eam summam quam pater tuus quasi de meo dixit (erat enim solvenda de meo) magnum habes facilitatis meæ pignus: cujus fiducia debes famam defuncti pudoremque suscipere; ad quod ne te verbis magis quam rebus horter, quicquid mihi pater tuus debuit, acceptum tibi ferri jubeo. Nec est quod verearis ne sit mihi ista onerosa donatio. sunt quidem omnino nobis modicæ facultates, dignitas sumptuosa, redditus, propter conditionem agellorum, nescio minor an incertior: sed quod cessat ex redditu, frugalitate suppletur: ex qua velut è fonte, liberalitas nostra decurrit. quæ tamen ita temperanda est, ne nimia profusione inarescat: sed temperanda in aliis, in te vero facile ratio constabit, etiamsi modum excefferit. Vale.

V. C. PLINIVS LVPERCO

svo S.

ACTIONEM & à te frequenter efflagitatam, & à me sæpe promissam exhibui tibi, non tamen totam. adhuc enim pars ejus perpolitur. Interim quæ absolutiora mihi videbantur, non fuit alienum judicio tuo tradi. His tu, rogo, intentionem scribentis accommodes. nihil enim adhuc inter manus habui, cui majorem sollicitudinem præstare deberem. Nam in ceteris actionibus existimationi hominum diligentia tantum & fides nostra, in hac etiam pietas subjicietur. Inde & libet crevit, dum ornare patriam & amplificare gaudemus, pariterque & defensionis ejus deservimus & gloriæ. Tu tamen hæc ipsa, quantum ratio exegerit, refeca. Quoties enim ad fastidium legentium deliciasque respicio, intelligo nobis commendationem [etiam] ex ipsa mediocritate libri petendam. Idem tamen qui à te hanc austeritatem exigo, cogor id quod diversum est, postulare, ut in plerisque frontem remittas. Sunt enim quædam adolescentium auribus danda, præsertim si materia non refragetur. nam descriptiones locorum quæ in hoc libro frequentiores erunt, non historice tantum, sed prope poetice prosequi fas est. Quod tamen si quis extiterit qui putet nos lautius fecisse quam orationis severitas exigit: hujus (ut ita dixerim) tristitiam reliquæ partes actionis exorare debebunt. Adnixi certe sumus ut quamlibet diversa genera lectorum per plures dicendi species teneremus. Ac sicut veremur ne quibusdam pars aliqua secundum suam cujusque naturam non probetur: ita videmur posse confidere ut universitatem omnibus varietas ipsa commendet. nam

B. 6.

& in

& in ratione conviviorum, quamvis à plerisque cibis singuli temperemus, totam tamen cœnam laudare omnes solemus: nec ea quæ stomachus noster recusat, adimunt gratiam illis à quibus capitur. Atque hæc ego sic accipi volo, non tanquam assequutum esse me credam, sed tanquam assequi laboraverim. fortasse non frustra, si modo [tu] curam tuam admoveris, interim istis, mox iis quæ sequuntur. Dices, te non posse satis diligenter id facere, nisi prius totam actionem cognoveris. Fateor: in præsentia tamen & ista tibi familiariora fient, & quædam ex his talia erunt ut per partes emendari possint. Etenim si avulsum statuæ caput aut membrum aliquod inspiceres, non tu quidem ex illo posses congruentiam æqualitatemque deprehendere, posses tamen judicare an id ipsum satis elegans esset. Nec alia ex causa principia librorum circumferuntur, quam quia existimatur pars aliqua etiam sine ceteris esse perfecta. Longius me provexit dulcedo quædam tecum loquendi: sed jam finem faciam, ne modum, quem etiam orationi adhibendum puto, in epistola excedam. Vale.

VI. C. PLINIVS AVITO

s v o S.

Longum est altius repetere, nec refert, quemadmodum acciderit ut homo minime familiaris cœnarem apud quendam, ut sibi videbatur, lautum & diligentem: ut mihi, sordidum simul & sumptuosum. nam sibi & paucis opima quædam, ceteris, vilia & minuta ponebat. vinum etiam parvulis lagunculis in tria genera descripserat, non ut potestas eligendi, sed ne jus esset recusandi. & aliud sibi & nobis, aliud minoribus amicis (nam
grada-

gradatim amicos habet) aliud suis nostrisque libertis. Animadvertit qui mihi proximus recumbebat, & an probarem interrogavit. Negavi. Tu ergo, inquit, quam consuetudinem sequeris? Eadem omnibus pono. Ad cœnam enim, non ad notam, invito: cunctisque rebus exæquo quos mensa & toro æquavi. Etiamne libertos? Etiam. Convictores enim tunc, non libertos, puto. Et ille, Magno tibi constat. Minime. Qui fieri potest? Potest. quia scilicet liberti mei non idem quod ego bibunt, sed idem ego quod liberti. Et hercule, si gulæ temperes, non est onerosum, quo utaris ipse, communicare cum pluribus. Illa ergo reprimenda, illa quasi in ordinem redigenda est, si sumptibus parcas, quibus aliquanto rectius tua continentia quam aliena contumelia consulas. Quorsum hæc? Ne tibi optimæ indolis juveni quorundam immensa luxuria specie frugalitatis imponat. Convenit autem amori in te meo, quoties tale aliquid inciderit, sub exemplo præmonere quid debeas fugere. Igitur memento, nihil magis esse vitandum quam istam luxuriæ & sordium novam societatem: quæ cum sint turpissima discreta ac separata, turpius junguntur. Vale.

VII. C. PLINIVS MACRINO.

S V O S.

Heri à Senatu Vestricio Spurrinæ, principe auctore, triumphalis statua decreta est: non ita ut multis qui nunquam in acie steterunt, nunquam castra viderunt, nunquam denique tubarum sonum, nisi in spectaculis, audierunt: verum ut illis qui decus istud sudore & sanguine & factis assequebantur. Nam Spurrinna Bructerum regem vi & armis induxit in regnum; ostentatoque bel-

lo, ferocissimam gentem (quod est pulcherrimum victoriæ genus) terrore perdomuit. & hoc quidem virtutis præmium, illud solatium doloris accepit, quod filio ejus Cottio, quem amisit absens, habitus est honor statuæ. Rarum id in juvene: sed pater hoc quoque merebatur, cujus gravissimo vulnere magno aliquo fomento medendum fuit. Præterea Cottius ipse tam clarum specimen indolis dederat, ut vita ejus brevis & angusta debuerit hac veluti immortalitate proferri. Nam tanta ei sanctitas, gravitas, auctoritas etiam, ut posset senes illos provocare virtute, quibus nunc honore adæquatus est. Quo quidem honore, quantum ego interpretor, non modo defuncti memoriæ & dolori patris, verum etiam exemplo prospectum est. acuent ad bonas artes juventutem adolescentibus quoque (digni sint modo) tanta præmia constituta: acuent principes viros ad liberos suscipiendos, & gaudia ex superstitibus, & ex amissis tam gloriosa solatia. His ex causis statua Cottii publice lætor, nec privatum minus. Amavi consummatissimum juvenem tam ardentem, quam nunc impatienter requiro. Erit ergo pergratum mihi hanc effigiem ejus subinde intueri, subinde respicere, sub hac consistere, præter hanc commeare. Etenim si defunctorum imagines domi positæ dolorem nostrum levant, quanto magis eæ quibus in celeberrimo loco non modo species & vultus illorum, sed honor etiam & gloria refertur? Vale.

VIII. C. PLINIVS CANINIO

S V O S.

STudes? an piscaris? an venaris? an simul omnia? possunt enim omnia simul fieri ad Larium nostrum. nam lacus piscem, feras silvæ, quibus:

bus lacus cingitur, studia altissimus iste secessus affatim suggerunt. Sed siue omnia simul, siue aliquid facias, non possum dicere, invideo: angor tamen non & mihi licere quæ sic concupisco ut ægri vinum, balinea, fontes. Nunquamne hos arctissimos laqueos, si solvere negatur, abrumpam? Nunquam, puto: nam veteribus negotiis nova accrescunt, nec tamen priora peraguntur: tot nexibus, tot quasi catenis majus in dies occupationum agmen extenditur. Vale.

IX. C. PLINIVS APOLLINARI

s v o S.

ANxium me & inquietum habet petitio Sexti Euritii mei. afficior cura: & quam pro me sollicitudinem non adii, quasi pro me altero patior: & alioquin meus pudor, mea existimatio, mea dignitas in discrimen adducitur. Ego Sexto latum clavum à Cæsare nostro, ego quæsturam impetravi: meo suffragio pervenit ad jus tribunatus petendi, quem nisi obtinet in senatu, vereor ut decepisse Cæsarem videar. Proinde adnitendum est mihi ut talem eum judicent omnes, qualem esse princeps mihi credidit. Quæ causa si studium meum non incitaret, adjutum tamen cuperem juvenem probissimum, gravissimum, eruditissimum, omni denique laude dignissimum, & quidem cum tota domo. Nam pater ejus Euritius Clarus, vir sanctus, antiquus, disertus [atque] in agendis causis exercitatus, quas summa fide, pari constantia, nec verecundia minore defendit. Habet avunculum C. Septitium, quo nihil verius, nihil simplicius, nihil candidius, nihil fidelius novi. Omnes me certatim, & tamen æqualiter amant: omnibus nunc ego in uno referre gratiam possum.

sum. Itaque predo amicos, supplico, ambio domos, stationesque circumeo: quantumque vel auctoritate vel gratia valeam, precibus experior. Te quoque obsecro ut aliquam oneris mei partem suscipere tanti putes. Reddam vicem, si reposces: reddam & si non reposces. Diligeris, coleris, frequentaris: ostende modo velle te, nec deerunt qui quod tu velis, cupiant. Vale.

X. C. PLINIVS OCTAVIO

s v o S.

Hominem te patientem, vel potius durum ac pene crudelem, qui tam insignes libros tam diu teneas! Quousque & tibi & nobis invidabis? tibi, maximam laudem; nobis, voluptatem: Sine per ora hominum ferantur, iisdemque quibus lingua Romana spatiis pervagentur, magna etiam longaue expectatio est: quam frustrari adhuc & differre non debes. Enotuerunt quidam tui versus, & invito te claustra tua fregerunt: hos nisi retrahes in corpus quandoque, ut erroneos, aliquem cuius dicantur, invenient. Habe ante oculos mortalitatem: à qua asserere te hoc uno monumento potes. nam cetera, fragilia & caduca, non minusquam ipsi homines, occidunt desinuntque. Dices ut soles, Amici mei viderint. Opto equidem amicos tibi tam fideles, tam eruditos, tam laboriosos, ut tantum curæ intentionisque suscipere & possint & velint, sed dispice ne sit parum providum, sperare ex aliis quod tibi ipse non præstes. Et de editione quidem interim, ut voles: recita saltem, quo magis libeat emittere: utque tandem percipias gaudium quod ego olim pro te non temere præsumo. Imaginor enim qui concursus, quæ admiratio te, qui clamor, quod etiam
silens

silentium maneat. quo ego, quum dico vel recito, non minus quam clamore delector: sit modo silentium acre & intentum & cupidum ulteriora audiendi. Hoc fructu tanto, tam parato, desine studia tua infinita ista cunctatione fraudare: quæ quum modum excedit, verendum est ne inertiae & desidia vel etiam timiditatis nomen accipiat. Vale.

XI. C. PLINIVS ARRIANO

S V O S.

S Olet esse gaudio tibi si quid actum est in Senatu dignum ordine illo. Quamvis enim quietis amore secesseris, infidet tamen animo tuo majestatis publicæ cura. Accipe ergo quod per hos dies actum est, personæ claritate famosum, severitate exempli salubre, rei magnitudine æternum. Marius Priscus, accusantibus Afris, quibus⁶ proconsul præfuit, omissa defensione judices petit. Ego & Cornelius Tacitus adesse provincialibus jussi, existimavimus fidei nostræ convenire, notum Senatui facere, excessisse Priscum immanitate & scævitia crimina quibus dari judices possent: quum ob innocentes condemnandos, interficiendos etiam, pecunias accepisset. Respondit Fronto Cælius, deprecatusque est nequid ultra repetundarum legem quæreretur, omniaque actionis suæ vela vir movendarum lacrymarum peritissimus, quodam velut vento miserationis implevit. Magna contentio, magni utrinque clamores: aliis cognitionem Senatus lege conclusam, aliis liberam solutionemque dicentibus: quantumque admisisset reus, tantum vindicandum. Novissime consul designatus Iulius Ferox, vir rectus & sanctus, Mario quidem judices interim censuit dando: evocan-

candos autem quibus diceretur innocentium pœnas vendidisse. Quæ sententia non prævaluit modo, sed omnino post tantas dissensiones fuit sola frequens: adnotatumque [est] experimentis, quod favor & misericordia acres & vehementes primos impetus habent, paulatim consilio & ratione, quasi reſtincta, confidunt. Vnde evenit ut quod multi clamore permixto tuentur, nemo tacentibus ceteris dicere velit. patescit enim quum ſepararis à turba, contemplatio rerum quæ turba teguntur. Venerunt qui adesse erant jussi, ⁷ Vitellius Honoratus, & Flavius Martianus, ex quibus Honoratus trecentis millibus exilium equitis Romani septemque amicorum ejus ultimam pœnam: Martianus unius equitis Romani septingentis millibus plura supplicia arguebatur emiſſe. erat enim fustibus cæsus, damnatus in metallum, strangulatus in carcere. Sed Honoratum cognitioni ſenatus mors opportuna ſubtraxit: Martianus ⁸ introductus est absente Prisco. Itaque Tutius Cerealis conſularis jure ſenatorio poſtulavit ut Priscus certior fieret: ſive quia miſerabiliorem, ſive quia invidioſiorem fore arbitrabatur, ſi præſens fuiſſet: ſive (quod maxime credo) quia æquiſſimum erat commune crimen ab utroque deſendi: & ſi dilui non potuiſſet, in utroque puniri. Dilata res eſt in proximum ſenatum, cujus ipſe conſpectus auguſtiſſimus fuit. Princeps præſidebat (erat enim conſul) ad hoc Ianuarius menſis cum [propter] cetera, tum præcipue ſenatorum frequentia celeberrimus: præterea cauſæ amplitudo, auſtaque dilatione expectatio & fama, inſtitutumque mortalibus ſtudium magna & inuſitata noſcendi, omnes undique exciverat. Imaginare quæ ſolicitudo nobis, qui metus, quibus ſuper tanta re

ta re in illo cœtu, præfente Cæfare dicendum erat. Equidem in fenatu non femel egi : quinimo nufquam audiri benignius foleo : tunc me tamen , ut nova omnia novo metu permovebant. Obverfabatur præter illa quæ fupra dixi,caufæ difficultas: ftabat modo confularis , modo feptemvir epulonum , jam neutrum. Erat igitur perquam onerofum accusare damnatum: quem ut premebat atrocitas criminis , ita quafi peractæ damnationis miferatio tuebatur. Vtcunque tamen animuin cogitationemque collegi. cœpi dicere non minore audientium affenfu quam follicitudine mea. Dixi horis pene quinque. nam ⁹ decem clepfydris,quas fpatioliffimas acceperam , funt additæ quatuor. adeo illa ipfa , quæ dura & adverfa dicturo videbantur , fecunda dicenti fuerunt. Cæfar quidem mihi tantum ftudium , tantam etiam curam (nimium enim dicere follicitudinem) præftitit, ut libertum meum poft me ftantem , fapius admoneret voci laterique confulerem : quum me vehementius putaret intendi quam gracilitas mea perpeti poffet. Respondit mihi pro Martiano Claudius Marcellinus. Miffus deinde fenatus , & revocatus in pofterum [diem] neque enim [jam] inchoari poterat actio, nifi [ut] noctis interventu fcinderetur. Poftero die dixit pro Mario Salvius Liberalis, vir subtilis, difpofitus, acer, difertus : in illa vero caufa omnes artes fuas protulit. Respondit Cornelius Tacitus eloquentiffime , & , quod eximium orationi ejus ineft. *σμενώς*. Dixit pro Mario rurfus Fronto Catiuf insigniter : utque jam locus ille poſcebat, plus in precibus temporis quam in defenfione conſumpſit Hujus actionem vefpera inclufit : non tamen fic ut abrumperet. itaque in tertium diem probationes exierunt:
lam

Iam hoc ipsum pulchrum & antiquum, senatum nocte dimitti, triduo vocari, triduo contineri. Cornutus Tertullus Cos. designatus, vir egregius, & pro veritate firmissimus, censuit septinginta millia quæ acceperat Marius, ærario inferenda: Mario urbe Italiaque interdicendum: Martino hoc amplius, Africa. In fine sententiæ adjecit, quod ego & Tacitus injuncta advocacione diligenter fortiterque functi essemus, arbitrari senatum, ita nos fecisse ut dignum mandatis partibus fuerit. Assenserunt consules designati, omnes etiam consulares usque ad Pompeium Collegam: ille & septinginta millia quæ acceperat Marius, ærario inferenda, & Martianum in quinquenium relegandum: Marium repetundarum poenæ, quam jam passus esset, censuit relinquendum. Erant in utraque sententia multi, fortasse etiam plures in hac vel solutiore vel molliore. nam quidam ex illis quoque qui Cornuto videbantur assensu, hunc qui post ipsos censuerat, sequebantur. Sed quum fieret discessio, qui sellis consulum astiterant, in Cornuti sententiam ire cœperunt. tum illi qui se Collegæ adnumerari patiebantur, in diversum transierunt: Collega cum paucis relictus. multum postea de impulsoribus suis, præcipue de Regulo, questus est, qui se in sententia quam ipse dictaverat, deseruisset. Est alioqui Regulo tam mobile ingenium, ut plurimum audeat, plurimum timeat. Hinc finis cognitionis amplissimæ: superest tamen *λείπερον* non leve, Hostilius Firminus, legatus Marii Prisci, qui permistus causæ, graviter vehementerque vexatus est. Nam & rationibus Martiani & sermone quem ille habuerat in ordine Leptitanorum, operam suam Prisco ad turpissimum ministerium commodasse, stipu-

latusque

latiusque de Martiano quinquaginta millia denariūm probabatur: ipse præterea accepisse sesteriūm decem millia, foedissimo quidem titulo, nomine unguentarii, qui titulus à vita hominis compti semper & pumicati non abhorrebat. Placuit, censente Cornuto, referri de eo proximo senatu. tunc enim, casu incertum, an conscientia, abfuerat. Habes res urbanas: invicem rusticas scribe: quid arbusculæ tuæ, quid vineæ, quid segetes agunt, quid oves delicatissimæ? In summa, nisi æque longam epistolam reddes, non est quod postea, nisi brevissimam expectes. Vale.

XII. C. PLINIVS ARRIANO

S V O S.

ΛΕΥΤΕΡΟΥ illud quod superesse Marii Prisci causæ proxime scripseram, nescio an satis circumcisum, tamen & abrasum est. Firminus indutus in senatum respondit crimini noto: sequutæ sunt diversæ sententiæ consulum designatorum. Cornutus Tertullus censuit ordine movendum. Acutius Nerva, in sortitione provinciæ rationem ejus non habendam. quæ sententia, tanquam mitior, vicit, cum sit alioqui durior tristiorque. Quid enim miserius quam exectum & exemptum honoribus senatoriis, labore & molestia non carere? quid gravius quam tanta ignominia affectum, non in solitudine latere, sed in hac altissima specula conspiciendum se monstrandumque præbere? Præterea, quid publice minus aut congruens aut decorum, [quam] notatum à senatu in senatu sedere? ipsisque illis à quibus sit notatus, æquari? summotum à proconsulatu, quia se in legatione turpiter gesserat, de proconsulibus judicare? damnatumque sordium, vel damnare
alios

alios vel absolvere? sed hoc pluribus [levius] visum est. numerantur enim sententiæ, non ponderantur: nec aliud in publico consilio potest fieri, in quo nihil est tam inæquale, quam æqualitas ipsa. nam cum sit impar prudentia, par omnium jus est. Implevi promissum, priorisque epistolæ fidem exolvi, quam ex spatio temporis jam recepisse te colligo. nam & festinanti & diligenti tabellario dedi: nisi quid impedimenti in via passus est. Tux nunc partes ut primum illam, deinde hanc remunereris literis, quales istinc redire uberimæ possunt. Vale.

XIII. C. PLINIVS PRISCO

S V O S.

ET tu occasiones obligandi me avidissime amplecteris, & ego nemini libentius debeo. Duabus ergo de causis à te potissimum petere constitui quod impetratum maxime cupio. Regis exercitum amplissimum: hinc tibi beneficiorum larga materia, longum præterea tempus, quo amicos tuos exornare potuisti. Convertere ad nostros, nec hos [quidem] multos. Malles tu quidem multos, sed meæ verecundiæ sufficit unus aut alter, ac potius unus. Is erit Voconius Romanus: pater ei in equestri gradu clarus, clarior vitricus, imo pater alius. nam huic quoque nomine & pietate successit. Mater è primis [ipsa] citerioris Hispaniæ. Scis quod iudicium provinciæ illius, scis quanta sit gravitas: [ipse] flamen proxime fuit. Hunc ego, quum simul studeremus, arcte familiariterque dilexi: ille meus in urbe, ille in secessu contubernalis: cum hoc seria, cum hoc foci miscui. Quid enim aut illo fidelius amico, aut sodale jucundius? mira in sermone, mira etiam
in

in ore ipso vultuque suavitas. Ad hoc ingenium excelsum, subtile, dulce, facile, eruditum in causis agendis. Epistolas quidem scribit, ut musas ipfas Latine loqui credas. Amatur à me plurimum, nec tamen vincitur. Equidem juvenis statim juveni quantum potui per ætatem avidissime contuli, & nuper ab optimo principe trium liberorum ei jus impetravi. quod quanquam parce & cum delectu daret, mihi tamen, tanquam eligeret, indulgit. Hæc beneficia mea tueri nullo modo melius quam ut augeam, possum, præsertim cum ipse illa tam grate interpretetur, ut dum priora accipit, posteriora mereatur. Habes qualis, quam probatus carusque sit nobis. Quem rogo pro ingenio, pro fortuna tua exornes. in primis ama hominem. nam licet tribuas ei quantum amplissimum potes, nihil tamen amplius potes amicitia tua: cujus esse cum usque in intimam familiaritatem capacem, quò magis scires, breviter tibi studia, mores, omnem denique vitam ejus expressi. Extenderem preces, nisi & tu rogari diu nolles, & ego rota hac epistola fecissem. Rogat enim & quidem efficacissime, qui reddit causas rogandi. Vale.

XIV. C. PLINIVS MAXIMO

s v o S.

Verum opinaris: distringor centumviralibus causis, quæ me exercent magis quam delectant. sunt enim pleræque parvæ & exiles. raro incidit vel personarum claritate vel negotii magnitudine insignis. Ad hoc, perpauci cum quibus juvet dicere: ceteri, audaces, atque etiam magna ex parte adolescentuli obscuro ad declamandum huc transeunt. tam irreverenter & temere, ut mihi Attilius noster expresse dixisse videatur, sic in foro pue-

pueros à centumviralibus causis auspicari, ut ab Homero in scholis. Nam hic quoque, ut illic, primum cœpit esse quod maximum est. At hercule ante memoriam meam, (maiores natu ita solebant dicere) ne nobilissimis quidem adolescentibus locus erat, nisi aliquo consulari producente: tanta veneratione pulcherrimum opus colebatur. Nunc, refractis pudoris & reverentiæ claustris omnia patent omnibus: nec inducuntur, sed irrumpunt: sequuntur auditores actoribus similes, conducti & redempti manceps: convenitur [à conductis & redemptis] in media basilica, ubi tam palam sportulæ quam in triclinio dantur. Ex iudicio in iudicium pari mercede transitur. Inde jam non inurbane *σφακλεῖς* vocantur: iisdem Latinum nomen impositum est laudicœni: & tamen crescit in dies fœditas utraque lingua notata. Heri duo nomenclatores mei (habent sane ætatem eorum qui nuper togas sumpserunt), ternis denariis ad laudandum trahebantur. tanti constat ut sis disertissimus. Hoc pretio quamlibet numerosa subsellia implentur: hoc ingens corona colligitur: hoc infiniti clamores commoventur, quum *μυσθροῦ* dedit signum. Opus est enim signo apud non intelligentes, ne audientes quidem. nam plerique non audiunt, nec ulli magis laudant. Si quando transibis per basilicam, & voles scire quomodo quisque dicat, nihil est quod tribunal ascendas, nihil quod præbeas aurem: facilis divinatio. Scito eum pessime dicere qui laudabitur maxime. Primus hunc audiendi morem induxit: ^{1º} Largius Licinius: hætenus tamen ut auditores corrogaret. Ita certe ex Quintiliano, præceptore meo, audisse memini. narrabat ille, Affectabar Domitium Afrum, quum apud cen-

tum-

centumviros diceret graviter & lente (hoc enim illi actionis genus erat), audiit ex proximo immodicum insolitumque clamorem: admiratus reticuit: ubi silentium factum est, repetiit, quod abruperat: iterum clamor, iterum reticuit: & post silentium, cœpit idem tertio. Novissime, quis diceret, quæsiuit: responsum est, Licinius. Tum intermissa causa, Centumviri, inquit, hoc artificium periit. Quod alioqui perire incipiebat, quum periisse Afro videretur; nunc vero prope funditus extinctum & eversum est. Pudet referre, quæ quam fracta pronuntiatione dicantur; quibus quam teneris clamoribus excipiantur. Plausus tantum, ac potius sola cymbala, & tympana illis canticis defunt. Ululatus quidem (neque enim alio vocabulo potest exprimi) theatris quoque indecora laudatio, largæ supersunt. Nos tamen adhuc & utilitas amicorum & ratio ætatis moratur ac retinet. Veremur enim ne forte non has indignitates reliquissæ, sed laborem refugissæ videamur. Sumus tamen solito rariores: quod initium est gradatim desinendi. Vale.

XV. C. PLINIVS VALERIANO

s v o s.

Quo modo te veteres Marfi tui? quo modo emptio nova? placent agri, postquam tui facti sunt? Rarum id quidem! nihil enim æque gratum est adeptis quam concupiscentibus. Me prædia materna parum commode tractant: delectant tamen, ut materna: alioqui longa patientia obcalui. Habent hunc finem assiduæ querelæ, quod queri pudet. Vale.

C

XVI. C.

XVI. C. PLINIVS ^{II}ANNIANO

SVO S.

TV quidem pro cetera tua diligentia admones me, codicillos Aciliani, qui me ex parte instituit heredem, pro non scriptis habendos, quia non sint confirmati testamento. Quod jus ne mihi quidem ignotum est, quum sit iis etiam notum qui nihil aliud sciunt: sed ego propriam quandam legem mihi dixi, ut defunctorum voluntates, etiamsi jure deficerentur, quasi perfectas tuerer. Constat autem, codicillos istos Aciliani manu scriptos. Licet ergo non sint confirmati testamento, à me tamen ut confirmati observabuntur: præsertim quum delatori locus non sit. Nam si verendum esset ne quod ego dedissem, populus eriperet, cunctatior fortasse & cautior esse deberem: cum vero liceat heredi donare quod in hereditate subsedit, nihil est quod obftet illi meæ legi, cui publicæ leges non repugnant. Vale.

XVII. C. PLINIVS GALLO

SVO S.

Miraris cur me Laurentinum, vel (si ita mavis) Laurens meum tantopere delectet. Desines mirari quum cognoveris gratiam villæ, opportunitatem loci, litoris spatium. Decem & septem millibus passuum ab urbe secessit: ut peractis quæ agenda fuerint, salvo jam & composito die possis ibi manere. Aditur non una via: nam & Laurentina & Ostiensis eodem ferunt, sed Laurentina à quartodecimo lapide, Ostiensis ab undecimo relinquenda est. Vtrinque excipit iter aliqua ex parte arenosum, jumentis paulo gravius & longius, equo breve & molle. Varia hinc atque inde facies. Nam modo occurrentibus silvis via
coar-

coarctatur, modo latissimis pratis diffunditur & patefcit. Multi greges ovium, multa ibi equorum boumque armenta : quæ montibus hyeme depulsa, herbis & tepore verno nitefcunt. Villa ufibus capax, non sumptuosa tutela. cujus in prima parte atrium frugi, nec tamen sordidum: deinde porticus in O literæ similitudinem circumactæ: quibus parvula, sed festiva, area includitur. egregium hæc adversum tempestates receptaculum: nam specularibus ac multo magis imminentibus tectis muniuntur. Est contra medias cavædium hilare: mox triclinium satis pulchrum, quod in litus excurrit: ac si quando Africo mare impulsum est, fractis jam & novissimis fluctibus leviter alluitur. Undique valvas aut fenestras non minores valvis habet: atque ita à lateribus & à fronte quasi tria maria prospectat. à tergo cavædium, porticum, arcam; porticum rursus, mox atrium, silvas & longinquos respicit montes. Hujus à læva retractius paulo cubiculum est amplum: deinde aliud minus, quod altera fenestra admittit orientem, occidentem altera retinet. Hæc & subjacens mare longius quidem, sed securius intuetur. Hujus cubiculi & triclinii illius objectu includitur angulus, qui purissimum solem continet & accendit. Hoc hybernaculum, hoc etiam gymnasium meorum est. Ibi omnes silent venti, exceptis qui nubilum inducunt, & serenum antequam usum loci eripiunt. Adnectitur angulo cubiculum in apfida curvatum, quod ambitum solis fenestris omnibus sequitur. Parieti ejus in bibliothecæ speciem armarium insertum est, quod non legendos libros, sed lætandos capit. Adhæret dormitorium membrum, transitu interjacente,

¹² qui suspensus & tabulatus conceptum vaporem

rem salubri temperamento huc illucque digerit & ministrat. Reliqua pars lateris hujus servorum libertorumque usibus detinetur, plerisque tam mundis ut accipere hospites possint. Ex alio latere cubiculum est politissimum, deinde vel cubiculum grande, vel modica cœnatio, quæ plurimo sole, plurimo mari lucet. Post hanc cubiculum cum¹ procœtone, altitudine æstivum, munitis hybernium. est enim subductum omnibus ventis. huic cubiculo aliud & procœton communi pariete junguntur. Inde balinei cella frigida spatiosa & effusa, cujus in contrariis parietibus duo baptisteria velut ejecta sinuantur, abunde capacia, si innare in proximo cogites. Adjacet unctuarium hypocauston: adjacet propnigeon balinei: mox duæ cellæ magis elegantes quam sumptuosæ. cohæret calida piscina mirifice, ex qua natantes mare aspiciunt. Nec procul sphæristerium, quod calidissimo soli, inclinato jam die, occurrat. Hinc turris erigitur, sub qua diætæ duæ; totidem in ipsa, præterea cœnatio, quæ latissimum mare, longissimum litus, amœnissimas villas prospicit. Est & alia turris: in hac cubiculum, in quo sol nascitur conditurque: lata post apotheca & horreum. Sub hoc triclinium, quod turbati maris non nisi fragorem & sonum patitur, eumque jam languidum ac definentem: hortum & gestationem videt qua hortus includitur. Gestatio buxo aut rore marino, ubi deficit buxus, ambitur. Nam buxus qua parte defenditur testis, abunde virescit, aperto cælo apertoque vento, &, quanquam longinquâ asperginemaris, inarescit. Adjacet gestationi interiore circuitu vinea tenera & umbrosa, nudisque etiam pedibus mollis & cedens. Hortum morus & ficus frequens vestit: quarum arborum

borum illa vel maxime ferax est terra , malignior ceteris. Hac non deteriore quam maris facie cœnatio remota à mari fruitur. Cingitur diætis duabus à tergo, quarum fenestris subjacet vestibulum villæ, & hortus alius , pinguis & rusticus. Hinc cryptoporticus prope publici operis instar extenditur. Vtrinque fenestræ, à mari plures , ab horto singulæ, & altius pauciores. Hæ , quum serenus dies & immotus , omnes, quum hinc vel inde ventus inquietus, qua venti quiescunt, sine injuria patent. Ante cryptoporticum xyſtus violis odoratus. Teporem solis infusi repercussu cryptoporticus auget, quæ ut tenet solem, sic aquilonem inhibet, submovetque : quantumque caloris ante, tantum retro frigoris. similiter Africum sistit, atque ita diversissimos ventos alium alio à latere frangit & finit. Hæc jucunditas ejus hyeme, major æstæte. Nam ante meridiem , xyſtum , post meridiem gestationes hortique proximam partem umbra sua temperat : quæ , ut dies crevit decrevitque , modo brevior , modo longior hac vel illac cadit. Ipsa vero cryptoporticus tunc maxime caret sole , quum ardentissimus culmini ejus insistit. Ad hoc patentibus fenestris favonios accipit transmittitque : nec unquam aëre pigro & manente ingravescit. In capite xyſti deinceps cryptoporticus, horti diætæ, est, amores mei; re vera amores; ipse posui. In hac heliocaminus quidem, alia xyſtum, alia mare, utraque solem, cubiculum autem valvis, cryptoporticum fenestra ¹⁴prospicit. Qua mare contra parietem medium, diætæ perquam eleganter recedit : quæ specularibus & velis obductis reductisque modo adjicitur cubiculo, modo aufertur. Lectum & duas cathedras capit : à pedibus mare , à tergo villæ , à capite

silvæ : tot facies locorum totidem fenestris & distinguit & miscet. Iunctum est cubiculum noctis & somni. Non illud voces servulorum , non maris murmur, non tempestatum motus, non fulgurum lumen , ac ne diem quidem sentit , nisi fenestris apertis. Tam alti abditique secreti illa ratio , quod interjacens andron parietem cubiculi hortique distinguit, atque ita omnem sonum media inanitate consumit. Applicatum est cubiculo hypocaustum perexiguum, quod angusta fenestra suppositum calorem , ut ratio exigit , aut effundit aut retinet. Proccæton inde & cubiculum porrigitur in solem : quem orientem statim exceptum ultra meridiem, obliquum quidem, sed tamen servat. In hanc ego diætam quum me recipio, abesse mihi etiam à villa mea videor , magnamque ejus voluptatem præcipue Saturnalibus capio , quum reliqua pars tecti licentia dierum festisque clamoribus personat. Nam nec ipse meorum lusibus, nec illi studiis meis obstrepunt. Hæc utilitas , hæc amœnitas deficitur aqua salienti , sed puteos , ac potius fontes , habet. Sunt enim in summo : & omnino litoris illius mira natura : quocunque loco moveris humum , obvius & paratus humor occurrit, isque sincerus, ac ne leviter quidem tanta maris vicinitate falsus. Suggestunt affatim ligna proximæ silvæ : ceteras copias Ostiensis Colonia ministrat. Frugi quidem homini sufficit etiam vicus, quem una villa discernit : in hoc balinea meritò tria. Magna commoditas, si forte balineum domi vel subitus adventus, vel brevior mora calefacere dissuadeat. Litus ornant varietate gratissima , nunc continua , nunc intermissa tecta villarum, quæ præstant multarum urbium faciem, sive ipso mari , sive ipso litore utare. quod nonnunquam

quam longa tranquillitas mollit, sæpius frequens & contrarius fluctus indurat. Mare non sane pretiosis piscibus abundat: soleas tamen & squillas optimas suggerit. Villa vero nostra etiam mediterraneas copias præstat, lac in primis. nam illuc è pascuis pecora conveniunt, si quando aquam umbramque sectantur. Iustisne de causis eum tibi videor incolere, inhabitare, diligere secessum? quem tu nimis urbanus es, nisi concupiscis: atque utinam concupiscas! ut tot tantisque dotibus villulæ nostræ maxima commendatio ex tuo contubernio accedat. Vale.

XVIII. C. PLINIVS MAVRICO

s v o 8.

Quid à te jucundius mihi potuit injungi, quam ut præceptorem fratris tui liberis quærerem? Nam beneficio tuo in scholam redeo: illam dulcissimam ætatem quasi resumo. Sedeo inter juvenes, ut solebam: atque etiam experior, quantum apud illos auctoritatis ex studiis habeam. Nam proxime frequenti auditorio inter se coram multis ordinis nostri clare loquebantur: intravi, conticuerunt. Quod non referrem, nisi ad illorum magis laudem quam ad meam pertineret: ac nisi sperare te vellem, posse fratris tui filios probe discere. Quod superest, quum omnes qui profitentur, audiero, quid de illis quoque sentiam, scribam: efficiamque, quantum tamen epistola consequi potero, ut ipse omnes audisse videaris. Debeo enim tibi, debeo memoriæ fratris tui hanc fidem, hoc studium, præsertim super tanta re. Nam quid magis interest vestra, quam ut liberi (dicerem tui, nisi nunc illos magis amares) digni illo patre, te patruo reperiantur? Quam curam mi-

hi etiam si non mandasses, vindicasssem. Nec ignoro suscipiendas offensas in eligendo præceptore : sed oportet me non modo offensas, verum etiam similitudines pro fratris tui filiis tam æquo animo subire quam parentes pro suis. Vale.

XIX. C. PLINIVS CEREALI

* SVO S.

Hortaris ut orationem amicis pluribus recitem. Faciam, quia hortaris : quamvis vehementer addubitem. Neque enim me præterit, actiones quæ recitantur, impetum omnem caloremque ac prope nomen suum perdere, ut quas¹⁶ soleant commendare simul & accendere iudicum confessus, celebritas advocatorum, expectatio eventus, fama non unius actoris, deductumque in partes audientium studium : ad hoc dicentis gestus, incessus, discursus etiam, omnibusque motibus animi consentaneus vigor corporis. Unde accidit, ut hi qui sedentes agunt, quamvis illis maxima ex parte supersint eadem illa quæ stantibus, tamen hoc quod sedent, quasi debilitentur & deprimantur. Recitantium vero præcipua pronuntiationis adjumenta, oculi, manus præpediuntur : quo minus mirum est si auditorum intentio languescit, nullis extrinsecus aut blandimentis capta aut aculeis excitata. His accedit, quod oratio de qua loquor, pugna & contentiosa est. Porro ita natura comparatum est, ut ea quæ scripsimus cum labore, etiam cum labore audiri putemus. Et sane quotusquisque tam rectus auditor, quem non potius dulcia hæc & sonantia, quam austera & pressa, delectent ? Est quidem omnino turpis ista discordia ; est tamen, quod plerunque evenit, ut aliud auditores, aliud iudices exigant: quum alio-
qui

qui præcipue auditor iis affici debeat, quibus idem, si foret iudex, maxime permoveretur. Potest tamen fieri, ut quanquam in his difficultatibus libro isti novitas lenocinetur, novitas apud nostros: apud Græcos enim est quiddam quamvis ex diverso, non tamen omnino dissimile. Nam ut illis erat moris, leges, quas ut contrarias prioribus legibus arguebant, aliarum collatione convincere, ita nobis inesse repetundarum lege quod postularem, cum hac ipsa lege, tum aliis colligendum fuit. quod nequaquam blandum auribus imperitorum, tanto maiorem apud doctos habere gratiam debet, quanto minorem apud indoctos habet. Nos autem, si placuerit recitare, adhibiturus eruditissimum quemque: sed plane adhuc an sit recitandum, examina tecum, omnesque quos ego novi in utraque parte calculos pone: idque elige in quo vicerit ratio; à te enim ratio exigetur, nos excusabit obsequium. Vale.

XX. C. PLINIVS CALVISIO

SVO S.

Assum para, & accipe auream fabulam: fabulas immo. nam me priorum nova admonuit: nec refert à qua potissimum incipiam. Verania Pisonis graviter jacebat. (hujus dico Pisonis, quem Galba adoptavit). ad hanc Regulus venit. Primum impudentiam hominis, qui venerit ad ægram, cujus marito inimicissimus, ipsi invisissimus fuerat. Esto, si venit tantum: at ille etiam proximus toro sedit: quod die, qua hora nata esset, interrogavit: ubi audivit, componit vultum, intendit oculos, movet labra, agit digitos, computat nihil, nisi ut diu miseram expectatione suspendat. Habes (inquit) climactericum tempus, sed evades.

C 5

des.

des. quod ut tibi magis liqueat, aruspice[m] consu-
lam, quem sum frequenter expertus. Nec mora :
sacrificium facit, affirmat exta cum siderum si-
gnificatione congruere. Illa, ut in periculo credu-
la, poscit codicillos : legatum Regulo scribit; mox
ingravescit; clamat moriens; O hominem ne-
quam, perfidum, ac plus etiam quam perjurum !
qui sibi per salutem filii pejerasset. Facit hoc Re-
gulus non minus scelerate quam frequenter, quod
iram deorum quos ipse quotidie fallit, in caput in-
felicis pueri detestatur. Velleius Blæsus, ille locu-
ples consularis, novissima valetudine conflietaba-
tur: cupiebat mutare testamentum. Regulus, qui
speraret aliquid ex novis tabulis, quia nuper ca-
ptare eum cœperat, medicos hortari, rogare, quo-
quo modo spiritum homini prorogarent. Post-
quam signatum est testamentum, mutat perso-
nam, vertit alloquutionem, iisdemque medicis,
Quousque miserum cruciatis? quid invidetis?
bonam mortem, cui dare vitam non potestis?
Moritur Blæsus: & tanquam omnia audisset, Re-
gulo ne tantulum quidem. Sufficiunt duæ fabu-
læ. An scholastica lege tertiam poscis? est unde
fiat. Aurelia, ornata femina, signatura testamen-
tum, sumpserat pulcherrimas tunicas: Regulus
quum venisset ad signandum, Rogo (inquit) has
mihi leges. Aurelia ludere hominem putabat; ille
serio instabat. Nec multa: cœgit mulierem aperi-
re tabulas, ac sibi tunicas quas erat induta, legare:
observavit scribentem; inspexit an scripsisset. Et
Aurelia quidem vivit, ille tamen istud tanquam
morituram cœgit: & hic hereditates, hic legata,
quasi mereatur, accipit. Ἀλλὰ τί διατίνομαι in
ea civitate, in qua jampridem non minora præ-
mia, immo majora, nequitia & improbitas quam
pudor

pudor & virtus habent? Aspice Regulam; qui ex paupere & tenui ad tantas opes per flagitia processit, ut ipse mihi dixerit quum consuleret quam cito sestertium sexcenties impleturus esset, invenisse ¹⁹ extra duplicata, quibus portendi, millies & ducenties habiturum. Et habebit, si modo, ut coepit, aliena testamenta (quod est improbiissimum genus falsi) ipsis, quorum sunt illa, dictaverit. Vale.

LIBER III.

L. C. PLINIVS. CALVISIO

S V O S.

N E S C I O an ullum jucundius tempus exegerim quam quo nuper apud Spurrinam fui; adeo quidem, ut neminem magis in senectute (si modo senescere datū est) æmulari velim. Nihil est enim

illo vitæ genere distinctius: me autem ut certus ² siderum cursus, ita vita hominum disposita delectat, senum præsertim. Nam juvenes adhuc confusa quædam & quasi turbata non indecent: senibus placida omnia & ordinata conveniunt, quibus industria sera, turpis ambitio est. Hanc regulam Spurrinna constantissime servat; quin etiam parva hæc, (parva, si non quotidie fiant) ordine quodam & velut orbe circumagit. Mane lectulo continetur: hora secunda calceos poscit: ambulat millia passuum tria: nec minus animum quam corpus exercet. Si adsunt amici, honestissimi sermones ³ explicantur: si non, liber legitur: interdum etiam præsentibus amicis, si tamen illi non gravantur. Deinde confidet, & liber rursus, aut

sermo libro potior : mox vehiculum ascendit : assumit uxorem singularis exempli , vel aliquem amicorum , ut me proxime. Quam pulchrum illud , quam dulce secretum ! quantum ibi antiquitatis ! quæ facta , quos viros audias , quibus præceptis imbui ! quamvis ille hoc temperamentum modestiæ suæ indixerit , ne præcipere videatur. Peractis septem millibus passuum , iterum ambulat mille , iterum residet , vel se cubiculo ac stylo reddit. Scribit enim , & quidem utraque lingua , lyrica doctissime. Mira illis dulcedo , mira suavitas , mira hilaritas : cujus gratiam cumulat sanctitas scribentis. Vbi hora balinei nuntiata est (est autem hyeme nona , æstate octava) , in sole , si caret vento , ambulat nudus. Deinde movetur pila vehementer & diu. nam hoc quoque exercitationis genere pugnat cum senectute. Lotus accubat , & paulisper cibum differt : interim audit legentem remissius aliquid & dulcius. Per hoc omne tempus liberum est amicis vel eadem agere , vel alia , si malint. Apponitur cœna non minus nitida quam frugi , in argento puro & antiquo. Sunt in usu & Corinthia , quibus delectatur , nec afficitur. Frequenter comœdis cœna distinguitur , ut voluptates quoque studiis condiantur. Sumit aliquid de nocte , & æstate. Nemini hoc longum est ; tanta comitate convivium trahitur. Inde illi post septimum & septuagesimum annum aurium oculorumque vigor integer ; inde agile & vividum corpus , solaque ex senectute prudentia. Hanc ego vitam voto & cogitatione præsumo , ingressurus avidissime , ut primum ratio ætatis receptui canere permiserit. Interim mille laboribus conteror , quorum mihi & solatium & exemplum est idem Spurinna. Nam ille quoque , quoad honestum fuit , obiit officia ,
gestit

gessit magistratus, provincias rexit, multoque labore hoc otium meruit. Igitur eundem mihi cursum, eundem terminum statuo: idque jam nunc apud te sub signo: ut si me longius evehi videris, in jus voces ad hanc epistolam meam, & quiescere jubeas, quum inertiae crimen effugero. Vale.

II. C. PLINIVS MAXIMO
S V O S.

QVod ipse amicis tuis obtulissem si mihi eadem materia suppeteret, id nunc jure videor à te meis petiturus. Arrianus Maturius Altinatum est princeps. quum dico princeps, non de facultatibus loquor, quæ illi large supersunt: sed de castitate, justitia, gravitate, prudentia. Hujus ego consilio, in negotiis, judicio, in studiis, utor. nam plurimum fide, plurimum veritate, plurimum intelligentia præstat. Amat me (nihil possum ardentius dicere) ut tū. Caret ambitu: ideo se in equestri gradu tenuit, quum facile posset ascendere altissimum. Mihi tamen ornandus excolendusque est. itaque magni æstimo, dignitati ejus aliquid adstruere, inopinantis, nescientis, immo etiam fortasse nolentis: adstruere autem quod sit splendidum nec molestum. cujus generis, quæ prima occasio tibi, conferas in eum, rogo; habebis me, habebis ipsum gratissimum debitorem. Quamvis enim ista non appetat, tam grate tamen excipit quam si concupiscat. Vale.

III. C. PLINIVS CORELLIÆ
HISPVLLE S.

QVum patrem tuum, gravissimum & sanctissimum virum, suspexerim magis an amaverim, dubitem: teque in memoriam ejus & in honorem tuum unice diligam, cupiam necesse est

(atque etiam, quantum in me fuerit, enitar) ut filius-tuus avo similis existat. equidem malo materno : quanquam illi paternus etiam clarus spectatusque contigerit : pater quoque & patruus illustri laude conspicui. Quibus omnibus ita demum similis adolescet, si imbutus honestis artibus fuerit, quas plurimum refert à quo potissimum accipiat. Adhuc illum pueritiæ ratio intra contubernium tuum tenuit, præceptores domi habuit, ubi est vel erroribus modica vel etiam nulla materia. Iam studia ejus extra limen proferenda sunt, jam circumspiciendus rhetor Latinus, cujus scholæ severitas, pudor in primis, castitas, constet. Adest enim adolescenti nostro cum ceteris naturæ fortunæque dotibus, eximia corporis pulchritudo : cui in hoc lubrico ætatis non præceptor modo, sed custos etiam rectorque quærendus est. Videor ego demonstrare tibi posse Iulium Genitorem. Amatur à me : judicio tamen meo non obstat caritas hominis, quæ ex judicio nata est. Vir est emendatus & gravis: paulo etiam horridior & durior, ut in hac licentia temporum. Quantum eloquentia valeat, pluribus credere potes : nam dicendi facultas aperta & exposita statim cernitur. Vita hominum altos recessus magnasque latebras habet : cujus pro Genitore me sponforem accipe. Nihil ex hoc viro filius tuus audiet, nisi profuturum: nihil discet quod nescisse rectius fuerit. Nec minus sæpe ab illo quam à te meque admonebitur, quibus imaginibus oneretur, quæ nomina & quanta sustineat. Proinde faventibus diis, trade eum præceptori, à quo mores primum, mox eloquentiam discat, quæ male sine moribus discitur. Vale.

IV. C. PLINIVS MACRINO

S V O S.

Quamvis & amici, quos præsentem habebam, & sermones hominum factum meum comprobasse videantur, magni tamen ³ æstimo scire, quid sentias tu. Nam cujus integra re consilium exquirere optassem, hujus etiam peracta judicium nosse, mire concupisco. Quum publicum opus mea pecunia inchoaturus in Thuscum excurrissem, accepto, ut præfectus ærarii, comætu, legati provinciæ Bæticæ questuri de proconsulatu Cæcilii Classici, advocatum me à Senatu petierunt. Collegæ optimi, meique amantissimi, de communis officii necessitatibus prælocuti, excusare me & eximere tentarunt. Factum est SC. perquam honorificum, ut daretur provincialibus patronus, si ab ipso me impetrassent. Legati rursus inducti, iterum me jam præsentem postulaverunt advocatum: implorantes fidem meam, quam essent contra Massam Bæbium experti: allegantes patrociniæ fœdus. Secuta est clarissima Senatus assensio, quæ solet decreta præcurrere. Tum ego; Desino (inquam) P. C. putare me justas excusationis causas attulisse. Placuit & modestia sermonis & ratio. Compulit autem me ad hoc consilium non solum consensus Senatus, (quanquam hic maxime) verum etiam alii quidem ⁴ minoris, sed tamen numeri. Veniebat in mentem, priores nostros, etiam singulorum hospitum injurias accusationibus voluntariis executos, quo deformius arbitrabar publici hospitii jura negligere. Præterea, quum recorderer quanta pro iisdem Bæticis priore advocacy etiam pericula subissem, conservandum veteris officii meritum novo videbatur.

tur. Est enim ita natura comparatum, ut antiquiora beneficia subvertas, nisi illa posterioribus cumules, nam quamlibet sæpe obligati, si quid unum neges, hoc solum meminerunt quod negatum est. Ducebar etiam, quod decesserat Classicus, amotumque erat, quod in ejusmodi causis solet esse tristissimum, periculum senatoris. Videbam ergo, advocacy meæ non minorem gratiam quam si viveret ille, propositam, invidiam nullam. In summa, computabam, si munere hoc, jam tertio fungerer, faciliorem mihi excusationem fore, si quis incidisset quem non deberem accusare. Nam quum est omnium officiorum finis aliquis, tum optime libertati venia obsequio præparatur. Audisti consilii mei motus, superest alterutra ex parte judicium tuum: in quo mihi æque jucunda erit simplicitas dissidentis, quam comprobantis auctoritas. Vale.

V. C. PLINIVS, MARCO

S V O S.

PErgratum est mihi quod tam diligenter libros avunculi mei lectitas, ut habere omnes velis, quærasque qui sint omnes. Fungar indicis partibus: atque etiam quo sint ordine scripti, notum tibi faciam: est enim hæc quoque studiosis non injucunda cognitio. De jaculatione equestri unus: hunc, quum præfectus alæ militaret, pari ingenio curaque composuit. De vita Pomponii Secundi duo, à quo singulariter amatus, hoc memoriæ amici quasi debitum munus exolvit. Bellorum Germaniæ viginti, quibus omnia quæ cum Germanis gessimus bella collegit. Inchoavit, quum in Germania militaret, somnio monitus. Astitit enim quiescenti Drusi Neronis effigies, qui Germaniæ

maniae latissime victor ibi periit : commendabat memoriam sui , orabatque ut se ab injuria oblivionis affereret. Studiosi tres , in sex volumina propter amplitudinem divisi : quibus oratorem ab incunabulis instituit & perfecit. Dubii sermonis octo scripsit , sub Nerone novissimis annis , quum omne studiorum genus paulo liberius & erectius , periculosum servitus fecisset. A fine Aufidii Bassi triginta unus. ⁶ Naturæ historiarum triginta septem : opus diffusum , eruditum , nec minus varium quam ipsa natura. Miraris , quod tot volumina , multaque in his tam scrupulosa , homo occupatus absolverit ? Magis miraberis si scieris , illum aliquamdiu causas astitasse ; decessisse anno sexto & quinquagesimo. Medium tempus distentum impeditumque qua officiis maximis , qua amicitia principum egisse pernoskitur. Sed erat acre ingenium , incredibile studium , summa vigilantia. Lucubrare à Vulcanalibus incipiebat , non auspicandi causa , sed studendi ; æstate , statim à nocte multa : hyeme vero , ab hora septima vel quum tardissime , octava , sæpe sexta. Erat sane somni ⁷ parcissimi : nonnunquam etiam inter studia instantis & deferentis. Ante lucem ibat ad Vespasianum imperatorem : nam ille quoque noctibus utebatur : inde ad delegatum sibi officium reversus domum , quod reliquum erat temporis , studiis reddebat. Post cibum sæpe (quem interdum levem & facilem , veterum more , fumebat) æstate , si quid otii , jacebat in sole : liber legebatur : adnotabat excerpebatque. Nihil enim legit , quod non excerperet. Dicere etiam solebat : Nullum esse librum tam malum , ⁸ ut non aliqua parte prodesset. Post solem plerunque frigida lavabatur , deinde gustabat : dormiebatque minimum ,

num. Mox, quasi alio die, studebat in cœnæ tempus : super hanc liber legebatur ; adnotabatur , & quidem cursim. Memini quendam ex amicis , quum lector quædam perperam pronuntiasset , revocasse & repeti coëgisse , huic avunculum meum dixisse, Intellexeras nempe? quum ille annuisset , Cur ergo revocabas ? decem amplius versus hac tua interpellatione perdidimus. Tanta erat parcimonia temporis. Surgebat æstate à cœna , luce : hyeme, intra primam noctis : & , tanquam aliqua lege cogente, hæc inter medios labores urbisque fremitum. In secessu solum balinei tempus studiis eximebatur. quum dico balinei, de interioribus loquor. Nam dum distringitur tergiturque, audiebat aliquid aut dictabat. In itinere, quasi solutus ceteris curis, huic uni vacabat. Ad latus notarius cum libro & pugillaribus , cujus manus hyeme manicis muniebantur , ut ne cæli quidem asperitas ullum studii tempus eriperet: qua ex causa Romæ quoque sella vehebatur. Repeto, me correptum ab eo , cur ambulares , Poteras (inquit) has horas non perdere. Nam perire omne tempus arbitrabatur, quod studiis non impertiretur. Hac intentione tot ista volumina peregit , Electorumque commentarios centum sexaginta mihi reliquit, opisthographos quidem & minutissimis scriptos, qua ratione multiplicatur hic numerus. Referebat ipse, potuisse se, quum procuraret in Hispania , vendere hos commentarios Lartio Licinio, quadringentis millibus nummum : & tunc aliquanto pauciores erant. Nonne videtur tibi , recordanti quantum legerit, quantum scripserit, nec in officiis ullis, nec in amicitia principum fuisse ? rursus , quum audis quid studiis laboris impenderit , nec scripsisse satis nec legisse ? Quid est enim quod

quod non aut illæ occupationes impedire, aut hæc instantia non possit efficere? Itaque soleo ridere quum me quidam studiosum vocant. qui si comparer illi, sum desidiosissimus: ego autem tantum, quantum partim publica, partim amicorum officia non distringunt, vaco. Quis ex istis, qui tota vita literis assident, collatus illi, non quasi somno & inertia deditus erubescat? Extendi epistolam, quamvis hoc solum quod requirebas, scribere destinassem, quos libros reliquisset. Confido tamen, hæc quoque tibi non minus grata quam ipsos libros futura: quæ te non tantum ad legendos eos, verum etiam ad simile aliquid elaborandum, possunt æmulationis stimulis excitare. Vale.

VI. C. PLINIVS SEVERO

S V O S.

EX hereditate, quæ mihi obvenit, emi proxime Corinthium signum, modicum quidem, sed festivum & expressum, quantum ego sapio: qui fortasse in omni re, in hac certe perquam exiguum sapio: hoc tamen signum ego quoque intelligo. Est enim nudum, nec aut vitia, si qua sunt, celat: aut laudes parum ostentat. Effingit senem stantem: ossa, muscoli, nervi, venæ, rugæ etiam ut spirantis apparent: rari & sedentes capilli, lata frons, contracta facies, exile collum: pendent lacerati, papillæ jacent, recessit venter. A tergo quoque eadem ætas, ut à tergo æs ipsum, quantum verus color indicat, vetus & antiquum. talia denique omnia, ut possint artificum etiam oculos tenere, delectare imperitorum. Quod me, quamquam tirunculum, sollicitavit ad emendum. Emi autem, non ut haberem domi (neque enim ullum adhuc

adhuc Corinthium domi habeo), verum ut in patria nostra celebri loco ponerem, ac potissimum in Iovis templo. Videtur enim dignum templo, dignum deo donum. Tu ergo, ut soles omnia quæ à me tibi injunguntur, suscipe hanc curam, & jam nunc jube basim fieri, ex quo voles marmore, quæ nomen meum honoresque capiat, si hos quoque putabis addendos. Ego signum ipsum, ut primum invenero aliquem qui non gravetur, mittam tibi: vel ipse, quod mavis, adferam mecum. Destino enim (si tamen officii ratio permiserit) excurrere isto. Gaudes, quod me venturum esse polliceor: sed contrahes frontem, quum adjecero, ad paucos dies. Neque enim diutius abesse me sinunt eadem hæc quæ nondum exire patiuntur. Vale.

VII. C. PLINIUS CANINIO

s v o S.

Modo nuntiatus est Silius Italicus in Neapolitano suo inedia vitam finisse. Causa mortis, valetudo. Erat illi natus insanabilis clavus, cujus tædio ad mortem irrevocabili constantia decurrit: usque ad supremum diem beatus & felix, nisi quod minorem è liberis duobus amisit, sed majorem melioremque, florentem, atque etiam consularem, reliquit. Læserat famam suam sub Nerone; credebatur sponte accusasse: sed in Vitellii amicitia sapienter se & comiter gesserat: ex proconsulatu Asiæ gloriam reportaverat: maculam veteris industriæ laudabili otio abluerat. Fuit inter principes civitatis sine potentia, sine invidia. Salutabatur, colebatur, multumque in lectulo jacens, cubiculo⁹ semper, non ex fortuna frequenti. Doctissimis sermonibus dies transigebat, quum à scribendo vacaret, scribebat carmina majore cura quam

quam ingenio, nonnunquam iudicia hominum recitationibus experiebatur. Novissime, ita suadentibus annis, ab urbe secessit, seque in Campania tenuit: ac ne adventu quidem novi principis inde commotus est. Magna Cæsaris laus, sub quo hoc liberum fuit: magna illius qui hac libertate ausus uti. Erat ¹⁰ *εὐλαβὴς* usque ad emacitatis reprehensionem. Plures iisdem in locis villas possidebat, adamatisque novis, priores negligebat. Multumque ubique librorum, multum statuarum, multum imaginum, quas non habebat modo, verum etiam venerabatur: Vergilii ante omnes, cuius natalem religiosius quam suum ¹¹ celebrabat; Neapoli maxime, ubi monumentum ejus adire, ut templum, solebat. In hac tranquillitate annum quintum & septuagesimum excessit, delicato magis corpore quam infirmo. Utque novissimus à Nerone factus est consul, ita postremus ex omnibus quos Nero consules fecerat, decessit. Illud etiam notabile; ultimus ex Neronianis consularibus obiit, quo consule Nero periit. Quod me recordantem, fragilitatis humanæ miseratio subit. Quid enim tam circumcisum, tam breve, quam hominis vita longissima? An non videtur tibi Nero modo fuisse, quum interim ex iis qui sub illo gesserant consulum, nemo jam superest? Quanquam quid hoc miror? nuper Lucius Piso, pater Pisonis illius qui à Valerio Festo per summum facinus in Africa occisus est, dicere solebat; Neminem se videre in senatu, quem consul ipse sententiam rogavisset. Tam angustis terminis tantæ multitudinis vivacitas ipsa concluditur: ut mihi non venia solum dignæ, verum etiam laude videantur illæ regię lacrymæ. Nam ferunt, Xerxem, quum immensum exercitum oculis obisset, illacrymasse, quod tot
milli-

millibus tam brevis immineret occasus. Sed tanto magis hoc quicquid est temporis, futilis & caduci, si non datur factis, (nam horum materia in aliena manu) certe studiis proferamus: & quatenus nobis denegatur diu vivere, relinquamus aliquid quo nos vixisse testemur.* Scio te stimulis non egere; me tamen tui caritas evocat, ut currentem quoque instigem, sicut tu soles me. Αἰεὶ δ' ἔεις, quum invicem se mutuis exhortationibus, amici ad amorem immortalitatis exacuunt. Vale.

VIII. C. PLIN. TRANQVILLO

S V O S.

FAcis pro cetera reverentia quam mihi præstas, quod tam solícite petis, ut tribunatum, quem à Neratio Marcello, clarissimo viro, impetravi tibi, in Cæsennium Silvanum, propinquum tuum, transferam. Mihi autem sicut jucundissimum, ipsum te tribunum, ita non minus gratum, alium per te videre. Neque enim esse congruens arbitror, quem augere honoribus cupias, huic pietatis titulos invidere, qui sunt omnibus honoribus pulchriores. Video etiam, quum sit egregium & mereri beneficia & dare, utramque te laudem simul assequuturum, si, quod ipse meruisti, aliis tribuas. Præterea intelligo, mihi quoque gloriæ fore, si ex hoc tuo facto non fuerit ignotum, amicos meos non gerere tantum tribunatus posse, verum etiam dare. Quare ego vero honestissimæ voluntati tuæ pareo. Neque enim adhuc nomen in numeros relatum est: ideoque liberum est nobis Silvanum in locum tuum subdere: cui cupio tam gratum esse munus tuum, quam tibi meum est. Vale.

IX. C. PLIN. MINVTIANO

S V O S.

POSSUM jam perscribere tibi quantum in publica provinciæ Bætici causa laboris exhauserim. Nam fuit multiplex, actaque est sæpius cum magna varietate. Vnde varietas? unde plures actiones? Cæcilius Classicus, homo fœdus & aperte malus, proconsulatum in ea non minus violenter quam sordide gesserat, eodem anno quo in Africa Marius Priscus. Erat autem Priscus ex Bætica, ex Africa Classicus. Inde dictum Bæticorum (ut plerunque dolor etiam venustos facit) non illepide ferebatur; *Dedi malum, & accepi*. Sed Marius una civitas publice, multique privati reum peregerunt; in Classicum tota provincia incubuit. Ille accusationem vel fortuita vel voluntaria morte prævertit; nam fuit mors ejus infamis, ambigua tamen. Vt enim credibile videbatur, voluisse exire de vita, quum defendi non posset, ita mirum, pudorem damnationis morte fugisse, quem non puduisset damnanda committere. Nilominus Bætica etiam in defuncti accusatione perstabat. Provisum hoc legibus, intermissum tamen, & post longam intercapedinem tunc reductum. Addiderunt Bætici, quot simul socios ministrosque Classici detulerunt: nominatimque in eos inquisitionem postulaverunt. Aderam Bæticis, mecumque Luceius Albius, vir in dicendo copiosus, ornatus: quem ego quum olim mutuo diligerem, ex hac officii societate amare ardentius cœpi. Habet quidem gloria, in studiis præsertim, quiddam ἀξιοπρέπεια: nobis tamen nullum certamen, nulla contentio: quum uterque pari iugo non pro se, sed pro causa niteretur. Cujus & magnitudo

gnitudo & utilitas visa est postulare, ne tantum oneris singulis actionibus subiremus. Verebatur ne nos dies, ne vox, ne latera deficerent, si tot crimina, tot reos uno velut fasce complecteremur: deinde ne iudicium intentio multis nominibus multisque causis non lassaretur modo, verum etiam confunderetur: mox ne gratia singulorum collata atque permista, pro singulis quoque vires omnium acciperet: postremo, ne potentissimi, vilissimo quoque quasi piaculari dato, alienis poenis elaberentur. Etenim tum maxime favor & ambitio dominatur, quum sub aliqua specie severitatis delitescere potest. Erat in consilio Sertorianum illud exemplum, qui robustissimum & infirmissimum militem iussit caudam equi: reliqua nostri. Nam nos quoque tam numerosum agmen reorum ita demum videbamus posse superari, si per singulos carperetur. Placuit in primis ipsum Clasicum ostendere nocentem: hic aptissimus ad socios ejus & ministros transitus erat, quia socii ministrique probari, nisi illo nocente, non poterant. Ex quibus duos statim Clastico junximus, Bæbium Probum, & Fabium Hispanum: utrumque ¹² gratia, Hispanum etiam facundia, validum. Et circa Clasicum quidem brevis & expeditus labor. Sua manu reliquerat scriptum, quid ex quaque re, quid ex quaque causa accepisset. Miserat etiam epistolas Romam ad amiculam quandam, jactantes & gloriosas, his quidem verbis; *Io io, liber ad te venio: jam sestertium quadragies redegi, parte vendita Baticorum.* Circa Hispanum & Probum multum sudoris. Horum antequam crimina ingrederer, necessarium credidi elaborare ut constaret, ministerium crimen esse. quod nisi effecissem, frustra ministros probassem. Neque enim
ita

ita defendebantur, ut negarent, sed ut necessitari veniam precarentur: esse enim se provinciales, & ad omne proconsulum imperium metu cogi. Solet dicere Claudius Restitutus, qui mihi respondit, vir exercitatus & vigilans, & quamlibet subitis paratus, nunquam sibi tantum caliginis, tantum perturbationis offusum, quam quum ea prærepta & extorta defensionis suæ cerneret, in quibus omnem fiduciam reponebat. Consilii nostri exitus fuit. Bona Classici quæ habuisset ante provinciam, placuit senatui à reliquis separari; illa filiae, hæc spoliatis relinqui. Additum est, ut pecuniæ quas creditoribus solverat, revocarentur. Hispanus & Probus in quinquennium relegati. Adeo grave visum est quod initio dubitabatur an omnino crimen esset. Post paucos dies Clavium Fuscum, Classici generum, & Stillonium Priscum, qui tribunus cohortis sub Classico fuerat, accusavimus, dispari eventu. Prisco in biennium Italia interdictum: absolutus est Fuscus. Actione tertia commodissimum putavimus plures congregare, ne, si longius esset extracta cognitio, satietate & tædio quodam justitia cognoscentium severitasque languesceret: alioqui supererant minores rei, data opera hunc in locum reservati: excepta tamen Classici uxore, quæ sicut implicita suspicionibus, ita non satis convinci probationibus visa est. Nam Classici filia (quæ & ipsa inter reos erat), ne suspicionibus quidem hærebat. Itaque quum ad nomen ejus in extrema actione venissem (neque enim, ut initio, sic etiam in fine verendum erat ne per hoc totius accusationis auctoritas minueretur) honestissimū credidi, non premere immerentem: idque ipsum dixi & libere & varie. Nam modo legatos interrogabam, docuissentne me aliquid,

D

quod

quod ¹³ reprobari posse confiderent : modo consilium à Senatu petebam , putaretne debere me, si quam haberem in dicendo facultatem, in jugulum innocentis , quasi telum aliquod , intendere : postremo totum locum hoc sine conclusi, Diceret aliquis, Iudicas ergo ? Ego vero non judico : memini tamen me advocatum ex iudiciis datum. Hic numerosissimæ causæ terminus fuit , quibusdam absolutis, pluribus damnatis , atque etiam relegatis, aliis in tempus, aliis in perpetuum. Eodem SC. industria , fides , constantia nostra plenissimo testimonio comprobata est : dignum solumque par pretium tanti laboris. Concipere animo potes quam simus fatigati , quibus toties agendum , toties altercandum , tam multi testes interrogandi, sublevandi, refutandi. Iam illa quam ardua , quam molesta , tot reorum amicis secreto rogantibus negare, adversantibus palam obistere ? Referam unum aliquod ¹⁴ ex iis quæ dixi. Quum mihi quidam è iudiciis ipsis pro reo gratiosissimo reclamarent , Non minus (inquam) hic innocens erit, si ego omnia dixerò. Conjectabis ex hoc quantas contentiones, quantas etiam offensas subierimus, duntaxat ad breve tempus. Nam fides in præsentia eos quibus resistit, offendit; deinde ab illis ipsis suspicitur laudaturque. Non potui magis te in rem præsentem perducere. Dices , Non fuit tanti. quid enim mihi cum tam longa epistola ? Nolito ergo identidem quærere quid Romæ geratur : & tamen memento esse non epistolam longam, quæ tot dies, tot cognitiones, tot denique reos causasque complexa sit. Quæ omnia videor mihi non minus breviter quam diligenter persequutus. Temere dixi diligenter : succurrit quod præterieram, & quidem fero: sed, quanquam præ-

præpostere, reddetur. Facit hoc Homerus, multi-
que illius exemplo. Est alioqui perdecorum; à me
tamen non ideo fiet. Ex testibus quidam, sive ira-
tus quod evocatus esset invitus, sive subornatus
ab aliquo reorum, ut accusationem exarmaret,
Norbanum Licinianum, legatum & inquisitorem,
reum postulavit, tanquam in causa Castæ (uxor
hæc Classici) prævaricaretur. Est lege cautum, ut
reus ante peragatur, tunc de prævaricatore quæra-
tur, quia optime ex accusatione ipsa accusatoris
fides æstimatur. Norbano tamen non ordo le-
gis, non legati nomen, non inquisitionis offi-
cium præsidio fuit: tanta conflagravit invidia
homo alioqui flagitiosus, & Domitiani tempori-
bus usus, ut multi: electusque tunc à provincia ad
inquirendum, non tanquam bonus & fidelis, sed
tanquam Classici inimicus. Erat ab illo relegatus:
dari sibi diem ad diluenda crimina postulavit.
Neutrum impetravit; coactus est statim responde-
re: respondit: malum pravumque ingenium ho-
minis facit ut dubitem confidenter an constanter,
certe paratissime. Objecta sunt multa, quæ magis
quam prævaricatio nocuerunt. Quinetiam duo
consulares, Pomponius Rufus & Libo Frugi, læ-
ferunt eum testimonio, tanquam apud judicem,
sub Domitiano, Salvii Liberalis accusatoribus ad-
fuiſſet: damnatus & in insulam relegatus est. Ita-
que quum Castam accusarem, nihil magis præſſi
quam quod accusator ejus prævaricationis crimi-
ne corruisset. Præſſi tamen frustra. accidit enim
res contraria & nova, ut, accusatore prævaricationis
damnato, rea absolveretur. Quæris, quid nos
dum hæc aguntur? Indicavimus Senatui, ex Nor-
bano didicisse nos publicam causam, rursusque
debere ex integro discere, si ille prævaricator pro-

baretur. Atque ita dum ille peragitur reus, sedimus: postea Norbanus omnibus diebus cognitionis interfuit: eandemque usque ad extremum vel constantiam vel audaciam pertulit. Interrogo ipse me, an aliquid ¹⁵ omiserim: rursus & rursus pene omisi. Summo die Salvius Liberalis reliquos legatos graviter increpuit, tanquam non omnes quos mandasset provincia, reos peregissent; atque ut est vehemens & disertus, in discrimen adduxit. Protexi viros optimos, eosdemque gratissimos: mihi certe debere se prædicant, quod illum turbinem evaserint. Hic erit epistolæ finis, re vera finis: literam non addam, etiam si adhuc aliquid præterisse me sensero. Vale.

X. C. PLINIVS SPVRINNÆ
SVO, ET COCCIAE S.

Composuisse me quædam de filio vestro non dixi vobis, quum proxime apud vos fui: primum, quia non ideo scripseram ut dicerem, sed ut meo amori, meo dolori satisfacerem; deinde, quia te, Spurinna, quum audisses recitasse me (ut mihi ipse dixisti), quid recitassem simul audisse credebam. Præterea veritus sum, ne vos festis diebus confunderem, si in memoriam gravissimi luctus reduxissem. Nunc quoque paulisper hæsitavi, id solum quod recitavi, mitterem exigentibus vobis, an adjicerem quæ in aliud volumen cogito reservare. Neque enim affectibus meis uno libello carissimam mihi & sanctissimam memoriam prosequi satis est: cuius famæ latius consulatur si dispensata & digesta fuerit. Verum hæsitanti mihi, omnia quæ jam composui, vobis exhiberem, an adhuc aliqua differrem, simplicius & amicus mihi visum est, omnia, præcipue quum affirmetis
intra

intra vos futura, donec placeat emittere. Quod superest, rogo ut pari simplicitate, si qua existimabitis addenda, commutanda, omittenda, indicetis. Mihi difficile est hucusque intendere animum in dolore: ¹⁶ difficile, sed tamen ut sculptorem, ut pictorem, qui filii vestri imaginem faceret, admoneretis quid exprimere, quid emendare deberet; ita me quoque formate, regite, qui non fragilem & caducam, sed immortalem (ut vos putatis) effigiem conor efficere: quæ hoc diuturnior erit, quo verior, melior, absolutior fuerit. Vale.

XI. C. PLINIVS IVLIO
GENITORI SVO S.

EST omnino Artemidori nostri tam benigna natura, ut officia amicorum in majus extollat: inde etiam meum meritum, ut vera, ita supra meritum prædicatione circumfert. Equidem quum essent philosophi ab urbe summoti, fui apud illum in suburbano: & quo notabilius hoc periculosiusque esset, fui prætor. Pecuniam etiam, quæ tunc illi ampliore opus erat ut æs alienum exsolveret, contractum ex pulcherrimis causis, mussantibus magnis quibusdam & locupletibus amicis, mutuatus ipse, gratuitam dedi. Atque hæc feci, tum septem amicis meis aut occisis aut relegatis; occisis, Senecione, Rustico, Helvidio; relegatis, Maurico, Gratilla, Arria, Fannia. Tot circa me jactis fulminibus quasi ambustus, mihi quoque impendere idem exitium certis quibusdam notis augurarer. Non ideo tamen eximiam gloriam meruisse me, ut ille prædicat, credo: sed tantum effugisse flagitium. Nam & C. Musonium, socerum ejus (quantum licitum est per ætatem), cum admiratione dilexi, & Artemidorum ipsum jam

tum quum in Syria tribunus militarem , arcta familiaritate complexus sum : idque primum nonnullius indolis dedi specimen, quod virum aut sapientem, aut proximum simillimumque sapienti, intelligere sum visus. Nam ex omnibus qui nunc se philosophos vocant, vix unum aut alterum invenies tanta sinceritate , tanta ¹⁷ veritate. Mitto qua patientia corporis hyemes juxta & æstates ferat, ut nullis laboribus cedat, ut nihil in cibo aut potu voluptatibus tribuat, ut oculos animumque contineat. Sunt hæc magna , sed in alio : in hoc vero minima , si ceteris virtutibus comparentur : quibus meruit ut à C. Musonio ex omnibus omnium ordinum affectatoribus gener assumeretur. Quæ mihi recordanti est quidem jucundum quod me cum apud alios , tum apud te tantis laudibus cumulet. vereor tamen ne modum excedat, quem benignitas ejus (illuc enim unde cœpi, revertor) non solet tenere. Nam in hoc uno interdum, vir alioqui prudentissimus, honesto quidem, sed tamen errore versatur, quod pluris amicos suos quam sunt arbitratur. Vale.

XII. C. PLINIVS CATILIO

s v o S.

VEniam ad cœnam : sed jam nunc paciscor , sit expedita, sit parca : Socraticis tantum sermonibus abundet : in his quoque teneat modum. Erunt officia antelucana , in quæ incidere impune ne Catoni quidem licuit. quem tamen C. Cæsar ita reprehendit ut laudet. Describit enim, eos quibus obvius fuerat , quum caput ebrii retexissent, erubuisse : deinde adjicit , *Putares non ab illis Catonem , sed illos à Catone deprehensos.* Potuitne plus auctoritatis tribui Catoni, quam si ebrius quoque

que tam venerabilis erat? Nostræ tamen cœnæ ut apparatus & impendii, sic temporis modus constet. Neque enim ii sumus quos vituperare ne inimici quidem possint, nisi ut simul laudent. Vale.

XIII. C. PLINIVS ¹⁸ ROMANO

SVO S.

Librum quo nuper optimo principi consul gratias egi, nisi exigenti tibi: missurus etsi non exegisses. In hoc consideres velim ut pulchritudinem materiæ, ita difficultatem, in ceteris enim lectorem novitas ipsa intentum habet: in hoc, nota, vulgata dicta sunt omnia: quo fit ut quasi otiosus securusque lector tantum eloquutioni vacet, in qua satisfacere difficilius est quam sola æstimatur. Atque utinam ordo saltem & transitus & figuræ simul spectarentur! Nam invenire præclare, enuntiare magnifice interdum etiam barbari solent: disponere apte, figurare varie, nisi eruditis, negatum est. Nec vero affectanda sunt semper elata & excelsa. Nam ut in pictura lumen non alia res magis quam umbra commendat, ita orationem tam summittere quam attollere decet. Sed quid ego hæc doctissimo viro? quin potius illud, annota quæ putaveris corrigenda. Ita enim magis credam cetera tibi placere, si quædam displicuisse cognovero. Vale.

XIV. C. PLINIVS ACILIO

SVO S.

Rem atrocem, nec tantum epistola dignam, Largius Macedo, vir prætorius, à servis suis passus est: superbus alioqui dominus & sævus, & qui servisse patrem suum parum, immo minimum, meminisset. Lavabatur in villa Formiana: repente eum servi circumstant: alius fauces in-

D 4

vadit,

vadit, alius os verberat, alius pectus, & ventrem, atque etiam (scædum dictu) verenda contundit: & quum exanimem putarent, abjiciunt in fervens pavementum, ut experirentur an viveret. Ille, sive quia non sentiebat, sive quia se non sentire simulabat, immobilis & extentus fidem peractæ mortis implevit. Tum demum, quasi æstu solutus effertur: excipiunt servi fideliores: concubinæ cum ululatu & clamore concurrunt. Ita & vocibus excitatus, & recreatus loci frigore, sublatis oculis agitatoque corpore, vivere se (& jam tutum erat) confitetur. Diffugiunt servi: quorum magna pars comprehensa est, ceteri requiruntur: ipse paucis diebus ægre refocillatus, non sine ultrionis solatio decessit, ita vivus vindicatus ut occisi solent. Vides quot periculis, quot contumeliis, quot ludibriis simus obnoxii. Nec est quod quisquam possit esse securus, quia sit remissus & mitis: non enim iudicio domini, sed scelere perimuntur. Verum hæc hæcenus. Quid præterea novi? Quid? Nihil: alioqui subjungerem. nam & charta adhuc superest, & dies feriatus patitur plura contexti. Addam quod opportune de eodem Macedone succurrit, quum in publico Romæ lavaretur, notabilis atque etiam, ut exitus docuit, ominosa res accidit. Eques Romanus à servo ejus, ut transitum daret, manu leviter admonitus, convertit se, nec servum, à quo erat tactus, sed ipsum Macedonem tam graviter palma percussit, ut pene concideret. Ita balneum illi, quasi per gradus quosdam, primum contumeliæ locus, deinde exitii fuit. Vale.

XV. C. PLINIVS PROCVLO

S V O S.

PETIS ut libellos tuos in secessu legam, examinemque an editione sint digni: ¹⁹ adhibes preces: allegas exemplum. Rogas etiam, ut aliquid succisivi temporis studiis meis subtraham, imperitiam tuis. Adjicis, M. Tullium mira benignitate poetarum ²⁰ ingenia fovisse. Sed ego nec rogandus sum nec hortandus. Nam & poetice ipsam religiosissime veneror, & te validissime diligo. Faciam ergo quod desideras, tam diligenter quam libenter. Videor autem jam nunc posse rescribere, esse opus pulchrum, nec suppressendum, quantum æstimare licuit ex iis quæ me præsentem recitasti: si modo mihi non imposuit recitatio tua. legis enim suavissime & peritissime. Confido tamen, me non sic auribus duci, ut omnes aculei iudicii mei illarum delinimentis ²¹ refringantur. Hebetantur fortasse & paululum retunduntur, revelli quidem extorquerique non possunt. Igitur non temere jam nunc de universitate pronuntio: de partibus experiar legendo. Vale.

XVI. C. PLINIVS NEPOTI

S V O S.

ADnotasse videor, facta dictaque virorum feminarumque illustrium alia clariora esse, alia majora. Confirmata est opinio mea hesterno Fanniae sermone. Neptis hæc Arriæ illius, quæ marito & solatium mortis & exemplum fuit. Multa referebat aviæ suæ non minora hoc, sed obscuriora: quæ tibi existimo tam mirabilia legenti fore, quam mihi audienti fuerunt. Ægrotabat Cæcina Pætus, maritus ejus, ægrotabat & filius, uterque mortifere, ut videbatur: filius decessit, eximia

D. 5,

pul-

pulchritudine, pari verecundia, & parentibus non minus ob alia carus quam quod filius erat. Huic illa ita funus paravit, ita duxit exequias, ut ignoraret maritus. Quinimmo quoties cubiculum ejus intraret, vivere filium atque etiam commodiorem esse simulabat. Ac persæpe interroganti quid ageret puer, respondebat, Bene quievit, libenter cibum sumpsit. Deinde quum diu cohibitz lacrymæ vincerent prorumperentque, egrediebatur. tunc se dolori dabat. satiata, ficcis oculis, composito vultu redibat tanquam orbitatem foris reliquisset. Præclarum quidem illud ejusdem, ferrum stringere, perfodere pectus, extrahere pugionem, porrigere marito, addere vocem immortalem ac pene divinam, *Pate, non dolet.* Sed tamen ista facienti dicentique gloria & æternitas ante oculos erant: quo majus est sine præmio æternitatis, sine præmio gloriæ abdere lacrymas, operire luctum, amissoque filio matrem adhuc agere. Scribonianus arma in Illyrico contra Claudium movebat: fuerat Pætus in partibus, & occiso Scriboniano, Romam trahebatur. Erat ascensurus navem, Arria milites orabat ut simul imponeretur. Nempe enim (inquit) daturi estis consulari viro servulos aliquos, quorum è manu cibum capiat, à quibus vestiatur, à quibus calcietur: omnia vel sola præstabo. Non impetravit. Conduxit piscatoriam naviculam, ingensque navigium minimo secuta est. Eadem apud Claudium uxori Scriboniani, quum illa profiteretur indicium, Ego (inquit) te audiam, cujus in gremio Scribonianus occisus est, & vivis? Ex quo manifestum est, ei consilium pulcherrimæ mortis non subitum fuisse. Quinetiam quum Thrasea gener ejus deprecaretur ne mori pergeret, interque alia dixisset, Tu vis
ergo

ergo filiam tuam, si mihi pereundum fuerit, mori mecum? respondit, Si tam diu tantaque concordia vixerit tecum, quam ego cum Patro, volo. Auxerat hoc responso curam suorum. Attentius custodiebatur: sensit, & Nihil agitis, inquit. Potestis enim efficere ut male moriar: ne moriar, non potestis. Dum hæc dicit, exiit cathedram, aduersoque parieti caput ingenti impetu impegit, & corruit. Refocillata, Dixeram (inquit) vobis, inventuram me quamlibet duram ad mortem viam, si vos facilem negassetis. Videntur hæc tibi maiora illo, *Pate, non dolet*, ad quod per hæc perventum est? quum interim illud quidem ingens fama; hæc, nulla circumfert. Vnde colligitur, quod initio dixi, alia esse claria, alia maiora. Vale.

XVII. C. PLINIVS ²² SEVERIANO

S V O S.

Recte ne omnia, quod jam pridem epistolæ tuæ cessant, an non omnia recte? Sed occupatus es tu? An tu occupatus? Sed occasio scribendi vel rara vel nulla. Exime hunc mihi scrupulum, cui parere non possum. Exime autem vel data opera tabellario misso: ego viaticum, ego etiam præmium dabo: nuntiæt mihi modo quod opto. Ipse valeo: si valere est, suspensum & anxium vivere, expectantem in horas timentemque pro capite amicissimo quicquid accidere homini potest. Vale.

XVIII. C. PLINIVS SEVERO

S V O S.

Officium consulatus injunxit mihi ut reipublice nomine principi gratias agerem. quod ego in Senatu quum ad rationem & loci & temporis ex more fecissem, bono civi convenientissimum credidi, eadem illa spatiosius & uberius volumine

amplecti. primum ut imperatori nostro virtutes suæ veris laudibus commendarentur : deinde ut futuri principes non quasi à magistro , sed tamen sub exemplo præmonerentur, qua potissimum via possent ad eandem gloriam niti. Nam præcipere qualis esse debeat princeps, pulchrum quidem, sed onerosum , ac prope superbum est : laudare vero optimum principem , ac per hoc posteris, velut è specula , lumen quod sequantur, ostendere, idem utilitatis habet, arrogantiae nihil. Cepi autem non mediocrem voluptatem, quod hunc librum quum amicis recitare voluisssem, non per codicillos, non per libellos , sed si commodum esset & si valde vacaret, admoniti (nunquam porro, aut valde raro, vacat Romæ, aut commodum est, audire recitantem) fœdissimis insuper tempestatibus per biduum convenerunt : quumque modestia mea finem recitationi facere voluisset, ut adjicerem tertium diem , exegerunt. Mihi hunc honorem habitum putem, an studiis? Studiis malo, quæ prope extincta refoventur. At cui materiae hanc sedulitatem præstiterunt? nempe quam in Senatu quoque , ubi perpeti necesse erat , gravari tamen vel puncto temporis solebamus , eandem nunc & recitare & qui audire triduo velint, inveniuntur; non quia eloquentius quam prius , sed quia libentius, ideoque etiam libentius , scribitur. Accedet ergo hoc quoque laudibus principis nostri , quod res antea tam invisæ quam falsa, nunc ut vera, ita amabilis facta est. Sed ego cum studium audientium , tum iudicium mire probavi. Animadverti enim severissima quæque vel maxime satisfacere. Memini quidem , me non multis recitasse quod omnibus scripsi : nihilominus tamen , tanquam sit eadem omnium futura sententia, hac severitate aurium:

aurium lætor. Ac sicut olim theatra male musicos canere docuerunt, ita nunc in spem adducor posse fieri, ut eadem theatra bene canere musicos doceant. Omnes enim qui placendi causa scribunt, qualia placere viderint, scribunt: at mihi quidem confido in hoc genere materiæ latioris styli constare rationem, quum ea potius quæ pressius & adstrictius, quam illa quæ hilarius & quasi exultantius scripsi, possint videri accersita & inducta. Non ideo tamen segnius precor ut quandoque veniat dies (utinamque jam venerit!) quo austeris illis severisque dulcia hæc blandaque vel iusta possessione decedant. Habes acta mea tridui: quibus cognitis volui tantum te voluptatis absentem, & studiorum nomine & meo capere, quantum præsens percipere potuisses. Vale.

XIX. C. PLINIVS CALVISIO.

R V F O S V O S.

ASsumo te in consilium rei familiaris, ut soleo. Prædia agris meis vicina, atque etiam inserta, venalia sunt. In his me multa sollicitant, aliqua nec minora deterrent. Sollicitat primum ipsa pulchritudo jungendi: deinde, quod non minus utile quam voluptuosum, posse utraque eadem operâ, eodem viatico invisere, sub eodem procuratore, ac pene iisdem actoribus habere, unam villam colere & ornare, alteram tantum tueri. Inest huic computationi sumptus supellectilis, sumptus atriensium, topiariorum, fabrorum, atque etiam venatorii instrumenti: quæ plurimum refert, unum in locum conferas, an in diversa dispargas. Contra, vereor ne sit incautum, rem tam magnam iisdem tempestatibus, iisdem casibus subdere. Tutius videtur incerta fortunæ possessionum varietatibus

tatibus experiri. Habet etiam multum jucunditatis soli cælique mutatio, ipsaque illa peregrinatio interfit. Iam, quod deliberationis nostræ caput est, agri sunt fertiles, pingues, aquosi: constant campis, vineis, silvis, quæ materiam & ex ea redditum sicut modicum, ita statum præstant. Sed hæc felicitas terræ imbecillis cultoribus fatigatur. Nam possessor prior sæpius vendidit pignora: & dum reliqua colonorum minuit ad tempus, vires in posterum exhaustit, quarum defectione rursus reliqua creverunt. Sunt ergo instruendi complures frugi mancipes. Nam nec ipse usquam vinctos habeo, nec ibi quisquam superest. Vt scias quanti videantur posse emi, sestertio tricies: non quia non aliquando quinquagies fuerint, verum & hac penuria colonorum & communi temporis iniquitate, ut redditus agrorum, sic etiam pretium retro abiit. Quæris an hoc ipsum tricies facile colligere possimus? sum quidem prope totus in prædiis, aliquid tamen scœnore nec molestum erit mutuari. Accipiam à focu, cujus arca non secus ac mea utor. Proinde hoc te non moveat, si cetera non refragantur: quæ velim quam diligentissime examines. Nam cum in omnibus rebus, tum in disponendis facultatibus plurimum tibi & usus & providentiæ superest. Vale.

XX. C. PLIN. MAXIMO

S V O S.

Meministine te sæpe legisse quantas contentiones excitavit lex tabellaria, quantumque ipsi latori vel gloriæ vel reprehensionis attulerit? At nunc in Senatu sine ulla ²² dissensione hoc quidem, ut optimum, placuit. Omnes comitionum die tabellas postulaverunt. Excefferamus
sane

fane manifestis illis apertisque suffragiis licentiam concionum. Non tempus loquendi, non tacendi modestia, non denique ²³ sedendi dignitas custodiebatur. Magni undique dissonique clamores: procurrebant omnes cum suis candidatis: multa agmina in medio, multique circuli & indecora confusio: adeo desciveramus à consuetudine parentum, apud quos omnia disposita, moderata, tranquilla, majestatem loci pudoremque retinebant. Superfunt senes, ex quibus audire soleo hunc ordinem comitiorum. Citato nomine candidati, silentium summum. Dicebat ipse pro se, vitam suam explicabat, testes & laudatores dabat, vel eum sub quo militaverat, vel eum cui quæstor fuerat: vel utrumque, si poterat. Addebat quosdam ex suffragatoribus: illi graviter & paucis loquebantur. Plus hoc quam preces proderat. Nonnunquam candidatus aut natales competitoris, aut annos, aut etiam mores arguebat. Audiebat Senatus gravitate censoria: ita sæpius digni quam gratiosi prævalebant. Quæ nunc immodico favore corrupta, ad tacita suffragia, quasi ad remedium, decurrerunt. quod interim plane remedium fuit: erat enim novum & subitum. Sed vereor ne procedente tempore ex ipso remedio vitia nascantur. Est enim periculum ne tacitis suffragiis impudentia irrepat. Nam quotocuique eadem honestatis cura secreto, quæ palam? Multi famam, conscientiam pauci verentur. Sed nimis cito de futuris: interim beneficio tabellarum habebimus magistratus, qui maxime fieri debuerunt. Nam ut in recuperatoriis judiciis, sic nos in his comitiis, quasi repente apprehensi, sinceri iudices fuimus. Hæc tibi scripsi, primum ut aliquid novi scriberem, deinde ut nonnunquam de republica loque-

rer, cujus materiæ nobis quanto rarior quam veteribus occasio, tanto minus omittenda est. Et hercule quousque illa vulgaria? *Eho, quid agis? ecquid commode vaies?* Habeant nostræ quoque literæ aliquid non humile, nec sordidum, nec privatis rebus inclusum. Sunt quidem cuncta sub unius arbitrio, qui pro utilitate communi solus omnium curas laboresque suscepit; quidam tamen salubri quodam temperamento ad nos quoque, velut rivi ex illo benignissimo fonte decurrunt, quos & haurire ipsi & absentibus amicis quasi ministrare epistolis possumus. Vale.

XXI. C. PLINIVS PRISCO

S V O S.

AVdio Valerium Martialem decessisse, & moleste fero. Erat homo ingeniosus, acutus, acer, & qui plurimum in scribendo & salis haberet & fellis, nec candoris minus. Prosequutus eram viatico secedentem. Dederam hoc amicitiae, dederam etiam versiculis quos de me composuit. Fuit moris antiqui, eos qui vel singulorum laudes vel urbium scripserant, aut honoribus aut pecunia ornare: nostris vero temporibus, ut alia speciosa & egregia, ita hoc in primis exolevit. Nam postquam desimus facere laudanda, laudari quoque ineptum putamus. Quæris qui sint versiculi quibus gratiam retulerim? Remitterem te ad ipsum volumen, nisi quosdam tenerem: tu, si placuerint hi, ceteros in libro requires. Alloquitur Musam, mandat: ut domum meam in Exquiliis quærat, adeat reverenter:

Sed ne tempore non tuo disertam

Palses ebria januam, videto.

Totos dat tetrica dies Minerva,

Dum

Dum centum studet auribus virorum.

Hoc quod secula posterique possint

Arpinis quoque comparare chartis.

Seras tutior ibis ad lucernas,

Hæc hora est tua quum furit Lyæus :

Quum regnat rosa, quum madent capilli,

Tunc me vel rigidi legant Catones.

Meritone eum qui hæc de me scripsit, & tunc dimisi amicissime, & nunc, ut amicissimum, defunctum esse doleo? Dedit enim mihi quantum maximum potuit, daturus amplius, si potuisset. Tamen si quid homini potest dari majus quam gloria, & laus, & æternitas? At non erunt æterna quæ scripsit. Non erunt fortasse: ille tamen scripsit tanquam essent futura. Vale.

LIBER IV.

I. C. PLINIVS FABATO

PROSOCERO SVO S.



CUPIS post longum tempus neptem tuam meque una videre. Gratum est utrique nostrum quod cupis; mutuo me hercule. Nam invicem nos incredibili quodam desiderio vestri tenemur, quod non ultra differemus. Atque adeo jam sarcinulas alligamus, festinaturi quantum itineris ratio permiserit. Erit una, sed brevis, mora: dessectemus in Tuscos, non ut agros remque familiarem oculis subjiciamus (id enim postponi potest), sed ut fungamur necessario officio. Oppidum est prædiis nostris vicinum, nomen ¹ Tiferinum Tiberinum, quod me pene adhuc puerum patronum cooptavit: tanto majore studio, quan-
to

to minore iudicio adventus meus celebrat, perfectionibus angitur, honoribus gaudet. In hoc ego ut referrem gratiam (nam vinci in amore turpissimum est) templum pecunia mea extruxi; ejus dedicationem, quum sit paratum, differre longius, irreligiosum est. Erimus ergo ibi dedicationis die, quem epulo celebrare constitui. Subsistemus fortasse & sequenti: sed tanto magis viam ipsam corripiemus. Contingat modo te filiamque tuam fortes invenire! nam hilares certum est, si nos incolumes receperitis. Vale.

II. C. PLIN. CLEMENTI

S V O S.

Regulus filium amisit: hoc uno malo indignus, quod nescio an malum putet. Erat puer acris ingenii, sed ambiguus: qui tamen posset recta sectari, si patrem non referret. Hunc Regulus emancipavit, ut heres matris existeret. Emancipatum (ita vulgo ex moribus hominis loquebantur) foeda & insolita parentibus indulgentiæ simulatione captabat. Incredibile est, sed Regulum cogita. Amisum tamen luget insane. Habebat puer manulos multos & vinctos & solutos: habebat canes majores minoresque: habebat luscinnias, psittacos, merulas: omnes Regulus circa rogam trucidavit. Nec dolor erat ille, sed ostentatio doloris. Convenitur ad eum mira celebritate. Cuncti detestantur, oderunt, & quasi probent, quasi diligant, cursant, frequentant: utque breviter quod sentio, enuntiem, in Regulo demerendo, Regulum imitantur. Tenet se trans Tiberim in hortis, in quibus latissimum solum porticibus immensis, ripam statuis suis occupavit: ut est in summa avaritia sumptuosus, in summa infamia gloriosus. Vexat ergo civitatem.

vitatem² insaluberrimo tempore: & quod vexat, solatium putat. Dicit se velle ducere uxorem: hoc quoque, sicut alia, perverse. Audies brevi nuptias lugentis, nuptias senis: quorum alterum, immaturum: alterum, serum est. Vnde hoc augurer quæris? non quia affirmat ipse (quo mendacius nihil est) sed quia certum est Regulum esse facturum quicquid fieri non oportet. Vale.

III. C. PLIN. ANTONINO

s v o s.

QVod semel atque iterum consul fuisti, similis antiquis, quod proconsul Asiæ, qualis ante te, qualis post te vix unus aut alter, (non finit enim me verecundia tua dicere, qualis nemo) quod sanctitate, quod auctoritate, ætate quoque princeps civitatis; est quidem venerabile & pulchrum: ego tamen te vel magis in remissionibus miror. Nam severitatem istam pari jucunditate condire, summaque gravitati tantum comitatus adjungere, non minus difficile quam magnum est. Id tu cum incredibili quadam suavitate sermonum, tum vel præcipue stylo assequeris. Nam & loquenti tibi illa Homerici senis mella profluere, & quæ scribis, complere apes floribus, &³ innescere videntur. Ita certe sum relictus ipse quum Græca epigrammata tua, quum iambos proxime legerem. Quantum ibi humanitatis, venustatis! quam dulcia illa! quam amantia! quam antiqua! quam arguta! quam recta! Callimachum me, vel Herodem, vel si quid his melius, tenere credebam; quorum tamen neuter utrumque aut absolvit aut attigit. Hominemne Romanum tam Græce loqui? Non, medius fidius ipsas Athenas tam Atticas dixerim. Quid multa? Invideo Græcis, quod illorum lingua scribere

bere maluisti. Neque enim conjectura eget quid sermone patrio exprimere possis, quum hoc in-
sitio & inducto tam præclara opera perfeceris.
Vale.

IV. C. PLINIVS SOSSIO

s v o s.

Calvisium Nepotem validissime diligo, virum
industrium, rectum, disertum, quod apud me
vel potissimum est. Idem C. Calvisium, contuber-
nalem meum, amicum tuum, arcta propinquitate
complectitur. Est enim filius sororis. Hunc ergo
rogo semestri tribunatu splendidiorem & sibi &
avunculo suo facias. Obligabis me, obligabis
Calvisium nostrum, obligabis ipsum, non minus
idoneum debitorem quam nos putas. Multa bene-
ficia in multos contulisti: ausim contendere, nul-
lum te melius, æque bene vix unum aut alterum
collocasse. Vale.

V. C. PLINIVS SPARSO

s v o s.

ASchinem aiunt petentibus Rhodiis legisse
orationem suam, deinde Demosthenis: sum-
mis utramque clamoribus esse probatam. Quod
tantorum virorum contigisse scriptis non miror,
quum orationem meam proxime doctissimi ho-
mines hoc studio, hoc assensu, hoc etiam labore
per biduum audierint: quamvis hanc inten-
tionem eorum nulla hinc & inde collatio, nullum
quasi certamen accenderet. Nam Rhodii cum
ipsis orationum virtutibus, tum etiam compara-
tionis aculeis excitabantur: nostra oratio sine æ-
mulationis gratia probabatur. An merito, scies
quum legeris librum; cujus amplitudo non finit
me longiore epistola præloqui. Oportet enim nos
in

in hac certe, in qua possumus, breves esse: quo sic excusatus, quod librum ipsum, non tamen ultra causæ amplitudinem, extendimus. Vale.

VI. C. PLINIVS NASONI

s v o S.

THufci grandine excussi, in regione Transpadana summa abundantia, sed par vilitas nuntiatur: solum mihi Laurentinum meum in redditu. Nihil quidem ibi possideo præter tectum & hortum, ⁴ statimque arenas: solum tamen mihi in redditu. Ibi enim plurimum scribo: nec agrum (quem non habeo) sed ipsum me studiis excolo; ac jam possum tibi, ut aliis in locis horreum plenum, sic ibi scrinium ostendere. Igitur tu quoque, si certa & fructuosa prædia concupiscis, aliquid in hoc litore para. Vale.

VII. C. PLINIVS LEPIDO

s v o S.

Sæpe tibi dico, inesse vim Regulo. Mirum est quam efficiat in quod incubuit. Placuit ei luere filium: luget ut nemo. Placuit statuas ei & imagines quam plurimas facere: hoc omnibus officinis agit. Illum coloribus, illum cera, illum ære, illum argento, illum auro, ebore, marmore cingit. Ipse etiam nuper, adhibito ingenti auditorio, librum de vita ejus recitavit: tum eundem librum in exemplaria transcriptum mille per totam Italiam provinciasque dimisit. Scripsit publice, ut à decurionibus eligeretur vocalissimus aliquis ex ipsis, qui legeret eum populo: factum est. Hanc ille vim (seu quo alio nomine vocanda est intentio quicquid velis obtinendi) si ad potiora vertisset, quantum boni efficere potuisset? quanquam minor vis bonis quam malis inest, ac sicut *am-*
ma-

διὰ μὲν ὀφθαλμοῦ, λογισμὸς δὲ ὅκνον φέρει, ita recta ingenia debilitat verecundia, perversa confirmat audacia. Exemplo est Regulus. Imbecillum latus, os confusum, hæsitans lingua, tardissima inventio, memoria nulla: nihil denique præter ingenium insanum: & tamen eo impudentia ipsoque illo furore pervenit, ut à plurimis orator habeatur. Itaque Herennius Senecio mirifice Catonis illud de oratore in hunc è contrario vertit; Orator est vir malus, dicendi imperitus. Non, mehercule, Cato ipse tam bene verum oratorem, quam hic Regulum expressit. Habetne quo tali epistolæ parem gratiam referas? Habes, si rescripseris num aliquis in municipio vestro ex sodalibus meis, num etiam ipse tu nunc luctuosum Reguli librum, ut circulator, in foro legeris, scilicet, ut ait Demosthenes, ἐπιδράς τιμὴ φωνῶν καὶ γέμηθῶς, καὶ λαφύλλῳ ζῶν. Est enim tam ineptus, ut risum magis possit exprimere, quam gemitum. Credas non de puero scriptum, sed à puero. Vale.

VIII. C. PLIN. ARIANO

s v o s.

Gratularis mihi quod acceperim Auguratum: jure gratularis. primum, quod gravissimi principis judicium in minoribus etiam rebus consequi pulchrum est: deinde quod sacerdotium ipsum cum priscum & religiosum, tum hoc quoque sacrum plane & insigne est, quod non adimitur viventi. Nam cetera, quanquam dignitate prope modum paria, ut tribuuntur, sic auferuntur: in hoc fortunæ hætenus licet, ut dari possit. Mihi vero etiam illud gratulatione dignum videtur, quod successi Iulio Frontino, principi viro: qui me nominationis die per hos continuos annos inter sacerdotes

cerdotes nominabat, tanquam in locum suum cooptaret. quod nunc eventus ita comprobavit, ut non fortuitum videretur. Te quidem (ut scribis) ob hoc maxime delectat Auguratus meus, quod Marcus Tullius augur fuit. Lætari enim quod honoribus ejus insistant, quem æmulari in studiis cupio. Sed utinam ut sacerdotium, idem & consulatum, multo etiam júnior quam ille, sum consequutus; ita senex saltem ingenium ejus aliqua ex parte assequi possim! Sed nimirum quæ sunt in manu hominum, & mihi & multis contigerunt: illud vero ut adipisci arduum, sic etiam sperare nimium est, quod dari non nisi à Diis potest. Vale.

IX. C. PLINIVS VRSO

S V O S.

CAusam per hos dies dixit Iulius Bassus, homo laboriosus & adversus suis clarus. Accusatus est sub Vespasiano à privatis duobus: ad Senatum admissus, diu pependit; tandemque absolutus vindicatusque est. Titum timuit: ut Domitiani amicus à Domitiano relegatus est. Revocatus à Nerva, sortitusque Bithyniam, rediit reus, accusatus non minus acriter quam fideliter defensus, Varias sententias habuit, plures tamen, quasi mitiores. Egit contra eum Pomponius Rufus, vir ⁶ paratus & vehemens. Rufo successit Theophanes, unus ex legatis, princeps & fax accusationis & origo. Respondi ego. Nam mihi Bassus injunxerat ut totius defensionis fundamenta jacerem; dicerem de ornamentis suis, quæ illi & ex generis claritate & ex periculis ipsis magna erant; dicerem de ⁷ conspiratione delatorum, quam in quæstu habebant; dicerem causas, quibus factiosissimum quem-

quemque, ut illum ipsum Theophanem, offendisset. Eundem me voluerat occurrere crimini, quo maxime premebatur, in aliis enim, quamvis auditu gravioribus, non absolutionem modo, verum etiam laudem merebatur. Hoc illum alias onerabat, quod homo simplex & incautus quædam à provincialibus, ut amicus, acceperat. Nam fuerat in provinciâ eâdem quæstor. Hæc accusatores furta ac rapinas; ipse munera vocabat: sed lex munera quoque accipi vetat. Hic ego quid agerem? quod iter defensionis ingrederer? Negarem? Verebar ne plane furtum videretur, quod confiteri timerem. Præterea rem manifestam inficiari, augentis erat crimen, non diluentis: præsertim quum reus ipse nihil integrum advocatis reliquisset. Multis enim, atque etiam principi, dixerat, sola se munuscula, duntaxat natali suo aut Saturnalibus, accepisse, & plerisque misisse. Veniam ergo peterem? Iugularem reum, quem ita deliquisse concederem, ut servari, nisi venia, non posset. Tanquam recte factum tuerer? Non illi profuissem, sed ipse impudens extitissem. In hac difficultate placuit medium quiddam tenere. Videor tenuisse. Actionem meam, ut prælia solet, nox diremit. Egeram horis tribus & dimidia; supererat sesquihora. Nam quum è lege accusator sex horas, novem reus accepisset, ita diviserat tempus reus inter me & eum qui dicturus post erat, ut ego quinque horis, ille reliquis uteretur. Mihi successus actionis silentium finemque suadebat. Temerarium est enim secundis non esse contentum. Ad hoc verebar ne me corporis vires iterato labore desererent; quem difficilior est repetere quam jungere. Erat etiam periculum ne reliqua actio mea & frigus ut deposita, & tædium

dium ut resumpta pateretur. Vt enim faces ignem assidua concussione custodiunt, dimissum ægerime reparant, sic & dicentis calor & audientis intentio continuatione fervatur, intercapedine & quasi remissione languescit. Sed Bassus multis precibus, pene etiam lacrymis, obsecrabat, implerem meum tempus. Parui, utilitatemque ejus prætuli meæ. Bene cessit: inveni ita erectos animos Senatus, ita recentes, ut priore actione incitati magis quam satiati viderentur. Successit mihi Lucius Albinus tam apte, ut orationes nostræ varietatem duarum, contextum unius habuisse credantur. Respondit Herennius Pollio instanter & graviter: Deinde Theophanes rursus. Fecit enim hoc quoque, ut cetera, impudentissime, quod post duos, & consulares & disertos, tempus sibi, & quidem laxius, vindicavit. Dixit in noctem, atque etiam nocte, illatis lucernis. Postero die egerunt pro Basso Titius Hornulus, & Fronto, mirifice: quartum diem probationes occupaverunt. Censuit Bæbius Macer, consul designatus, lege repetundarum Bassum teneri: Cæpio Hispo, salva dignitate, iudices dandos. Uterque recte. Qui fieri potest (inquis) quum tam diversa censuerint? quia scilicet & Macro, legem intuenti, consentaneum fuit damnare eum qui contra legem munera acceperat: & Cæpio, quum putaret licere Senatui, sicut licet, & mitigare leges & intendere, non sine ratione veniam dedit facto, vetito quidem, non tamen inusitato. Prævaluit sententia Cæpionis: quinimmo consurgenti ei ad censendum, acclamatum est quod solet residentibus. Ex quo potes æstimare, quanto consensu sit exceptum quum diceret quod tam favorabile fuit, quum dicturus videretur. Sunt tamen ut in Senatu, ita in civitate,

in duas partes hominum judicia divisa. Nam quibus sententia Cæpionis placuit, sententiam Macri ut duram rigidamque reprehendunt : quibus Macri, illam alteram dissolutam atque etiam incongruentem vocant. Negant enim congruens esse, retinere in Senatu cui iudices dederis. Fuit & tertia sententia, Valerius Paulinus assensus Cæpioni, hoc amplius censuit, referendum de Theophane, quum ⁹ legationem renuntiasset. Arguebat enim multa in accusatione fecisse, quæ illa ipsa lege, qua Bassum accusaverat, tenerentur. Sed hanc sententiam consules (quanquam maximæ parti Senatus mire probatur) non sunt prosequuti. Paulinus tamen & justitiæ famam & constantiæ tulit. Missio Senatu Bassus, magna hominum frequentia, magno clamore, magno gaudio exceptus est. Fecerat eum favorabilem renovata discriminum vetus fama, notumque periculis nomen, & in procero corpore mœsta & squalida senectus. Habebis hanc interim epistolam ut *ἀεὶ δεῖναι* : expectabis orationem plenam onustamque : & expectabis diu : neque enim leviter & cursim, ut de re tanta, retractanda est. Vale.

X. C. PLINIVS SABINO

S V O S.

SCribis mihi, Sabinam, quæ nos reliquit heredes, Modestum servum suum nusquam liberum esse iussisse : idem tamen, sic adscripsisse legatum, Modesto, quem liberum esse iussi. Quæris quid sentiam ? Contuli ⁹ cum prudentibus. Convenit inter omnes nec libertatem deberi, quia non fit data ; nec legatum, quia servo suo dederit. Sed mihi manifestus error videtur : ideoque puto nobis, quasi scripserit Sabina, faciendum, quod ipsa scri-

scripsisse se credidit. Confido accessurum te sententiæ meæ, cum religiosissime soleas custodire defunctorum voluntatem, quam bonis heredibus intellexisse pro jure est. Neque enim minus apud nos honestas, quam apud alios necessitas valet. Moretur ergo in libertate, finientibus nobis, fruatur legato, quâ omnia diligentissime caverit. Cavet enim quæ heredes bene elegit. Vale.

XI. C. PLINIVS MINVTIANO

SVO S.

Avdistine Valerium Licinianum in Sicilia profiteri? Nondum te puto audisse: est enim recens nuntius. Prætorius hic modo inter eloquentissimos causarum actores habebatur: nunc eo, decidit ut exul de senatore, rhetor de oratore fieret. Itaque ipse in præfatione dixit dolenter & graviter, Quos tibi fortuna ludos facis? Facis enim ex professoribus senatores, ex senatoribus professores. Cui sententiæ tantum bilis, tantum amaritudinis inest, ut mihi videatur ideo professus, ut hoc diceret. Idem, quum Græco pallio amictus intrasset (carent enim togæ jure, quibus aqua & igni interdictum est) postquam se composuit, circumspexitque habitum suum, Latine (inquit) declamaturus sum: 1^o dicens tristitia & miseranda. 2^a dignum tamen illum, qui hæc ipsa studia incesti scelere maculaverit. Confessus est quidem incestum: sed incertum utrum quia verum erat, an quia graviora metuebat, si negasset. Fremebat enim Domitianus, æstuabatque ingenti invidia destitutus. Nam quum Corneliam Maximillam Vestalem defodere vivam concupisser, ut qui illustrari seculum suum ejusmodi exemplo arbitraretur, Pontificis maximi jure, seu potius immanitate

tyranni, licentia domini, reliquos Pontifices non in regiam, sed in Albanam villam convocavit. Nec minore scelere quam quod ulcisci videbatur, absentem inauditamq; damnavit incesti, quum ipse fratris filiam incesto non polluisset solum, verum etiam occidisset. Nam vidua abortu periit. Missi statim Pontifices, qui defodiendam necandamque curarent. Illa nunc ad Vestam, nunc ad ceteros deos manus tendens, multa, sed hoc frequentissime, clamitabat; ME CÆSAR INCESTAM PVTAT; QVA SACRA FACIENTE, VICIT, TRIUMPHAVIT. Blandiens hæc, an irridens, ex fiducia sui, an ex contemptu principis dixerit, dubium est. dixit, donec ad supplicium, nescio an innocens, certe tanquam nocens ducta est. Quin etiam, quum in illud subterraneum cubiculum demitteretur, hæsissetque descendenti stola, vertit se ac recollegit; quumque ei carnifex manum daret, averfata est, & resiliuit, fœdumque ¹² contagium, quasi plane à casto puroque corpore, novissima sanctitate rejecit; omnibusque numeris pudoris, *πᾶσι τοῖς ἀρεταῖς* εἶχε, *εὐχρημένως πείρειν*. Præterea Celer, eques Romanus, cui Cornelia objiciebatur, quum in comitio virgis caderetur, in hac voce perstiterat, Quid feci? nihil feci. Ardebat ergo Domitianus & crudelitatis & iniquitatis infamia. Arripit Licinianum, quod in agris suis occultasset Corneliæ libertam: ille ab iis, quibus erat curæ, præmonetur, si comitium & virgas pati noller, ad confessionem confugeret, quasi ad veniam: fecit. Loquutus est pro absente Herennius Senecio tale quiddam, quale est illud, *Κεῖται Πάτριος κλέος*. Ait enim, ex Advocato nuntius factus sum. Recessit Licinianus. Gratum hoc Domitiano, adeo quidem ut gaudio prodederetur, dicereque; Absolvit nos Licinianus. Ad-

jecit

jecit etiam, non esse verecundiæ ejus instandum : ipsi vero permisit si qua posset, ex rebus suis raperet antequam bona publicarentur , exiliumque molle, velut præmium, dedit. Ex quo tamen postea clementia divi Nervæ translatus est in Siciliam , ubi nunc proficitur , seque de fortuna præfationibus vindicat. Vides quam obsequenter paream tibi , qui non solum res urbanas , verum etiam peregrinas tam sedulo scribo, ut altius repetam. Et sane putabam te, quia tunc abfuisti, nihil aliud de Liciniano audisse , quam relegatum ob incestum. Summam enim rerum nuntiat fama, non ordinem. Mereor ut vicissim quid in oppido tuo, quid in finitimis agatur (solent enim notabilia quædam incidere) perscribas : denique quicquid voles , dummodo non minus longa epistola nunties. Ego non paginas tantum, sed etiam versus syllabasque numerabo. Vale.

XII. C. PLINIVS ARRIANO

S V O S.

AMas Egnatium Marcellinum atque etiam mihi sæpe commendas : amabis magis commendabisque, si cognoveris recens ejus factum. Quum in provinciam quæstor exisset , scribamque , qui forte obtigerat , ante legitimum salarii tempus amississet, quod acceperat scribæ daturus, intellexit & statuit subsidere apud se non oportere. Itaq; reversus, Cæsarem, deinde, Cæsare auctore, Senatum consuluit, quid fieri de salario vellet. Parva quæstio, sed tamen quæstio. Heredes scribæ sibi, præfecti ærario populoque vindicabant. Acta causa est : dixit heredum advocatus , deinde populi : uterque percommode. Cæcilius Strabo ærario censuit inferendum ; Bæbius Macer heredibus

dandum. Obtinuit Strabo. Tu lauda Marcellinum, ut ego statim feci. Quamvis enim abunde sufficiat illi, quod est & à Principe & à Senatu probatus, gaudebit tamen testimonio tuo. Omnes enim, qui gloria famaue ducuntur, mirum in modum assensio & laus à minoribus etiam profecta delectat. Te vero Marcellinus ita reveretur, ut iudicio tuo plurimum tribuat. Accedit his, quod si cognoverit factum suum isto usque penetrasse, necesse est laudis suæ spatio & cursu & peregrinatione lætetur. Etenim nescio quo pacto vel magis homines juvat gloria lata quam magna. Vale.

XIII. C. PLINIVS CORNELIO
TACITO SVO S.

SAlvum te in urbem venisse gaudeo. Venisti autem, si quando alias, nunc maxime mihi desideratus. Ipse pauculis adhuc diebus in Tusculano commorabor, ut opusculum quod est in manibus, absolvam. Vereor enim ne, si hanc intentionem jam in fine intermisero, ægre resumam: interim ne quid festinationi meæ pereat, quod sum præsens petiturus, hac quasi præcursoria epistola rogo. Sed prius accipe causas rogandi, deinde ipsum quod peto. Proxime quum in patria mea fui, venit ad me salutandum municipis mei filius prætextatus. Huic ergo, Studes? inquam. Respondit, Etiam. Vbi? Mediolani. Cur non hic? Et pater ejus (erat enim una, atque etiam ipse adduxerat puerum), Quia nullos hic præceptores habemus. Quare nullos? Nam vehementer intererat vestra qui patres estis (& opportune complures patres audiebant), liberos vestros hic potissimum discere. Vbi enim aut jucundius morarentur quam in patria; aut pudicius continerentur quam

quam sub oculis parentum ? aut minore sumptu quam domi ? Quantulum est ergo collata pecunia conducere præceptores ? quodque nunc in habitationes , in viatica , in ea quæ peregre emuntur (omnia autem peregre emuntur) impenditis , adjicere mercedibus ? Atque adeo ego , qui nondum liberos habeo, paratus sum pro repub. nostra, quasi pro filia vel parente , tertiam partem ejus quod conferre vobis placebit, dare. Totum etiam pollicerer , nisi timerem ne hoc munus meum quandoque ambitu corrumpetur : ut accidere multis in locis video, in quibus præceptores publice conducuntur. Huic vitio uno remedio occurri potest , si parentibus solis jus conducendi relinquatur , iisdemque religio recte judicandi necessitate collationis addatur. Nam qui fortasse de alieno negligentes, certe de suo diligentes erunt: dabuntque operam , ne eam à me pecuniam non nisi dignus accipiat , si accepturus & ab ipsis erit. Proinde consentite, conspirete, majoremque animū ex meo sumite, qui cupio esse quam plurimum quod debeam conferre. Nihil honestius præstare liberis vestris, nihil gratius patriæ potestis.¹⁴ Edoceantur hîc qui hîc nascuntur, statimque ab infantia natale solum amare , frequentare consuecant. Atque utinam tam claros præceptores inducatis, ut à finitimis oppidis studia hinc petantur ! utque nunc liberi vestri aliena in loca, ita mōx alieni in hunc locum confluant : Hæc putavi altius & quasi à fonte repetenda ; quo magis scires quam gratum mihi foret si susciperes quod injungo. Injungo autem , & pro rei magnitudine rogo, ut ex copia studiosorum , quæ ad te ex admiratione ingenii tui convenit , circumspicias præceptores quos sollicitare possimus : sub ea tamen conditione , ne

cui fidem meam obstringam. Omnia enim libera parentibus servo. Illi judicent, illi eligant: ego mihi curam tantum & impendium vindico. Proinde si quis fuerit repertus qui ingenio suo fidat, eat illuc ea lege ut hinc nihil aliud certum quam fiduciam suam ferat. Vale.

XIV. C. PLINIVS PATERNO

s v o S.

TV fortasse orationem, ut soles, & flagitas & expectas: at ego quasi ex aliqua peregrina delicataque merce lusus meos tibi prodo. Accipies eum hac epistola hendecasyllabos nostros: quibus nos in vehiculo, in balineo, inter cœnam oblectamus otium temporis. His jocamur, ludimus, amamus, dolemus, querimur, irascimur: describimus aliquid modo pressius, modo elatius: atque ipsa varietate tentamus efficere ut alia aliis, quædam fortasse omnibus, placeant. Ex quibus tamen si nonnulla tibi paulo petulantiora videbuntur, erit eruditionis tuæ cogitare, summos illos & gravissimos viros qui talia scripserunt, non modo lascivia rerum, sed ne verbis quidem nudis abstinuisse. quæ nos refugimus, non quia severiores (unde enim?) sed quia timidiore sumus. Scimus alioqui hujus opusculi illam esse verissimam legem quam Catullus expressit.

Nam castum esse decet pium poëtam

Ipsum, versiculos nihil necesse est;

Qui tunc denique habent salem & leporem,

Si sunt molliculi & parum pudici.

Ego quanti faciam judicium tuum, vel ex hoc potes æstimare, quod malui omnia à te pensitari quam electa laudari. Et sane quæ sunt commodissima, desinunt videri quum paria esse cœperunt.

ruat. Præterea sapiens subtilisque lector debet non diversis conferre diversa, sed singula expendere, nec deterius ¹⁵ aliquid putare quod est in suo genere perfectum. Sed quid ego plura? Nam longiore præfatione vel excusare vel commendare ineptias, ineptissimum est. Vnum illud prædicendum videtur, cogitare me has nugas meas ita inscribere, Hendecasyllabi, qui titulus sola metri lege constringitur. Proinde si ve epigrammata, si ve idyllia, si ve eclogas, si ve (ut multi) poemata, seu quod aliud vocare malueris, licebit voces: ego tantum hendecasyllabos præsto. A simplicitate tua peto ut quod de libello meo dicturus es aliis, mihi dicas. neque est difficile quod postulo. nam si hoc opusculum nostrum aut potissimum esset aut solum, fortasse posset durum videri dicere. Quære quod agas: molle & humanum est, Habes quod agas. Vale.

XV. C. PLINIVS FVNDANO

S V O S:

SI quid omnino, hoc certe iudicio facio, quod Asinium Rufum singulariter amo. Est homo eximius & bonorum amantissimus. Cur enim non me quoque inter bonos numerem? Idem Cornelium Tacitum (scis quem virum) arcta familiaritate complexus est. Proinde si utrumque nostrum probas, de Rufo quoque necesse est idem sentias, cum sit ad connectendas amicitias vel tenacissimum vinculum, morum similitudo. Sunt ei liberi plures. Nam in hoc quoque functus est optimi civis officio, quod fecunditate uxoris large frui voluit eo seculo, quo plerisque etiam singulos filios orbitatis præmia graves faciunt: quibus ille despectis, avi quoque nomen assumpsit.

E. 5;

Est

Est enim avus, & quidem ex Sатурio Firmo, quem diliges ut ego, si, ut ego, propius inspexeris. Hæc eo pertinent, ut scias quam copiosam, quam numerosam domum uno beneficio sis obligaturus: ad quod petendum, voto primum, deinde bono quodam omine adducimur. Optamus enim tibi ominamurque in proximum annum consulatum. Ita nos virtutes tuæ, ita judicia principis augurari volunt. Concurrit autem, ut sit eodem anno quæstor maximus ex liberis Rufi, Asinius Bassus, juvenis (nescio an dicam quod me pater & sentire & dicere cupit, adolescentis verecundia vetat), ipso patre melior. Difficile est, ut mihi de absente credas, quanquam credere soles omnia, tantum in illo industriæ, probitatis, eruditionis, ingenii, studii, memoriæ denique esse, quantum expertus invenies. Vellem tam ferax seculum bonis artibus haberemus ut aliquos Basso præferre deberes: tum ego te primus hortarer moneremque, circumferres oculos, ac diu pensitares quem potissimum eligeres. Nunc vero: sed nihil volo de amico meo arrogantius dicere: hoc solum dico, dignum esse juvenem quem more majorem in filii locum assumes. Debent autem sapientes viri, ut tu, tales quasi à repub. liberos accipere, quales à natura solemus optare. Decorus erit tibi consuli quæstor patre prætorio, propinquis consularibus: quibus, iudicio ipsorum, quanquam adolescentulus adhuc, jam tamen invicem ornamento est. Proinde indulge precibus meis, obsequere consilio: & ante omnia, si festinare videor, ignosce: primum quia votis suis amor plerunque præcurrit: deinde quod in ea civitate in qua omnia quasi ab occupantibus aguntur, quæ legitimus tempus expectant, non matura, sed sera sunt; in summa, quod rerum quas

asle-

affequi cupias, præsumptio ipsa jucunda est. Revereatur jam te Bassus ut consulem; tu dilige eum ut quæstorem: nos denique, utriusque vestrum amantissimi, duplici lætitia perfruamur. Etenim quum sic te, sic Bassum diligamus ut & illum cujuscunque & tuum quemcunque quæstorem in petendis honoribus omni opera, omni labore, gratia simus juvaturi, perquam jucundum nobis erit, si in eundem juvenem studium nostrum, & amicitiae meae & consulatus tui ratio contulerit: si denique precibus meis tu potissimus adjutor accesseris, cujus Senatus & suffragiis libentissime indulgeat, & testimonio plurimum credat. Vale.

XVI. C. PLINIVS VALERIO

PAVLINO SVO S.

GAude meo, gaude tuo, gaude etiam publico nomine. Adhuc honor studiis durat. Proxime, quum dicturus apud centumviros essem, ad-eundi mihi locus, nisi à tribunali, nisi per ipsos judices, non fuit: tanta stipatione cetera tenebantur. Ad hoc, quidam ornatus adolescens, scissis tunicis, ut in frequentia solet, sola velatus toga perstitit, & quidem horis septem. Nam tandiu dixi, magno cum labore, sed majore cum fructu. Studeamus ergo, nec desidia nostræ prætendamus alienam. Sunt qui audiant, sunt qui legant; nos modo dignum aliquid auribus, dignum chartis elaboremus. Vale.

XVII. C. PLINIVS GALLO

SVO S.

ET admones & rogas ut suscipiam absentis Correlliæ causam contra C. Cæcilium, consulem designatum. Quod admones, gratias ago: quod rogas, queror. Admoneri enim debeo, ut sciam: rogari.

rogari non debeo ut faciam quod mihi non ~~facere~~
turpissimum est. An ego tueri Corelli filiam du-
bitem? Est quidem mihi cum isto, contra quem
me advocas, non plane familiaritas, sed tamen
amicitia. Accedit huc dignitas hominis, atque
hic ipse cui destinatus est honor: cujus nobis hoc
major agenda reverentia est, quod jam illo functi
sumus. Naturale est enim cuique, ut ea quæ quis
adeptus est, ipsa quam amplissima existimari velit.
Sed mihi cogitanti adfuturum me Corelli filix,
omnia ista frigida & inania videntur. Obversa-
tur oculis ille vir, quo neminem ætas nostra gra-
viores, sanctiores, subtiliores denique tulit:
quem ego quum ex admiratione diligere cœpif-
sem, quod evenire contra solet, magis admiratus
sum, postquam penitus inspexi. Inspexi enim pe-
nitus: nihil à me ille secretum, non jocularè, non
serium, non triste, non lætum. Adolescentulus
eram, & jam mihi ab illo honor, atque etiam (au-
debo dicere) reverentia, ut æquali, habebatur. Ille
meus in petendis honoribus suffragator & testis;
ille in inchoandis deductor & comes; ille in ge-
rendis consiliator & rector; ille denique in o-
mnibus officiis nostris, quanquam & imbecillus
& senior, quasi juvenis & validus conspiciebatur.
Quantum ille famæ meæ domi, quantum in
publico, quantum etiam apud principem adstru-
xit? Nam quum forte de bonis juvenibus apud
Nervam imperatorem sermo incidisset, & pleri-
que me laudibus ferrent, paulisper se intra silen-
tium tenuit, quod illi plurimum auctoritatis adde-
bat; deinde gravitate, quam noras, Necesse est,
inquit, parcius laudem Secundum, quia nihil
nisi ex consilio meo facit. Qua voce tribuit mi-
hi, quantum petere voto immodicum erat, nihil
me

me facere non sapientissime, quum omnia ex consilio sapientissimi viri facerem. Quinetiam moriens, filiae suae (ut ipsa solet praedicare), Multos quidem amicos, inquit, tibi in longiore vita paravi, praecipuos tamen, Secundum & Cornutum. Quod dum recordor, intelligo mihi laborandum, ne qua parte videar hanc de me fiduciam providentissimi viri ¹⁷ destituisse. Quare ego vero Corelliae adero promptissime; nec subire offensas recusabo: quanquam non solum veniam me, verum etiam laudem apud istum ipsum, à quo, ut ais, nova lis fortasse ut feminae intenditur, arbitror consequuturum, si haec eadem in actione, latius scilicet & uberius quam epistolarum angustiae sinunt, contigerit mihi vel in excusationem, vel etiam in commendationem meam dicere. Vale.

XVIII. C. PLINIVS ANTONINO

S V O S.

Quemadmodum magis approbare tibi possum, quantopere mirer epigrammata tua Graeca, quam quod quaedam æmulari Latine & exprimere tentavi? In deterius tamen accidit hoc, primum imbecillitate ingenii mei, deinde inopia, vel potius, ut Lucretius ait, hac egestate patrii sermonis. Quod si haec, quae sunt Latina, & mea, habere tibi aliquid venustatis videbuntur, quantum putas inesse eis gratiae, quae & à te, & Graece, proferuntur? Vale.

XIX. C. PLINIVS HISPVLÆ

S V Æ S.

Cum sis pietatis exemplum, fratremque optimum, & amantissimum tui, pari caritate dilexeris, filiamque ejus ut tuam diligas, nec tan-

tum amicitæ ejus, verum etiam patris amissi affectum repræsentantes, non dubito, maximo tibi gaudio fore quum cognoveris, dignam patre, dignam te, dignam avo evadere. Summum est acumen, summa frugalitas: amat me, quod castitatis indicium est. Accedit his studium literarum, quod ex mei caritate concepit. Meos libellos habet, lætatur, ediscit etiam. Qua illa solitudine, quum videor acturus, quanto, quum egi, gaudio afficitur? Disponit qui nuntient sibi, quem assensum, quos clamores excitari, quem eventum judicii tulerim. Eadem, si quando recito, in proximo, discretavelo, sedet, laudesque nostras avidissimis auribus excipit. Versus quidem meos cantat formatque cithara, non artifice aliquo docente, sed amore, qui magister est optimus. His ex causis in spem certissimam adducor, perpetuam nobis majoremque indies futuram esse concordiam. Non enim ætatem meam, aut corpus, quæ paulatim occidunt ac senescunt, sed gloriam diligit. Nec aliud decet tuis manibus educatam, tuis præceptis institutam: quæ nihil in contubernio tuo viderit, nisi sanctum honestumque: quæ denique amare me ex tua prædicatione consueverit. Nam quum matrem meam parentis loco venerareris, meque à pueritia statim formares, laudare, talemque, qualis nunc uxori meæ videor, ominari solebas. Certatim ergo tibi gratias agimus: ego, quod illam mihi: illa, quod me sibi dederis, quasi invicem¹⁸ delegeris. Vale.

XX. C. PLINIVS MAXIMO

S V O S.

Quid senserim de singulis libris tuis, notum tibi ut quemque perlegeram feci. Accipe nunc quid.

quid de universis generaliter judicem. Est opus pulchrum, validum, acre, sublime, varium, elegans, purum, figuratum, spatiosum etiam, & cum magna tua laude diffusum. In quo tu ingenii & mul dolorisque velis latissime vectus es, & horum utrunque invicem adjumento fuit. Nam dolori sublimitatem & magnificentiam, ingenium, ingenio vim & amaritudinem dolor addidit. Vale.

XXI. C. PLINIVS VELIO

CEREALI SVO S.

TRistem & acerbum casum Helvidiarum sororum! Utraque à partu, utraque filiam enixa decessit. Afficior dolore, nec tamen supra modum doleo. Ita mihi luctuosum videtur, quod puellas honestissimas in flore primo fœcunditas abstulit. Angor infantium forte, quæ sunt parentibus statim, & dum nascuntur, orbatæ. Angor optimorum maritorum, angor etiam meo nomine. Nam patrem illarum defunctum quoque perseverantissime diligo, ut actione mea, librisque testatum est: cui nunc unus ex tribus liberis superest, domumque pluribus adminiculis paulo ante fundatam desolatus fulcit ac sustinet. Magno tamen fomento dolor meus acquiescet, si hunc saltem fortem & incolumem, paremque illi patri, illi avo servaverit. Cujus ego pro salute, pro moribus, hoc sum magis anxius, quod unicus factus est. Nosti in amore mollitiem animi mei, nosti metus. Quo minus te mirari oportebit, quod plurimum timeam de quo plurimum spero. Vale.

XXII. C. PLINIVS. SEMPRONIO

RVFO SVO S.

Interfui Principis optimi cognitioni, in consilium assumptus. Gymnicus agon apud Viennenses, ex cujusdam testamento, celebrabatur. Hunc Trebonius Rufinus, vir egregius nobisque amicus, in duumviratu suo tollendum abolendumque curavit. Negabatur ex auctoritate publica fecisse. Egit ipse causam non minus feliciter quam diserte. Commendabat actionem, quod tanquam homo Romanus & bonus civis in negotio suo maturè & graviter loquebatur. Quum sententiæ rogarentur, dixit Iunius Mauricus (quo viro nihil firmitus, nihil verius) non esse restituendum Viennensibus agona: adjecit, Vellem etiam Romæ tolli posset. Constanter, inquis, & fortiter. Quidni? Sed hoc Maurico novum non est. Idem apud Nervam imperatorem non minus fortiter. Cœnabat Nerva cum paucis. Veiento proximus, atque etiam in sinu recumbebat. Dixi omnia, quum hominem nominavi. Incidit sermo de Catullo Messalino, qui, luminibus orbatus, ingenio sævo mala cæcitatis addiderat. Non verebatur, non erubescibat, non miserebatur. Sæpius à Domitiano non secus ac tela, quæ & ipsa cæca & improvida feruntur, in optimum quemque contorquebatur. De ejus nequitia sanguinariisque sententiis in commune omnes super cœnam loquebantur: tum ipse Imperator, Quid putamus passurum fuisse, si viveret? Et Mauricus, Nobiscum cœnaret. Longius abii, libens tamen. Placuit agona tolli, qui mores Viennensium infecerat, ut noster hic omnium. Nam Viennensium vitia intra ipsos resident, postrolate vagantur. Utque in corporibus,

poribus, sic in imperio, gravissimus est morbus qui à capite diffunditur. Vale.

XXIII. C. PLINIUS POMONIO

BASSO SVO S.

Magnam cepi voluptatem quum ex communibus amicis cognovi, te, ut sapientia tua dignum est, disponere otium & ferre, habitare amoenissime, & nunc terra nunc mari corpus agitare; multum disputare, multum audire, multum lectitare; quumque plurimum scias, quotidie tamen aliquid addiscere. Ita senescere oportet virum qui magistratus amplissimos gesserit, exercitus rexerit, totumque se reipub. quandiu decebat, obtulerit. Nam & prima vitæ tempora & media patriæ, extrema nobis impertire debemus, ut ipsæ leges monent, quæ majorem annis LX otio reddunt. Quando mihi licebit? Quando per ætatem honestum erit imitari istud pulcherrimæ quietis exemplum? Quando secessus mei non desidii nomen, sed tranquillitatis accipient? Vale.

XXIV. C. PLINIUS VALENTI

SVO S.

Proxime cum apud centumviros in quadruplici judicio dixissem, ¹⁹ subiit recordatio, e-
gisse me juvenem æque in quadruplici judicio. Processit animus, ut solet, longius: cœpi reputare quos in hoc judicio, quos in illo socios laboris habuissem. Solus eram qui in utroque dixissem: tantas conversiones aut fragilitas mortalitatis, aut fortunæ mobilitas facit. Quidam ex iis, qui tunc egerant, decesserunt, exulant alii; huic ætas & valetudo silentium suavit; hic sponte beatissimo otio fruitur; alius exercitum regit; illum civilibus officiis principis amicitia exemit. Circa nos ipsos
quam

quam multa mutata sunt? Studiis processimus: studiis periclitati sumus: rursusque processimus. Profuerunt nobis bonorum amicitiae, bonorum obfuerunt, iterumque profunt. Si computes annos, exiguum tempus: si vices rerum, ævum putes. Quod potest esse documento, nihil desperare, nulli rei fidere, cum videamus tot varietates tam volubili orbe circumagi. Mihi autem familiare est, omnes cogitationes meas tecum communicare, fidemque te vel præceptis vel exemplis monere, quibus ipse me moneo: quæ ratio hujus epistolæ fuit. Vale.

XXV. C. PLINIVS MESSIO
MAXIMO SVO S.

Scripseram tibi verendum esse ne ex tacitis suffragiis vitium aliquod existeret: factum est proximis comitiis, in quibusdam tabellis multa jocularia, atque etiam foeda dictu: in una vero pro candidatorum nominibus, suffragatorum nomina inventa sunt. Excanduit senatus, magnoque clamore ei qui scripssisset, iratum principem est comprecatus: ille tamen sefellit, & latuit, fortasse etiam inter indignantes fuit. Quid hunc putamus domi facere, qui in tanta re, tam serio tempore, tam scurriliter ludat? qui denique omnino in senatu dicax & urbanus & bellus est? Tantum licentiæ pravis ingeniis, adjicit illa fiducia, Quis enim sciet? Poposcit tabellas, stylum accepit, demisit caput, neminem veretur, se contemnit. Inde ista ludibria, scena & pulpito digna. Quo te vertas? quæ remedia conquiras? ubique vitia remediis fortiora: ἀλλὰ ταῦτα τὸ ὑπερὸς ἡμῶς ἄλλα μάλιστα. cui multum quotidie vigiliarum, multum laboris adjicit hæc nostra iners, sed tamen effrænata petulantia. Vale.

XXVI. C.

XXVI. C. PLINIVS NEPOTI

S V O S.

PETis ut libellos meos, quos studiosissime comparasti, recognoscendos emendandosque cures: faciam. Quid enim suscipere libentius debeo, te præsertim exigente? Nam quum vir gravissimus, doctissimus, disertissimus, super hæc occupatissimus, maximæ provinciæ præfuturus, tanti putes scripta nostra circumferre tecum, quanto perere mihi providendum est ne hæc pars sarcinarum, tanquam supervacua offendar? Adnitar ergo primum ut comites istos quam commodissimos habeas, deinde ut reversus invenias quos istis addere velis. Neque enim mediocriter me ad nova opera tu lector hortaris. Vale.

XXVII. C. PLINIVS FALCONI

S V O S.

TERTIUS dies est quod audiavi recitantem Sentium Augurinum cum summa mea voluptate, immo etiam admiratione (poëmatia appellat) multa tenuiter, multa sublimiter, multa venuste, multa tenere, multa dulciter, multa cum bile. Aliquot annis puto nihil generis ejusdem absolutius scriptum, nisi forte me fallit aut amor ejus, aut quod me ipsum laudibus evexit. Nam lemma sibi sumpsit quod ego interdum versibus ludo. Atque adeo judicii mei te judicem faciam, si mihi ex hoc ipso lemmate secundus versus occurrerit. nam ceteros teneo, & jam explicui.

*Canto carmina versibus minutis,
His olim quibus & meus Catullus,
Et Catullus, veteresque. Sed quid ad me?
Vnus Plinius est mihi, priores
Mavult versiculos, foro relicto,*

Et querit quod amet, putatque amari.

Ille Plinius, ille quid Catones?

I nunc qui sapias, amare noli.

Vides quam acuta omnia, quam apta, quam expressa? Ad hunc gustum totum librum repromitto; quem tibi, ut primum publicaverit, exhibebo. Interim ama juvenem, & temporibus nostris gratulare pro ingenio tali, quod ille moribus adornat. Vivit cum Spurrina, vivit cum 2º Antonio: quorum alteri affinis, utrique contubernalis est. Possis ex hoc facere conjecturam, quam sit emendatus adolescens, qui à gravissimis senibus sic amatur. Est enim illud verissimum;

——— γνώσκων ὅτι
Τοιῦτός ἐστις ἄριστος, εἰς περ ἡδὲ τῆς ζωνῆς. Vale.

XXVIII. C. PLINIVS SEVERO

s v o s.

Herennius Severus, vir doctissimus, magni æstimat in bibliotheca sua ponere imagines municipum tuorum, Cornelii Nepotis & Titi Cassii: petitque, si sunt istic, ut esse credibile est, exscribendas pingendasque delegem. Quam curam tibi potissimum injungo: primum, quia desiderijs meis amicissime obsequeris: deinde, quia tibi studiorum summa reverentia, summus amor studiosorum: postremo, quod patriam tuam, omnesque qui nomen ejus auxerunt, ut patriam ipsam, veneraris & diligis. Peto autem ut pictorem quam diligentissimum assumas. Nam quum est arduum similitudinem effingere ex vero, tum longe difficillima est imitationis imitatio. A qua rogo ut artificem, quem elegeris, ne in melius quidem, sinas aberrare. Vale.

XXIX. C. PLINIVS ROMANO

S V O S.

Eia tu, quum proxime res agentur, quoquo modo ad iudicandum veni. Nihil est quod in dextram aurem fiducia mei dormias : non impune cessatur. Ecce, Licinius Nepos, prætor, acer & fortis vir, mulctam dixit etiam senatori. Egit ille in Senatu causam suam : egit autem sic, ut deprecaretur. Remissa est mulcta : sed timuit, sed rogavit, sed opus venia fuit. Dices, Non omnes prætores tam severi. Falleris. Nam vel instituere vel reducere ejusmodi exemplum, non nisi severi : institutum, reductumve exercere, etiam lenissimi possunt. Vale.

XXX. C. PLINIVS LICINIO

S V O S.

Attuli tibi ex patria mea pro munusculo quæstionem, altissima ista eruditione dignissimam. Fons oritur in monte, per saxa decurrit, excipitur cœnatiuncula manu facta: ibi paululum retentus in Larium lacum decedit. Hujus miranda natura : ter in die, statis auctibus ac diminutionibus, crescit decrescitque. Cernitur id palam, & cum summa voluptate deprehenditur. Iuxta recumbis & vesceris : atque etiam ex ipso fonte (nam est frigidissimus) potas : interim ille certis dimensisque momentis vel subtrahitur vel affurgit. Annulum, seu quid aliud, ponis in sicco, alluitur sensim, ac novissime operitur : detegitur rursus, paulatimque deferitur : si diutius observes, utrumque iterum ac tertio videas. Spiritusque aliquis occultior os fontis & fauces modo laxat, modo includit, prout in latus²¹ occurrit, aut decessit expulsus. Quod in ampullis ceterisque generis

neris ejusdem videmus accidere, quibus non hians, nec statim patens, exitus. Nam illa quoque, quanquam prona & vergentia, per quasdam obluſtantis animæ moras crebris quafi ſingultibus ſiſtunt quod effundunt. An quæ Oceano natura, fonti quoque? quaque ille ratione aut impellitur aut reſorbetur, hac modicus hic humor vicibus alternis ſupprimitur vel egeritur? An ut flumina, quæ in mare deferuntur, adverſantibus ventis, obvioque æſtu retorquentur, ita eſt aliquid, quod hujus fontis excuſſum per momenta repercutiat? An latentibus venis certa menſura, quæ dum colligit quod exhauſerat, minor rivus eſt & pigrior: quum collegit; agilior majorque profertur? An neſcio quod libramentum abditum & cæcum, quod quum exinanitum eſt, ſuſcitatur & elicit fontem: quum repletum, moratur & ſtrangulat? Scrutare tu cauſas (potes enim) quæ tantum miraculum efficiunt. Mihi abunde eſt, ſi ſatis expreſſi quod efficitur. Vale.

LIBER V.

I. C. PLINIVS SEVERO

SVO S.

UEGATVM mihi obvenit modicum, ſed amplifſimo gratius. Cur amplifſimo gratius? Pomponia Gratilla exheredato filio Aſſudio Curiano, heredem reliquerat me: dederat coheredes Sertorium Severum, prætorium virum, alioſque equites Romanos ſplendidos. Curianus filius orabat, ut ſibi donarem portionem meam, ſequæ præjudicio juvarem: eandem tacita conventionione

ventionē salvam mihi pollicebatur. Respondebam ; non convenire moribus meis aliud palam , aliud agere secreto. Præterea , Non esse satis honestum dare & locupleti & orbo : in summa, non profuturum ei, si donassem: profuturum, si cessissem : esse autem me paratum cedere, si inique exheredatum mihi liqueret. Ad hoc ille , Rogo cognoscas. Cunctatus paulum , Faciam , inquam : neque enim video cur ipse me minorem putem quam tibi videor. Sed jam nunc memento ; non defuturam mihi constantiam , si ita fides duxerit secundum matrem tuam pronuntiandi. Ut voles, ait : voles enim quod æquissimum. Adhibui in consilium duos , quos tunc civitas nostra spectatissimos habuit , Corellium & Frontinum. His circumdatus , in cubiculo meo sedi. Dixit Curianus quæ pro se putabat. Respondi paucis ego (neque enim aderat alius qui defunctæ pudorem tueretur), deinde secessi, & ex consilii sententia ; Videtur , inquam , Curiane , mater tua justas habuisse causas irascendi tibi. Post hoc ille, cum ceteris subscripsit centumvirale judicium , mecum non subscripsit. Appetebat judicii dies : coheredes mei componere & transigere cupiebant : non diffidentia causæ , sed metu temporum. Verebantur, quod videbant multis accidisse, ne ex centumvirali judicio capitis rei exirent. Et erant quidam in illis , quibus objici & Gratillæ amicitia & Rustici posset : rogant me , ut cum Curiano loquar. Convenimus in ædem Concordiæ. Ibi ego ; Si mater (inquam) te ex parte quarta scripsisset heredem, num queri posses ? Quid si heredem quidem instituisset ex asse , sed legatis ita exhaustisset , ut non amplius apud te quam quarta remaneret ? Igitur sufficere tibi debet , si exheredatus à matre quartam

ram partem ab heredibus ejus accipias, quam tamen ego augebo. Scis te non subscripsisse mecum, & jam biennium transisse, omniaque me usucapisse. sed ut te coheredes mei tractabiliorem experiantur: utque tibi nihil abstulerit reverentia mei, offero pro mea parte tantundem. Tuli fructum non conscientiae modo, verum etiam famae. Ille ergo Curianus legatum mihi reliquit: & factum meum, nisi forte blandior mihi, antiquorum notabili honore signavit. Haec tibi scripsi, quia de omnibus quae me vel delectant vel angunt, non aliter tecum quam mecum loqui soleo: deinde, quod durum existimabam, te amantissimum mei fraudare voluptate, quam ipse capiebam. Neque enim sum tam sapiens, ut nihil mea intersit, an iis quae honeste fecisse me credo, testificatio quaedam, & quasi praemium accedat. Vale.

II. C. PLINIVS FLACCO

s v o S.

Accepi pulcherrimos turdos, cum quibus parem calculum ponere, nec ullis copiis ex Laurentino, nec maris tam turbidis tempestatibus possum. Recipies ergo epistolas steriles, & simpliciter ingratas: ac ne illam quidem solertiam Diomedis in permutando munere imitantes. Sed, quae facilitas tua, hoc magis dabis veniam, quod se non mereri fatentur. Vale.

III. C. PLINIVS ARISTONI

s v o S.

Cum plurima officia tua mihi grata & jucunda sunt, tum vel maxime quod me celandum non putasti, fuisse apud te de versiculis meis multum copiosumque sermonem, eumque diversitate judiciorum longius processisse: extitisse etiam quosdam

quosdam qui scripta quidem ipsa non improba-
rent, me tamen amice simpliciterque reprehende-
rent, quod hæc scriberem recitaremq̃ue. Quibus
ego, ut augeam meam culpam; ita respondeo: Fa-
cio nonnunquam versiculos, severos parum, facio
comœdias, & audio & specto mimos, & lyricos
lego, & satyricos intelligo: aliquando præterea ri-
deo, jocos, ludo: utque omnia innoxie remissio-
nis genera breviter amplectar, homo sum. Nec
vero moleste fero hanc esse de moribus meis ex-
istimationem, ut qui nesciunt talia doctissimos,
gravissimos, sanctissimos homines scriptitasse, me
scribere mirentur. Ab illis autem, quibus notum
est quos quantosque auctores sequar, facile impe-
trari posse confido, ut errare me, sed cum illis, si-
nant, quorum non seria modo, verum etiam lusus
exprimere, laudabile est. An ego verear (nemi-
nem viventium, ne quæ in speciem adulationis
incidam, nominabo) sed ego verear ne me non
satis deceat quod decuit M. Tullium, Caium Cal-
vum, Asinium Pollionem, Marcum Messalam,
Quintum Hortensium, M. Brutum, L. Sullam,
Q. Catulum, Quintum Scævola, Ser. Sulpitium,
Varronem, Torquatum (immo Torquatos), C.
Memmiam, Lentulum, Gatulicum, Annæum Se-
necam, Luceium, & proxime Virginium Rufum,
& , si non sufficiunt exempla privata, divum Iu-
lium, divum Augustum, divum Nervam, T. Cæsa-
rem? Neronem enim transeo, quamvis sciam non
corrumpi in deterius quæ aliquando etiã à malis,
sed honesta manere quæ sæpius à bonis fiunt. In-
ter quos vel præcipue numerandus est P. Vergilius,
Corn. Nepos, & prius Ennius, Acciusque; non qui-
dem hi senatores, sed sanctitas morum non distat
ordinibus. Recito tamen, quod illi an fecerint ne-

F

scio;

scio ; sed illi iudicio suo poterant esse contenti ; mihi modestior conscientia est quam ut satis absolute putem quod à me probetur. Itaque has recitandi causas sequor : primum quod ipse qui recitat , aliquanto acrius scriptis suis , auditorum reverentia , intendit : deinde , quod de quibus dubitat , quasi ex consilii sententia statuit. Multa etiam à multis admonetur : & , si non admonetur , quid quisque sentiat , perspicit ex vultu , oculis , nutu , manuum motu , murmure , silentio ; quæ satis apertis notis iudicium ab humanitate discernunt. Atque adeo , si cui forte eorum qui interfuerunt , curæ fuerit eadem illa legere , intelliget me quædam aut commutasse , aut præterisse , fortasse etiam ex suo iudicio , quamvis ipse nihil dixerit mihi. Atque hæc ita disputo , quasi populum in auditorium , non in cubiculum amicos advocarim , quos plures habere , multis gloriosum , reprehensioni nemini fuit. Vale.

IV. C. PLINIVS VALERIANO

s v o s.

Res parva , sed initium non parvum. Solers vir prætorius à senatu petiit ut sibi instituere in agris suis nundinas permetteretur : contradixerunt Vicentinorum legati : adfuit Tuscillus Nominatus : dilata causa est. alio senatu Vicentini sine avvocato intraverunt : dixerunt se deceptos. Lapsine verbo , an quia ita sentiebant ? Interrogati à Nepote prætore quem docuissent , responderunt , Quem prius. Interrogati an tunc gratis adfuisset : responderunt , Sex millibus nummum. an rursus aliquid dedissent : dixerunt , Mille denarios. Nepos postulavit ut Nominatus induceretur . Hactenus illo die. Sed , quantum auguror , longius

gius res procedet. Nam pleraque tacita, tantum ex minimo commota, latissime serpunt. Erexi aures tuas. Quam diu nunc oportet quam blande roges ut reliqua cognoscas, si tamen non ante ob hæc ipsa veneris Romam, spectatorque malueris esse, quam lector. Vale.

V. C. PLINIUS MAXIMO

S V O S.

Nuntiatum mihi est, C. Fannium decessisse, qui nuntius gravi me dolore confudit. Primum, quod amavi hominem elegantem & disertum: deinde, quod iudicio ejus uti solebam. Erat enim natura acutus, usu exercitatus, varietate promptissimus. Angit me super ista, casus ipsius. Decessit veteri testamento: omisit quos maxime diligebat: profecutus est quibus offensior erat. Sed hoc utcunque tolerabile: gravius illud, quod pulcherrimum opus imperfectum reliquit. Quamvis enim agendis causis distringeretur, scribebat ramen exitus occisorum aut relegatorum à Nerone: & jam tres libros absolverat, subtiles, & diligentes, & Latinos, atque inter sermonem historiamque medios. Ac tanto magis reliquos perficere cupiebat, quanto frequentius hi læstabantur. Mihi autem videtur acerba semper & immatura mors eorum qui immortale aliquid parant. Nam qui voluptatibus dediti quasi in diem vivunt, vivendi causas quotidie finiunt: qui vero posteros cogitant, & memoriam sui operibus extendunt, his nulla mors non repentina est, ut quæ semper inchoatum aliquid abrumpat. Caius quidem Fannius quod accidit, multo ante præsensit. Visus est sibi per nocturnam quietem jacere in lectulo suo compositus in habitum studentis, ha-

bere ante se scrinium (ita solebat) mox imaginatus est venisse Neronem, in toro sedisse: prompsisse primum librum quem de sceleribus ejus ediderat, eumque ad extremum revolvisse; idem in secundo ac tertio fecisse, tunc abiisse. Expavit; & sic interpretatus est, tanquam idem sibi futurus esset scribendi finis, qui fuisset illi legendi: & fuit idem. Quod me recordantem miseratio subit, quantum vigiliarum, quantum laboris exhausterit frustra. Occursant animo mea mortalitas, mea scripta. Nec dubito te quoque eadem cogitatione terreri pro istis quæ inter manus habes. Proinde, dum suppetit vita, enitatur ut mors quam paucissima quæ abolere possit, inveniat. Vale.

VI. C. PLINIVS APOLLINARI

s v o s.

A Mavi curam & solitudinem tuam, quod quum audisses me æstate Tuscos meos petiturum, ne facerem suasisi, dum putas insalubres. Est sane gravis & pestilens ora Tuscorum, quæ per litus extenditur. Sed hi procul à mari recesserunt: quinetiam Apennino, saluberrimo montium, subjacent. Atque adeo, ut omnem pro me metum ponas, accipe temperiem cæli, regionis situm, villæ amœnitatem: quæ & tibi auditu & mihi relatu jucunda erunt. Cælum est hyeme frigidum & gelidum, Myrtos, oleas, quæque alia assiduo tepore lætantur, aspernatur ac respuit: laurum tamen patitur, atque etiam viridissimam, profert interdum; sed non sæpius quam sub urbe nostra, necat. Æstatis mira clementia. Semper, ac spiritu aliquo, movetur; frequentius tamen auras quam ventos habet. Hinc senes multos videas, avos proavosque jam juvenum; audias fabulas veteres, sermonesque

que majorum : quumque veneris illo , putes alio te seculo natum. Regionis forma pulcherrima : imaginare amphitheatrum aliquod immensum, & quale sola rerum natura possit effingere. Lata & diffusa planities montibus cingitur ; montes summa sui parte procera nemora & antiqua habent. Frequens ibi & varia venatio : inde cædunt silvæ cum ipso monte descendunt : has inter pingues terrenique colles (neque enim facile usquam saxum , etiam si quærat , occurrit :) planissimis campis fertilitate non cedunt , opimamq; messem serius tantum , sed non minus percoquunt. Sub his per latus omne vineæ porriguntur , unamque faciem longe lateque contexunt ; quarum à fine imoque , quasi margine , arbuta nascuntur ; prata inde , campique. Campi , quos non nisi ingentes boves & fortissima aratra perfringunt. Tantis glebis tenacissimum solum , quum primum profecatur , assurgit , ut novo demum sulco perdometur. Prata florida & gemmea , trifolium , aliasque herbas , teneras semper & molles , & quasi novas , alunt. Cuncta enim perennibus rivis nutriuntur : sed ubi aquæ plurimum , palus nulla ; quia devexa terra quicquid liquoris accepit , nec absorbit , effundit in Tiberim. Medios ille agros secatur , navium patiens , omnesque fruges devehit in urbem , hyeme duntaxat & vere ; æstate summittitur , immensique fluminis nomen arenti alveo deserit , autumno resumit. Magnam capies voluptatem , si hunc regionis situm ex monte prospexeris. Neque enim terras tibi , sed formam aliquam , ad eximiam pulchritudinem pictam , videberis cernere. Ea varietate , ea descriptione , quocumq; incidere oculus , reficiuntur. Villa in colle imo sita prospicit quasi ex summo , ita leviter & sensim clivo

fallente confurgit , ut quum ascendere te non putes, sentias ascendisse. A tergo Apenninum, sed longius habet. Accipit ab hoc auras quamlibet sereno & placido die, non tamen acres & immodicas, sed spatio ipso lassas & infractas. Magna sui parte meridiem spectat, æstivumque solem ab hora sexta, hybernum, aliquanto maturius, quasi invitat in porticum latam , & pro modo longam. Multa in hac membra; atrium etiam ex more veterum. Ante porticum xyſtus concisus in plurimas species , distinctusque buxo ; demissus inde pronusque pulvinus , cui bestiarum effigies invicem adversas buxus inscripsit. Acanthus in plano mollis, &, pene dixerim, liquidus. Ambit hunc ambulatio pressis varieg; tonsis viridibus inclusa: ab his gestatio in modum circi, quæ buxum multiformem, humilesque & retonsas manu arbusculas circumit. Omnia maceria muniuntur : hanc gradata buxus aperit & subtrahit. Pratum inde non minus natura, quam superiora illa arte, visendum : campi deinde porro, multaque alia prata & arbusa. A capite porticus triclinium excurrit, valvis xyſtum desinentem , & protinus pratum, multumque ruris, videt fenestris, Hac latus xyſti, & quod profilit villæ , ac adjacentis hippodromi nemus comasque prospectat. Contra mediam fere porticum diæta paulum recedit ; cingit areolam, quæ quatuor platanis inumbratur. Inter has marmoreo labro aqua exundat , circumjectasque platanos, & subiecta platanis gramina, leni aspergine fovet. Est in hac diæta dormitorium cubiculum, quod diem , clamorem sonumque excludit : junctaque ei quotidiana amicorumque cœnatio. Areolam illam porticus alia, eademque omnia quæ porticus, aspicit. Est & aliud cubiculum à proxima

ma platano, viride & umbrosum, marmore² exsculptum podio tenuis: nec cedit gratiæ marmoris, ramos, infidentesque ramis aves imitata pictura, cui subest fonticulus. In hoc fonte crater, circa stipuncali plures miscent jucundissimum murmur. In cernu porticus amplissimum cubiculum à triclino occurrit; aliis fenestris xystum, aliis despicit pratum. Sed ante piscina, quæ fenestris servit ac subjacet, strepitu visuque jucunda. Nam ex edito defiliens aqua, suscepta marmore, albescit. Idem cubiculum hyeme tepidissimum, quia plurimo sole perfunditur. Cohæret hypocæuston, &, si dies nubilus, immisso vapore solis vicem supplet. Inde apodyterium balinei laxum & hilare excipit cella frigidaria, in qua baptisterium amplum atque opacum. Si natare latius aut tepidius velis, in area piscina est, in proximo puteus, ex quo possis rursus³ astringi si pœniteat teporis. Frigidariæ cellæ connectitur media, cui sol benignissime præsto est; caldariæ magis: prominet enim. In hac tres descensiones: duæ in sole, tertia à sole longius, à luce non longius. Apodyterio⁴ superpositum est phæristerium, quod plura genera exercitationis, pluresque circulos capit. Nec procul à balineo scalæ, quæ in cryptoporticum ferunt, prius ad dietas tres. harum alia areolæ illi, in qua platani quatuor, alia præto, alia vineis imminet diversis, diversasque cæli partes, ac prospectus, habet. In summa cryptoporticu cubiculum, ex ipsa cryptoporticu excisum, quod hippodromum, vineas, montes, intuetur. Iungitur cubiculum obvium soli, maxime hyberno. Hinc oritur diæta, quæ villæ hippodromum adnectit. Hæc faciès, hic visus à fronte. A latere æstivo cryptoporticus in edito posita; quæ non aspicere vineas, sed tangere videtur.

detur. In media triclinium saluberrimum afflatum ex Apenninis vallibus recipit: post latissimis fenestris vineas, valvis æque vineas, sed per cryptoporticum quasi, admittit. A latere triclinii, quod fenestris caret, scilicet convivio utilia secretiore ambitu suggerunt. In fine cubiculum; cui non minus jucundum prospectum cryptoporticus ipsa quam vineæ præbent. Subest cryptoporticus subterraneæ similis; æstate incluso frigore riget, contentaque aëre suo nec desiderat auras nec admittit. Post utramque cryptoporticum, unde triclinium desinit, incipit porticus; ante medium diem, hyberna, inclinato die, æstiva. Hac adeurtur diætæ duæ, quarum in altera cubicula quatuor, altera tria, ut circuit sol, aut sole utuntur, aut umbra. Hanc dispositionem amœnitatemque tectorum longe lateque præcedit hippodromus: medius patescit, statimque intrantium oculis totus offertur; platanis circuitur. Illæ hedera vestiuntur, utque summæ suis, ita imæ alienis frondibus virent. Hedera truncum & ramos pererrat, vicinasque platanos transitu suo copulat; has buxus interjacet. Exteriores buxos circumvenit laurus, umbræque platanorum suam confert. Rectus hic hippodromi limes in extrema parte hemiciclo frangitur, mutatque faciem: cupressis ambitur & tegitur, densiore umbrâ opacior nigriorque; interioribus circulis (sunt enim plures) purissimum diem recipit. Inde etiam rosas effert, umbrarumque frigus non ingrato sole distinguit. Finito vario illo multiplicique curvamine recto limiti redditur, nec huic uni. Nam viæ plures, intercedentibus buxis, dividuntur. Alibi pratulum, alibi ipsa buxus intervenit in formas mille descripta, literis interdum, quæ modo nomen domini

ni

ai dicunt, modo artificis: alternis ⁶ metulæ surgunt, alternis inserta sunt poma: & in opere urbanissimo subita velut illati ruris imitatio medium in spatium brevioribus utrinque platanis adornatur. Post has acanthus hinc inde lubricus & flexuosus, deinde plures figuræ, pluraque nomina. In capite stibadium candido marmore, vite protegitur. Vitem quatuor columellæ Carystiæ subeunt. E stibadio aqua, velut expressa cubantium pondere, sipunculis effluit; cavato lapide suscipitur, gracili marmore continetur, atque ita occulte temperatur, ut impleat, nec redundet. Gustatorium, graviorque cœnatio, margini imponitur; levior navicularum & avium figuris innatans circuit. Contra fons egerit aquam & recipit: nam expulsa in altum in se cadit, junctisque hiatibus & absorbetur & tollitur. E regione stibadii adversum cubiculum tantum stibadio reddit ornatus, quantum accipit ab illo. A marmore splendet, valvis in viridia prominet [& ⁷ textit:] Dehinc alia viridia superioribus inferioribusq; fenestris suspicit despicitque. Mox diætula refugit quasi in cubiculum idem atque aliud. Lectus hic, & undique fenestræ, & tamen lumen obscurum umbra premente. Nam lætissima vitis per omne tectum in culmen nititur & ascendit. Non secus ibi, quam in nemore, jaceas: imbrem tantum, tanquam in nemore, non sentias. Hic quoque fons nascitur, simulque subducitur. Sunt locis pluribus disposita sedilia è marmore, quæ ambulatione fessos, ut cubiculum ipsum, juvant. Fonticuli sedilibus adjacent; per tectum hippodromium inductis fistulis strepunt rivi, & qua manus duxit, sequuntur. His nunc illa viridia, nunc hæc. interdum simul omnia, ⁸ juvantur. Vitassẽ jamdudum, ne viderer argutior, nisi.

proposuissem omnes angulos tecum epistola circumire. Neque enim verebar, ne laboriosum esset legenti tibi, quod visenti non fuisset; præsertim quum interquiescere, si liberet, depositaque epistola, quasi residere, sæpius posses. Præterea indulgi amanti meo. Amo enim quæ maxima ex parte ipse inchoavi, aut inchoata percolui. In summa (cur enim non aperiā tibi vel iudicium meum vel errorem?) primum ego officium scriptoris existimo, ut titulum suum legat, atque identidem interroget se, quid cœperit scribere; sciatque, si materiæ immoratur, non esse longum; longissimum, si aliquid accersit atque attrahit. Vides quot versibus Homerus, quot Vergilius arma, hic Æneæ, Achilles ille, describat: Brevis tamen uterque est, quia facit quod instituit. Vides ut Aratus minutissima etiam sidera confectetur & colligat, modum tamen servat. Non enim excursus hic ejus, sed opus ipsum est. Similiter nos, ut parva magnis conferamus, quum totam villam oculis tuis subicere conamur, si nihil inductum, & quasi devium, loquimur, non epistola, quæ describit, sed villa, quæ describitur, magna est. Verum illuc, unde cœpi; ne secundum legem meam jure reprehendar, si longior fuero in hoc quod excessi. Habes causas; cur ego Tuscos meos Tusculanis, Tyburtinis Prænestinisque meis præponam. Nam super illa quæ retuli, altius ibi otium & pinguius, eoque securius, nulla necessitas togæ, nemo accersitor ex proximo. Placida omnia & quiescentia; quod ipsum salubritate regionis, ut purius cælum, ut aër liquidior accidit. Ibi animo, ibi corpore, maxime valeo. Nam studiis animum, venatu corpus exerceo. Mei quoque nusquam salubrius degunt; usque adhuc certe neminem ex iis quos eduxeram mecum.

cum (venia sit dicto) ibi amisi. Dii modo in posterum hoc mihi gaudium, hanc gloriam locoservent. Vale.

VII. C. PLINIVS CALVISIO

SVO S.

NEC heredem institui, nec præcipere posse Rempub., constat: Saturninus autem, qui nos reliquit heredes, quadrantem Reip. nostræ, deinde pro quadrante præceptionem quadringentorum millium dedit. Hoc, si jus aspicias, irritum; si defuncti voluntatem, ratum & firmum est. Mihi autem defuncti voluntas (vereor quam in partem jurisconsulti quod sum dicturus accipiant) antiquior jure est; utique in eo quod ad communem patriam voluit pervenire. An cui de meo sestertiū⁹ undecies contuli, huic quadringentorum millium paulo amplius tertiam partem ex adventicio denegem? Scio te quoque à judicio meo non abhorre, cum eandem Remp. ut civis optimus diligas. Velim ergo quum proxime decuriones contrahantur, quid sit juris indices; parce tamen & modeste deinde subjungas, nos quadringenta millia offerre, sicut præceperit Saturninus. Illius hoc munus, illius liberalitas: nostrum tantum obsequium vocetur. Hæc ego scribere publice superfedi: primū, quod memineram pro necessitudine amicitiae nostræ, pro facultate prudentiae tuæ, & debere te & posse perinde meis ac tuis partibus fungi: deinde, quia verebar ne modum, quem tibi in sermone custodire facile est, tenuisse in epistola non viderer. Nam sermonem vultus, gestus, vox ipsa moderatur; epistola, omnibus commendationibus destituta, malignitati interpretantium exponitur. Vale.

VIII. C. PLINIVS.¹⁰ CAPITONI
S V O S.

SVades ut historiam scribam, & suades non solus: multi hoc me sæpe monuerunt & ego volo, non quia commodè facturum esse confido (id enim temere credas, nisi expertus) sed quia mihi pulchrum in primis videtur, non pati occidere, quibûs æternitas debeatur, aliorumque famam cum sua extendere. Me autem nihil æque ac diuturnitatis amor & cupido sollicitat: res homine dignissima, præsertim qui nullius sibi conscius culpæ, posteritatis memoriam non reformidet. Itaque diebus ac noctibus cogito si qua me quoque possim *tollere humo*. (Id enim voto meo sufficit: illud supra votum) *victorque virum volitare per ora*. *Quanquam* ô. Sed hoc satis est, quod prope sola historia polliceri videtur. Orationi enim & carmini est parva gratia, nisi eloquentia sit summa: historia quoque modo scripta delectat. Sunt enim homines natura curiosi, & qualibet nuda rerum cognitione capiuntur, ut qui sermunculis etiam fabellisque ducantur: me vero ad hoc studium impellit domesticum quoque exemplum. Avunculus meus, idemque per adoptionem pater, historias, & quidem religiosissime, scripsit. Invenio autem apud sapientes, honestissimum esse majorum vestigia sequi, si modo recto itinere præcesserint. Cur ergo cunctor? Egi magnas & graves causas. Has (etiamsi mihi tenuis ex eis spes) destino retractare, ne tantus ille labor meus, ni hoc quod reliquum est studii addidero, mecum pariter intercidat. Nam si rationem posteritatis habeas, quicquid non est peractum, pro non inchoato est. Dices, Potes simul & rescribere

bere actiones, & componere historiam. Utinam ! sed utrumque tam magnum est, ut abunde sit alterum efficere. Vnde viceſimo ætatis anno dicere in foro cœpi, & nunc demum quid præſtare debeat orator, adhuc tamen per caliginem video. Quid ſi huic oneri novum acceſſerit ? Habet quidem oratio & historia multa communia, ſed plura diverſa in his ipſis quæ communia videntur. Narrat ſane ipſa; narrat hæc, ſed aliter. Huic pleraque humilia & ſordida; & ex medio petita; illi omnia recondita, ſplendida, excelsa conveniunt. Hanc ſæpius oſſa, muſculi, nervi; illam tori quidam & quaſi jubæ decent. Hæc vel maxime vi, amaritudine, iſtantia; illa tractu & ſuavitate; atque etiam dulcedine, placet. Poſtremo alia verba, alius ſonus, alia conſtructio. Nam plurimum refert, ut Thucydides ait, *κτῆμα* ſit, an *ἀγώνισμα*: quorum alterum oratio, alterum historia eſt. His ex cauſis non adducor, ut duo diſſimilia, & hoc ipſo diverſa quod maxima, confundam miſceamque, ne tantum quaſi colluſione turbatus ibi faciam quod hîc debeo. Ideoque interim veniam, ne à forenſibus verbis recedam, advocandi peto. Tu tamen jam nunc cogita quæ potiſſimum tempora aggrediamur. vetera & ſcripta aliis ? parata inquiſitio; ſed oneroſa collatio; intacta & nova ? graves offenſæ, levis gratia. Nam ¹ præter id quod in tantis vitiis hominum plura culpanda ſunt quam laudanda: tum ſi laudaveris, parcus: ſi culpaveris, nimius fuiſſe dicaris: quamvis illud pleniffime, hoc reſtriſtiſſime feceris. Sed hæc me non retardant: eſt enim mihi pro fide ſatis animi. Illud peto præſtruas ad quod hortaris, eligasque materiam, ne mihi, jam ſcribere parato, alia rurfus cunctationis & moræ juſta ratio naſcatur. Vale.

IX. C. PLINIVS SATVRNINO

S V O S.

Varie me affecerunt literæ tuæ: nam partim læta, partim tristitia continebant. Læta, quod te in urbe teneri nuntiabant. Nollem, inquis: sed ego volo, propterea quod recitaturum statim ut ego venissem pollicebantur. Ago gratias quod expector. Triste illud, quod Iulius Valens graviter jacet; quanquam ne hoc quidem triste, si illius utilitatibus æstimeretur, cuius interest quam maturissime inexplicabili morbo liberari. Illud plane non triste solum, verum etiam luctuosum, quod Iulius Avitus decessit, dum ex quæstura redit. Decessit autem in navi, procul à fratre amantissimo, procul à matre, à sororibus. Nihil ista ad mortuum pertinent; sed pertinuerunt quum moreretur; pertinent ad hos qui supersunt. Iam quidem in flore primo tantæ indolis juvenis extinctus est, summa consequuturus, si virtutes ejus maturuissent. Quo ille studiorum amore flagrabat? quantum legit? quantum etiam scripsit? quæ nunc omnia cum ipso sine fructu posteritatis abierunt. Sed quid ego indulgeo dolori? cui si frenos remittas, nulla materia non maxima est. Finem epistolæ faciam, ut facere possim etiam lacrymis, quas epistola expressit. Vale.

X. C. PLINIVS ANTONINO

S V O S.

Cum versus tuos æmulor, tum maxime quam sint boni experior. Ut enim pictores pulchram absolutamque faciem raro, nisi in pejus, effingunt; ita ego ab hoc archetypo labor & decido. Quo magis hortor, ut quamplurima proferas, quæ imitari omnes concupiscant, nemo, aut paucissimi, possint. Vale.

XL. C.

XI. C. PLIN. TRANQVILLO

SVO S.

Libera tandem hendecasyllaborum meorum fidem, qui scripta tua communibus amicis sponponderunt. Appellantur quotidie & flagitantur: ac jam periculum est, ne cogantur ad exhibendum formulam accipere. Sum & ipse in edendo hæsitator, tu morâ tamen meam quoque cunctationem tarditatemque vicisti. Proinde aut rumpe jam moras, aut cave ne eosdem illos libellos, quos tibi hendecasyllabi nostri blanditiis elicere non possunt, convitio scazontes extorqueant. Perfectum opus absolutumque est, nec jam splendet limâ, sed atteritur. Patere me videre titulum tuum; patere audire, describi, legi, vârnire volumina Tranquilli mei. Æquum est nos in amore tam mutuo eandem percipere ex te voluptatem, qua tu perfrueris ex nobis. Vale.

XII. C. PLINIVS FABATO

PROSOCERO SVO S.

Accepi literas tuas, ex quibus cognovi speciosissimam tēporticum sub tuô filii que tui nomine dedicasse; sequenti die in portarum ornatum pecuniam promississe, ut initium novæ liberalitatis esset consummatio prioris. Gaudeo primum tuâ gloriâ, cujus ad me pars aliqua prôneccitudine nostra redundat: deinde, quod memoriam soceri mei pulcherrimis operibus video proferri: postremo; quod patria nostra florescit; quam mihi à quocunque excoli jucundum, à te vero lætissimum est. Quod superest, Deos precor, ut animum istum tibi, animo isti tempus quam longissimum, tribuant. Nam liquet mihi futurum, ut peracto quod proxime promissisti, inchoes aliud.

Nescit:

Nescit enim semel incitata liberalitas stare, cuius pulchritudinem usus ipse commendat. Vale.

XIII. C. PLINIVS SCAVRO

s v o S.

Recitaturus oratiunculam, quam publicare cogito, advocavi aliquos, ut vereretur: paucos, ut verum audirem. Nam mihi duplex ratio recitandi: una, ut sollicitudine¹² incendar; altera, ut admoner, si quid forte me, ut meum, fallat. Tuli quod petebam: inveni qui mihi copiam consilii sui facerent. Ipse præterea quædam emendanda annotavi. Emendavi librum quem misi tibi. Materiam ex titulo cognosces, cetera liber explicabit: quem jam nunc oportet¹³ ibi consuescere, ut sine præfatione intelligatur. Tu velim quid de universo, quid de partibus, sentias, scribas mihi. Ero enim vel cautior in continendo, vel constantior in edendo, si huc vel illuc auctoritas tua accesserit. Vale.

XIV. C. PLINIVS VALERIANO

s v o S.

ET tu rogas, & ego promisi, si rogasses, scripturum me tibi, quem habuisset eventum postulationis Nepotis circa Tuscillum Nominatum. Inductus est Nominatus; egit ipse pro se, nullo accusante. Etenim legati Vicentinorum non modo non presserunt eum, verum etiam sublevaverunt. Summa defensionis, non fidem sibi in advocacy, sed constantiam defuisse; descendisse ut acturum, atque etiam in curia visum; deinde sermonibus amicorum perterritum recessisse; monitum enim, ne desiderio senatoris; non jam quasi de nundinis, sed quasi de gratia, fama, dignitate certantis, tam pertinaciter, præsertim in Senatu, repugnaret:

gnaret : alioqui majorem invidiam quam proxime passurus . Erat sane verum ; tamen à paucis acclamatum est . Inde subjunxit preces multumque lacrymarum : quin etiam tota actione , homo in dicendo exercitatus , operam dedit , ut deprecari magis (id enim & favorabilius & tutius) quam defendi videretur . Absolutus est sententia designati consulis Afranii Dextri , cujus hæc summa : Melius enim Nominatum fuisse facturum , si causam Vicentinorum eodem animo quo susceperat pertulisset : quia tamen in hoc genus culpæ non fraude incidisset , nihilque dignum animadversione admisisse vinceretur , liberandum : ita ut Vicentinis , quod acceperat , redderet . Assenserunt omnes , præter Flavium Aprum . Is interdicendum , ei advocacybus in quinquennium censuit : & quamvis neminem auctoritate traxisset , constanter in sententia mansit : quin etiam Dextrum , qui primus diversum censuerat , perlata lege de Senatu habendo , jurare coëgit è Repub. esse quod censuisset . Cui , quanquam legitimæ postulationi , à quibusdam reclamatum est . Exprobrare enim consenti ambitionem videbatur . Sed priusquam sententiæ dicerentur , Nigrinus , Tribunus plebis , recitavit libellum disertum & gravem , quo questus est vænire advocaciones , vænire etiam prævaricationes ; in lites coiri : & gloriæ loco poni ex spoliis civium magnos & statos redditus . Recitavit capita legum , admonuit SC^{torum} : in fine dixit , petendum ab optimo principe , ut quia leges , quia Senatusconsulta contemnerentur , ipse tantis vitiis mederetur . Pauci dies , & liber principis severus , & tamen moderatus . Leges ipsum ; est in publicis actis . Quam me juvat quod in causis agendis non modo pactione , dono , munere , verum

rum etiam xeniis semper abstinui! Oportet quidem quæ sunt inhonesta, non quasi illicita, sed quasi pudenda, vitare: jucundum tamen si prohiberi publice videas, quod nunquam tibi ipse permiseris. Erit fortasse, immo non dubie, hujus propositi mei & minor laus, & obscurior fama, quum omnes ex necessitate facient, quod ego sponte faciebam. Interim fruor voluptate, quum alii divinum me, alii meis rapinis, meæ avaritiæ occursum per ludum ac jocum dictitant. Vale.

XV. C. PLIN. PONTIO

S V O S.

SEcesseram in municipium, quum mihi nuntiatum est, Cornutum Tertullum accepisse Æmiliæ viæ curam. Expressere non possum quanto sim gaudio affectus & ipsius & meo nomine. Ipsius, quod sit licet, sicut est, ab omni ambitione longe remotus, debeat tamen ei jucundus esse honor ultro datus; meo, quod aliquanto magis me delectat mandatum mihi officium, postquam per Cornuto datum video. Neque enim augeri dignitate quam æquari bonis, gratius. Cornuto autem quid melius? quid sanctius? quid in omni genere laudis ad exemplar antiquitatis expressius? Quod mihi cognitum est non famâ, quâ alioqui optimâ & meritissimâ fruitur, sed longis magnisque experimentis. Vna diligimus, una dileximus omnes fere, quos ætas nostra in utroque sexu æmulandos tulit: quæ societas amicitiarum arctissima nos familiaritate conjunxit. Accessit vinculum necessitudinis publicæ. Idem enim mihi, ut scis, collega, quasi voto petitus, in præfectura ærarii fuit: fuit & in consulatu. tum ego qui vir, & quantus, esset, altissime inspexi, quum sequeretur ut magistrum, ut paren-

parentem vererer : quod non tam ætatis maturitate, quam vitæ, merebatur. His ex causis ut illi, sic mihi gratulor ; nec privatim magis quam publice, quod tandem homines non ad pericula, ut prius, verum ad honores virtute perveniunt. In infinitum epistolam extendam, si gaudio meo indulgeam. Prævertor ad ea, quæ me, agentem hîc, nuntius deprehendit. Eram cum profocero meo, eram cum amita uxoris, eram cum amicis diu desideratis; circumibam agellos; audiebam multum rusticarum querelarum: rationes legebam invitus & cursim (aliis enim chartis, aliis sum literis initiatus) cœperam etiam itineri me præparare. Nam includor angustiis comineatus, eoque ipso, quod delegatum Cornuto audio officium, mei admoneor. Cupio te quoque sub idem tempus Campania tua remittat, ne quis, quum in urbem rediero, contubernio nostro dies pereat. Vale.

XVI. C. PLIN. MARCELLINO

s v o s.

TRISTISSIMUS hæc tibi scribo. Fundani nostri filia minor est defuncta : qua puella nihil unquam festivius, amabilius, nec modo longiore vita, sed prope immortalitate, dignius vidi. Nondum annos quatuordecim impleverat, & jam illi¹⁴ anilis prudentia, matronalis gravitas erat : & tamen suavitas puellaris cum virginali verecundia. Ut illa patris cervicibus inhærebat? ut nos amicos paternos & amanter & modeste complectebatur? ut nutrices, ut pædagogos, ut præceptores, pro suo quemque officio, diligebat? Quam studiose, quam intelligenter, lætitabat? Ut parce custoditeque ludebat? Qua illa temperantia, qua patientia, qua etiam constantia, novissimam valetudinem

nem tulit? Medicis obsequebatur, sororem, patrem adhortabatur, ipsamque se destitutam corporis sui viribus, vigore animi sustinebat. Duravit hic illi usque ad extremum, nec aut spatio valetudinis, aut metu mortis infractus est; quo plures gravioresque nobis causas relinqueret & desiderii & doloris. O triste plane acerbumque funus! ô morte ipsa mortis tempus indignius! Iam destinata erat egregio juveni, jam electus nuptiarum dies, jam nos advocati. Quod gaudium quo mœrore mutatum est? Non possum exprimere verbis, quantum animo vulnus accēperim quum audiui, Fundanum ipsum (ut multa luctuosa dolor invenit) præcipientem, quod in vestes, margaritas, gemmas, fuerat erogaturus, hoc in thura & unguenta & odores impenderetur. Est quidem ille eruditus & sapiens, ut qui se ab ineunte ætate altioribus studiis artibusque dediderit: sed nunc omnia quæ audit sæpe, quæ dixit, aspernatur; expulsisque virtutibus aliis, pietatis est totus. Ignosces, laudabis etiam si cogitaveris quid amiserit. Amisit enim filiam quæ non minus mores ejus quam os vultumque referebat, totumque patrem mira similitudine exscripserat. Proinde si quas ad eum de dolore tam justo literas mittes, memento adhibere solatium, non quasi castigatorium & nimis forte, sed molle & humanum. Quod ut facilius admittat, multum faciet medii temporis spatium. Ut enim crudum adhuc vulnus medentium inanus reformidat, deinde patitur, æque ultro requirit; sic recens animi dolor consolationes rejicit ac refugit, mox desiderat, & clementer ad mortis acquiescit. Vale.

XVII. C. PLINIVS SPVRINNÆ

SVO S.

SCio quantopere bonis artibus faveas, quantum gaudii capias, si nobiles juvenes dignum aliquid majoribus suis faciant: quo festinantius nuntio, tibi, fuisse me hodie in auditorio Calpurnii Pisonis. Recitabat *ἑρτοπαίγιον*; eruditam sane luculentamque materiam. Scripta elegis erat fluentibus, & teneris, & enodibus, sublimibus etiam verbis, ut poposcit locus. Alte enim & varie nunc attollebatur, nunc residebat: excelsa depressis, exilia plenis, severis jucunda mutabat: omnia ingenio pari. Commendabat hæc voce suavissima, ¹ vocem verecundia; multum sanguinis, multum sollicitudinis in ore, magna ornamenta recitantis. Etenim, nescio quo pacto, magis in studiis homines timor quam fiducia decet. Ne plura (quamquam libet plura, quo sunt pulchriora de juvene, rariora de nobili) recitatione finita, multum ac diu exosculatus adolescentem, qui est acerrimus stimulus monendi, laudibus incitavi pergeret quæ cœpisset, lumenque quod sibi majores sui prætulissent, posteris ipse præferret. Gratulatus sum optimæ matri, gratulatus & fratri, qui ex auditorio illo non minorem pietatis gloriam quam ille alter eloquentiæ tulit. Tam notabiliter pro fratre recitante primum metus ejus, mox gaudium eminuit. Dii faciant, ut talia tibi sæpius nuntiem! Faveo enim sæculo, ne sit sterile & effæctum: mireque cupio ne nobiles nostri nihil in domibus suis pulchrum nisi imagines habeant; quæ nunc mihi hos adolescentes tacite laudare, adhortari, & quod amborum gloriæ satis magnum est, agnoscere videntur. Vale.

XVIII. C.

XVIII. C. PLINIVS ¹⁶ MACRO

S V O S.

BEne est mihi, quia tibi bene est. Habes uxorem tecum, habes filium. Frueris mari, fontibus ¹⁷ viridibus, agro, villa amœnissima. Neque enim dubito esse amœnissimam, in qua se composuerat homo, felicior antequam felicissimus fieret. Ego in Tuscis & venor & studeo, quæ interdum alternis, & interdum simul facio: nec tamen adhuc possum pronuntiare, utrum sit difficilius capere aliquid, an scribere. Vale.

XIX. C. PLINIVS PAVLINO

S V O S.

Video quam molliter tuos habeas: quo simplicius tibi confitebor qua indulgentia meos tractem. Est mihi semper in animo & Homericum illud, *πατὴρ δὲ ὧς ἡμῶν ἔσθ' ἡνέρι*, & hoc nostrum, paterfamilias. Quod si essem natura asperior & durior, frangeret me tamen infirmitas liberti mei Zosimi: cui tanto major humanitas exhibenda est, quanto nunc illa magis eget. Est homo probus, officiosus, literatus, & ars quidem ejus, & quasi inscriptio, comœdus, in qua plurimum facit. Nam pronuntiat acriter, sapienter, apte, decenter etiam; utitur & cithara perite ultra quam comoëdo necesse est. Idem tam commode orationes & historias & carmina legit, ut hoc solum didicisse videatur. Hæc tibi sedulo exposui, quo magis scires quam multa unus mihi & quam jucunda ministeria præstaret. Accedit huc longa jam caritas hominis, quam ipsa pericula auxerunt. Est enim à natura comparatum, ut nihil æque amorem incitet & accendat quam carendi metus, quem ego pro hoc non semel patior. Nam ante aliquot

aliquot annos, dum intente instanterque pronuntiat, sanguinem rejecit, atque ob hoc in Ægyptum missus à me, post longam peregrinationem confirmatus rediit nuper: deinde dum per continuos dies nimis imperat voci, veteris infirmitatis tussicula admonitus, rursus sanguinem reddidit. Quæ ex causa destinavi eum mittere in prædia tua, quæ Forojulii possides. Audivi enim te sæpe referentem, esse ibi & aërem salubrem, & lac hujusmodi curationibus accommodatissimum. Rogo ergo scribas tuis ut illi villa, ut domus pateat; offerant etiam sumptibus ejus, si quid opus erit: erit autem opus modico. Est enim tam parcus & continens, ut non solum delicias, verum etiam necessitates valetudinis frugalitate restringat. Ego proficiscenti tantum viatici dabo, quantum sufficit & moderato & eunti in tua. Vale.

XX. C. PLINIVS VRSO

S V O S.

ITerum Bithyni, post breve tempus à Iulio Basso, etiam Rufum Varenum proconsulem detulerunt. Varenum, quem nuper adversus Bassum advocatum & postularant & acceperant. Inducti in Senatum, inquisitionem postulaverunt: tum Varenus petiit ut sibi quoque defensionis causa vocare testes liceret: recusantibus Bithynis; cognitio suscepta est. Egi ego pro Vareno, non sine eventu: nam bene an male, liber indicabit. In actionibus enim utramque in partem fortuna dominatur: multum commendationis & detrahit & affert memoria, vox, gestus, tempus ipsum; postremo vel amor vel odium rei. Liber offensis, liber gratia, liber & secundis casibus, & adversis caret. Respondit mihi Fonteius Magius, unus ex
Bi-

Bithynis, plurimis verbis, paucissimis rebus. Mos est plerisque Græcorum, ut illis sit pro copia volubilitas: tam longas tamque rigidas periodos uno spiritu, quasi torrente, contorquent. Itaque Iulius Candidus non invenuste solet dicere, Aliud esse eloquentiam, aliud loquentiam. Nam eloquentia vix uni aut alteri, immo, si Marco Antonio credimus, nemini; hæc vero quam Candidus loquentiam appellat, multis atque etiam impudentissimo cuique maxime contingit. Postero die dixit pro Vareno Homulus callide, acriter, culte; contra Nigrinus presse, graviter, ornatè. Censuit Acilius Rutus, consul designatus, inquisitionem Bithynis dandam: postulationem Varenii silentio præterit. Hæc forma negandi fuit. Cornelius Priscus consularis & accusatoribus quæ petebant & reo tribuit, vicitque numero. Impetravimus rem nec lege comprehensam, nec satis usitatam, justam tamen. Quare justam, non sum epistola exequuturus, ut desideres actionem. Nam si verum est Homericum illud,

Τὴν γὰρ αἰδὸν μᾶλλον ὀπκλείουσ' ἄνθρωποι,

Ἦ' περ ἀκύντεσσι βωτάτη ἀμριπέληται,

apud te providendum est mihi, ne gratiam novitatis & florem, quæ oratiunculam meam vel maxime commendat, epistolæ loquacitate ¹⁸ præcerpam. Vale.

XXI. C. PLINIVS RVFO

s v o s.

DEscenderam in Basilicam Iuliam, auditurus quibus proxima comperendinatione respondere debebam. Sedebant iudices, ¹⁹ centumviri venerant, observabantur advocati; silentium longum, tandem à prætore nuntius. Dimittuntur cen-

centumviri: eximitur dies, me gaudente, qui nunquam ita paratus sum, ut non mora læter. Causa dilationis, Nepos prætor, qui legibus quærit. Proposuerat breve edictum; admonebat accusatores, admonebat reos, executurum se quæ SC. continerentur. Suberat edicto SC. hoc, OMNES, QVICQVID NEGOTII HABERENT, IVRARE PRIUS QUAM AGERENT IVBEBANTUR, NIHIL SE OB ADVOCATIONEM CUIQVAM DEDISSE, PROMISSISSE, CAVISSE. His enim verbis, ac mille præterea, & vñire advocaciones & emi vetabantur. Peractis tamen negotiis, mittebantur pecuniam duntaxat decem millium dare. Hoc facto Nepotis commotus prætor, qui centumviralibus præsidet, deliberaturus an sequeretur exemplum inopinatum, nobis otium dedit. Interim tota civitate Nepotis edictum carpitur, laudatur. Multi, *Invenimus qui curva corrigerent. Quid? ante hunc prætores non fuerunt? Quis autem hic est qui emendet publicos mores?* Alii contra, *Rectissime fecit initurus magistratum: jura cognovit: senatus-consulta legit: reprimit fœdissimas pactiones: rem pulcherrimam turpissime vanire non patitur.* Tales ubique sermones: qui tamen alterutram in partem ex eventu prævalebunt. Est omnino iniquum, sed usu receptum, quod honesta consilia vel turpia, prout male aut prospere cedunt, ita vel probantur vel reprehenduntur. Inde plerunque eadem facta, modo diligentix, modo vanitatis, modo libertatis, modo furoris, nomen accipiunt. Vale.

LIBER VI.

I. C. PLINIUS TIRONI

S V O S.



QUANDIV ego trans Padum, tu in Piceno, minus te requirebam : postquam ego in urbe, tu adhuc in Piceno, multo magis : seu quod ipsa loca, in quibus esse una solemus, acrius me tui commonent : seu quod desiderium absentium nihil perinde ac vicinitas acuit : quoque propius accesseris ad spem fruendi, hoc impatientius careas. Quicquid in causa, eripe me huic tormento. Veni, aut ego illuc, unde inconsulte properavi, revertar, vel ob hoc solum, ut experiar an mihi, quum sine me Romæ cœperis esse, similes his epistolas mittas. Vale.

II. C. PLINIUS ARRIANO

S V O S.

Soleo nonnunquam in judiciis quærere Marcum Regulum, nolo enim dicere, desiderare. Cur ergo quæro? Habebat studiis honorem, timebat, pallebat, scribebat : quamvis non posset didiscere illud ipsum, quod oculum modo dextrum, modo sinistrum circumlinebat ; dextrum, si à petitore ; alterum, si à possessore esset acturus ; quod candidum splenium in hoc aut illud supercilium transferebat : quod semper aruspices consulebat de actionis eventu, anili superstitione, sed tamen à magno studiorum honore veniebat. Iam illa perquam jucunda una dicentibus, quod libera tempora petebat, quod audituros conrogabat. Quid enim jucundius quam sub alterius invidia,

dia, quandiu velis, & in alieno auditorio quasi deprehensum commode dicere? Sed utcunque se habent ista, bene fecit Regulus, quod est mortuus, melius si ante. Nunc enim sane poterat sine malo publico vivere sub eo Principe, sub quo nocere non poterat. Ideo fas est, nonnunquam eum querere. Nam postquam obiit ille, increbuit passim & invaluit consuetudo, binas vel singulas clepsydras interdum & dimidias, & dandi & petendi. Nam & qui dicunt, egisse malunt quam agere; & qui audiunt, finire quam judicare. Tanta negligentia, tanta desidia, tanta denique irreverentia studiorum periculorumque est. An nos sapientiores majoribus nostris? nos legibus ipsis justiores; quæ tot horas, tot dies, tot comperendinationes largiuntur? hebetes illi & supra modum tardi? Nos apertius dicimus, celerius intelligimus, religiosius judicamus, qui paucioribus clepsydris præcipitamus causas, quam diebus explicari solebant? O Regule, qui ambitione ab omnibus obtinebas quod fidei paucissimi præstant! Equidem quoties judico, quod sæpius facio quam dico, quantum quis plurimum postulat aquæ do. Etenim temerarium existimo, divinare quam spatiosa sit causa inaudita, tempusque negotio finire, cujus modum ignores: præsertim cum primum religioni suæ iudex patientiam debeat, quæ pars magna justitiæ est. At quædam supervacua dicuntur: etiam; sed satius est & hæc dici, quam non dici necessaria. Præterea, an sint supervacua, nisi quum audieris, scire non possis. Sed de his melius coram, ut de pluribus vitiis civitatis. Nam tu quoque amore communium soles emendari cupere, quæ jam corrigere difficile est. Nunc respiciamus domos nostras. Ecquid omnia in tua

recte? in mea novi nihil. Mihi autem & gratiora sunt bona, quod perseverant; & leviora incommoda, quod assuevi. Vale.

III. C. PLINIVS VERO

s v o S.

GRatias ago quod agellum, quem nutrici meæ donaveram, colendum suscepisti. Erat quum donarem centum millium nummum: postea, decrescente redditu, etiam pretium minuit, quod nunc te curante reparabit. Tu modo memineris, commendari tibi à me non arbores & terram (quam hæc quoque) sed munusculum meum; quod esse quam fructuosissimum non illius magis interest quæ accepit, quam mea qui dedi. Vale.

IV. C. PLINIVS CALPHURNIÆ

s v æ S.

NVnquam sum magis de occupationibus meis questus; quæ me non sunt passæ aut proficiscentem te, valetudinis causa, in Campaniam prosequi, aut profectam è vestigio subsequi. Nunc enim præcipue simul esse cupiebam, ut oculis meis crederem, quid viribus, quid corpusculo acquireret, & qui denique secessus, voluptates, regionisque abundantiam¹ inoffensa transmitteret. Equidem etiam fortem te & non sine cura desiderarem. Est enim suspensum & anxium de eo quem ardentissime diligas, interdum nihil scire. Nunc vero me cum absentiae, tum infirmitatis tuæ ratio, incerta & varia sollicitudine exterreret. Vereor omnia, [imaginor omnia] quæque natura metuentium est, ea maxime mihi quæ maxime abominor fingo. Quo impensius rogo, ut timori meo quotidie singulis, vel etiam binis epistolis
con-

consulas. Ero enim securior, dum legam; statimque timebo, quum legero. Vale.

V. C. PLINIVS VRSO

SVO S.

Scripseram tenuisse Varenum, ut sibi evocare testes liceret: quod pluribus æquum, quibusdam iniquum, & quidem pertinaciter, visum; maxime Licinio Nepoti, qui sequenti Senatu, quum de rebus aliis referretur, de proximo SC. differuit, finitamque causam retractavit. Addidit etiam, pejendum à consulibus ut referrent sub exemplo legis ambitus de lege repetundarum, an placeret in futurum ad eam legem adjici, ut, sicut accusatoribus inquirendi, testibusque denuntiandi potestas ex ea lege esset, ita reis quoque fieret. Fuerunt quibus hæc ejus oratio, ut sera & intempestiva & præpostera, displiceret: quæ omisso contradicendi tempore castigaret peractum, cui potuisset occurrere. Iubentius quidem Celsus prætor, tanquam emendatorem Senatus, & multis & vehementer increpuit. Respondit Nepos, rursusque Celsus: neuter contumeliis temperavit. Nolo referre quæ dici ab ipsis moleste tuli: quo magis quosdam è numero nostro improbavi, qui modo ad Celsum, modo ad Nepotem, prout hic vel ille diceret, cupiditate audiendi cursitabant; & nunc quasi stimulant & accenderent, nunc, quasi reconciliarent componerentque, frequentius singulis, ambobus interdum, propitium Cæsarem, ut in ludicro aliquo, precarentur. Mihi quidem illud etiam peracerbum fuit, quod sunt alter alteri quid pararent indicati. Nam & Celsus Nepoti ex libello respondit, & Celso Nepos ex pugillaribus. Tanta loquacitas amicorum fuit, ut homines jur-

gaturi id ipsum invicem scirent, tanquam convenissent. Vale.

VI. C. PLINIVS FVNDANO

S V O S.

SI quando, nunc præcipue cuperem esse te Romæ, & sis, rogo. Opus est mihi voti, laboris, sollicitudinis socio. Petit honores Iulius Naso: petit cum multis, cum bonis; quos ut gloriosum, sic est difficile superare. Pendeo ergo, & exerceor spe, atque afficior metu, & me consularem esse non sentio. Nam rursus mihi videor omnium quæ decurri candidatus. Meretur hanc curam longa mei caritate. Est mihi cum illo non sane paterna amicitia; neque enim potuit esse per meam ætatem. Solebat tamen vixdum adolescentulo mihi pater ejus cum magna laude monstrari. Erat non studiorum tantum, verum etiam studioforum amantissimus: ac prope quotidie ad audiendos, quos tunc ego frequentabam, Quintilianum & Niceten sacerdotem ventitabat: vir alioqui clarus & gravis, & qui prodesse filio memoria sui debeat. Sed multi nunc in Senatu, quibus ignotus ille, multi quibus notus, sed non nisi viventes reverentur, quo magis huic, omiſſa gloria patris, in qua magnum ornamentum, gratia infirma, ipsi enitendum & laborandum est. Quod quidem semper, quasi provideret hoc tempus, sedulo fecit; paravit amicos, quos paraverat, coluit: me certe, ut primum sibi judicare permisit, ad amorem imitationemque delegit. Dicenti mihi solícite assistit, assidet recitanti: primus etiam & cum maxime nascentibus opusculis meis interest, nunc solus, ante cum fratre, cujus nuper amissi ego suscipere partes, ego vicem debeo implere. Doleo enim &

& illum immatura morte indignissime raptum, & hunc optimi fratris adjumento destitutum, solisque amicis relictum. Quibus ex causis exigo ut venias, & suffragio meo tuum jungas. Permultum interest mea, te ostentare & mecum circuire. Ea est auctoritas tua, ut putem me efficacius tecum etiam meos amicos rogaturum. Abrumpe si qua te retinent. hoc tempus meum, hoc fides, hoc etiam dignitas postulat. Suscepi candidatum, & suscepisse me notum est: ego ambio, ego periclitator. In summa, si datur Nasoni quod petit, illius honor, si negatur, mea repulsa est. Vale.

VII. C. PLINIVS CALPHURNIÆ

S V Æ S.

Scribis te absentia mea non mediocriter affici; unumque habere solatium, quod pro me libellos meos teneas, sæpe etiam in vestigio meo colloces. Gratum est quod nos requiris, quod his fomentis acquiescis: invicem ego epistolas tuas lectito, atque identidem in manus quasi novas sumo; sed eo magis ad desiderium tui accendor. Nam cujus literæ tantum habent suavitatis, hujus sermonibus quantum dulcedinis inest? Tu tamen frequentissime scribe, licet hoc ita me delectet ut torqueat. Vale.

VIII. C. PLINIVS PRISCO

S V O S.

ATilium Crescentem & nosti & amas. Quis enim illum spectatior paulo aut non novit, aut non amat? Hunc ego non ut multi, sed arctissime diligo. Oppida nostra unius diei itinere dirimuntur: ipsi amare invicem, qui est flagrantissimus amor, adolescentuli cœpimus. Mansit hic postea, nec refrixit iudicio, sed invaluit. Sciunt qui alter-

utrum nostrum familiarius intuentur. Nam & ille amicitiam meam ² latissime prædicatione circumfert, & ego præ me fero, quam sit mihi curæ modestia, quies, securitas ejus. Quin etiam quum insolentiam cujusdam tribunatum plebis inituri vereretur, idque indicasset mihi, respondi;

Οὐ τις ἐμὲ ζῶντι καὶ ἐπὶ χθονὶ διακομμένοιο,

Σοὶ κοίλῃς ὅτε νύσι βαρείας χεῖρας ἐπιείσῃ.

Quorsum hæc? Vt scias non posse Attilium, me incolumi, injuriam accipere. Iterum dices, Quorsum hæc? Debit ei pecuniam Valerius Varus: hujus est heres Maximus noster, quem & ipse amo, sed conjunctius tu. Rogo ergo, exigo etiam pro jure amicitiae, cures ut Attilio meo salva sit non sors modo, sed etiam usura plurium annorum. Homo est alieni abstinentissimus, sui diligens: nullis quæstibus sustinetur, nullus illi, nisi ex frugalitate reditus. Nam studia, quibus plurimum præstat, ad voluptatem tantum & gloriam exercet. Gravis est ei vel minima jactura, quia reparare quod amiseris gravius est. Exime hunc illi, exime hunc mihi scrupulum: sine me suavitate ejus, sine leporibus perfrui. Neque enim possum tristem videre, cujus hilaritas me tristem esse non patitur. In summa, nosti facetias hominis: quas velim attendas, ne in bilem & amaritudinem vertat injuria. Quam vim habeat offensus, crede ei quam in amore habet. Non feret magnum & liberum ingenium cum contumelia damnum. Verum ut ferat ille, ego meum damnum, meam contumeliam ³ judicabo: sed non tanquam pro mea (hoc est gravius) irascar. Quanquam quid denuntiationibus & quasi minis ago; Quin potius, ut cœperam, rogo, oro, des operam, ne ille se, quod validissime vereor, à me, ego me neglectum à te putem.

putem. Dabis autem, si hoc perinde curæ est tibi quam illud mihi. Vale.

IX. C. PLINIVS TACITO

s v o S.

Commendas mihi Iulium Nasonem candidatum. Nasonem mihi? quid si meipsum? Fero tamen & ignosco. Eundem enim commendassem tibi, si, te Romæ morante, ipse abfuisssem. Habet hoc sollicitudo, quod omnia necessaria putat. Tu tamen censeo alios roges, ego precum tuarum minister, adjutor, particeps ero. Vale.

X. C. PLINIVS ALBINO

s v o S.

Qum venissem in focrus meæ villam Alsicensem, quæ aliquando Rufi Virginii fuit, ipse mihi locus optimi illius & maximi viri desiderium non sine dolore renovavit. Hunc enim incolere secessum, atque etiam senectutis suæ nidulum vocare consueverat. Quocunque me contulisssem, illum animus, illum oculi requirebant. Libuit etiam monumentum ejus videre, & vidisse poenituit. Est enim adhuc imperfectum, nec difficultas operis in causa, modici, ac potius exigui; sed inertia ejus, cui cura mandata est. Subit indignatio cum miseratione, post decimum mortis annum reliquias; neglectumque cinerem, sine titulo, sine nomine jacere, cujus memoria orbem terrarum gloriâ pervagetur. At ille mandaverat cave ratque, ut divinum illud & immortale factum verbis inscriberetur;

HIC SITVS EST RVFVS, PVLSO QVI VINDICE QVONDAM,

IMPERIVM ASSERVIT NON SIBI, SED PATRIÆ.

Tam rara in amicitiiis fides, tam parata oblivio

G 5

mor-

mortuorum, ut ipsi nobis debeamus etiam conditoria exstruere, omniaque heredum officia præsumere. Nam cui non est verendum quod videmus accidisse Virginio? cuius injuriam ut indigniorem, sic etiam notio rem ipsius claritas facit. Vale.

XI. C. PLINIVS MAXIMO

S V O S.

O Diem lætum! Adhibitus in consilium à præfecto urbis audiui ex diverso agentes summæ spei, summæ indolis juvenes duos, Fuscum Salinatorem & Numidium Quadratum, egregium par, nec modo temporibus nostris, sed literis ipsis ornamento futurum. Mira utrique probitas, constantia salva, decorus habitus, os Latinum, vox virilis, tenax memoria, magnum ingenium, iudicium æquale: quæ singula mihi voluptati fuerunt: atque inter hæc illud, quod & ipsi me ut rectorem, ut magistrum intuebantur, & iis qui audiebant me æmulari, meis instare vestigiis videbantur. O diem (repetam enim) lætum, notandumque mihi candidissimo calculo! Quid enim aut publice lætius quam clarissimos juvenes nomen & famam ex studiis petere, aut mihi optatius, quam me ad recta tendentibus quasi exemplar esse propositum? Quod gaudium ut perpetuo capiam, deos oro: ab iisdem, teste te, peto, ut omnes qui me imitari tanti putabunt, meliores esse quam me velint. Vale.

XII. C. PLINIVS FABATO

PROSOCERO SVO S.

TV vero non debes suspensa manu commendare mihi quos tuendos putas. Nam & te decet multis prodesse, & me suscipere quicquid ad curam

curam tuam pertinet. Itaque Vectio Prisco quantum plurimum potuero, præstabo, præsertim in arena mea, hoc est, apud Centumviros. Epistolarum, quas mihi, ut ais, aperto pectore scripsisti, oblivisci me jubes: at ego nullarum libentius memini. Ex illis enim vel præcipue sentio quantopere me diligas, cum sic * exegeris mecum ut solebas cum tuo filio. Nec dissimulo, hoc mihi jucundiores eas fuisse, quod habebam bonam causam, cum summo studio curassem quod tu curari volebas. Proinde etiam atque etiam rogo, ut mihi semper eadem simplicitate, quoties cessare videbor (nunquam enim cessabo) convitium facias. Quod & ego intelligam à summo amore proficisci, & tu non meruisse me gaudeas. Vale.

XIII. C. PLINIVS VRSO

s v o s.

VNquamne vidisti quemquam tam laboriosum & exercitum, quam Varenum meum? cui quod summa contentione impetraverat, defendendum & quasi rursus petendum fuit. Bithyni SC. apud consules carpere & labefactare sunt ausi, atque etiam absenti principi criminari: ab illo ad senatum remissi, non destiterunt. Egit Claudius Capito irreverenter magis quam constanter, ut qui ipsum SC. apud senatum accusaret. Respondit Fronto Catiùs graviter magis & firme: senatus ipse mirificus. Nam illi quoque, qui prius negarant Vareno quæ petebat, eadem danda, postquam erant data, censuerunt. Singulos enim, integrâ re, dissentire fas esse; peractâ, quod pluribus placuisset, cunctis tuendum. Acilius tantum Rufus, & cum eo septem an-
oëto? (septem immo) in priore sententia perse-

verarunt. Erant in hac paucitate nonnulli, quorum temporaria gravitas, vel potius gravitatis imitatio, ridebatur. Tu tamen æstima, quantum nos in ipsa pugna prælii & certaminis maneat, cujus quasi prælusio atque præcursorio has contentiones excitavit. Vale.

XIV. C. PLINIVS MAVRICO

s v o s.

Solicitas me in Formianum: veniam ea conditione, ne quid contra commodum tuum facias: qua pactione invicem mihi caveo. Neque enim mare & litus, sed te, otium, libertatem sequor: alioqui satius est in urbe remanere. Oportet enim omnia aut ad alienum arbitrium, aut ad suum facere: mei certe stomachi hæc natura est, ut nihil nisi totum & merum velit. Vale.

XV. C. PLINIVS ROMANO

s v o s.

Mirificæ rei non interfuisti: ne ego quidem, sed me recens fabula excepit. Passienus Paulus, splendidus eques Romanus, & inprimis eruditus, scribit elegos. Gentilitium hoc illi. Est enim municeps Propertii, atque etiam inter majores suos Propertium numerat. Is quum recitaret, ita cœpit dicere, *Prisce jubes?* Ad hoc labolenus Priscus (aderat enim ut Paulo amicissimus) *Ego vero non jubeo.* Cogita qui risus hominum, qui joci. Est omnino Priscus dubiæ sanitatis: interest tamen officiis, adhibetur consiliis, atque etiam jus civile publice respondet: quo magis quod tunc fecit, & ridiculum & notabile fuit. Interim Paulo aliena deliratio aliquantum frigoris attulit. Tam sollicite recitaturis providendum est non solum ut sint ipsi sani, verum etiam ut sanos adhibeant. Vale.

XVI. C.

XVI. C. PLINIVS TACITO

S V O S.

PETIS ut tibi avunculi mei exitum scribam, quo verius tradere posteris possis: gratias ago. Nam video, morti ejus, si celebretur à te, immortalem gloriam esse propositam. Quamvis enim pulcherrimarum clade terrarum, ut populi, ut urbes memorabili casu, quasi semper victurus occiderit: quamvis ipse plurima opera & mansura condiderit, multum tamen perpetuitati ejus scriptorum tuorum æternitas addet. Equidem beatos puto, quibus deorum munere datum est aut facere scribenda, aut scribere legenda: beatissimos vero quibus utrumque. Horum in numero avunculus meus & suis libris & tuis erit. Quo libentius suscipio, deposco etiam quod injungis. Erat Miseni, classemque imperio præfens regebat. Nono calend. Septembris, hora diei fere septima, mater mea indicat ei, apparere nubem inusitata & magnitudine & specie. Vfus ille sole mox frigidam gustaverat jacens, studebatque: poscit soleas, ascendit locum ex quo maxime miraculum illud conspici poterat. nubes (incertum procul intuentibus ex quo monte: Vesuvium fuisse postea cognitum est) oriebatur, cujus similitudinem & formam non alia magis arbor quam pinus expresse-rit. Nam longissimo velut trunco elata in altum, quibusdam ramis diffundebatur. credo quia recenti spiritu evecta, deinde senescente eo destituta, aut etiam pondere suo victa, in latitudinem vaneſcebat: candida interdum, interdum sordida & maculosa, prout terram cineremve sustulerat. Magnum propiusque noscendum id eruditissimo viro visum. Iubet Liburnicam aptari: mihi si veni-

re una vellem, facit copiam. Respondi, studere me malle: & forte ipse quod scriberem dederat. Egrediebatur domo, accipit codicillos. ⁶ Retinæ Classarii imminenti periculo exterriti (nam villa ea subjacebat, nec ulla nisi navibus fuga) ut se tanto discrimini eriperet orabant. Non vertit ille consilium, sed quod studioso animo inchoaverat, obit maximo. Deducit quadriremes, ascendit ipse non Retinæ modo, sed multis (erat enim frequens amœnitas oræ) laturus auxilium. Properat illuc unde alii fugiunt; rectumque cursum, recta gubernacula in periculum tenet, adeo solutus metu, ut omnes illius mali motus, omnes figuras, ut deprehenderat oculis, dictaret enotaretque. Iam navibus cinis inciderat, quo propius accederet, calidior & densior; jam pumices etiam, nigrique & ambusti & fracti igne lapides: jam vadum subitum, ruinaque montis litora obstantia, cunctatusque paulum an retro flecteret, mox gubernatori ut ita faceret monenti, *Fortes*, inquit, *fortuna juvat*: Pomponianum pete. Stabiis erat, diremptus sinu medio. Nam sensim circumactis curvatisque litoribus mare infunditur. Ibi, quanquam nondum periculo appropinquante, conspicuo tamen, & quum cresceret, proximo, sarcinas contulerat in naves, certus fugæ, si contrarius ventus resedisset: quo tunc avunculus meus secundissimo invehctus, complectitur trepidantem, consolatur, hortatur: utque timorem ejus sua securitate leniret, deferri se in balineum jubet; lotus accubat, coenat, atque hilaris aut, quod est æque magnum, similis hilari. Interim è Vesuvio monte pluribus locis latissimæ flammæ altaque incendia relucebant, quorum fulgor & claritas ⁷ tenebris noctis excitabatur. Ille agrestium trepidatione ignis relictas deser-

desertaſque villas per ſolitudinem ardere, in remedium formidinis, diſtabat: tum ſe quieti dedit, & quievit veriffimo quidem ſomno. Nam meatus animæ, qui illi propter amplitudinem corporis gravior & ſonantior erat, ab iis qui limini obverſabantur, audiebatur. Sed area ex qua diætâ adibatur, ita jam cinere, mixtiſque pumicibus oppleta ſurrexerat, ut ſi longior in cubiculo mora eſſet, exitus negaretur. Excitatus procedit, ſequæ Pomponiano, ceteriſque qui pervigilarant reddit. In commune conſultant an intra teſta ſubſiſtant, an in aperto vagentur. Nam crebris vaſtiſque tremoribus teſta nutabant, & quaſi emota ſedibus ſuis, nunc huc, nunc illuc abire aut referri videbantur. Sub dio rurfus, quanquam levium exeforumque pumicum caſus metuebatur. quod tamen periculorum collatio elegit, & apud illum quidem ratio rationem, apud alios timorem timor vicit. Cervicalia capitibus impoſita linteis conſtringunt. Id munimentum adverſus decidentia fuit. Iam dies alibi, illic nox omnibus noctibus nigrior denſiorque: quam tamen faces multæ variaque lumina ſolvebant. Placuit egredi in litus, & è proximo aſpicere ecquid jam mare admitteret, quod adhuc vaſtum & adverſum permanebat. Ibi ſuper abjectum linteum recubans, ſemel atque iterum frigidam popoſcit, hauſitque: deinde flammæ, flammarumque prænuntius odor ſulfuris, alios in fugam vertunt, excitant illum. Innixus ſervis duobus aſſurrexit, & ſtatim concidit, ut ego⁸ conjecto, craſſiore caligine ſpiritu obſtructo, clauſoque ſtomacho, qui illi natura invalidus & anguſtus & frequenter interæſtuans erat. Vbi dies redditus (is ab eo, quem noviffime viderat, tertius) corpus inventum eſt integrum, illæſum oper-

tumque, ut fuerat indutus : habitus corporis quiescenti quam defuncto similior. Interim Miseni ego & mater. Sed nihil ad historiam, nec tu aliud quam de exitu ejus scire voluisti. Finem ergo faciam : unum adjiciam , omnia me , quibus interfueram , quæque statim quum maxime vera memorantur , audiveram , vere persequutum : tu potissima excerpes. Aliud est enim epistolam, aliud historiam ; aliud amico , aliud omnibus scribere. Vale.

XVII. C. PLINIVS RESTITVTO
S V O S.

INDignatiunculam , quam in cujusdam amici auditorio cepi , non possum mihi temperare quo minus apud te, quia non contingit coram, per epistolam effundam. Recitabatur liber absolutissimus : hunc duo aut tres , ut sibi & paucis videntur , diserti , surdis mutisque similes audiebant. Non labra diduxerunt , non moverunt manum , non denique assurrexerunt saltem lassitudine sedendi. Quæ tanta gravitas ? quæ tanta sapientia ? quæ immo pigritia , arrogantia , sinisteritas , ac potius amentia , in hoc totum diem impendere, ut offendas , ut inimicum relinquas , ad quem tanquam amicissimus veneris ? Disertior ipse es ? tanto magis ne invideris. nam qui invidet, minor est. Denique , five plus , five minus , five idem præstas , lauda vel inferiorem , vel superiorem , vel parem. Superiorem, quia nisi laudandus ille est, non potes ipse laudari ; inferiorem aut parem , quia pertinet ad tuam gloriam quam maximum videri quem præcedis vel exæquas. Equidem omnes qui aliquid in studiis faciunt , venerari etiam mirarique soleo. Est enim res difficilis, ardua, fastidiosa, &
quæ

quæ eos à quibus contemnitur, dedignatur. Nisi forte aliud judicas tu: quanquam quis uno te reverentior hujus operis, quis benignior æstimator? Qua ratione ductus, tibi potissimum indignationem meam prodidi, quem habere socium maxime poteram. Vale.

XVIII. C. PLINIVS SABINO

s v o S.

ROgas ut agam ⁹ Firmanorum publicam causam: quod ego, quanquam plurimis occupationibus distentus, adnitar. Cupio enim & ornatissimam coloniam advocacionis officio, & te gratissimo tibi munere obstringere. Nam cum familiaritatem nostram, ut soles prædicare, ad præsidium ornamentumque tibi sumpseris, nihil est quod negare debeam, præsertim pro patria petenti. Quid enim precibus aut honestius piis, aut efficacius amantis? Proinde Firmanis tuis, ac jam potius nostris, oblige fidem meam; quos labore & studio meo dignos cum splendor ipsorum, tum hoc maxime pollicetur, quod credibile est optimos esse, inter quos tu talis extiteris. Vale.

XIX. C. PLINIVS NEPOTI

s v o S.

SCis tu accessisse pretium agris, præcipue suburbanis. Causa subitæ caritatis, res multis agitata sermonibus, proximis comitiis honestissimas voces Senatui expressit, Candidati ne conviventur, ne mittant munera, ne pecunias deponant. Ex quibus duo priora tam aperte quam immodice fiebant: hoc tertium, quanquam occultaretur, pro comperto habebatur. Homulus deinde noster usus vigilanter hoc consensu Senatus, sententiæ loco postulavit, ut consules desiderium univer-

verforum notum principi facerent , peterentque sicut aliis vitiis , huic quoque providentia sua occurreret : occurrit. Nam sumptus candidatorum , fœdos illos & infames , ambitus lege restrinxit : eosdem patrimonii tertiam partem conferre iussit in ea quæ solo continerentur , deforme arbitratus (ut erat) honorem petituros , urbem Italiamque non pro patria , sed pro hospitio aut stabulo quasi peregrinantes habere. Concurfant ergo candidati certatim : quicquid venale audiunt , empritant ; ut sint quoque plura venalia , efficiunt. Proinde , si pœnitet te Italicorum prædiorum , hoc vendendi tempus , tam hercule quam in provinciis comparandi , dum iidem candidati illic vendunt , ut hîc emant. Vale.

XX. C. PLINIVS CORNELIO
TACITO SVO S.

AIs te adductum literis , quas exigenti tibi de morte avunculi mei scripsi , cupere cognoscere , quos ego Miseni relictus (id enim ingressus abruperam) non solum metus , verum etiam casus pertulerim. Quanquam animus meminisse horret , incipiam. Profecto avunculo , ipse reliquum tempus studiis (ideo enim remanseram) impendi : mox balineum , cœna , somnus inquietus & brevis. Præcesserat per multos dies tremor terræ minus formidolosus , qui Campaniæ non solum castella , verum etiam oppida vexare solitus : illâ vero nocte ita invaluit , ut non moveri omnia , sed everti crederentur. Irrumpit cubiculum meum mater : surgebam invicem , si quiesceret , excitaturus. Resedimus in area domus , quæ mare à tectis modico spatio dividebat. Dubito constantiam vocare an prudentiam debeam : agebam

bam enim duodevicesimum annum. Posco librum Titi Livii, & quasi per otium lego, atque etiam, ut cœperam, excerpo. Ecce, amicus avunculi, qui nuper ad eum ex Hispania venerat, ut me & matrem sedentes, me vero etiam legentem videt, illius patientiam, securitatem meam corripit: nihilo segnius ego intentus in librum. Iam hora diei prima, & adhuc dybius & quasi languidus dies, jam quassatis circumjacentibus tectis, quanquam in aperto loco, angusto tamen, magnus & certus ruinæ metus. Tum demum excedere oppido visum. Sequitur vulgus attonitum, quodque in pavore simile prudentiæ, alienum consilium suo præfert, ingentique agmine abeuntes premit & impellit. Egressi tecta consistimus: multa ibi miranda, multas formidines patimur. Nam vehicula quæ produci jusseramus, quanquam in planissimo campo, in contrarias partes agebantur, ac ne lapidibus quidem fulta, in eodem vestigio quiescebant. Præterea mare in se resorberi, & tremore terræ quasi repelli videbatur. Certe processerat litus, multaque animalia maris in siccis arenis detinebat. Ab altero latere nubes atra & horrenda ignei spiritus tortis vibratisque discursibus rupta, in longas flammarum figuras dehiscebat: fulgoribus illæ & similes & majores erant. Tum vero ille idem ex Hispania amicus, acrius & instantius, Si frater, inquit, tuus, si ^{1º} tuus avunculus vivit, vult esse vos salvos: si periit, superstites voluit: proinde quid cessatis evadere? Respondimus, non commissuros nos, ut de salute ejus incerti, nostræ consuleremus. Non moratus ultra proripit se, effusoque cursu periculo aufertur: nec multo post, illa nubes descendere in terras, operire maria. Cinxerat Capreas & absconderat: Miseni quod pro-

procurrit, abstulerat. Tum mater orare, hortari, jubere, quoquo modo fugerem: posse enim juvenem, se & annis & corpore gravem bene morituram, si mihi causa mortis non fuisset. Ego contra, salvum me, nisi una, non futurum: deinde manum ejus amplexus, addere gradum cogo: paret ægre, incusatque se quod me moretur. Iam cinis adhuc tamen rarus: respicio; densa caligo tergis imminebat, quæ nos torrentis modo infusa terræ, sequebatur. Deslectamus (inquam) dum videmus, ne in via strati, comitantium turba in tenebris obteramur. ²¹ Vix confederamus, & nox, non quasi illunis aut nubila, sed qualis in locis clausis lumine extincto: audires ululatus feminarum, infantium quiritatus, clamores virorum: alii parentes, alii liberos, alii conjuges vocibus requirebant, vocibus noscitabant: hi suum casum, illi suorum miserebantur: erant qui metu mortis mortem precarentur. Multi ad deos manus tollere, plures nusquam jam deos ullos, æternaque illam & novissimam noctem mundo interpretabantur. Nec defuerunt qui fictis mentitisque terroribus vera pericula augerent. Aderant qui Miseni illud ruisse, illud ardere, falso, sed credentibus nuntiabant. Paulum reluxit; quod non dies nobis, sed adventantis ignis indicium videbatur: & ignis quidem longius substitit: tenebræ rursus, cinis rursus multus & gravis: hunc identidem affurgentes excutiebamur: operti alioqui, atque etiam obliti pondere essemus. Possem gloriari, non gemitum mihi, non vocem parum fortem in tantis periculis excidisse, nisi me cum omnibus omnia mecum perire, misero, magno tamen mortalitatis solatio credidissem. Tandem illa caligo tenuata quasi in fumum nebulamve decessit:

mox

mox dies verus ; sol etiam effulsit , luridus , tamen ; qualis esse quum deficit solet. Occursabant trepidantibus adhuc oculis mutata omnia, altoque cinere tanquam nive obducta. Regressi Misenum, curatis utcunque corporibus, suspensam dubiamque ¹² mentem spe ac metu exegimus : metus prævalebat. Nam & tremor terræ perseverabat, & plerique lymphati terrificis vaticinationibus & sua & aliena mala ludificabantur. Nobis tamen ne tunc quidem, quanquam & expertis periculum, & expectantibus , abundi consilium donec de avunculo nuntius veniret. Hæc , nequaquam historia digna, non scripturus leges , & tibi , scilicet qui requisisti, imputabis , si digna ne epistola quidem videbuntur. Vale.

XXI. C. PLINIVS CANINIO

S V O S.

SVM ex iis qui mirer antiquos : non tamen , ut quidam , temporum nostrorum ingenia despicio. Neque enim quasi lassæ & effœta natura , ut nihil jam laudabile pariat. Atque adeo nuper audii ¹³ Verginium Romanum paucis legentem comœdiam , ad exemplar veteris comœdiæ scriptam , tam bene , ut esse quandoque possit exemplar. Nescio an noris hominem, quanquam nosse debes. Est enim probitate morum, ingenii elegantia , operum varietate monstrabilis. Scripsit miambiobos tenuiter , argute, venuste , atque in hoc genere eloquentissime. Nullum est enim genus quod absolutum , non possit eloquentissimum dici. Scripsit comœdias, Menandrum aliosque ætatis ejusdem æmulatus. Licet has inter Plautinas, Terentianasque numeres. Nunc primum se invicere comœdia, sed non tanquam inciperet, ostendit :

dit. Non illi vis, non granditas, non subtilitas, non amaritudo, non dulcedo, non lepos defuit. Ornavit virtutes, infectatus est vitia, fictis nominibus decenter, veris usus est apte. Circa me tantum benignitate nimia modum excessit, nisi quod tamen poëtis mentiri licet. In summa, extorquebo ei librum, legendumque, immo ediscendum, mit- tam tibi. Neque enim dubito futurum ut non de- ponas, si semel sumpseris. Vale.

XXII. C. PLINIVS TIRONI

S V O S.

Magna res acta est omnium qui sunt provinciis præfuturi, magna omnium qui se simplici- ter credunt amicis. Lustricus Bruttianus quum Montanum Atticinum comitem suum in multis flagitiis deprehendisset, Cæsari scripsit: Atticinus flagitiis addidit, ut quem deceperat, accusaret. Re- cepta cognitio est: fui in consilio; egit uterque pro se; egit autem carptim, & κατὰ κερδέα, quo genere veritas statim ostenditur. Protulit Brut- tianus testamentum suum, quod Atticini manu scriptum esse dicebat. Hoc enim & arcana fami- liaritas, & querendi de eo quem sic amasset, ne- cessitas indicabatur. Enumeravit crimina fœda manifesta que: ille, quum diluere non posset, ita recessit, ut, dum defenditur, turpis; dum accusat, sceleratus probaretur. Corrupto enim scribæ ser- vo, interceperat commentarios, intercideratque, ac per summum nefas utebatur adversus amicum crimine suo. Fecit pulcherrime Cæsar. Non enim de Bruttiano, sed statim de Atticino ¹⁴ pronun- tiavit. Damnatuſ & in insulam relegatus: Brut- tiano justissimum integritatis testimonium reddi- tum, quem quidem etiam constantiæ gloria secuta est.

est. Nam defensus expeditissime, accusavit vehementer; nec minus acer quam bonus & sincerus apparuit. Quod tibi scripsi, ut te fortitum provinciam præmonerem, plurimum tibi credas, nec cuiquam satis fidas: deinde scias, si quis forte te, quod abominor, fallat, paratam ultionem: qua tamen ne sit opus, etiam atque etiam attende. Neque enim tam jucundum est vindicari, quam decipi miserum. Vale.

XXIII. C. PLINIVS TRIARIO

S V O S.

Impense petis ut agam causam pertinentem ad curam tuam, pulchram alioquin & famosam: faciam, sed non gratis. Quî fieri potest (inquis) ut non gratis tu? Potest. Exigam enim mercedem honestiorem gratuito patrocinio. Peto, atque etiam paciscor, ut simul agat Cremutius Ruso. Solitum hoc mihi, & jam in pluribus claris adolescentibus factitatum. Nam mire concupisco bonos juvenes ostendere foro, assignare famæ. Quod, si cui, præstare Rusoni meo debeo, vel propter natales ipsius, vel propter eximiam mei caritatem: quem magni æstimo in iisdem judiciis, ex iisdem etiam partibus, conspici, audiri. Obliga me, obliga antequam dicat. Nam quum dixerit, gratias ages. Spondeo sollicitudini tuæ, spei meæ, magnitudini causæ¹ suffecturum. Est indolis optimæ, brevi producturus alios, si interim provectus fuerit à nobis. Neque enim cuiquam tam clarum statim ingenium est, ut possit emergere, nisi illi materia, occasio, fautor etiam commendatorque contingat. Vale.

XXIV. C.

XXIV. C. PLINIVS MACRO

S V O S.

QVammultum interest, quid à quo fiat. Eadem enim facta claritate vel obscuritate facientium aut tolluntur altissime, aut humillime deprimuntur. Navigabam per Larium nostrum, quum senior amicus ostendit mihi villam, atque etiam cubiculum, quod in lacum prominet. Ex hoc, (inquit), aliquando municeps nostra cum marito se præcipitavit. Causam requisivi. Maritus ex diutino morbo circa velanda corporis, ulceribus putrescebat: uxor ut inspiceret exegit: neque enim quemquam fidelius judicaturum, possetne sanari. Vidit, desperavit: hortata est ut moreretur, comesque ipsa mortis, dux immo & exemplum, & necessitas fuit. Nam se cum marito ligavit, abiecitque in lacum. Quod factum ne mihi quidem, qui municeps, nisi proxime auditum est: non quia minus illo clarissimo Arriæ factò, sed quia minor est ipsa. Vale.

XXV. C. PLINIVS ¹⁶ HISPANO

S V O S.

SCribis, Robustum, splendidum equitem Romanum cum Attilio Scauro, amico meo, Ocriculum usque commune iter fecisse; deinde nusquam comparuisse: petis ut Scaurus veniat, nosque, si potest in aliqua inquisitionis vestigia inducat. Veniet; vereor ne frustra. Suspikor enim tale nescio quid Robusto accidisse, quale aliquando Metilio Crispo, municipi meo. Huic ego ordines impetraveram, atque etiam proficiscenti ¹⁷ quadringenta millia nummum ad instruendum se ornandumque donaveram; nec postea aut epistolas ejus, aut aliquem de exitu nuntium accepi. Interceptusne sit

fit à suis, an cum suis, dubium: certe non ipse, non quisquam ex servis ejus apparuit: Vtinam ne in Robusto idem experiamur! Tamen accersamus Scaurum. Demus hoc tuis, demus optimi adolescentis honestissimis precibus, qui pietate summa, mira etiam sagacitate, patrem quærit. Dii faveant ut sic inveniatur ipsum, quemadmodum jam cum quo fuisset, invenit! Vale.

XXVI. C. PLINIVS SERVIANO

s v o S.

GAudeo, & gratulor, quod Fusco Salinatori filiam tuam destinasti. Domus patritia; pater honestissimus; mater pari laude. Ipse est studiosus, literatus, etiam disertus; puer simplicitate, comitate juvenis, senex gravitate: neque enim amore decipior. Amo quidem effuse (ita officiis, ita reverentiâ meruit) judico tamen, & quidem tanto acrius, quanto magis amo: tibi que, ut qui exploraverim, spondeo, habiturum te generum, quo melior fingi, ne voto quidem, potuit. Superest ut avum te quam maturissime simillimo sui faciat. Quam felix tempus illud, quo mihi liberos illius, nepotes tuos, ut meos vel liberos vel nepotes, ex vestro sinu sumere, & quasi pari jure tenere continget! Vale.

XXVII. C. PLINIVS SEVERO

s v o S.

ROgas ut cogitem quid designatus consul in honorem principis censeas. Facilis inventio, non facilis electio. Est enim ex virtutibus ejus largâ materia; tamen quod sentiam indicabo, si prius hæitationem meam ostendero. Dubito num idem tibi suadere, quod mihi, debeam. Designatus ego consul, omni hac, etsi non adulatione, specie

H

ta-

tamen adulationis, abstinui: non tanquam liber & constans, sed tanquam intelligens principis nostri: cujus videbam hanc esse præcipuam laudem, si nihil quasi ex necessitate decernerem. Recordabar etiam, plurimos honores pessimo cuiq; delatos; à quibus hic Optimus separari non alio modo magis poterat quam diversitate censendi: quod ipsum dissimulatione & silentio non præterii, ne forte non iudicium illud meum, sed oblivio videretur. Hoc tunc ego: sed non omnibus eadem placent, nec conveniunt quidem. Præterea, faciendi aliquid, vel non faciendi, vera ratio, cum hominum ipsorum, tum rerum etiam ac temporum conditione ¹⁸ nititur. Nam recentia opera maximi principis præbent facultatem nova, magna, vera censendi: quibus ex causis (ut superscripsi) dubito, an idem nunc tibi quod tunc mihi suadeam. Illud non dubito, debuisse me in parte consilii tui ponere quod ipse fecissem. Vale.

XXVIII. C. PLINIVS PONTIO

SVO S.

SCio quæ tibi causa fuerit impedimento, quo minus præcurrere adventum meum in Campaniam posses: sed, quanquam absens; totus huc migrasti: tantum mihi copiarum tam urbanarum quam rusticarum nomine tuo oblatum est, quas omnes improbe quidem, accepi tamen. Nam me tui, ut ita facerem, rogabant; & verebar ne & mihi & illis irascereris si non fecissem: in posterum, nisi adhibueris modum, ego adhibebo. Etiam tuis denuntiavi, si rursus tam multa attulissent, omnia relatu-ros. Dices, oportere me tuis rebus ut meis uti: etiam; sed perinde illis ac meis parco. Vale.

XXIX. C.

XXIX. C. PLINIUS QVADRATO
S V O S.

Avidius Quietus, qui me unice dilexit, &, quo non minus gaudeo, probavit, ut multa alia Thraseæ (fuit enim familiaris) ita hoc sæpe referebat, præcipere solitum, suscipiendas esse causas aut amicorum, aut destitutas, aut ad exemplum pertinentes. Cur amicorum? Non eget interpretatione. Cur destitutas? Quod in illis maxime & constantia agentis & humanitas cerneretur. Cur pertinentes ad exemplum? Quia plurimum refert, bonum an malum ¹⁹ induceretur. Ad hæc ego genera causarum, ambitiose fortasse, addam tamen claras & illustres. Æquum enim est agere nonnunquam gloriæ & famæ: id est, suam causam. Hos terminos, quia me consulisti, dignitati ac verecundiæ tuæ statuo. Nec me præterit, usum & esse & haberi optimum dicendi magistrum. Video etiam, multos parvo ingenio, literis nullis, ut bene agerent agendo consequutos. Sed & illud quod vel Pollionis, vel tanquam Pollionis, accepi, verissimum experior; *Commode agendo factum est, ut sæpe agerem: sæpe agendo, ut minus commode.* quia scilicet assiduitate nimia facilitas magis quam facultas, nec fiducia, sed temeritas, paratur. Nec vero Isocrati, quo minus haberetur summus orator offecit, quod infirmitate vocis, mollitie frontis, ne in publico diceret impediabatur. Proinde multum lege, scribe, meditare, ut possis, quum voles, dicere; dicas quum velle debebis. Hoc fere temperamentum ipse servavi. Nonnunquam necessitati, quæ pars rationis est, parui. Egi enim quasdam, à Senatu jussus, quæ tertio in numero fuerunt ex illa Thraseæ divisione, hoc est, ad ex-

emplum pertinentes. Adfui Bæticiſ contra Bæbium Maſſam. Quæſitum eſt, an danda eſſet inquitſio : data eſt. Adfui rurfus , iiſdem querentibus de Cæcilio Claſſico. Quæſitum eſt, an provinciales, ut ſocios miniſtrosq; proconſulis, plecti oporteret: pœnas luerunt. Accuſavi Marium Priſcum; qui, lege Repetundarum damnatus , utebatur clementia legis , cujus ſeveritatem immanitate criminum exceſſerat: relegatus eſt. Tuitus ſum Iulium Baſſum , ut incuſtoditum nimis & incautum, ita minime malum; iudicibus acceptis in Senatu remanſit. Dixi proxime pro Vareno; poſtulate ut ſibi invicem vocare teſtes liceret : impetratum eſt. In poſterum opto , ut ea potiſſimum jubeam, quæ me deceat vel ſponte feciſſe. Vale.

XXX. C. PLINIVS FABATO

s v o s.

DEbemus, me hercule, ^{2o} natales tuos perinde ac noſtros celebrare , cum lætitia noſtrorum ex tuis pendeat , cujus diligentia & cura hîc hilares, iſtic ſecuri ſumus. Villa Camilliana, quam in Campania poſſides , eſt quidem vetuſtate vexata ; ea tamen quæ ſunt pretioſiora , aut integra manent, aut leviffime læſa ſunt. Attendimus ergo, ut quam ſaluberrime reſciantur. Ego videor habere multos amicos , ſed hujus generis , cujus & tu quæris, & res exigit, prope neminem. Sunt enim omnes togati & urbani : ruſticorum autem prædiorum adminiſtratio poſcit durum aliquem & agreſtem, cui nec labor ille gravis, nec cura ſordida, nec triftis ſolitudo videatur. Tu de Ruſo honeſtiſſime cogitas : fuit enim filio tuo familiaris. Quid tamen nobis ibi præſtare poſſit ignoro; velle plurimum, credo. Vale.

XXXI. C.

XXXI. C. PLINIVS CORNELIANO
SVO S.

EVocatus in consilium à Cæsare nostro ad Centum Cellas (hoc loco nomen) longe maximam cepi voluptatem. Quid enim jucundius, quam principis iustitiam, gravitatem, comitatem in secessu quoque, ubi hæc maxime recluduntur, inspicere? Fuerunt variae cognitiones, & quæ virtutes iudicis per plures species experirentur. Dixit causam Claudius Aristo, princeps Ephesiorum, homo munificus, & innoxiae popularitatis: inde invidia, & ab dissimillimis dissimilis delator immissus: itaque absolutus vindicatusque est. Sequenti die audita est Gallita, adulterii rea. Nupta hæc tribuno militum, honores petituto, & suam & mariti dignitatem centurionis amore maculaverat: maritus legato consulari, ille Cæsari scripserat. Cæsar, excussis probationibus, centurionem exauctoravit, atque etiam relegavit. Supererat crimini, quod nisi duorum esse non poterat, reliqua pars ulcionis; sed maritum, non sine aliqua reprehensione patientiæ, amor uxoris retardabat. quam quidem, etiam post delatum adulterium, domi habuerat, quasi contentus æmulum removisse. Admonitus ut perageret accusationem, peregit invitus, sed illam damnari, etiam invito accusatore, necesse erat: damnata, & Iuliæ legis poenis relicta est. Cæsar & nomen centurionis, & commemorationem disciplinæ militaris sententiæ adiecit, ne omnes ejusmodi causas revocare ad se videretur. Tertio die indulta cognitio est, multis sermonibus, & vario rumore jactata. Iulii Tironis codicilli, quos ex parte veros esse constabat, ex parte falsi dicebantur. Substituebantur crimini

Sempronius Senecio, eques Romanus, & Eurythmus, Cæsaris libertus & procurator. Heredes, quum Cæsar esset in Dacia, communiter epistola scripta, petierant ut susciperet cognitionem: susceperat. Reversus diem dixerat: & quum ex heredibus quidam, quasi reverentia Eurythmi, remitterent accusationem, pulcherrime dixerat, *Nec ille*²¹ *Polycletus est, nec ego Nero*. Indulserat tamen petentibus dilationem; cujus tempore exacto, confederat auditurus. A parte heredum intraverunt duo: omnino postularunt ut omnes heredes agere cogerentur, quum detulissent omnes, aut sibi quoque desistere permetteretur. Loquutus est Cæsar summa gravitate, summa moderatione: quumque advocatus Senecionis & Eurythmi dixisset, Suspicionibus relinqui reos, nisi audirentur; *Non curo* (inquit) *an isti suspicionibus relinquantur, ego relinquor*. Dein, conversus ad nos, *Ἐνίστασθε*, quid facere debeamus? isti enim queri volunt quod sibi licuerit non accusare. tum ex consilii sententia jussit denunciari heredibus omnibus aut agerent, aut singuli approbarent causas non agendi, alioqui se vel de calumnia pronuntiatum. Vides quam honesti, quam severi dies, quos jucundissimæ remissiones sequebantur. Adhibebamur quotidie cœnæ: erat modica, si principem cogites: interdum *ἀρεσάμεθα* audiebamus; interdum jucundissimis sermonibus nox ducebatur. Summo die abeuntibus nobis (tam diligens in Cæsare humanitas fuit) xenia sunt missa: sed mihi, ut gravitas cognitionum, consilii honor, suavitas simplicitasque convictus, ita locus ipse perjucundus fuit. Villa pulcherrima cingitur viridissimis agris: imminet litori, cujus in sinu quam maximus portus, velut amphitheatrum.

Hujus

Hujus sinistrum brachium firmissimo opere munitum est ; dextrum elaboratur. In ore portus insula assurgit , quæ illatum vento mare objacens frangat, tutumque ab utroque latere decursum navibus præstet. Assurgit autem arte visenda. Ingentia saxa latissima navis provehit : contra, hæc alia super alia dejecta ipso pondere manent, ac sensim, quodam velut aggere, construuntur. Eminent jam & apparet saxeum dorsum : impactosque fluctus in immensum elidit & tollit. Vastus illic fragor, canumque circa mare. Saxis deinde pilæ adjiciuntur ; quæ procedenti tempore enatam insulam imitentur. Habebit hic portus etiam nomen auctoris, eritque vel maxime salutaris. Nam per longissimum spatium litus importuosum hoc receptaculo utetur. Vale.

XXXII. C. PLINIVS QVINTILIANO

s v o S.

QVamvis & ipse sis continentissimus, & filiam tuam ita institueris , ut decebat filiam tuam, Tullii neptem, quum tamen sit nuptura honestissimo viro , Nonio Celeri ; cui ratio civilium officiorum necessitatem quandam nitoris imponit ; detet, secundum conditiones mariti, veste, comitatu augeri : quibus non quidem augetur dignitas, ornatur tamen & instruitur. Te porro animo beatissimum , modicum facultatibus scio : itaque partem oneris tui mihi vindico , & , tanquam parens alter puellæ nostræ , confero quinquaginta milla nummum : plus collaturus, nisi à verecundia tua sola mediocritate munusculi impetrari posse considerem, ne recusares. Vale.

H 4.

XXXIII. C.

XXXIII. C. PLINIVS ROMANO

S V O S.

Tollite cuncta, inquit, captoſque auferre labores. Seu ſcribis aliquid, ſeu legis, tolli, auferri jube, & accipe orationem meam, ut illi arma, divinam. (Num ſuperbius potui?) revera, ut inter meas pulchram. Nam mihi ſatis eſt certare mecum. Eſt hæc pro Accia Variola & dignitate perſonæ & exempli raritate, & judicii magnitudine inſignis. Nam femina ſplendide nata, nupta prætorio viro, exheredata ab octogenario patre, intra undecim dies, quam ille novercam ei, amore captus, induxerat, quadruplici judicio bona paterna repetebat. Sedebant judices centum & octoginta: tot enim quatuor conſiliis colliguntur, ingens utinque advocatio, & numerofa ſubſellia: præterea denſa circumſtantium corona latiffimum judicium multiplici circulo ambibat. Ad hoc, ſt patum tribunal, atque etiam ex ſuperiore baſilicæ parte, qua feminæ, qua viri, & audiendi, quod erat difficile, &, quod facile, viſendi ſtudio imminabant Magna expectatio patrum, magna filiarum, magna etiam novercarum. Secutus eſt varius eventus. Nam duobus conſiliis vicimus, toticem victi ſumus. Notabilis prorfus res & mira; eadem in cauſa, iſdem judiciis, iſdem advocatis, eodem tempore tanta diverſitas accidit caſu quidem, ſed non ut caſus videretur. Victa eſt noverca: ipſa heres ex parte ſexta, Victus Suburræus; qui exheredatus à patre ſingulari impudentiâ alieni patris bona vindicabat, non auſus fui prætere. Hæc tibi expoſui, primum ut ex epiſtola ſcires quæ ex oratione non poteras: deinde (nam detegam artes), ut orationem libentius legeres ſi non legere

legere tibi, sed interesse iudicio videreris: quam, sit licet magna, non despero gratiam brevissimæ impetraturam. Nam & copia rerum, & arguta divisione, & narratiunculis pluribus, & eloquendi varietate, renovatur. Sunt multa (non auderem nisi tibi dicere) elata; multa pugnancia, multa subtilia. Intervenit enim acribus illis & erectis frequens necessitas computandi, ac pene calculos tabulamque poscendi, ut repente in privati iudicii formam centumvirale vertatur. Dedimus vela indignationi; dedimus iræ, dedimus dolori; & in amplissima causa, quasi magno mari, pluribus ventis fumus vecti. In summa, solent quidam ex contubernalibus nostris existimare hanc orationem (iterum dicam) præcipuam, ut inter meas *ὡς ὑπερ Κτησιπάρῃ* esse. An vere, tu facillime iudicabis, quia tam memoriter tenes omnes, ut conferre cum hac, dum hanc solam legis, possis. Vale.

XXXIV. C. PLINIVS MAXIMO

s v o S.

REcte fecisti, quod gladiatorium munus Veronensibus nostris promisisti; à quibus olim amaris, suspiceris, ornaris. Inde etiam uxorem carissimam tibi & probatissimam habuisti; cujus memoriæ aut opus aliquod, aut spectaculum, atque hoc potissimum, quod maxime funeri, debeatur. Præterea, tanto consensu rogabar, ut negare non constans, sed durum videretur. Illud quoque egregium, quod tam facilis, tam liberalis in edendo fuisti. Nam per hæc etiam magnus animus ostenditur. Vellem Africanæ, quas coëmeras plurimas, ad præfinitum diem occurrissent: sed licet cessaverint illæ, tempestate detentæ, tu tamen me-

H 5

ruisti

ruisti ut acceptum tibi fieret, quod quo minus exhiberes, non per te stetit. Vale.

LIBER VII.

I. C. PLINIVS 'RESTITVTO SVO S.

TERRET me hæc tua tam pertinax valetudo, & quanquam te temperantissimum noverim, vereor tamen ne quid illi etiam in mores tuos liceat. Proinde moneo, patienter resistas. Hoc laudabile, hoc salutare admittit humana natura, quod suadeo; ipse certe sic agere sanus cum meis soleo. Spero quidem, si forte in adversam valetudinem incidero, nihil me desideratum vel pudore vel poenitentia dignum: si tamen superaverit morbus, denuntio ne quid mihi detur, nisi permittentibus medicis: sciantque, si dederint, ita vindicaturum ut solent alii quæ negantur. Quinetiam quum perustus ardentissima febris, tandem remissus unctusque acciperem à medico potionem, porrexì manum, utque me tangeret dixi, admotumque jam labris poculum reddidi. Postea quum vicefimo valetudinis die balineo prepararer, mustantesque medicos repente vidissem, causam requisivi. Responderunt, posse me tuto lavari, non tamen omnino sine aliqua suspicione. Quid (inquam) necesse est? Atque ita spe balinei, cui jam videbar inferri placide leniterque, dimissa, ad abstinentiam rursus, non secus ac inodo ad balineum, animum vultumque composui. Quæ tibi scripsi, primum ut te non sine exemplo monerem; deinde ut in posterum ipse ad
can-

eandem temperantiam astringeres, quum me hac epistola quasi pignore obligavissẽm. Vale.

II. C. PLINIVS IVSTO

S V O S.

Quemadmodum congruit ut simul & affirmes te assiduis occupationibus impediri, & scripta nostra desideres, quæ vix ab otiosis impetrare aliquid perituri temporis possunt? Patiar ergo æstatem inquietam nobis exercitamque transcurrere; & hyeme demum, quum credibile erit noctibus saltem vacare te posse, quæram quid potissimum ex nugis meis tibi exhibeam. Interim abunde est, si epistolæ non sunt molestæ. Sunt autem, & ideo breviores erunt. Vale.

III. C. PLINIVS PRÆSENTI

S V O S.

Tantâne perseverantiâ tu modo in Lucania, modo in Campania? Ipse enim (inquis) Lucanus, uxor Campana. Iusta causa longioris absentiae, non perpetuæ tamen. Quin ergo aliquando in urbem redis? ubi dignitas, honor, amicitiae tam superiores quam minores. Quousque regnabis? quousque vigilabis quum voles? dormies quandiu voles? quousque calcei? nusquam toga feriata: liber totos dies? Tempus est, te revivere molestias nostras, vel hoc solum, ne voluptates istæ satietate languescant. Saluta paulisper, quos tibi jucundius salutari: Terere in hac turba, ut te solitudo delectet. Sed quid imprudens quem revocare conor, retardo? Fortasse enim his ipsis admoneris, ut te magis ac magis otio involvas; quod ego non abrumpi, sed intermitteri volo. Ut enim si cœnam tibi facerem, dulcibus cibis acres acutosque miscerem, ut obtusus illis & oblitus

stomachus his excitaretur ; ita nunc hortor, ut jucundissimum genus vitæ nonnullis interdum quasi acrioribus condias. Vale.

IV. C. PLINIVS PONTIO

SVO S.

AIs legisse te hendecasyllabos meos : requiris etiam quemadmodum cœperim scribere , homo, ut tibi videor, severus, ut ipse fateor, non ineptus. Nunquam à poëtice (altius enim repetam) alienus fui: quin etiam quatuordecim natus annos Græcam tragœdiam scripsi. Qualem ? inquis. Nescio, tragœdia vocabatur. Mox quum è militia rediens, in Icaria insula ventis detinerer, Latinos elegos in illud ipsum mare ipsamque insulam feci. Expertus sum me aliquando & heroico, hendecasyllabis nunc primum, quorum hic natalis, hæc causa est. Legebantur in Laurentino mihi libri Asinii Galli de comparatione patris & Ciceronis : incidit epigramma Ciceronis in Tironem suum : dein, quum meridie (erat enim æstas) dormiturus me recepissem, nec obreperet somnus, cœpi reputare, maximos oratores hoc studii genus, & in oblectationibus habuisse & in laude posuisse. Intendi animum, contraque opinionem meam, post longam desuetudinem, perquam exiguo temporis momento id ipsum quod me ad scribendum sollicitaverat, his versibus exaravi ;

*Quum libros Galli legerem, quibus ille parenti
Ausus de Cicerone dare palmamque, decusque,
Lascivum inveni lusum Ciceronis, & illo
Spectandum ingenio quo seria condidit, & quo
Humanis salibus, multo varioque lepore
Magnorum ostendit mentes gaudere virorum.*

Nane

*Nam queritur quod fraude mala frustratus aman-
tem*

Paucula cœnato sibi debita suavia Tyro

Tempore nocturno subtraxerit. His ego lectus,

Cur post hæc, inquam, nostros celamus amores?

*Nullumque in medium timidi damus? atque fate-
mur*

Tironisque dolos, Tironis nosque fugaces

Blanditias, & furta novæ addentia flammæ?

Transii ad elegos; hos quoque non minus celeriter explicui: addidi alios facilitate corruptus: deinde in urbem reversus, sodalibus legi. Probaverunt. Dein plura metra, si quid otii, maxime in itinere, tentavi. Postremo placuit exemplo multorum unum separatim hendecasyllaborum volumen absolvere, nec pœnitet. Legitur, describitur, cantatur etiam; à Græcis quoque, quos Latine hujus libelli amor docuit, nunc cithara nunc lyra personatur. Sed quid ego tam furiose? quanquam poëtis furere concessum est; & tamen non de meo, sed de aliorum judicio loquor, qui sive judicant, sive errant, me delectant. Vnum precor, ut posterique aut errent similiter, aut judicent. Vale.

V. C. PLINIVS CALPHVRNIÆ

S V Æ S.

INcredibile est quanto desiderio tui tenear. In causa amor primum; deinde, quod non consuevimus abesse. Inde est quod magnam partem noctium in imagine tua vigil exigo: inde quod interdiu quibus horis te visere solebam, ad diætam tuam ipsi me, ut verissime dicitur, pedes ducunt; quod denique æger & mœstus, & similis excluso, à vacuo limine recedo. Vnum tempus his tormentis caret, quo in foro & amicorum li-

H 7

tibus

tibus conteror. Æstima tu quæ vita mea sit, cui requies in labore, in miseria curisque solatium est. Vale.

VI. C. PLINIVS MACRINO

S V O S.

RAra & notabilis res contigit Vareno, sit licet adhuc dubia. Bithyni accusationem ejus, ut temere inchoatam, omisisse narrantur; de eo adest provinciæ legatus: attulit decretum consilii ad Cæsarem, attulit ad multos principes viros, attulit etiam ad nos, Vareni advocatos. Perstat tamen idem ille Magius: quin etiam Nigrinum, optimum virum, pertinacissime exercet. Per hunc à Consulibus postulabat, ut Varenus exhibere rationes cogeretur. Adsissebam Vareno jam tantum ut amicus, & tacere decreveram. (Nihil enim tam contrarium, quam si advocatus à Senatu datus defenderem ut reum, cui opus esset ne reus videretur.) Quum tamen, finita postulatione Nigrini, consules ad me oculos retulissent: Sciatis, inquam, constare nobis silentii nostri rationem, quum veros legatos provinciæ audieritis contra Nigrinum, ad quem missi sunt: ego ad me quoque habeo decretum provinciæ. Rursus ille; Potest tibi liquere. Ad hoc ego: Si tibi ex diverso liquet, potest & mihi quod est melius in causa liquere. Tum legatus Polyænus causas abolitæ accusationis exposuit, postulavitque ne cognitioni Cæsaris præjudicium fieret. Respondit Magius: iterumque Polyænus ipse raro & breviter interloquutus. Multum me intra silentium tenui. Accepi enim, non minus interdum oratorium esse tacere, quam dicere: atque adeo repeto, quibusdam me capitis reis vel magis silentio quam oratione

tione accuratissima profuisse. Mater amisso filio (quid enim prohibet, quanquam alia ratio scribendæ epistolæ fuerit, de studiis disputare?) liberos ejus, eosdemque coheredes suos, falsi, & veneficii reos detulerat ad Principem, judicemque impetraverat Iulium Servianum. Defenderam reos ingenti quidem cœtu. (Erat enim causa notissima, præterea utrinque ingenia clarissima.) Finem cognitioni quæstio imposuit; quæ secundum reos dedit. Postea mater adiit Principem: affirmavit se novas probationes invenisse. Præceptum est Serviano, ut vacaret finitam causam retractanti, si quid novi afferret. Aderat matri Iulius Africanus, nepos Iulii oratoris: quo audito Passienus Crispus dixit, Bene, me hercule, bene: ⁵ sed quomodo tam bene? Iulius Nepos, juvenis ingeniosus, sed parum callidus, quum multa dixisset, assignatumque tempus impleisset. Rogo, inquit: Serviane, permittas mihi unum ⁶ versum adjicere. Tum ego, quum omnes me, ut diu responsurum, intuerentur, Respondissem, inquam, si unum illum versum Africanus adjecisset, in quo non dubito omnia nova fuisse. Non facile me repeto tantum consequutum assensum agendo, quantum tunc non agendo. Similiter nunc & probatum & exceptum est, quod pro Vareno hætenus tacui. Consules, ut Polyænus postulabat, omnia integra Principi servaverunt; cujus cognitionem suspensus expecto. Nam dies ille nobis pro Vareno aut securitatem & otium dabit, aut intermissum laborem renovata sollicitudine injunget. Vale.

VII. C. PLINIVS SATVRNINO

s v o S.

ET proxime Prisco nostro, & rursus, quia ita iussisti, gratias egi, libentissime quidem. Est enim mihi perjucundum, quod viri optimi mihi-que amicissimi adeo cohæsitis, ut invicem vos obligari putetis. Nam ille quoque præcipuam se voluptatem ex amicitia tua capere profitetur, certatque tecum honestissimo certamine mutæ caritatis, quam ipsum tempus augebit. Te negotiis distineri ob hoc moleste fero, quod deservire studiis non potes, si tamen alteram litem per judicem, alteram, ut ais, ipse finieris, incipies primum istic otio frui, deinde satiatus ad nos reverti. Vale.

VIII. C. PLINIVS PRISCO

s v o S.

EXprimere non possum, quam jucundum sit mihi quod Saturninus noster summas tibi apud me gratias aliis super alias epistolis agit. Perge ut cœpisti, virumque optimum quam familiarissime dilige, magnam voluptatem ex amicitia ejus percepturus, nec ad breve tempus. Nam quum omnibus virtutibus abundet, tum hac præcipue, quod habet maximam in amore constantiam. Vale.

IX. C. PLINIVS 7 FVSCO

s v o S.

Quæris quemadmodum in secessu, quo jamdiu frueris, putem te studere oportere. Utile in primis, & multi præcipiunt, vel ex Græco in Latinum, vel ex Latino vertere in Græcum: quo genere exercitationis proprietas splendorque verborum, copia figurarum, vis explicandi, præterea imita-

imitatione optimorum similia inveniendi facultas paratur: simul quæ legentem fefellissent, transferentem fugere non possunt. Intelligentia ex hoc & iudicium acquiritur. Nihil obfuerit, quæ legeris hæcenus, ut rem argumentumque teneas, quasi æmulum scribere, lectisque conferre ac sedulo perfructuare, quid tu, quid ille commodius. Magna gratulatio, si tu nonnulla, tum magnus pudor, si cuncta ille melius. Licebit interdum & notissima eligere, & certare cum electis. Audax hæc, non tamen improba, quia secreta, contentio: quanquam multos videmus ejusmodi certamina sibi cum multa laude sumpsisse, quosque subsequi satis habebant, dum non desperant, antecessisse. Poteris & quæ dixeris post oblivionem retractare, multa retinere, plura transire; alia interscribere, alia rescribere. Laboriosum istud & tædio plenum, sed difficultate ipsa fructuosum, recalescere ex integro, & resumere impetum fractum omissumque; postremo, nova velut membra peracto corpori intexere, nec tamen priora turbare. Scio nunc tibi esse præcipuum studium orandi; sed non ideo semper pugnam hunc & quasi bellatorium stylum suaserim. Ut enim terræ variis mutatisque seminibus, ita ingenia nostra nunc hac, nunc illa meditatione recoluntur. Volo interdum aliquem ex historia locum apprehendas: volo epistolam diligentius scribas, volo carmina. Nam sæpe in orationes quoque non historica modo, sed prope⁸ poetica descriptionum necessitas incidit; & pressus sermo purusque ex epistolis petitur. Fas est & carmine remitti, non dico continuo & longo (id enim perfici nisi in otio non potest) sed hoc arguto & brevi, quod apte quantalibet occupationes curasque distinguit. Lusus vocantur; sed hi lusus non minorem

norem interdum gloriam quam seria consequuntur: atque adeo (Cur enim te ad versus non versibus adhorter?)

*Vi laus est cera, mollis cedensque sequatur
Si doctos digitos, iussaque⁹ fiat opus;
Et nunc informet Martem, castamque Minervam,
Nunc Venerem effingat, nunc Veneris puerum;
Vique sacri fontes non sola incendia sistunt,
Sape etiam flores vernaque prata juvant;
Sic hominum ingenium flecti ducique per artes
Non rigidas docta mobilitate decet.*

Itaque summi oratores, summi etiam viri sic se aut exercebant aut delectabant, immo delectabant exercebantque. Nam mirum est, ut his opusculis animus intendatur remittaturque. Recipiunt enim amores, odia, iras, misericordiam, urbanitatem, omnia denique quæ ad vitam pertinent, atque etiam in foro causisque versantur. Inest his quoque eadem quæ aliis carminibus utilitas, quod metri necessitate devincti soluta oratione laxamur, & quod facilius esse comparatio ostendit, libentius scribimus. Habes plura etiam fortasse quam requirebas; unum tamen omisi. Non enim dixi quæ legenda arbitrarer: quanquam dixi, quum dicerem, quæ scribenda. Tu memineris, sui cuiusque generis auctores diligenter eligere. (Aiunt enim, multum legendum esse, non multa.) Qui sint hi, adeo notum provulgatumque est, ut demonstratione non egeant; & alioqui tam immodice¹¹ epistola me extendi, ut dum tibi quemadmodum studere debeas suadeo, studendi tempus abstulerim. Quin ergo pugillares resumis, & aliquid ex his, vel istud ipsum quod cœperas, scribis. Vale.

X. C. PLINIVS MACRINO

S V O S.

QVia ipse, quum prima cognovi, jungere extrema quasi avulsa cupio, te quoque existimo velle de Vareno & Bithynis reliqua cognoscere. Acta causa hinc à Polyæno, inde à Magio. Finitis actionibus Cæsar, Neutra, inquit, pars de mora queretur. Erit mihi curæ, explorare provinciæ voluntatem. Multum interim Varenus tulit. Etenim quam dubium est, an merito accusetur, qui an omnino accusetur, incertum est? Superest, ne rursus provinciæ quod damnassee dicitur, placeat, agatque pœnitentiam pœnitentiæ suæ. Vale.

XI. C. PLINIVS FABATO

S V O S.

Miraris quod Hermes libertus meus hereditarios meos, quos ego jusseram proscribi, non expectata auctione pro meo quincunce ¹² ex septingentis millibus Corelliæ addixerit. Adjicis posse eos nongentis millibus vānīre, ac tanto magis quæris, an quod gefferit ratum servem. Ego vero servo: quibus ex causis accipe: cupio enim & tibi probatum & coheredibus meis excusatum esse, quod me ab illis, majore officio jubente, secerno. Corelliam cum summa reverentia diligo; primum ut sororem Corellii Rufi, cujus mihi memoria sacrosancta est; deinde ut matri meæ familiarissimam. Sunt mihi & cum marito ejus, ¹³ Minutio Fusco, optimo viro, vetera jura: fuerunt & cum filio maxima: adeo quidem ut prætore me ludis meis præfederit. Hæc, quum proxime istic fui, indicavit mihi, cupere se aliquid circa Larium nostrum possidere: ego illi ex prædiis meis quod vellet, & quanti vellet, obtuli, exceptis pater-

nia.

nis maternisque: his enim cedere ne Corellia quidem possum. Igitur quum obvenisset mihi hereditas in qua prædia ista, scripsi, ei venalia futura. Has epistolas Hermes tulit, exigentique ut statim portionem meam sibi addiceret, paruit. Vides quam ratum habere debeam, quod libertus meus meis moribus gessit? Superest ut coheredes æquo animo ferant, separatim me vendidisse quod mihi licuit omnino vendere. Nec vero coguntur imitari meum exemplum. Non enim illis eadem cum Corellia jura sunt. Possunt ergo intueri utilitatem suam, pro qua mihi fuit amicitia. Vale.

XII. C. PLINIVS MINVTIO

s v o s.

Libellum formatum à me, sicut exegeras, quod amicus tuus, immo noster (quid enim non commune nobis?), si res posceret, uteretur, mihi tibi ideo tardius, ne tempus emendandi eum, id est, disperdendi, haberes. Habebis tamen, an emendandi nescio, utique disperdendi (ὕμεις γὰρ χαλκίζηλοι) optima quæque si detraxeris. Quod si feceris, boni consulam. Postea enim illis ex aliqua occasione ut meis utar, & beneficio fastidii tui ipse laudabor, ut in eo quod annotatum invenies,¹⁴ & superscripto aliter explicitum. Nam quum suspicarer futurum ut tibi tumidius videretur quod est sonantius & elatius, non alienum existimaui, ne te torqueres, addere statim pressius quiddam & exilius, vel potius humiliter & pejor, vestro tamen iudicio rectius. Cur enim non usquequaque tenuitatem vestram insequar & exagitem? Hæc, ut inter istas occupationes aliquid aliquando rideres: illud serio. Vide ut mihi viaticum reddas quod impendi¹⁵ data opera cursore dimisso. Næ tu, quum hoc legeris, non partes libelli, sed totum libel-

libellum improbabis, negabisque ullius pretii esse
cujus pretium reposceris. Vale.

XIII. C. PLINIVS FEROCI

S V O S.

EAdem epistola & studere te & non studere significat. Ænigmata loquor. Ita plane, donec distinctius quod sentio enuntiem. Negat enim te studere, sed est tam polita, quæ nisi à studente non potest scribi: aut es tu super omnes beatus, si talia per desidiam & otium perficis. Vale.

XIV. C. PLINIVS CORELLIÆ

S V Æ S.

TV quidem honestissime, quod tam impense & rogas & exigis, ut accipi jubeam à te pretium agrorum non ex septingentis millibus, quanti illos à liberto meo, sed ex nongentis, quanti à publicanis partem vicesimam emisti. Invicem ego & rogo & exigo, ut non solum quid te, verum etiam quid me deceat, aspicias, patiarisque me in hoc uno tibi eodem animo repugnare, quo in omnibus obsequi soleo. Vale.

XV. C. PLINIVS SATVRNINO

S V O S.

REquiris quid agam? Quo nosti distringor officio, amicis deservio, studeo interdum, quod non interdum, sed solum semperque facere, non audeo dicere rectius, certe beatius erat. Te alia omnia quam quæ velis agere, moleste ferrem, nisi ea quæ agis, essent honestissima. Nam & reipub. suæ negotia curare, & disceptare inter amicos, laude dignissimum est. Prisci nostri contubernium jucundum tibi futurum sciebam. Noveram simplicitatem ejus, noveram comitatem: eundem esse, quod

quod minus noram, gratissimum experior, quod tam jucunde officiorum nostrorum meminisse cum scribas. Vale.

XVI. C. PLINIVS FABATO

PROSOCERO SVO S.

CAlestrium Tironem familiarissime diligo, & privatis mihi & publicis necessitudinibus implicitum. Simul militavimus, simul quæstores Cæsaris fuimus. Ille me in tribunatu liberorum jure præcessit; ego illum in prætura sum consecutus, quum mihi Cæsar annum remisisset. Ego in villas ejus sæpe secessi; ille in domo mea sæpe convaleuit. Hic nunc proconsul provinciam Bæticam per Ticinum est petiturus. Spero, immo confido, facile me impetraturum, ut ex itinere defleat ad te. Si voles vindicta liberare quos proxime inter amicos manumisisti, nihil est quod verearis ne sit hoc illi molestum, cui orbem terrarum circumire, non erit longum mea causa. Proinde nimiam verecundiam pone, teque quid velis consule. Illi tam jucundum est quod ego, quam mihi quod tu jubes. Vale.

XVII. C. PLINIVS CELERI

SVO S.

SVa cuique ratio recitandi; mihi, quod sæpe jam dixi, ut si quid me fugit, ut certe fugit, admoner. Quo magis miror quod scribis fuisse quosdam, qui reprehenderent quod orationes omnino recitarem: nisi vero has solas non putant emendandas. A quibus libenter requisierim, cur concedant (si concedant tamen) historiam debere recitari, quæ non ostentationi, sed fidei veritæque componitur: cur tragoediam, quæ non auditorium, sed scenam & actores: cur lyrica, quæ non
lecto-

lectorem, sed chorum & lyram poscunt? At horum recitatio usu jam recepta est: num ¹⁶ ergo culpandus est ille qui coepit? quanquam orationes quoque & nostri quidam, & Græci lectitaverunt. Supervacuum tamen est recitare quæ dixeris: etiam, si eadem omnia iisdem omnibus, si statim recites: si vero multa inseras, multa commutes; si quosdam novos, quosdam eosdem, sed post tempus, assumes, cur minus probabilis sit causa recitandi quæ dixeris, quam edendi? Sed difficile est ut oratio dum recitatur, satisfaciat. Iam hoc ad laborem recitantis pertinet, non ad rationem non recitandi. Nec vero ego dum recito, laudari, sed dum legor, cupio. Itaque nullum emendandi genus omitto: ac primum quæ scripsi mecum ipse pertracto; deinde duobus aut tribus lego, mox aliis trado annotanda, notasque eorum, si dubito, cum uno rursus aut altero pensito; novissime pluribus recito, ac, si quid mihi credis, tunc acerrime emendo. Nam tanto diligentius, quanto sollicitius, intendo. Optime autem reverentia, pudor, metus judicant. Idque adeo sic habe. Nonne, si loquuturus es cum aliquo, quamlibet docto, uno, tamen minus commoveris quam si cum multis vel indoctis? Nonne, quum surgis ad agendum, tum maxime tibi ipse diffidis, tum commutata, non dico plurima, sed omnia cupis? Vtique, si latior scena, & corona diffusior. Nam illos quoque sordidos pullatosque reveremur. Nonne, si prima quæque improbari putas, debilitaris & concidis? Opinor; quia in numero ipso est quoddam magnum collatumque consilium; quibusque singulis iudicii parum, omnibus plurimum. Itaque Pomponius Secundus (hic scriptor tragicædiarum) si quid forte familiarior amicus tollendum,

dum, ipse retinendum arbitraretur, dicere solebat; *Ad populum provo*co : atque ita ex populi vel silentio vel assensu aut suam aut amici sententiam sequebatur. Tantum ille populo dabat. Recte an secus, nihil ad me. Ego enim non populum advocare, sed certos electosque soleo, quos intuear, quibus credam, quos denique & tanquam singulos observem, & tanquam non singulos timeam. Nam quod M. Cicero de stylo, ego de metu sentio. Timor est emendator acerrimus. Hoc ipsum, quod nos recitatuos cogitamus, emendat : quod auditorium ingredimur, emendat : quod pallemus, horrescimus, circumspicimus, emendat. Proinde non pœnitet me consuetudinis meæ, quam utilissimam experior : adeoque non deterreor sermunculis istorum, ut ultro te rogem, monstres aliquid quod his addam. Nihil enim curæ meæ satis est. Cogito, quam sit magnum dare aliquid in manus hominum : nec persuadere mihi possum, non & cum multis & sæpe tractandum, quod placere & semper & omnibus cupias. Vale.

XVIII. C. PLINIVS CANINIO

s v o §:

Deliberas mecum quemadmodum pecunia, quam municipibus nostris in epulum obtulisti, post te quoque salva sit. Honeſta conſultatio, non expedita ſententia. Numeres reip. ſummam? Verendum eſt ne dilabatur. Des agros: Vt publici negligentur. Equidem nihil commodius invenio quam quod ipſe feci. Nam pro quingentis millibus nummum, quæ in alimenta ingenuorum promiſeram, agrum ex meis longe pluris auctori publico mancipavi: eundem veſtigali impoſito recepi, tricena millia annua daturus.

turus. Per hoc enim & reipublicæ fors in tuto, nec reditus incertus, & ager ipse propter id quod vestigali large supercurrit, semper dominum, à quo exerceatur, inveniet. Nec ignoro, me plus aliquanto quam donasse videor erogavisse, cum pulcherrimi agri pretium necessitas vestigalis infregerit. Sed oportet privatis utilitatibus publicas, mortalibus æternas anteferre; multoque diligentius muneri suo consulere, quam facultatibus. Vale.

XIX. C. PLINIVS PRISCO

S V O S.

ANgit me Fanniæ valetudo. Contraxit hanc dum assidet Iuniæ, virgini Vestali, sponte primum (est enim affinis), deinde etiam ex auctoritate pontificum. Nam virgines, quum vi morbi atrio Vestæ coguntur excedere, matronarum curæ custodiæque mandantur. Quo munere Fannia dum sedulo fungitur, hoc discrimine implicata est. ¹⁷ Insident febres, tussis increfcit, summa macies, summa defectio; animus tantum & spiritus vigent, Helvidio marito, Thrasea patre dignissima: reliqua labuntur, meque non metu tantum, verum etiam dolore conficiunt. Doleo enim maxime, feminam eripi oculis civitatis, nescio an aliquid simile visuris. Quæ castitas illius? quæ sanctitas? quanta gravitas? quanta constantia? Bis maritum sequuta in exilium est, tertio ipsa propter maritum relegata. Nam quum Senecio reus esset, quod de vita Helvidii libros composuisset, rogatumque se à Fannia in defensione dixisset, quærente minaciter Mettius Caro an rogasset, respondit; Rogavi: an commentarios scripturo dedisset; Dedi: an sciente matre; Nesciente. Postremo nul-

lam vocem cedentem periculo emisit. Quin etiam illos ipsos libros, quanquam ex necessitate & metu temporum abolitos, SC. publicatis bonis, servavit, habuit, tulitque in exilium exilii causam. Eadem quam jucunda, quam comis, quam denique (quod paucis datum est) non minus amabilis quam veneranda? Erit sane, quam postea uxoribus nostris ostentare possimus: erit, à qua viri quoque fortitudinis exempla sumamus; quam sic cernentes audientesque miramur, ut illas quæ leguntur. Ac mihi domus ipsa nutare, convulsaque sedibus suis ruitura supravidetur; licet adhuc posteros habeat. Quantis enim virtutibus, quantisque factis assequuntur, ut hæc non novissima occiderit? Me quidem illud etiam affligit & torquet, quod ¹⁸ matrem ejus, illam (nihil possum illustrius dicere) tantæ feminæ matrem, rursus videor amittere, quam hæc ut reddit ac refert nobis, sic auferet secum, meque & novo pariter & rescisso vulnere afficiet. Vtramque colui, utramque dilexi: utram magis, nescio; nec discerni volebant. Habuerunt officia mea in secundis; Habuerunt in adversis. Ego solatium relegatarum, ego ultor reverfarum: non feci tamen paria, atque eo magis hanc cupio servari, ut mihi solvendi tempora supersint. In his eram curis quum scriberem ad te; quas si deus aliquis in gaudium verterit, de metu non querar. Vale.

XX. C. PLINIVS. TACITO

s v o S.

Librum tuum legi, & quam diligentissime potui, annotavi quæ commutanda, quæ eximenda arbitrarer. Nam & ego verum dicere assuevi, & tu libenter audire. Neque enim ulli patientius repre-

reprehenduntur, quam qui maxime laudari merentur. Nunc à te librum meum cum annotationibus tuis exspecto. O jucundas, ò pulchras vices! Quam me delectat, quod, si qua posteris cura nostrà usquequaque narrabitur, quæ concordia, simplicitate, fide vixerimus! Erit rarum & insigne, duos homines ætate, dignitate propemodum æquales, nonnullius in literis nominis (Cogor enim de te quoque parcius dicere, quia de me simul dico), alterum alterius studia fovisse. Equidem adolescentulus, quum jam tu fama gloriaque floreret, te sequi, tibi longo, sed proximus, intervallo & esse & haberi concupiscebam. Et erant multa clarissima ingenia; sed tu mihi (ita similitudo naturæ ferebat) maxime imitabilis, maxime imitandus videbaris. Quo magis gaudeo, quod, si quis de studiis sermo, una nominamur; quod de te loquentibus statim occurro. Nec desunt qui uni ut utrique nostrum præferantur. Sed nihil interest mea, quo loco jungimur. Nam hoc ego primus, quia tu proximus: quin etiam in testamentis debes annotasse, nisi quis forte alterutri nostrum amicissimus, eadem legata, & quidem pariter, accipimus. Quæ omnia huc spectant, ut invicem ardentius diligamus, cum tot vinculis nos studia, mores, fama, suprema denique hominum judicia constringant. Vale.

XXI. C. PLINIVS CORNVTO

s v o S.

PAreo, collega carissime, & infirmitati oculorum, ut jubes, consulo. Nam & huc, tecto vehiculo undique inclusus, quasi in cubiculo, perveni, & non stylo modo, verum etiam lectionibus difficulter, sed abstineo, solisque auribus studeo.

Cubicula obductis velis opaca, nec tamen obscura, facio. Cryptoporticus quoque, adopertis inferioribus fenestris, tantum umbræ quantum luminis habet. Sic paulatim lucem ferre condisco. Balneum assumo, quia prodest: vinum, quia non nocet; parcissime tamen. Ita assuevi, & nunc custos adest. Gallinam, ut à te missam, libenter accepi; quam satis acribus oculis, quanquam adhuc lippus, pinguiissimam vidi. Vale.

XXII. C. PLINIUS FALCONI
SVO S.

MInus miraberis me tam instanter petisse, ut in amicum meum conferres tribunatum, quum scieris quis ille qualisque. Possum autem jam tibi & nomen indicare, & describere ipsum, postquam polliceris. Est Cornelius Minutianus, ornamentum regionis meæ, seu dignitate, seu moribus. Natus splendide abundat facultatibus; amat studia, ut solent pauperes. Idem rectissimus iudex, fortissimus advocatus, fidelissimus amicus. Accepisse te beneficium credes, quum propius inspexeris hominem, omnibus honoribus, omnibus titulis (nihil volo elatius de modestissimo viro dicere) parem. Vale.

XXIII. C. PLINIUS FABATO
PROSOCERO SVO S.

GAudeo quidem, esse te tam fortem, ut Mediolani occurrere Tironi possis: sed, ut perseveres esse tam fortis, rogo, ne tibi contra rationem ætatis tantum laboris injungas. Quinimmo defuntio, ut illum & domi, & intra domum, atque etiam intra cubiculi limen, exspectes. Etenim quum à me ut frater diligatur, non debet ab eo, quem

quem ego parentis loco observo,exigere officium quod parenti suo remisisset. Vale.

XXIV. C. PLINIVS GEMINIO

S V O S.

Nvmidia Quadratilla paulo minus octogesimo ætatis anno decessit, usque ad novissimam valetudinem viridis, atque etiam ultra matronalem modum compacto corpore & robusto. Decessit honestissimo testamento. Reliquit heredes, ex beffe nepotem, ex tertia parte neptem. Neptem parum novi: nepotem familiarissime diligo; adulescentem singularem, nec iis tantum, quos sanguine attingit, inter propinquos amandum. Ac primum, conspicuus forma omnes sermones malignorum & puer & juvenis evasit: intra quartum & viceimum annum maritus, &, si deus annuisset, pater. Vixit in contubernio aviæ delicatæ severissime, & tamen obsequentissime. Habebat illa pantomimos, fovebatque effusius quam principi feminæ conveniret. Hos Quadratus non in theatro, non domi spectabat; nec illa exigebat. Audii ipsam, quum mihi commendaret nepotis sui studia, solere se, ut feminam in illo otio sexus, laxare animum lusu calculorum, solere spectare pantomimos suos; sed quum factura esset alterutrum, semper se nepoti suo præcepisse, abiret, studeretque: quod mihi non amore ejus magis facere quam reverentia videbatur. Miraberis, & ego miratus sum. Proximis sacerdotalibus ludis, productis in commissione pantomimis, quum simul theatro ego & Quadratus egrederemur, ait mihi; Scis me hodie primum vidisse saltantem aviæ meæ libertum? Hoc nepos. Ar, hercule, alienissimi homines in honorem Quadratillæ (pudet me

dixisse honorem) per adulationis officium, in theatrum curſitabant, exultabant, plaudebant, mirabantur: ac deinde ſingulos geſtus dominæ cum canticis reddebant; qui nunc exiguiſſima legata theatralis operæ corollarium, accipient ab herede qui non ſpectabat. Hæc ſcripſi, quia ſoles, ſi quid incidit noyi, non invitus audire: deinde, quia jucundum eſt mihi, quod ceperim gaudium ſcribendo retractare. Gaudeo enim pietate defunctæ, honore optimi juvenis: lætor etiam quod domus aliquando C. Caſſii, hujus qui Caſſianæ ſcholæ princeps & parens fuit, ſerviet domino non minori. Implebit enim illam Quadratus meus ²⁹ ut decebit, rurfusque ei priſtinam dignitatem, celebritatem, gloriamque reddet, quum tantus orator inde procedet, quantus juris ille conſultus. Vale.

XXV. C. PLINIVS RVFO

s v o S.

O quantum eruditorum aut modeltia ipſorum, aut quies, operit & ſubtrahit famæ! At nos eos tantum dicturi aliquid aut lecturi timemus, qui ſtudia ſua proferunt; quum illi qui tacent, hoc amplius præſtent, quod maximum opus ſilentio reverentur. Expertus ſcribo quod ſcribo. Terentius Iunior, equeſtribus militiis, atque etiam procuratione Narbonenſis provinciæ integerrime functus, recepit ſe in agros ſuos, paratiſque honoribus tranquilliffimum otium prætulit. Hunc ego invitatus hoſpitio, ut bonum patrem familiæ, ut diligentem agricolam intuebar, de his locuturus, in quibus illum verſari putabam: & coeperam, quum ille me doctiſſimo ſermone revocavit ad ſtudia. Quam terſa omnia? quam Latina? quam Græca? Nam tantum utrâque linguâ valet, ut eâ
magis

magis videatur excellere, quam cum maxime loquitur. Quantum ille legit? quantum tenet? Athenis vivere hominem, non in villa, putes. Quid multa? Auxit sollicitudinem meam, effecitque ut illis quos doctissimos novi, non minus hos seductos & quasi rusticos verear. Idem suadeo tibi. Sunt enim ut in castris, sic etiam in literis nostris plures cultu pagano, quos cinctos & armatos, & quidem ardentissimo ingenio, diligentius scrutatus invenies. Vale.

XXVI. C. PLINIVS MAXIMO

S V O S.

NVper me cuiusdam amici languor admonuit, optimos esse nos dum infirmi sumus. Quem enim infirmum aut avaritia aut libido sollicitat? Non amoribus servit, non appetit honores, opes negligit, & quantulumcunque, ut relicturus, satis habet: tunc deos, tunc hominem esse se meminit: invidet nemini, neminem miratur, neminem despicit, ac ne sermonibus quidem malignis aut attendit, aut alitur: balinea imaginatur & fontes. Hæc summa curarum, summa votorum; mollemque in posterum & pinguem, si contingat evadere, hoc est, innoxiam beatamque destinat vitam. Possum ergo quod pluribus verbis, pluribus etiam voluminibus philosophi docere conantur, ipse breviter tibi mihi que præcipere, ut tales esse sani perseveremus, quales nos futuros profiteamur infirmi. Vale.

XXVII. C. PLINIVS SVRÆ

S V O S.

ET mihi discendi & tibi docendi facultatem otium præbet. Igitur perquam velim scire, esse aliquid phasmata, & habere propriam figura-

ram numenque aliquod putes, an inania & vana ex metu nostro imaginem accipere. Ego ut esse credam inprimis eo ducor quod audio accidisse Curtio Rufo: Tenuis adhuc & obscurus obtinenti Africam comes hæserat: inclinato die spatiabatur in porticu: offertur ei mulieris figura, humana grandior pulchriorque: perterrito Africam se, futurorum prænuntiam, dixit: iturum enim Romam, honoresque gesturum, atque etiam cum summo imperio in eandem provinciam reversurum, ibique moriturum. Facta sunt omnia. Præterea accedenti Carthaginem, egredientique navem, eadem figura in litore occurrisse narratur. Ipse certe implicitus morbo, futura præteritis, adversa secundis auguratus, spem salutis, nullo suorum desperante, projecit. Iam illud, nonne & magis terribile, & non minus mirum est, quod exponam ut accepi? Erat Athenis spatiosa & capax domus, sed infamis & pestilens. Per silentium noctis sonus ferri, & si attenderes acius, strepitus vinculorum longius primo, deinde è proximo reddebatur: mox apparebat idolon, senex inacie & squallore confectus, promissâ barbâ, horrenti capillo, cruribus compedes, manibus catenas gerebat quatiebatque. Inde inhabitantibus tristes diræque noctes per metum vigilabantur: vigiliam morbus & crescente formidine, mors sequebatur. Nam interdum quoque quanquam abscesserat imago, memoria imaginis oculis ²⁰ inhærebat; longiorisque causa timoris timor erat. Deserta inde & damnata solitudine domus, totaque illi monstro relicta: proscribebatur tamen seu quis emere, seu quis conducere ignarus tanti mali vellet. Venit Athenas philosophus Athenodorus, legit titulum: auditoque pretio, quia suspecta vilitas, per-

cun-

cunctatus, omnia docetur, ac nihilominus, immo tanto magis, conducit : ubi coepit advesperascere, jubet sterni sibi in prima domus parte, poscit pugillares, stylum, lumen : suos omnes in interiora dimittit, ipse ad scribendum, animum, oculos, manum intendit, ne vacua mens audita simulacra & inanes sibi metus fingeret. Initio, quale ubique, silentium noctis, deinde concuti ferrum, vincula moveri : ille non tollere oculos, non remittere stylum, sed obfirmare animum, ^{2º} auribusque prætereundum : tum crebrescere fragor, adventare etiam, ac jam ut in limine, jam ut intra limen audiri : respicit, videt, agnoscitque narratam sibi effigiem. Stabat innuebatque digito, similis vocanti : hic contra ut paululum exspectaret, manu significat, rursusque ceris & stylo incumbit : illa scribentis capiti catenis insonabat : respicit rursus idem quod prius innuentem : nec moratus tollit lumen, & sequitur ; Ibat illa lento gradu, quasi gravis vinculis : postquam deflexit in aream domus, repente dilapsa deferit comitem ; desertus herbas & folia concerpta signum loco ponit. Postero die adit magistratus, monet ut illum locum effodi jubeant. Inveniuntur ossa inferta catenis & implicita, quæ corpus ævo terraque putrefactum nuda & exesa reliquerat vinculis : collecta publice sepeliuntur : domus postea rite conditis manibus caruit. Et hæc quidem affirmantibus credo : illud affirmare aliis possum. Est libertus mihi Marcus, non illiteratus. Cum hoc minor frater eodem lecto quiescebat. Is visus est sibi cernere quendam in toro residentem, admoventemque capiti suo cultros, atque etiam ex ipso vertice amputantem capillos. Vbi illuxit, ipse circa verticem tonsus, capilli jacentes reperiuntur.

Exiguum temporis medium, & rursus simile aliud priori fidem fecit. Puer in pædagogio mistus pluribus dormiebat: venerunt per fenestras (ita narrat) in tunicis albis duo, cubantemque detonderunt; & qua venerant, recesserunt. Hunc quoque tonsum, sparsoque circa capillos dies ostendit. Nihil notabile secutum, nisi forte, quod non fui reus: futurus, si Domitianus, sub quo hæc acciderunt, diutius vixisset. Nam in scrinio ejus datus à Caro de me libellus inventus est; ex quo conjectari potest, quia reis moris est submittere capillum, recisos meorum capillos depulsi quod imminebat periculi signum fuisse. Proinde rogo, eruditionem tuam intendas. Digna res est, quam diu multumque consideres: ne ego quidem indignus, cui copiam scientiæ tuæ facias. Licet etiam utramque in partem, ut soles, disputes: ex altera tamen fortius, ne me suspensum incertumque dimittas, cum mihi consulendi causa fuerit, ut dubitare desinerem. Vale.

XXVIII. C. PLINIVS SEPTITIO

S V O S.

AIs quosdam apud te reprehendisse, tanquam amicos meos ex omni occasione ultra modum laudem. Agnosco crimen, amplector etiam. Quid enim honestius culpâ benignitatis? Qui sunt tamen isti, qui amicos meos melius norint? Sed ut norint, quid invident mihi felicissimum errorem? Ut enim non sint tales, quales à me prædicantur, ego tamen beatus quod mihi videntur. Igitur ad alios hanc sinistram diligentiam conferant (nec sunt parum multi) qui carpere amicos suos iudicium vocant: mihi nunquam persuadebunt ut meos amari à me nimium putem. Vale.

XXIX. C.

239

LIBER VII.
XXIX. C. PLINIUS MONTANO

S V O S.

Ridebis, deinde indignaberis, deinde ridebis, si legeris, quod nisi legeris, non potes credere. Est viâ Tiburtinâ intra primum lapidem (proxime annotavi) monimentum Pallantis, ita inscriptum; HVC SENATVS, OB FIDEM PIETATEMQUE ERGA PATRONOS, ORNAMENTA PRÆTORIA DECREVIT, ET SESTERTIVM CENTIES QVINQVAGIES: CVIVS HONORE CONTENTVS FVIT. Equidem nunquam sum miratus quæ sæpius à fortuna quam à iudicio proficiscerentur: maxime tamen hic me titulus admonuit, quam essent mimica & inepta quæ interdum in hoc cœnum, in has sordes²² abjicerentur: quæ deniq; ille furcifer & recipere ausus est, & recusare, atque etiam, ut moderationis exemplum, posteris proderet. Sed quid indignor? Ridere satius est, ne se magnum aliquod adeptos putent, qui huc felicitate perveniunt, ut rideantur. Vale.

XXX. C. PLINIUS GENITORI

S V O S.

Torqueor quod discipulum, ut scribis, optimæ spei amisisti, cuius & valetudine & morte impedita studia tua quid nesciam? cum sis omnium officiorum observantissimus, cumque omnes quos probas, effusissime diligas? Me huc quoque urbana negotia persequantur, non delectant. Sunt enim qui me aut iudicem aut arbitram faciant. Accedunt querelæ rusticorum, qui auribus meis post longum tempus suo jure abutantur. Instat & necessitas agrorum locandorum perquam molesta. Adeo rarum est invenire idoneos conductores. Quibus ex causis precario studeo: studeo tamen. Nam & scribo aliquid & lego: sed

quum lego, ex comparatione sentio quam male scribam; licet tu mihi bonum animum facias, qui libellos meos de ultione Helvidii, Orationi Demosthenis κατὰ Μειδίου confers: quam sane, quum componerem illos, habui in manibus, non ut æmularer (improbum enim ac pene furiosum) sed tamen imitarer & sequerer, quantum aut diversitas ingeniorum, maximi aut minimi, aut causæ dissimilitudo pateretur. Vale.

XXXI. C. PLINIVS CORNVTO

s v o S.

Claudius Pollio amari à te cupit: dignus hoc ipso quod cupit: deinde, quod ipse te diligit. Neque enim fere quisquam exigit istud nisi qui facit. Vir alioqui rectus, integer, quietus, ac pene ultra modum (si quis tamen ultra modum) verecundus. Hunc, quum simul militaremus, non solum ut commilito inspexi. (nam præerat alæ²³ militari.) Ego iussus à legato consulari rationem alarum & cohortium excutere, ut magnam quorundam fœdamque avaritiam, & negligentiam parem, ita hujus summam integritatem, sollicitam diligentiam inveni. Postea promotus ad amplissimas procurationes, nulla occasione corruptus ab infito abstinentiæ amore deflexit; nunquam secundis rebus intumuit, nunquam officiorum varietate continuam laudem humanitatis infregit: eademque firmitate animi laboribus suffecit, qua nunc otium patitur. Qued quidem paulisper cum magna sua laude intermisit & posuit, à Corelio nostro ex liberalitate imperatoris Nervæ emendis dividendisque agris adjutor assumptus. Etenim qua gloria dignum est, summo viro in tanta eligendi facultate præcipue placuisse? Idem quam
reve-

reverenter, quam fideliter amicos colat, multorum supremis judiciis, in his ²⁴ Musonii Bassi, gravissimi civis, credere potes, cujus memoriam tam grata prædicatione prorogat & extendit, ut librum de vita ejus (nam studia quoque, sicut alias artes bonas, veneratur) ediderit. Pulchrum istud, & raritate ipsa probandum, cum plerique hætenus defunctorum meminerint, ut querantur. Hunc hominem, appetentissimum tui (mihi crede) complectere, apprehendere, immo & invita, ac sic amata quam gratiam referas. Neque enim obligandus, sed remunerandus est in amoris officio qui prior cæpit. Vale.

XXXII. C. PLINIVS FABATO

PROSOCERO SVO S.

Delector jucundum tibi fuisse Tironis mei adventum: quod vero scribis, oblata occasione proconsulis, plurimos manumissos, unice lætor. Cupio enim patriam nostram omnibus quidem rebus augeri, maxime tamen civium numero. Id enim oppidis firmissimum ornamentum. Illud etiam me, non ut ambitiosum, sed tamen juvat, quod adjicis, me teque & gratiarum actione & laude celebratos. Est enim, ut Xenophon ait, ἡδίστον ἀκουσµὲν ἑπαινεῖσθαι, utique si te mereri putes. Vale.

XXXIII. C. PLINIVS TACITO

SVO S.

Avguror (nec me fallit augurium) Historias tuas immortales futuras: quo magis illis (ingenue fatebor) inferi cupio. Nam si esse nobis curæ solet ut facies nostra ab optimo quoque artifice exprimatur, nonne debemus optare, ut operibus nostris similis tui scriptor prædicatorque con-

tingat? Demonstro itaque, quanquam diligentiam tuam fugere non possit, cum sit in publicis actis, demonstro tamen, quo magis credas, jucundum mihi futurum, si factum meum, cujus gratia periculo crevit, tuo ingenio, tuo testimonio ornaveris. Dederat me Senatus cum Herennio Senecione advocatum provinciæ Bæticæ contra Bæbium Massam: damnatoque Massa censuerat ut bona ejus publice custodirentur. Senecio, quum explorasset consules postulationibus vacaturos, convenit me: & Quæ concordia, inquit, injunctam nobis accusationem exsequuti sumus, hac adeamus consules, petamusque ne bona dissipari finant, quorum esse in custodia debent. Respondi; Quum simus advocati à Senatu dati, dispice, num peractas putes partes nostras, Senatus cognitione finita. Et ille; Tu quem voles tibi terminum statues, cui nulla cum provincia necessitudo, nisi ex beneficio tuo, & hoc recenti: ipse & natus ibi, & quæstor in ea fui. Tum ego; si fixum tibi istud ac deliberatum, sequar te, ut si qua ex hoc invidia erit, non tua tantum sit. Venimus ad coff. dicit Senecio quæ res ferebat: aliqua subjungo. Vixdum conticueramus, & Massa questus Senecionem non advocati fidem, sed inimici amaritudinem impleisse, impietatis reum postulat. Horror omnium: ego autem, Vereor, inquam, clarissimi consules, ne mihi Massa silentio suo prævaricationem objecerit, quod non & me reum postulavit. Quæ vox & statim excepta, & postea multo sermone celebrata est. Divus quidem Nerva (nam prius quoque attendebat his quæ recte in publico fierent) missis ad me gravissimis literis, non mihi solum, verum etiam seculo est gratulatus, cui exemplum (sic enim scripsit) simile antiquis contigisset.

tigisset. Hæc, utcunque se habent, notiora, clario-
ra, majora tu facies : quanquam non exigo ut
excedas actæ rei modum. Nam nec historia debet
egredi veritatem, & honeste factis veritas sufficit.
Vale.

LIBER VIII.

I. C. PLINIVS SEPTITIO

s v o s.



TER commodè explicui, excepto,
quod quidam ex meis adversam vale-
tudinem fervescentibus æstibus con-
traxerint. Encolpius quidem lector,
ille serâ nostra, ille deliciæ, exaspera-
tis faucibus pulvere, sanguinem rejecit. Quam
triste hoc ipsi, quam acerbum mihi, si is, cui omnis
ex studiis gratia, inhabilis studiis fuerit. Quis
deinde libellos meos sic leget? sic amabit? quem
aures meæ sic sequuntur? Sed dii lætiora pro-
mittunt. Stetit sanguis, resedit dolor. Præterea
continens ipse: nos solliciti, medici diligentes. Ad
hoc salubritas cæli, secessus, quies, tantum salutis,
quantum otii, pollicentur. Vale.

II. C. PLINIVS CALVISIO

s v o s.

ALii in prædiâ sua proficiscuntur, ut locupletio-
res revertantur; ego, ut pauperior. Vendideram
vindemias certatim negotiatoribus ementibus
Invitabat pretium; & quod tunc, & quod fore
videbatur. Spes fefellit. Erat expeditum, omni-
bus remittere æqualiter, sed non satis æquum.
Mihi autem egregium inprimis videtur, ut foris,
ita

ita domi, ut in magnis, ita in parvis, ut in alienis, ita in suis, agitare justitiam. Nam si paria peccata, pares etiam laudes. Itaque omnibus quidem, ne quis mihi non donatus abiret, partem octavam pretii, quo quis emerat, concessi. deinde iis, qui amplissimas summas emptionibus occupaverant, separatiim consului. Nam & me magis juverant, & majus ipsi fecerant damnum. Igitur iis, qui pluris quam decem millibus emerant, ad illam communem, & quasi publicam octavam, addidi decimam ejus summæ, quæ decem millia excesserat. Vereor, ne parum expresseim; apertius calculos ostendam. Si qui forte quindecim millibus emerant, hi & quindecim millium octavam, & quinque millium decimam, tulerunt. Præterea, quum reputarem, quosdam ex debito aliquantum, quosdam aliquid, quosdam nihil reposuisse, nequaquam² verum arbitrabar, quos non æquasset fides solutionis, hos benignitate remissionis æquari. Rursus ergo iis qui solverant, ejus, quod solverant, decimam remisi. Per hoc enim aptissime & in præteritum singulis, pro cujusque merito, gratia referri, & in futurum omnes cum ad emendum, tum etiam ad solvendum allici videbantur. Magno mihi seu ratio hæc, seu facilitas stetit: sed fuit tanti. Nam regione totâ & novitas remissionis & forma laudatur. Ex ipsis etiam, quos non una (ut dicitur) peritica, sed distincte gradatimque tractavi, quanto quis melior & probior, tanto mihi obligator abit, expertus non esse apud me, *Εν δ' ἡ τιμὴ ἢ ῥῶν κερδὲς, ἢ ὅτι ἐσθλὰς.*

III. C. PLINIVS SPARSO

S V O S.

Librum, quem novissime tibi misi, ex omnibus meis vel maxime placere significas. Est eadem opinio

opinio cujusdam eruditissimi. Quo magis adducor, ut neutrum falli putem; quia non est credibile utrumque falli, & quia tantum blandior mihi. Volo enim proxima quæque absolutissima videri: & ideo jam nunc contra istum librum faveo orationi, quam nuper in publicum dedi: communicaturus tecum, ut primum diligentem tabellarium invenero. Erexì expectationem tuam; quam vereor ne destituat oratio in manus sumpta. Interim tamen, tanquam placituram (& fortasse placebit) expecta. Vale.

IV. C. PLINIVS CANINIO

S V O S.

Optime facis, quod bellum Dacicum scribere paras. Nam quæ tam recens, tam copiosa, tam lata, quæ denique tam poëtica, & quanquam in verissimis rebus) tam fabulosa materia? Dices immissa terris nova flumina, novos pontes fluminibus injectos, infessa castris montium abrupta, pulsum regiâ, pulsum etiam vitâ, regem nihil desperantem. Super hæc, actos bis triumphos: quorum alter ex invicta gente primus, alter novissimus fuit. Vna, sed maxima, difficultas, quod hæc æquare dicendo, arduum, immensum, etiam tuo ingenio, quanquam altissime assurgat, & amplissimis operibus increseat. Nonnullus & in illo labor, ut barbara & fera nomina, inprimis regis ipsius, Græcis versibus non resultent. Sed nihil est quod non arte curâque, si non potest vinci, mitigetur. Præterea, si datur Homero & mollia vocabula & Græca ad lenitatem versus contrahere, extendere, inflectere, cur tibi similis audentia, præsertim non delicata, sed necessaria, negetur? Proinde jure vatium, invocatis diis, & inter deos, ipso,

ipso, cujus res, opera, consilia dicturus es, immitte rudentes, pande vela, ac, si quando alias, toto ingenio vehere. Cur enim non ego quoque poetice cum poeta? Illud jam nunc paciscor; prima quæque ut absolveris, mitte, immo etiam antequam absolvas, sic ut erunt recentia, & rudia, & adhuc similia nascentibus. Respondebis, non posse perinde carptim, ut contexta, perinde inchoata placere, ut effecta. Scio. Itaque & à me æstimabuntur ut cœpta; spectabuntur ut membra; extremamque limam tuam operientur in scrinio nostro. Patere hoc me super cetera habere amoris tui pignus, ut ea quoque norim quæ nosse neminem velles. In summa, potero fortasse scripta tua magis probare, laudare, quanto illa tardius cautiusque, sed ipsum te magis amabo, magisque laudabo, quanto celerius & incautius miseris. Vale.

V. C. PLINIVS GEMINIO

s v o s.

GRave vulnus Macrinus noster accepit. Amisit uxorem singularis exempli, etiam si olim fuisset. Vixit cum hac triginta novem annis, sine jurgio, sine offensa. Quam illa reverentiam in marito suo præstitit, cum ipsa summam mereretur? Quot quantasque virtutes ex diversis ætatibus sumptas collegit & miscuit? Habet quidem Macrinus grande solatium; quod tantum bonum tam diu tenuit: sed hoc magis exacerbatur, quod amisit. Nam & fruendi voluptatibus crescit carendi dolor. Ero ergo suspensus pro homine amicissimo, dum admittere avocamenta, & cicatricem pati possit; quam nihil æque ac necessitas ipsa, & dies longa, & satietas doloris inducit. Vale.

VI. C.

Cognovisse jam ex epistola mea debes, annotasse me nuper monumentum Pallantis sub hac inscriptione; **HVIC SENATVS OB FIDEM PIETATEMQVE ERGA PATRONOS, ORNAMENTA PRÆTORIA DECREVIT, ET SESTERTIVM CENTIES QVINQVAGIES: CVJVS HONORE CONTENTVS FVIT.** Postea mihi visum est pretium curæ, ipsum SC. quærere. Inveni tam copiosum & effusum, ut ille superbissimus titulus, modicus atque etiam demissus videretur. Conferant se, non dico illi veteres, Africani, Achaïci, Numantini, sed hi proximi, Marii, Syllæ, Pompeii; (nolo progredi longius) infra Pallantis laudes jacebunt. Urbanos, qui illa censuerunt, putem, an miseros? Dicerem urbanos, si Senatum deceret urbanitas. Miseros ergo? sed nemo tam miser est, ut ad illa cogatur. Ambitio ergo, & procedendi libido? Sed quis adeo demens, ut aut per suum aut per publicum dedecus procedere vellet in ea civitate, in qua hic esset usus potentissimæ dignitatis, ut primus in Senatu laudare Pallantem posset? Omitto, quod Pallanti servo prætoria ornamenta offeruntur: (quippe offeruntur à servis) mitto quod censent, non exhortandum modo, verum etiam compellendum ad usum aureorum annulorum. Erat enim contra majestatem Senatus, si ferreis prætorius uteretur. Levia hæc & transeunda; illa memoranda, quod nomine Pallantis Senatus (nec expiata postea curia est) Pallantis nomine Senatus gratias agit Cæsari; quod & ipse, cum summo honore mentionem ejus prosecutus esset, & Senatui facultatem fecisset testandi erga eum benevolentiam suam. Quid enim Senatui pulchrius, quam
ur

ut erga Pallantem satis gratus videretur? Additur, ut Pallas, cui se omnes pro virili parte obligatos fatentur, singularis fidei, singularis industriæ fructum meritissimo ferat. Prolatos imperii fines, redditos exercitus reipub. credas. Astruitur his, quum Senatui Populoq; Romano liberalitatis gratior repræsentari nulla materia posset, quam si abstinentissimi fidelissimiq; custodis principalium opum facultates adjuvare contigisset. Hoc tunc votum Senatus; hoc præcipuum gaudium populi, hæc liberalitatis materia gratissima, si Pallantis facultates adjuvare publicarum opum egestionem contingeret. Iam quæ sequuntur, voluisse quidem Senatum censere, dandum ex ærario sestertiûm centies quinquagies, & quanto ab ejusmodi cupiditatibus remotior ejus animus esset tanto impensius petere à publico parente, ut eum compelleret ad cedendum Senatui. Id vero deerat, ut cum Pallante auctoritate publicâ ageretur; Pallas rogaretur ut Senatui cederet; ut illi superbissimæ abstinentiæ Cæsar ipse patronus advocaretur, ne sestertiûm centies quinquagies sperneret. Sprevit quod solû potuit, tantis opibus publice oblatis: arrogantius fecit quam si accepisset. Senatus tamen id quoque, similis querenti, laudibus tulit, his quidem verbis; *SED QUVM PRINCEPS OPTIMVS, PARENSQVE PVBLICVS, ROGATVS A PALLANTE, EAM PARTEM SENTENTIÆ, QUÆ PERTINEBAT AD DANDVM EI EX ÆRARIO CENTIES QVINQVAGIES SESTERTIVM, REMITTI VOLVISSET; TESTARI SENATVM ET SE LIBENTER AC MERITO HANC SVMMAM INTER RELIQVOS HONORES, OB FIDEM DILIGENTIAMQVE PALLANTIS, DECERNERE COEPISSE; VOLVNTATITAMEN PRINCIPIS SVI, CVI IN NVLLA RE FAS PVTARET REPVGNARE, IN HAC QVOQVE RE OB-*
SEQVI.

SEQVI. Imaginare Pallantem velut intercedentem SC., moderantemque honores suos, & festerium centies quinquagies, ut nimium, recusantem, cum prætoria ornamenta, tanquam minus, recepisset. Imaginare Cæsarem, liberti precibus, vel potius imperio, coram Senatu obtemperantem. Imperat enim libertus patrono, quem in Senatu rogat. Imaginare Senatum, usquequaque testantem, merito libenterque se hanc summam, inter reliquos honores, Pallanti cepisse decernere, & perseveraturum fuisse se, nisi obsequeretur Principis voluntati, cui non esset fas in ulla re repugnare. Ita, ne festerium centies quinquagies Pallas ex ærario referret, vercundiâ ipsius, obsequio Senatus opus fuit; in hoc præcipue non obsequuturi, si in ulla re putasset fas esse non obsequi. Finem existimas? Mane dum, & majora accipe. Vtique, cum sit utile, Principis benignitatem promptissimam ad laudem præmiaque merentium illustrari ubique, & maxime iis locis, quibus incitari ad imitationem præpositi rerum ejus cura possent, & Pallantis spectatissima fides, atque innocentia exemplo provocare studium tam honestæ æmulationis posset, ea quæ quarto Calend. Februarii, quæ proxime fuissent, in amplissimo ordine optimus Princeps recitasset, Senatusque consulta de his rebus facta in æs inciderentur, idque æs figeretur ad statuam loricatam divi Iulii. Parum visum tantorum dedecorum esse curiam testem: delectus est celeberrimus locus, in quo legenda præsentibus, legenda futuris proderentur. Placuit ære signari omnes honores fastidiosissimi mancipii: quosque repudiasset, quosque, quantum ad decernentes pertinet, gessisset. Incisa & insculpta sunt publicis æternisque monumentis prætorij; sic quasi fœdera antiqua, sic quasi sacræ leges.

Tanta

Tanta Principis, tanta Senatus, tanta Pallantis ipsius, Quid dicam, nescio; ut vellet in oculis omnium figi Pallas insolentiam suam, patientiam Cæsar, humilitatem Senatus. Nec puduit rationem turpitudini obtendere: egregiam quidem pulchramque rationem, ut exemplo Pallantis præmiorum ad studium æmulationis ceteri provocarentur. Ea honorum ⁶ vilitas erat; illorum etiam, quos Pallas non dedignabatur. Inveniebantur tamen honesto loco nati, qui peterent cuperentque, quod dari liberto, promitti servis videbant. Quam juvat quod in tempora illa non incidi, quorum sic me, tanquam illis vixerim, pudet! Non dubito similiter affici te. Scio quam sit tibi vivus & ingenuus animus: ideoque facilius est, ut me (quamquam indignationem quibusdam in locis fortasse ultra epistolæ modum extulerim) parum doluisse, quam nimis credas. Vale.

VII. C. PLINIVS TACITO

s v o s.

NEque ut magistro magister, neque ut discipulo discipulus (sic enim scribis); sed ut discipulo magister (nam tu magister, ego contra. Atque ideo tu in scholam revocas, ego adhuc Saturnalia extendo), librum misisti. Non potui longius hyperbaton facere, atque hoc ipso probare, eum me esse, qui non modo magister tuus, sed ne discipulus quidem debeam dici. Sumam tamen personam magistri; exeramque in librum tuum jus quod dedisti; eo liberius, quo nihil ex meis interim missurus sum tibi, in quo te ultiscaris. Vale.

VIII. C.

VIII. C. PLINIVS ROMANO

S V O S.

VIdistine aliquando Clitumnum fontem? Si nondum (& puto nondum: alioqui narraſſes mihi), vide; quem ego (pœnitet tarditatis) proxime vidi. Modicus collis affurgit, antiqua cupreſſu nemoroſus & opacus. Hunc ſubter fons exit, & exprimitur pluribus venis, ſed imparibus; eluctatusque facit gurgitem, qui lato gremio pateſcit purus & vitreus, ut numerare jactas ſtipēs & relucentes calculos poſſis. Inde non loci devexitate, ſed ipſa ſui copiâ & quaſi pondere, impellitur. Fons ad hæc, & jam ampliſſimum flumen atque etiam navium patiens; quas obvias quoque & contrario niſu in diverſa tendentes, tranſmittit & perfert: adeo validus ut illa qua properat, ipſe, tanquam per ſolum planum, remis non adjuvetur. Idem ægerrime remis contisque ſuperetur adverſus. Iucundum utrumque per jocum ludumque ſtuitantibus, ut flexerint curſum, laborem otio, otium labore variare. Ripæ fraxino multa, multa populo veſtiuntur: quas perſpicuus amnis, velut merſas, viridi imagini annumerat. Rigor aquæ certaverit nivibus; nec color cedit. Adjacet templum, priſcum & religioſum. Stat Clitumnus ipſe amictus ornatuſque prætexta. Præſens numen, atque etiam fatidicum, indicant ſortes. Sparſa ſunt circa ſacella complura, totidemque dei ſimulacra: ſua cuique veneratio, ſuum⁸ nomen; quibuſdam vero etiam fontes. Nam, præter illum quaſi parentem ceterorum, ſunt minores capite diſcreti; ſed flumini miſcentur, quod ponte tranſmittitur. Is terminus ſacri profanique. In ſuperiore parte navigare tantum, infra etiam natare

con-

concessum. Balineum Hispellates, quibus illum locum divus Augustus dono dedit, publice præbent, & hospitium. Nec desunt villæ, quæ secutæ fluminis amœnitatem, margini insistant. In summa, nihil erit ex quo non capias voluptatem. Nam studebis quoque, & leges multa multorum omnibus columnis, omnibus parietibus inscripta, quibus fons ille deusque celebratur. Plura laudabis, nonnulla ridebis; quanquam tu vero, quæ tua humanitas, nulla ridebis. Vale.

IX. C. PLINIUS VRSO

SVO S.

Olim non librum in manus, non stylum sumpsi. Olim nescio, quid sit otium, quid quies, quid denique illud iners quidem, jucundum tamen, nihil agere, nihil esse: adeo multa me negotia amicorum nec secedere nec studere patiuntur. Nulla enim studia tanti sunt, ut amicitiae officium deferatur: quod religiosissime custodiendum studia ipsa præcipiunt. Vale.

X. C. PLINIUS FABATO

PROSOCERO SVO S.

Quo magis cupis ex nobis pronepotes videre, hoc tristior audies, neptem tuam abortum fecisse, dum se prægnantem esse puellariter nescit; ac per hoc quædam custodienda prægnantibus omittit, facit omittenda. Quem errorem magnis detrimentis expiavit, in summum periculum adducta. Igitur, ut necesse est, graviter accipias senectutem tuam quasi paratis posteris destitutam; sic debes agere diis gratias, quod ita tibi in præsentia pronepotes negaverint, ut servarint neptem, illos reddituri quorum nobis spem certiorē hæc ipsa, quanquam parum prospere explorata.

rata, fœcunditas facit. Iisdem nunc ego te, quibus ipsum me, hortor, moneo, confirmo. Neque enim ardentius tu pronepotes, quam ego liberos cupio : quibus videor à meo tuoque latere prouum ad honores iter, & audita latius nomina, & non subitas imagines relicturus. Nascantur modo, & hunc nostrum dolorem gaudio mutant. Vale.

XI. C. PLINIVS HISPVLLE

S V Æ S.

QUum affectum tuum erga fratris filiam cogito., etiam materna indulgentia molliorem, intelligo prius tibi quod est posterius nuntian- dum, ut præsumptâ lætitiâ sollicitudini locum non relinquat : quanquam vereor ne post gratulationem quoque in metum redeas ; atque ita gaudeas periculo liberatam, ut simul quod periclitata sit perhorrescas. Iam hilaris, jam sibi, jam mihi reddita, incipit refici, transmissumque discrimen conualecendo remetiri. Fuit alioqui in summo discrimine (impune dixisse liceat), fuit nullâ suâ culpâ, ætatis aliquâ. Inde abortus, & ignorati uteri triste experimentum. Proinde, etsi non contigit tibi desiderium fratris amissi aut nepote ejus aut nepte solari, memento tamen, dilatum magis istud quam negatum, cum salva sit, ex qua sperari potest. Simul excusa patri tuo casum, cui paratior apud feminas venia est. Vale.

XII. C. PLINIVS MINVTIANO

S V O S.

HVnc solum diem excuso. Recitaturus est Titinius Capito ; quem ego audire nescio magis debeam an cupiam. Vir est optimus, & inter præcipua seculi ornamenta numerandus : colit studia, studiosos amat, fovet, provehit, multorumque

K

qui

qui aliqua componunt, portus, sinus, præmium, omnium exemplum; ipsarum denique literarum jam senescentium reductor ac reformator. Domum suam recitantibus præbet; auditoria non apud se tantum benignitate mira frequentat: mihi certe, si modo in urbe est, defuit nunquam. Porro, tanto turpius gratiam non referre, quanto honestior causa referendæ. An, si litibus tererer, obstrictum esse me crederem obeunti ad vadimonia mea; nunc, quia mihi omne negotium, omnis in studiis cura, minus obligor tanta sedulitate celebranti, in quo obligari ego, ne dicam soleo, certe maxime possum? Quod si illi nullam vicem, nulla quasi mutua officia deberem, sollicitarer tamen vel ingenio hominis pulcherrimo & maximo, & in summa severitate dulcissimo, vel honestate materię. Scribit exitus illustrium virorum, in iis quorundam mihi carissimorum. Videor ergo fungi pio munere, quorumque exequias celebrare non licuit, horum quasi funebribus laudationibus, seris quidem, sed tanto magis veris, interesse. Vale.

XIII. C. PLINIVS GENIALI

S V O S.

PRobo quod libellos meos cum patre legisti. Pertinet ad profectum tuum, à disertissimo viro discere quid laudandum, quid reprehendendum: simul ita institui, ut verum dicere assuescas. Vides quem sequi, cujus debeas implere vestigia. O te beatum! cui contigit unum atque idem optimum & conjunctissimum exemplar: qui denique cum potissimum imitandum habes, cui natura esse te simillimum voluit. ♡Vale.

XIV. C.

XIV. C. PLINIVS ARISTONI

SVO S.

Cum sis peritissimus & privati juris & publici, cujus pars senatorium est, cupio ex te potissimum audire, erraverim in Senatu proxime, necne: non ut in præteritum (serum enim) verum ut in futurum, si quid simile inciderit, erudiar. Dices. Cur quæris quod nosse debeas? Priorum temporum servitus, ut aliarum optimarum artium, sic etiam juris senatorii oblivionem quandam & ignorationem induxit. Quotus enim quisque tam patiens, ut velit discere quod in usu non sit habiturus? Adde, quod difficile tenere quæ acceperis, nisi exerceas. Itaque reducta libertas rudes nos & imperitos apprehendit: cujus dulcedine accensi cogimur quædam facere antequam nosse. Erat autem antiquitus institutum, ut à majoribus natu, non auribus modo, verum etiam oculis disceremus quæ facienda, mox ipsi, ac per vices quasdam, tradenda minoribus haberemus. Inde adolescentuli statim castrensibus stipendiis imbuebantur, ut imperare parendo, duces agere dum sequuntur, assuescerent: inde honores petitori assistebant curiæ foribus, & concilii publici spectatores antequam consortes, erant. Suus cuique parens pro magistro, aut cui parens non erat, maximus quisque & vetustissimus pro parente. Quæ potestas referentibus, quod censentibus jus, quæ vis magistratibus, quæ ceteris libertas; ubi cedendum, ubi resistendum; quod silentii tempus, quis dicendi modus, quæ distinctio pugnantium sententiarum, quæ executio prioribus aliquid addentium, omnem deniq; senatorium morem, quod fidelissimum præcipiendi genus, exemplis docebantur.

K 2

At

At nos juvenes fuimus quidem in castris ; sed quum suspecta virtus, inertia in pretio, quum du-
cibus auctoritas nulla, nulla militibus verecundia,
nusquam imperium, nusquam obsequium, omnia
soluta, turbata, atque etiam in contrarium versa,
postremo obliviscenda magis quam tenenda. li-
dem prospeximus curiam ; sed curiam trepidam
& elinguem ; quum dicere quod velles, periculo-
sum, quod nolles, miserum-esset. Quid tunc disci
potuit ; quid didicisse juvit, cum Senatus aut ad
otium summum, aut ad summum nefas vocaretur ?
& modo ludibrio, modo dolori retentus,
nunquam seria, tristitia sæpe censeret ? Eadem ma-
la jam senatores, jam participes malorum, multos
per annos vidimus, tulimusque : quibus ingenia
nostra in posterum quoque hebetata, fracta, con-
tusa sunt. Breve tempus (nam tanto brevius om-
ne, quanto felicius tempus) quod libet scire quid
simus, libet exercere quod scimus. Quo justius pe-
to ; primum ut errori (si quis est error) tribuas
veniam, deinde medearis scientiâ tuâ, cui semper
fuit curæ, sic jura publica ut privata, sic antiqua ut
recentia, sic rara ut assidua, tractare. Atque ego
arbitror illis etiam, quibus plurimarum rerum a-
gitatio frequens nihil esse ignotum patiebatur, ge-
nus quæstionis quod afferro ad te, aut non satis tri-
tum, aut etiam inexpertum fuisse. Hoc & ego ex-
cusatior, si forte sum lapsus, & tu dignior laude, si
potes id quoque docere, quod in obscuro est an
didiceris. Referebatur de libertis Afranii Dextri
consulis, incertum sua an suorum manu, scelere an
obsequio, perempti. Hos alius, (Quis ? Ego ; sed
nihil refert) post quæstionem supplicio liberan-
dos, alius in insulam relegandos, alius morte pu-
niendos arbitrabatur. Quarum sententiarum tan-

ta diversitas erat, ut non possent esse nisi singulæ. Quid enim commune habet, occidere & relegare? Non hercule magis quam relegare & absolvere: quanquam propior aliquanto est sententiæ relegantis, quæ absolverit, quam quæ occiderit. Vtraque enim ex illis vitam relinquit, hæc adimit: quum interim & qui morte puniebant, & qui relegabant, una sedebant, & temporaria simulatione concordia discordiam differebant. Ego postulabam ut tribus sententiis constaret suus numerus, nec se brevibus induciis duæ jungerent. Exigebam ergo, ut qui capitali supplicio afficiendos putabant, discederent à relegante, nec interim contra absolventes mox dissensuri congregarentur, quia parvulum referret an idem displiceret, quibus non idem placuisset. Illud etiam mihi permirum videbatur, eum quidem qui liberos relegandos, servos supplicio afficiendos censuisset, coactum esse dividere sententiâ: hunc autem qui liberos morte multaret, cum relegante numerari. Nam si oportuisset dividi sententiam unius, quia res duas comprehendebat, non reperiebam quemadmodum posset jungi sententia duorum tam diversa censentium. Atque adeo permitte mihi, sic apud te, tanquam ibi, sic peracta re, tanquam adhuc integra, rationem iudicii mei reddere: quæque tunc carptim, multis obstrepentibus, dixi, per otium jungere. Fingamus tres omnino iudices in hanc causam datos esse: horum uni placuisse, perire liberos, alteri, relegari, tertio, absolvi: utrumne sententiæ duæ, collatis viribus, novissimam⁹ periment, an separatim unaquæque tantundem quantum altera valebit? nec magis poterit cum secunda prima connecti, quam secunda cum tertia? Igitur in Senatu quoque numerari tanquam contrariæ de-

bent, quæ tanquam diversæ dicuntur. Quod si unus atque idem & perdendos censeret & relegandos, num ex sententia unius & perire possent & relegari? num denique omnino una sententia putaretur, quæ tam diversa conjungeret? Quemadmodum igitur cum alter puniendos, alter censeat relegandos, videri potest una sententia, quæ dicitur à duobus: quæ non videretur una, si ab uno diceretur? Quid? Lex non aperte docet dirimi debere sententias occidentis & relegantis, quum ita discessionem fieri jubet; *QVI HÆC SENTITIS, IN HANC PARTEM: QVI ALIA OMNIA, IN ILLAM PARTEM ITE QVA SENTITIS?* Examina singula verba & expendite, *QVI HÆC CENSETIS*, hoc est, qui relegandos putatis: *IN HANC PARTEM*, id est, in eam, in qua sedet qui censuit relegandos. Ex quo manifestum est, non posse in eadem parte remanere eos qui interficiendos arbitrantur. *QVI ALIA OMNIA*; animadvertitis, ut non contenta lex dicere *ALIA*, addiderit, *OMNIA*. Num ergo dubium est, alia omnia sentire eos qui occidunt, quam qui relegant? *IN ILLAM PARTEM ITE QVA SENTITIS*; nonne videtur ipsa lex eos qui dissentiunt, in contrariam partem vocare, cogere, impellere? num consulere etiam ubi quisque remanere, quo transgredi debeat, non tantum solennibus verbis, sed manu gestuque demonstrat? At enim futurum est, ut, si dividantur sententiæ interficientis & relegantis, prævaleat illa quæ absolvit. Quid istud ad censentes? quos certe non decet omnibus artibus, omni ratione pugnare ne fiat quod est mitius: oportet tamen eos qui puniunt & qui relegant, absolventibus primum, mox inter se comparari; scilicet ut in spectaculis quibusdam fors aliquem seponit ac servat, qui cum victore contendat: sic in
 Senatu

Senatu sunt aliqua prima, sunt secunda certamina: & ex duabus sententiis eam quæ superior ^{1º} exierit, tertia expectat. Quid quod primâ sententiâ comprobata, ceteræ perimuntur? Qua ergo ratione potest esse non unus atque idem locus sententiarum, quarum nullus est postea? Planius repetam. Nisi, dicente sententiam eo qui relegat, illi qui puniunt capite, initio statim in alia discedunt, frustra postea in eo dissentient ab eo cui paulo ante consenserint. Sed quid ego similis docenti, cum discere velim, an sententias dividi, an iri in singulas, oportuerit? Obtinui quidem quod postulabam: nihilominus tamen quæro, an postulare debuerim, an abstinere, quemadmodum abstinuit is qui ultimum supplicium sumendum esse censebat. Nescio an jure, certe æquitate postulationis meæ victus, ommissâ sententiâ suâ, accessit releganti: veritus, scilicet, ne, si dividerentur sententiæ (quod alioqui fore videbatur) ea quæ absolvendos esse censebat, numero prævaleret. Etenim longe plures in hac una, quam in duabus singulis, erant. Tum illi quoque qui auctoritate ejus trahebantur, transeunte illo destituti, reliquerunt sententiam ab ipso auctore desertam, sequutique sunt quasi transfugam, quem ducem sequebantur. Sic ex tribus sententiis duæ factæ; tenuitque ex duabus altera, tertiâ expulsâ, quæ quum ambas superare non posset, elegit ab utra vinceretur. Vale.

XV. C. PLINIVS IVNIORI

s v o S.

Oneravi te tot pariter missis voluminibus. Sed oneravi, primum, quia exegeras; deinde, quia scripseras tam graciles istic vindemias esse, ut plane scirem tibi vacaturum (quod vulgo dicitur)

K 4

citur)

-citur) librum legere. Eadem ex meis agellis nuntiantur. Igitur mihi quoque licebit scribere quæ legas, sit modo unde chartæ emi possint: quæ si scabræ bibulæve sint, aut non scribendum, aut necessario quicquid scripserimus boni malive delebimus. Vale.

XVI. C. PLINIUS PATERNO

S V O S.

Confecerunt me infirmitates meorum, mortēs etiam, & quidem juvenum. Solatia duo, nequaquam paria tanto dolori, solatia tamen: unum facilitas manumittendi (Videor enim non omnino immaturos perdidisse, quos jam liberos perdidī): alterum, quum permitto servis quoque quasi testamenta facere, eaque ut legitima custodio. Mandant rogantque quod visum: pareo ocius: Suis dividunt, donant; relinquunt duntaxat intra domum. Nam servis resp. quædam & quasi civitas domus est. Sed quanquam his solatiis acquiescam, debilitor & frangor eadem illâ humanitate, quæ me, ut hoc ipsum permitterem, induxit. Non ideo tamen velim durior fieri: nec ignoro alios hujusmodi casus nihil amplius vocare quam damnum; eoque sibi magnos homines & sapientes videri. Qui an magni sapientesque sint, nescio: homines non sunt. Hominis est enim affici dolore, sentire; resistere tamen, & solatia admittere, non solatiis non egere. Verum de his plura fortasse quam debui, sed pauciora quam volui. Est enim quædam etiam dolendi voluptas: præsertim si in amici sinu desleas, apud quem lacrymis tuis vel laus sit parata, vel venia. Vale.

XVII. C. PLINIVS MACRINO

S V O S.

NVM istic quoque immite & turbidum cælum? Hic assidue tempestates, & crebra diluvia. Tiberis alveum excessit, & demissioribus ripis alte superfunditur. Quanquam fossa, quam providentissimus imperator fecit, exhaustus, premit valles, innatat campis; quaque planum solum, pro solo cernitur. Inde, quæ solet flumina accipere, & permista devehere, velut obvius retro cogit; atque ita alienis aquis operit agros, quos ipse non tangit. Anio, delicatissimus amnium, ideoque adjacentibus villis velut invitatus retentusque, magna ex parte nemora, quibus inumbratur, & fregit & rapuit. Subruit montes, & decidentium mole pluribus locis clausus, dum amissum iter querit, impulit testa, ac se super ruinas evexit atque extulit. Viderunt hi, quos excelsioribus terris illa tempestas non deprehendit, alibi divitum apparatus, & gravem supellectilem, alibi instrumenta ruris: ibi boves, aratra, rectores; hinc soluta & libera armenta; atque inter hæc arborum truncos, aut villarum trabes atque culmina, varie lateque fluitantia. Ac ne illa quidem loca malo vacaverunt, ad quæ non ascendit amnis. Nam pro amne imber assiduus, & dejecti nubibus turbines: ^{1.} prorsus opera, quibus pretiosa rura cinguntur: quassata atque etiam decussa monimenta. Multe ejusmodi casibus debilitati, obruti, obtriti, & aucta luctibus damna. Ne quid simile istic, pro mensura periculi, vereor: teque rogo, si nihil tale est, quam maturissime sollicitudini meæ consulas: sed & si tale, id quoque nunties. Nam parvulum differt, patiaris adversa an expectes: nisi quod tan-

K. 5.

tum.

tum est dolendi modus, non est timendi. Doleas enim, quantum scias accidisse; timeas, quantum possit accidere. Vale.

XVIII. C. PLINIVS RVFINO

S V O S.

Falsum est nimirum, quod creditur vulgo, testamenta hominum speculum esse morum: quum Domitius Tullus longe melior apparuerit morte, quam vitâ. Nam, quum se captandum præbuisset, reliquit filiam heredem, quæ illi cum fratre communis, quia genitam fratre adoptaverat. Prosequutus est nepotes plurimis jucundissimisque legatis; prosequutus etiam pronepotem. In summa, omnia pietate plenissima; ac tanto magis, quoniam inexpectata sunt. Ergo varii tota civitate sermones: alii fictum, ingratum, immemorem loquuntur, seque ipsos, dum insectantur illum, turpissimis confessionibus produnt, qui de illo uti de patre, avo, proavo, quasi orbi, querantur: alii contra hoc ipsum laudibus ferunt, quod sit frustratus improbas spes hominum: quos sic decipere, pro moribus temporum, prudentia est. Addunt etiam, non fuisse ei liberum, alio testamento mori; neque enim reliquisse opes filiæ, sed reddidisse, quibus auctus per filiam fuerat. Nam Curtius Mantia, perosus generum suum Domitium Lucanum (frater est Tulli) sub ea conditione ut filiam ejus, neptem suam, institueret heredem, si esset manu patris emissâ. Emiserat pater, adoptaverat patruus: atque ita circumscripto testamento, confors frater in patris potestate emancipatam filiam adoptionis fraude revocaverat, & quidem cum opibus amplissimis. Fuit alioqui fratribus illis quasi fato datum, ut divites fierent

rent invitissimis à quibus facti sunt. Quin etiam Domitius Afer, qui illos in nomen assumpsit, reliquit testamentum ante octo & decem annos nuncupatum; adeoque postea improbatum sibi, ut patris eorum bona proscribenda curaverit. Mira illius asperitas, mira felicitas horum: illius asperitas, qui numero civium excidit, quem socium etiam in liberis habuit; felicitas horum, quibus successit in locum patris, qui patrem abstulerat. Sed hæc quoque hereditas Afri, ut reliqua cum fratre quæsitæ, transmittenda erant filiæ fratris: à quo Tullus ex asse heres institutus, prælatumque filiæ fuerat, ut reconciliaretur. Quo laudabilius testamentum est, quod pietas, fides, pudor, scripsit: in quo denique omnibus affinitatibus, pro cuiusque officio, gratia relata est, relata & uxori. Accepit amoenissimas villas, accepit magnam pecuniam uxor optima & patientissima: ac tanto melius de viro merita, quanto magis est reprehensa quod nupsit. Nam mulier natalibus clara, moribus proba, ætate declivis, diu vidua, mater olim, parum decore sequuta matrimonium videbatur divitis senis, ita perdit morbo, ut esse tædio posset uxori, quam juvenis famusque duxisset. Quippe omnibus membris extortus & fractus tantas opes solis oculis obibat: ac ne in lectulo quidem, nisi ab aliis, movebatur. Quin etiam (secundum miserandumque dictu) dentes lavandos fricandosque præbebat. Auditum est frequenter ab ipso, quum quereretur de contumeliis debilitatis suæ, se digitos servorum suorum quotidie lingere. Vivebat tamen, & vivere volebat, sustentante maxime uxore; quæ culpam inchoati matrimonii in gloriam perseverantia verterat. Habes omnes fabulas urbis. Iam sunt venales tabulæ Tulli; ex-

spectatur auctio. Fuit enim tam copiosus, ut amplissimos hortos eodem quo emerat die instruxerit plurimis & antiquissimis statuis. Tantum illi pulcherrimorum operum in ¹² horreis, quæ negligebantur. Invicem tu, si quid istic epistola dignum, ne gravare scribere. Nam cum aures hominum novitate lætatur, tum ad rationem vitæ exemplis erudimur. Vale.

XIX. C. PLINIVS MAXIMO

s v o S.

ET gaudium mihi & solatium in literis; nihilque tam lætum, quod his lætius; nihil tam triste, quod non per has sit minus triste. Itaque & infirmitate uxoris, & meorum periculo, quorundam vero etiam morte, turbatus, ad unicum doloris levamentum studia confugio; quæ præstant ut adversa magis intelligam, sed patientius feram. Est autem mihi moris, quod sum daturus in manus hominum, ante amicorum iudicio examinare, inprimis tuo. Proinde, si quando, nunc intende libro, quem cum hac epistola accipies: quia vereor ne ipse, ut tristis, parum intenderim. Imperare enim dolori ut scriberem, potui, ut vacuo animo lætoque, non potui. Porro, ut ex studiis gaudium, sic studia hilaritate proveniunt. Vale.

XX. C. PLINIVS GALLO

s v o S.

AD quæ noscenda iter ingredi, transmittere mare solemus, ea sub oculis posita negligimus: seu quia ita natura comparatum, ut proximorum incuriosi, longinqua sectemur; seu quod omnium rerum cupido languescit quum facilis occasio est; seu quod differimus, tanquam sæpe visuri quod datur

datur videre, quoties velis cernere. Quacunque de causa, permulta in urbe nostra, juxtaque urbem, non oculis modo, sed ne auribus quidem novimus: quæ si tulisset Achaïa, Ægyptus, Asia, aliave quælibet miraculorum ferax commendatrixque terra, audita, perlecta, lustrataque haberemus. Ipse certe nuper, quod nec audieram ante, nec videram, audiivi pariter & vidi. Exegerat profocer meus, ut Amerina prædia sua inspicerem. Hæc perambulanti mihi ostenditur subjacens lacus, nomine Vadintonis; simul quædam incredibilia narrantur. Pervenit ad ipsum. Lacus est in similitudinem jacentis rotæ circumscriptus, & undique æqualis; nullas sinus, obliquitas nulla, omnia dimensa, paria, & quasi artificis manu cavata & excisa. Color cæruleo albidior, viridior, & pressior: sulphuris odor, saporque medicatus, vis qua fracta solidantur, spatium modicum, quod tamen sentiat ventos, & fluctibus intumescat. Nulla in hoc navis (sacer enim est) sed innatant insulæ herbidae, omnes arundine & junco testæ, quæque alia foecundior palus, ipsaque illa extremitas lacus effert. Sua cuique figura, ut motus: cunctis margo densus, quia frequenter vel litori vel sibi illisæ terunturque. Par omnibus altitudo, par levitas: quippe in speciem carinæ humili radice descendunt. Hæc ab omni latere perspicitur: eadem aqua pariter suspensa & mersa. Interdum junctæ copulatæque & continenti similes sunt; interdum discordantibus ventis digeruntur; nonnunquam destitutæ tranquillitate singulæ fluitant. Sæpe minores majoribus, velut ¹ cymbulæ onerariæ, adhærescunt; sæpe inter se majores minoresque quasi cursum certamenque desumunt; rursus omnes in eundem locum appulsæ,

qua steterunt, promovent terram, & modo hac, modo illac, lacum reddunt auferuntque; ac tum demum, quum medium tenere, non ¹⁴ contrahunt. Constat, pecora herbas sequuta, sic in insulas illas, ut in extremam ripam, procedere solere, nec prius intelligere mobile solum, quam litore abrepta, quasi illata & imposita, circumfusus undique lacum pavent; mox quo tulerit ventus egressa, non magis se descendisse sentire, quam senserint ascendisse. Idem lacus in flumen egeritur: quod ubi se paulisper oculis dedit, specu mergitur, alteque conditum meat: ac, si quid ante quam subduceretur accepit, servat & profert. Hæc tibi scripsi, quia nec minus ignota quam mihi, nec minus grata credebam. Nam te quoque, ut me, nihil æque ac naturæ opera delectant. Vale.

XXI. C. PLINIVS ¹⁵ ARRIANO
S V O S.

VT in vita, sic in studiis pulcherrimum & humanissimum existimo, severitatem comitantemque miscere, ne illa in tristitiam, hæc in petulantiam procedat. Qua ratione ductus, graviora opera lusu & jocis distinguo. Ad hos profectos & tempus & locum opportunissimum elegi; utque jam nunc assuescerent & ab otiosis, & in triclinio, audiri, Iulio mense, quo maxime lites interquiescunt, positis ante lectos cathedris, amicos collocavi. Forte accidit, ut eo die mane in advectionem subitam rogarer: quod mihi causam præloquendi dedit. Sum enim deprecatus, ne quis ut irreverentem operis argueret, quod recitaturus. quanquam & amicis & paucis, idem iterum amicis, foro & negotiis non abstinuissem. Addidi, hunc ordinem me & in scribendo sequi, ut necessitates

fitates voluptatibus, seria jucundis anteferrem, ac primum amicis, tum mihi scriberem. Liber fuit & opusculis varius & metris. Ita solemus qui ingenio parum fidimus, satietatis periculum fugere. Recitavi biduo: hoc assensus audientium exegit: & tamen ut alii transeunt quædam, imputantque quod transeant; sic ego nihil prætereo, atque etiam non præterire me, testor. Lego enim omnia, ut omnia emendem. Quod contingere non potest electa recitantibus. At illud modestius, & fortasse reverentius, sed hoc simplicius & amantius. Amat enim, qui se sic amari putat, ut tædium non pertimescat. Alioqui quid præstant sodales, si conveniunt voluptatis suæ causa? ¹⁶ Delicatus ac similis ignoto est qui amici librum bonum mavult audire quam facere. Non dubito, cupere te, pro cetera mei caritate, quam maturissime legere hunc adhuc musteum librum. Leges, sed retractatum; quæ causa recitandi fuit; & tamen nonnulla jam ex eo nosti: Hæc vel emendata postea, vel (quod interdum longiore mora solet) deteriora facta, quasi nova rursus, & rescripta, cognosces. Nam, plerisque mutatis, ea quoque mutata videntur quæ manent. Vale.

XXII. C. PLINIVS GEMINIO

S V O S.

NOstine hos, qui omnium libidinum servi sic aliorum vitiis irascuntur, quasi invideant, & gravissime puniunt, quos maxime imitantur? quum eos etiam, qui non indigent clementia ullius, nihil magis quam lenitas deccat. Atque ego optimum & emendatissimum existimo, qui ceteris ita ignoscit, tanquam ipse quotidie peccet; ita peccatis abstinet, tanquam nemini ignoscat.

Proin-

Proinde hoc domi, hoc foris, hoc in omni vitæ genere teneamus, ut nobis implacabiles simus; exorabiles istis etiam, qui dare veniam nisi sibi nesciunt: mandemusque memoriæ, quod vir mitissimus, & ob hoc quoque maximus, Thrasea, crebro dicere solebat; QVI VITIA ODIT, HOMINES ODIT. Fortasse quæris, quo commotus hæc scribam? Quidam nuper. Sed melius coram; quanquam ne tunc quidem. Vereor enim, ne id quod improbo eos sectari, carperem, referre, huic, quod quam maxime præcipimus, repugnet. Quisquis ille, qualiscunque, fileatur: quem insignire, exempli non nihil; non insiguiere, humanitatis plurimum refert. Vale.

XXIII. C. PLIN. MARCELLINO.

S V O S.

Omnia mihi studia, omnes curas, omnia avocamenta exemit, excussit; eripuit dolor, quem ex morte Iunii Aviti gravissimum cepi. Latum clavum in domo mea induerat; suffragio meo adjutus in petendis honoribus fuerat; ad hoc, ita me diligebat, ita verebatur, ut me formatore mortui, me quasi magistro uteretur. Ratum hoc adolescentibus nostris. Nam quotusquisque vel ætati alterius, vel auctoritati, ut minor, cedit? Statim sapiunt, statim sciunt omnia: neminem verentur, imitantur neminem, atque ipsi sibi exempla sunt. Sed non Avitus: cuius hæc præcipua prudentia, quod alios prudentiores arbitrabatur; hæc præcipua eruditio, quod discere volebat. Semper ille aut de studiis aliquid, aut de officiis vitæ consulebat: semper ita recedebat, ut melior factus: & erat factus vel eo quod audierat, vel quod omnino quæsierat. Quod ille obsequium Serviano, exactissimo viro, præstitit? quem legatum tribu-

nus:

nus ita & intellexit, & excepit, ut ex Germania in Pannoniam transeuntem, non ut commilito, sed ut comes affectatorque sequeretur. Qua industria, qua modestia quæstor consulibus suis (& plures habuit) non minus jucundus & gratus, quam usui fuit? Quo discursu, qua vigilantia, hanc ipsam ædilitatem, cui præreptus est, petiit? Quod vel maxime dolorem meum exulcerat. Obversantur oculis cassi labores, & infructuosæ preces, & honor quem meruit tantum. Redit animo ille latus clavus, in penatibus meis sumptus; redeunt illa prima, illa postrema suffragia mea, illi sermones, illæ consultationes. Afficior adolescentia ipsius, afficior necessitudinum casu. Erat illi grandis natu parens; erat uxor, quam ante annum virginem acceperat; erat filia, quam paulo ante sustulerat. Tot spes, tot gaudia dies unus in diversa convertit. Modo designatus ædilis, recens maritus, recens pater, intactum honorem, orbam matrem, viduam uxorem, filiam pupillam, ignaram avi ignaramque patris, reliquit. Accedit lacrymis meis, quod absens, & impendentis mali nescius, pariter ægrum, pariter decessisse cognovi, ne gravissimo dolori timore consuescerem. In tantis tormentis eram, quum scriberem hæc, scriberem sola. Neque enim nunc aliud aut cogitare aut loqui possum. Vale.

XXIV. C. PLINIVS MAXIMO

S V O S.

AMor in te meus cogit, non ut præcipiam (neque enim præceptore eges) admoneam tamen, ut quæ scis, teneas & observes, aut scias melius. Cogita, te missum in provinciam Achaïam, illam veram & meram Græciam, in qua primum
huma-

humanitas, literæ, etiam fruges, inventæ esse creduntur; missum ad ordinandum statum liberarum civitatum, id est, ad homines maxime liberos, qui jus à natura datum, virtute, meritis, amicitia, fœdere denique & religione tenuerunt. Reverere conditores deos, numina deorum. Reverere gloriam veterem, & hanc ipsam senectutem, quæ in homine venerabilis, in urbibus sacra est. Sit apud te honor antiquitati, sit ingentibus factis, sit fabulis quoque: nihil ex cujusquam dignitate, nihil ex libertate, nihil etiam ex jactatione decerpseris. Habe ante oculos, hanc esse terram quæ nobis miserit jura, quæ leges non victa acceperit, sed petentibus dederit; Athenas esse, quas adeas; Lacedæmonem esse, quam regas: quibus reliquam umbram, & residuum libertatis nomen eripere, durum, ferum, barbarumque est. Vides à medicis, quanquam in adversa valetudine nihil servi ac liberi differant, mollius tamen liberos clementiusque tractari. Recordare, quid quæque civitas fuerit; non ut despicias quod esse desierit. Absit superbia, asperitas; nec timueris contemptum. An contemnitur, qui imperium, qui fasces habet, nisi qui humilis, & sordidus, & qui se primus ipse contemnit? Male vim suam potestas aliorum contumeliis experitur; male terrore veneratio acquiritur: longeque valentior amor ad obtinendum quod velis, quam timor. Nam timor abit; si recedas, manet amor: ¹⁸ ac sic, ut ille in odium, hic in reverentiam vertatur. Te vero etiam atque etiam (repetam enim) meminisse oportet officii tui titulum, ac tibi ipsi interpretari, quale quantumque sit ordinare statum liberarum civitatum. Nam quid ordinatione civilius? Quid libertate pretiosius? Porro quam turpe, si ordinatio everfione, libertas servitute mutetur?

tur? Accedit, quod tibi certamen est tecum: onerat te quæsturæ tuæ fama, quam ex Bithynia optimam revexisti: onerat testimonium principis: onerat tribunatus, prætura, atque hæc ipsa legatio, quasi præmium data. Quo magis nitendum est, ne in longinquam provinciam quam suburbanam, ne inter servientes quam liberos, ne sorte quam iudicio missus, ne rudis & incognitus quam exploratus probatusque, humanior, melior, peritior fuisse videaris: cum sit alioqui, ut sæpe audisti, sæpe legisti, multo deformius, amittere quam non assequi laudem. Hæc velim credas (quod initio dixi), scripsisse me admonentem, non præcipientem; quanquam præcipientem quoque. Quippe non vereor, in amore ne modum exceßerim. Neque enim periculum est, ne sit nimium, quod esse maximum debet. Vale.

LIBER IX.

I. C. PLINIVS MAXIMO

S V O S.



ÆPETE monui, ut libros, quos vel pro te, vel in Blateram, immo & pro te & in illum (ita enim materia co-gebat) composuisti, quam maturissime emitteres: quod nunc præcipue, morte ejus audita, & hortor, & moneo. Quamvis enim legeris multis, legendosque dederis, nolo tamen quemquam opinari, defuncto demum inchoatos, quos incolumi eo peregisti. Salva sit tibi constantiæ fama. Erit autem, si notum æquis iniquisque fuerit, non post inimici mortem scribendi tibi natam esse fiduciam, sed jam para-
tam

tam editionem morte præventam. Simul vitabis illud :

Οὐχ ὅσον φθιμένοις ἐν ἀνδράσι διχ-
τάσθαι.

Nam quod de vivente scriptum, de vivente recitatum est, in defunctum quoque, tanquam viventem adhuc, editur. Si editur, statim. Igitur : si quid aliud in manibus, differ : interim hoc perfice, quod nobis, qui legimus olim, absolutum videtur : sed jam videatur & tibi ; cujus cunctationem nec res ipsa desiderat, & temporis ratio præcidit. Vale.

II. C. PLINIUS SABINO

s v o s.

FAcis jucunde, quod non solum plurimas epistolas meas, verum etiam longissimas, flagitas. in quibus parcius fui, partim quia tuas occupationes verebar, partim quia ipse multum distringebar, plerumque frigidis, negotiis : quæ simul & avocant animum & comminuunt. Præterea nec materia plura scribendi dabatur. neque enim eadem nostra conditio, quæ M. Tullii, ad cujus exemplum nos vocas. Illi enim & copiosissimum ingenium, & par ingenio materia ; quam tam varietas rerum, quam magnitudo largissime suppeditabat. Nos quam angustis terminis claudamur, etiam tacente me, perspicis : nisi forte volumus scholasticas tibi, atque (ut ita dicam) umbraticas literas mittere. Sed nihil minus aptum arbitramur, quum arma vestra, quum castra, quum denique cornua, tubas, sudorem, pulverem, soles cogitamus. Habes, ut puto, justam excusationem : quam tamen dubito an tibi probari velim. Est enim summi amoris, negare veniam brevibus epistolis

stolis amicorum, quamvis scias illis constare rationem. Vale.

III. C. PLINIVS PAVLINO

S V O S.

ALius alium, ego beatissimum existimo, qui bonæ mansuræque famæ præsumptione perfruitur, certusque posteritatis cum futura gloria vivit. Ac mihi nisi præmium æternitatis ante oculos, pingue illud altumque otium, placeat. Etenim omnes homines arbitror oportere aut immortalitatem suam aut mortalitatem cogitare: & illos quidem contendere & non remitti, tum hos quiescere, nec brevem vitam caducis laboribus fatigare: ut video multos, miserâ simul & ingrâtâ imagine industriæ, ad mortalitatem sui pervenire. Hæc ego tecum, quæ quotidie mecum, ut desinam mecum, si dissenties tui; quamquam non dissenties, ut qui semper præclarum aliquid & immortale meditaris. Vale.

IV. C. PLINIVS MACRINO

S V O S.

Vererer ne immodicam orationem putares, quam cum hac epistola accipies, nisi esset generis ejus, ut sæpe incipere, sæpe desinere videatur. Nam singulis criminibus singulæ velut causæ continentur. Poteris ergo, undecunque inceperis, ubicunque desieris, quæ deinceps sequentur & quasi incipientia legere, & quasi cohærentia; meque in universitate longissimum, brevissimum in partibus judicare. Vale.

V. C.

V. C. PLINIUS TIRONI

S V O S.

EGregie facis (inquiro enim, & perseverare) quod justitiam tuam provincialibus multa humanitate commendas: cujus præcipua pars est, honestissimum quemque complecti, atque ita à minoribus amari, ut simul à principibus diligare. Plerique autem, dum verentur ne gratiæ potentium nimium impertiri videantur, sinisteritatis atque etiam malignitatis famam consequuntur. A quo vitio tu longe recessisti, scio: sed temperare mihi non possum, quo minus laudem, similis moneanti, quod eum modum tepes, ut discrimina ordinum dignitatumque custodias: quæ si confusa, turbata, permixta sint, nihil est ipsa æqualitate inæqualius. Vale.

VI. C. PLINIVS CALVISIO

S V O S.

OMne hoc tempus inter pugillares ac libellos jucundissima quiete transmisi. Quemadmodum, inquis, in urbe potuisti? Circenses erant; quo genere spectaculi ne levissime quidem teneor. Nihil novum, nihil varium, nihil quod non semel spectasse sufficiat. Quo magis miror, tot millia virorum tam pueriliter identidem cupere currentes equos, insistentes curribus homines videre. Si tamen aut velocitate equorum, aut hominum arte traherentur, esset ratio nonnulla: nunc favent panno, pannum amant: & si in ipso cursu, medioque certamine, hic color illuc, ille huc transferatur, studium favorque transibit, & repente agitantes illos, equos illos, quos procul noscitant, quorum clamitant nomina, relinquent. Tanta gratia, tanta auctoritas in una vilissima tunica. Mitto
apud

apud vulgus, quod vilius tunica est; sed apud quosdam graves homines : quos ego quum recordor, in re inani, frigida, assidua, tam insatiabiliter desiderare, capio aliquam voluptatem, quod hac voluptate non capiar. Ac per hos dies libentissime otium meum in literis colloco, quos alii otiosissimis occupationibus perdunt. Vale.

VII. C. PLINIVS ROMANO

s v o S.

Ædificare te scribis, bene est. Inveni patrocinium. Ædifico enim jam ratione, quia tecum. Nam hoc quoque non dissimile, quod ad mare tu, ego ad Larium lacum. Hujus in litore plures villæ me, sed duæ ut maxime delectant, ita exercent. Altera imposita saxi, more Baiano, lacum prospicit : altera, æque more Baiano, lacum tangit. Itaque illam, tragœdiam; hanc, appellare comœdiam soleo : illam, quod quasi cœthurnis; hanc, quod quasi focculis, sustinetur. Sua utrique amœnitas, & utramque possidenti ipsa diversitate jucundior. Hæc lacu propius, illa latius utitur : hæc unum sinum molli curvamine amplectitur, illa editissimo dorso duos dirimit : illic recta gestatio longo limite super litus extenditur, hic spatiosissimo xylo leviter inflectitur : illa fluctus non sentit, hæc frangit : ex illa possis despicere piscantes, ex hac ipse piscari, hamumque è cubiculo, ac pene etiam lectulo, ut è navicula, jacere. Hæ mihi causæ utrique quæ defunt austruendi, ob ea quæ supersunt. Sed quid ego rationem tibi, apud quem pro ratione erit, idem facere ? Vale.

VIII. C:

VIII. C. PLINIVS AVGVRIÑO

S V O S.

SI laudatus à te laudare te cœpero, vereor ne non tam proferre iudicium meum, quam referre gratiam videar. Sed, licet videar, omnia scripta tua pulcherrima existimo; maxime tamen illa quæ de nobis. Accedit hoc, unâ eâdemque de causâ. Nam & tu, quæ de amicis, optime scribis, & ego quæ de me, ut optima, lego. Vale.

IX. C. PLINIVS COLONI

S V O S.

VNice probo, quod Pompeii Quintiani morte tam dolenter afficeris; ut amissi caritatem desiderio extendas; non, ut plerique, qui tantum viventes amant, seu potius amare se simulant, ac ne simulant quidem, nisi quos florentes vident. Nam miserorum, non secus ac defunctorum, obliviscuntur; sed tibi perennis fides, tantaque in amore constantia, ut finiri, nisi tua morte, non possit. Et, hercule, is fuit Quintianus, quem diligi deceat exemplo ipsius. Felices amabat, miseros tuebatur, desiderabat amissos. Iam illa quanta probitas in ore? quanta in sermone cunctatio? quam pari libra gravitas comitasque? quod studium literarum? quod iudicium? qua pietate cum dissimillimo patre vivebat? quam non obstabat illi, quo minus vir optimus videretur, quod erat optimus filius? Sed quid dolorem tuum exulcero? quanquam sic amasti viventem, ut hæc audire potius, quam de illo fileri velis: à me præsertim, cujus prædicatione putas vitam ejus ornari, memoriam prorogari, ipsamque illam, qua est raptus, ætatem posse restitui. Vale.

X. C.

X. CORNELIO TACITO SVO

C. PLINIVS S.

CVpio præceptis tuis parere; sed aprorum tanta penuria est, ut Minervæ & Dianæ, quas ais pariter colendas, convenire non possit. Itaque Minervæ tantum serviendum est; delicate tamen, ut in secessu, & æstate. In via plane nonnulla leviora, statimque delenda, ea garrulitate, qua sermones in vehiculo feruntur, extendi. His quædam addidi in villa, quum aliud non liberet. Itaque poemata quiescunt; quæ tu inter nemora & lucos commodissime perfici putas. Oratiunculam unam & alteram retractavi: quanquam id genus operis inamabile, inamœnum, magisque laboribus ruris, quam voluptatibus simile. Vale.

XI. C. PLINIVS GEMINIO

SVO S.

EPistolam tuam jucundissimam recepi; eo maxime, quod aliquid ad te scribi volebas, quod libris inferi posset. Obveniet materia, vel hæc ipsa quam monstras, vel potior alia. Sunt enim in hac offendicula nonnulla: circumfer oculos, & occurrent. Bibliopolas Lugduni esse non putabam: ac tanto libentius ex literis tuis cognovi venditari libellos meos, quibus peregre manere gratiam, quam in urbe collegerint, delector. Incipio enim satis absolutum existimare, de quo tanta diversitate regionum discreta hominum judicia consensunt. Vale.

XII. C. PLINIVS IVNIORI

SVO S.

Castigabat quidam filium suum, quod paulo sumptuosius equos & canes emeret. Huic ego,
L
juve-

juvene digresso, Heus tu, nunquamne fecisti, quod à patre corripì posset? Fecisti, dico? Non interdum facis quod filius tuus? Si repente pater ille, tu filius, pari gravitate reprehendat. Non omnes homines aliquo errore dueuntur? Non hic in illo sibi, in hoc alius, indulget? Hæc tibi admonitus immodicæ severitatis exemplo, pro amore mutuo, scripsi, ne quando tu quoque filium tuum acerbius duriusque tractares. Cogita & illum puerum esse, & te fuisse: atque ita hoc quod es pater utere, ut memineris & te hominem esse, & hominis patrem. Vale.

XIII. C. PLINIVS QVADRATO

S V O S.

QVanto studiosius intentiusque legisti libros, quos de Helvidii ultione composui, tanto impensius postulas, ut perscribam tibi, quæque extra libros, quæque circa libros, totum denique ordinem rei, cui per ætatem non interfuisti. Occiso Domitiano statui mecum ac deliberavi, esse magnam pulchramque materiam insectandi nocentes, miseros vindicandi, se proferendi. Porro, inter multa scelera multorum, nullum atrocius videbatur, quam quod in Senatu senator senatori, prætorius consulari, reo iudex, manus intulisset. Fuerat alioqui mihi cum Helvidio amicitia, quanta potuerat esse cum eo, qui metu temporum nomen ingens, paresque virtutes, secessu tegebat. Fuerat cum Arria & Fannia: quarum altera, Helvidii noverca, altera, mater novercæ. Sed non ita me jura privata ut publicum fas, & indignitas facti, & exempli ratio, incitabat. Ac primis quidem diebus redditæ libertatis pro se quisque inimicos suos, duntaxat minores, incondito turbidoque

cla-

clamore postulaverat simul & oppresserat: ego & modestius & constantius arbitratus immanissimum reum non communi temporum invidia, sed proprio crimine urgere: quum jam satis ille primus impetus deferbuisset, & languidior indies ira ad justitiam redisset, quanquam tum maxime tristis, amissa nuper uxore; mitto ad ² Anteiam (nupta hæc Helvidio fuerat) rogo ut veniat, quia me recens adhuc luctus limine contineret. Ut venit; Destinatum est, inquam, mihi, maritum tuum non inultum pati: nuntia Arriæ & Fanniæ (ab exilio enim redierant) consule te, consule illas, an velitis adscribi factò, in quo ego comite non egeo: sed non ita gloriæ meæ faverim, ut vobis societatem ejus invideam. Perfert Anteia mandata; nec illæ morantur. Opportune Senatus intra diem tertium. Omnia ego semper ad Corellium retuli, quæ prudentissimum ætatis nostræ sapientissimumque cognovi: in hoc tamen contentus consilio meo fui, veritus ne vetaret (erat enim cunctantior cautiorque) sed non sustinui inducere in animum, quo minus illi eodem die facturum me indicarem, quod an facerem non deliberabam: expertus usu, de eo quod destinaveris, non esse consulendos, quibus consultis obsequi debeas. Venio in Senatum; jus dicendi peto; dico paulisper maximo assensu. Vbi cœpi crimen attingere, reum destinare (adhuc tamen sine nomine) undique mihi reclamari. Alius; SCIAMVS QVI SIT, DE QVO EXTRA ORDINEM REFERAS: alius; QVIS EST ANTE RELATIONEM REVS? alius; SALVI SIMVS QVI SUPERSVMVS. Audio inperturbatus, interritus: tantum susceptæ rei honestas valet, tantumque ad fiduciam vel metum differt, nolint homines quod facias, an non probent. Longum est omnia, quæ tunc hinc inde

jactata sunt, recensere. Novissime consul; SECVN-
 DE, SENTENTIÆ LOCO DICES, SI QUID VOLVE-
 RIS. PERMISERIS, inquam, QVOD VSQVE AD-
 HVC OMNIBVS PERMISISTI. Resido: aguntur
 alia. Interea me quidam ex consularibus amicis se-
 creto accuratoq; sermone, quasi nimis fortiter in-
 cauteque progressum, corripit, revocat, monet ut
 desistam. Adjecit etiam; Notabilem ³ te futuris
 principibus fecisti. Esto, inquam, dum malis. Vix
 ille discefferat, rursus alter; Quid audes? ⁴ cur ruis?
 quibus te periculis objicis? quid præsentibus con-
 fidis incertus futurorum? Laceffis hominem jam
 præfectum ærarii, & brevi consulem; præterea qua
 gratia, quibus amicitiiis fultum? Nominat quen-
 dam, qui tunc ad orientem amplissimum exer-
 citum, non sine magnis dubiisque rumoribus, ob-
 tinebat. Ad hæc ego; Omnia percepi, atque animo
 mecum ante peregi: nec recuso, si ita casus at-
 tulerit, luere pœnas ob honestissimum factum,
 dum flagitiosissimum ulciscor. Iam tensendi tem-
 pus. Dicit Domitius Apollinaris, consul designa-
 tus, dicit Fabritius Veiento, Fabius Posthumius,
 Vectius Proculus, collega Publicii Certi, de quo a-
 gebatur, uxoris autem meæ, quam aniferam, vitri-
 cus: post hos ⁵ Annius Flaccus. Omnes Certum,
 nondum à me nominatum; ut nominatum defend-
 unt: crimenq; quasi in medio relictum defensione
 suscipiunt. Quæ præterea dixerint, non est necesse
 narrare; in libris habes. Sum enim cuncta ipsorum
 verbis persequutus. Dicunt contra Avidius Quie-
 tus, Cornutus Tertullus. Quietus; iniquissimum
 esse, querelas dolentium excludi: ideoque Arriæ
 & Fanniæ jus querendi non auferendum: nec
 interesse cujus ordinis quis sit, sed quam cau-
 sam habeat. Cornutus; datum se à consulibus tu-
 torem

torem Helvidii filiae, petentibus matre ejus & vitrico: nunc quoque non sustinere deferere officii sui partes; in quo tamen, & suo dolori modum imponere, & optimarum feminarum perferre modestissimum affectum: quas contentas esse admonere Senatum Publicii Certi cruentæ adulationis: & petere, si pœna flagitii manifestissimi remittatur, nota Certo quasi censoria inuratur. Tum Satrius Rufus medio ambiguoque sermone, Puto, inquit, injuriam factam Publicio Certo, si non absolvitur: nominatus est ab amicis Arriæ & Fanniae, nominatus ab amicis suis; nec debemus solliciti esse. Idem enim nos qui bene sentimus de homine, judicaturi sumus: si innocens est, sicuti & spero, & malo, donec aliquid probetur, credo poteritis absolvere. Hæc illi, quo quisque ordine citabantur. Venitur ad me; consurgo; utor initio, quod in libro est; respondeo singulis. Mirum qua intentione, quibus clamoribus omnia exceperint, qui modo reclamabant. Tanta conversio vel negotii dignitatem, vel proventum orationis, vel actoris constantiâ, subsequuta est. Finio. Incipit respondere Veiento nemo patitur: obturbatur, obstrepitur: adeo quidē ut diceret; *ROGO, PATRES C. NE ME COGATIS IMPLORARE AUXILIUM TRIBUNORVM.* Et statim Murenatribunus, *PERMITTO TIBI, VIR CLARISSIME VEIENTO, DICERE.* Tunc quoq; reclamatur. Inter moras consul citatis nominibus, & peracta discessione, mittit Senatum: ac pene adhuc stantem tentantemque dicere Veientonem relinquit. Multum ille de hac (ita vocitabat) contumelia, questus est Homericō versu,

ὦ γέρον, ἢ μάλιστα δὴ σὺ νέος τεύκεσι μαχηταί.

Non fere quisquam in Senatu fuit qui non me complecteretur, exoscularetur, certatimque lau-

de cumularer, quod intermissum tamdiu morem in publicum consulendi, susceptis propriis simulatibus, reduxissem: quod denique Senatum invidia liberassem, qua flagrabat apud ordines alios, quod severus in ceteros, senatoribus solis, dissimulatione quasi mutua, parceret. Hæc acta sunt absente Certo. Abfuit enim, seu tale aliquid suspicatus, sive, ut excusabatur, infirmus. Et relationem quidem de eo Cæsar ad Senatum non remisit: obtinui tamen quod intenderam. Nam collega Certi consulatum, successorem Certus accepit: planeque factum est quod dixeram in fine; REDDAT PRÆMIUM SVB OPTIMO PRINCIPE, QVOD A PESSIMO ACCEPIT. Postea actionem meam, utcunq; potui, recollegi: addidi multa. Accidit fortuitum (sed non tanquam fortuitum) quod, editis libris, Certus intra paucissimos dies implicitus morbo decessit. Audivi referentes, hanc imaginem menti ejus, hanc oculis oberrasse, tanquam videret me sibi cum ferro imminere. Verane hæc, affirmare non aulam: interest tamen exempli, ut vera videantur. Habes epistolam; si modo epistolam cogitas libris quos legisti non minorem. Sed imputabis tibi, qui contentus libris non fuisti. Vale.

XIV. C. PLINIVS TACITO

S V O S.

NEC ipse tibi plaudis, & ego nihil magis ex fide quam de te scribo. Posteris an aliqua cura nostræ, nescio: nos certe meremur ut sit aliqua, non dico ingenio (id enim superbum) sed studio, sed labore, & reverentia posterorum. Pergamus modo itinere instituto: quod ut paucos in lucem famamque provexit, ita multos è tenebris & silentio protulit. Vale.

XV. C.

XV. C. PLINIVS ⁶FALCONI

s v o S.

Refugeram in Tuscos, ut omnia ad arbitrium meum facerem: at hoc ne in Tuscis ⁷quidem: tam multis undique rusticorum libellis, & tam querulis, inquietor; quos aliquanto magis invitus quam meos lego. Nam & meos invitus. Retracto enim ⁸actiunculas quasdam; quod, post intertapedinem temporis, & frigidum & acerbum est. Ratiocinationes, quasi absente me, negliguntur. Interdum tamen equum conscendo, & patrem familiæ hætenus ago, quod aliquam partem prædiorum, sed pro gestatione, percurro. Tu consuetudinem serva, nobisque sic rusticis urbana acta perscribe. Vale.

XVI. C. PLINIVS MAMILIANO

s v o S.

Summam te voluptatem percepisse ex isto copiosissimo genere venandi non miror, cum historicorum more scribas numerum iniri non potuisse. Nobis venari nec vacat, nec libet: non vacat, quia vindemiæ in manibus: non libet, quia exiguæ. Devehemus tamen pro novo musto novos versiculos tibi, quos jucundissime exigenti, ut primum videbuntur deferbuisse, mittemus. Vale.

XVII. C. PLINIVS GENITORI

s v o S.

Accepi tuas literas, quibus quereris, tædio tibi fuisse quamvis lautissimam cœnam, quia scurræ, cinædi, moriones mensis inerrabant. Vis tu remittere aliquid ex rugis? Equidem nihil tale habeo, habentes tamen fero. Cur ergo non habeo? quia nequaquam me ut in expectatum festivum ve-

delectat, si quid molle à cinædo, petulans à scurra, stultum à morione profertur. Non rationem, sed stomachum tibi narro. Atque adeo quam multos putas esse, quos æque ea quibus ego & tu capimur & ducimur, partim ut inepta, partim ut molestissima offendant? Quam multi, quum lector aut lyristes aut comædus inductus est, calceos poscunt, aut non minore cum tædio recubant, quam tu ista (sic enim appellas) prodigia perpeffus es? Demus igitur alienis oblectationibus veniam, ut nostris impetremus. Vale.

XVIII. C. PLINIVS SABINO

S V O S.

Qua intentione, quo studio, qua denique memoria, legeris libellos meos, epistola tua ostendit. Ipse igitur exhibes negotium tibi, qui elicis & invitas, ut quamplurima communicare tecum velim. Faciam; per partes tamen, & quasi digesta, ne istam ipsam memoriam, cui gratias ago, assiduitate & copia turbem, oneratamque, & quasi oppressam, cogam pluribus singula, posterioribus priora dimittere. Vale.

XIX. C. PLINIVS RVFONI

S V O S.

Significas, legisse te in quadam epistola mea, iussisse Virginium Rufum inscribi sepulcro suo;

HIC SITVS EST RVFVS; PVLSO QVI VINDICE QVONDAM

IMPERIVM ASSERVIT NON SIBI, SED PATRIÆ.

Reprehendis quod iusserit; addis etiam, melius rectiusque Frontinum, quod vetuerit omnino monumentum sibi fieri: meque ad extremum, quid de utroque sentiam, consulis. Vtrunque dilexi; miratus sum magis quem tu reprehendis, adeoque mira-

miratus, ut non putarem satis unquam laudari posse, cujus nunc mihi subeunda defensio est. Omnes ego, qui magnum aliquod memorandumque fecerunt, non modo venia, verum etiam laude dignissimos judico, si immortalitatem, quam meruere, sectantur, victurique nominis famam supremis etiam titulis prorogare nituntur. Nec facile quemquam nisi Virginium invenio, cujus tanta in prædicando verecundia, quanta gloria ex facto. Ipse sum testis, familiariter ab eo dilectus probatusque, semel omnino, me audiente, provectum, ut de rebus suis hoc unum referret, ita secum aliquando Cluvium loquutum; Scis, Virgini, quæ historiæ fides debeat: proinde si quid in historiis meis legis aliter ac velles, rogo ignoscas. Ad hoc sic illum; Cluvine, tu ignoras, ideo me fecisse quod feci, ut esset liberum vobis scribere quæ libuisset. Agedum, hunc ipsam Frontinum in hoc ipso, in quo tibi paucior videtur, & pressior, comparemus. Vetuit extrui monumentum: sed quibus verbis? Impensa monumenti supervacua est; memoria nostri durabit, si vita meruimus: An restrictius arbitraris per orbem terrarum legendam dare duraturam memoriam sui, quam uno in loco duobus versiculis signare quod feceris? Quanquam non habeo propositum illum reprehendendi, sed hunc tuendi: cujus quæ potest apud te justior esse defensio, quam ex collatione ejus quem prætulisti? Meo quidem judicio neuter culpandus, quorum uterque ad gloriam pari cupiditate; diverso itinere, contendit; alter, dum expetit debitos titulos; alter, dum mavult videri contempsisse. Vale.

XX. C. PLINIVS VENATORI

S V O S.

TVa vero epistola tanto mihi jucundior fuit, quanto longior erat, præsertim cum de libellis meis tota loqueretur: quos tibi voluptati esse non miror, cum omnia nostra perinde ac nos ames. Ipse cum maxime vindemias, graciles quidem, uberiores tamen quam exspectaveram, colligo; si colligere est, nonnunquam decerpere uvam, torculum invisere, gustare de lacu mustum, obrepere urbanis, qui nunc rusticis præsunt, meque notariis & lectoribus reliquerunt. Vale.

XXI. C. PLINIVS SABINIANO.

S V O S.

Libertus tuus, cui succensere te dixeras, venit ad me, advolutusque pedibus meis tanquam tuis hæsit. Flevit multum, multumque rogavit; multum etiam tacuit: in summa, fecit mihi fidem poenitentiae. Vere credo emendatum, quia deliquisse se sentit. Irasceris, scio: & irasceris merito, id quoque scio: sed tunc præcipua mansuetudinis laus, quum iræ causa iustissima est. Amasti hominem, &, spero, amabis: interim sufficit, ut exorari te sinas. Licebit rursus irasci, si meruerit: quod exoratus excusatus facies. Remitte aliquid adulescentiae ipsius, remitte lacrymis, remitte indulgentiae tuæ: ne torseris illum, ne torseris etiam te. Torqueris enim, quum tam lenis irasceris. Vereor ne videar non rogare, sed cogere, si precibus ejus meas junxero. Iungam tamen tanto plenius & effusius, quanto ipsum acrius severiusque corripui, districte minatus, nunquam me postea rogaturum. Hoc illi, quem terreri oportebat, tibi non idem. Nam fortasse iterum rogabo, iterum impetrabo: sit

fit modo tale, ut rogare me, præstare te deceat.
Vale.

XXII. C. PLINIVS SEVERO

S V O S.

Magna me solitudine affecit Passieni Pauli valetudo, & quidem plurimis justissimisque de causis. Vir est optimus, honestissimus, nostri amantissimus, præterea in literis veteres æmulator, exprimit, reddit: Propertium inprimis, à quo genus ducit, vera soboles, eoque simillima illi, in quo ille præcipuus. Si elegos ejus in manum sumptis, leges opus tersum, molle, jucundum, & plane in Propertii domo scriptum. Nuper ad lyrica deflexit. In quibus ita Horatium, ut in illis illum alterum, effingi. Putes, si quid in studiis cognatio valet, & hujus ¹o propinquum. Magna varietas, magna mobilitas. Amat ut qui verissime, dolet ut qui impatientissime, laudat ut qui benignissime, ludit ut qui facetissime: omnia denique tanquam singula absolvit. Pro hoc ego amico, pro hoc ingenio, non minus æger animo quam corpore ille, tandem illum, tandem me recepi. Gratulare mihi; gratulare etiam literis ipsis, quæ ex periculo ejus tantum discrimen adierunt, quantum ex salute gloriæ consequentur. Vale.

XXIII. C. PLINIVS MAXIMO

S V O S.

Frequenter agenti mihi evenit, ut centumviri, quum diu se intra judicium auctoritatem gravitatemque tenuissent, omnes repente quasi victi coæctique consurgerent laudarentque. Frequenter è Senatu famam, qualem maxime optaveram, retuli: nunquam tamen majorem cepi voluptatem, quam nuper ex sermone Cornelii Taciti. Narra-

L 6

bat,

bat, sedisse secum Circensibus proximis equitem Rom. hunc post varios eruditosque sermones requisisse, Italicus es, an provincialis? se respondisse, Nosti me, & quidem ex studiis. Ad hoc illum, Tacitus es, an Plinius? Expressere non possum, quam sit jucundum mihi, quod nomina nostra, quasi literarum propria, non hominum, literis redduntur: quod uterque nostrum his etiam ex studiis notus, quibus aliter ignotus est. Accidit aliud ante pauculos dies simile. Recumbebat mecum vir egregius, Fabius Rufinus, super eum municeps ipse, qui illo die primum in urbem venerat: cui Rufinus, demonstrans me. Vides hunc? Multa deinde de studiis nostris. Et ille, Plinius est, inquit. Verum fatebor, capio magnum laboris mei fructum. An, si Demosthenes jure lætatur est, quod illum anus Attica ita demonstravit, Οὗτός ἐστι Δημοσθένης! ego celebritate nominis mei gaudere non debeo? Ego vero & gaudeo, & gaudere me dico. Neque enim vereor ne jactantior videar, quum de me aliorum judicium, non meum, profero: præsertim apud te, qui nec ullius invides laudibus, & faves nostris. Vale.

XXIV. C. PLINIVS SABINIANO

S V O S.

BEne fecisti quod libertum, aliquando tibi carum, reducentibus epistolis meis in domum, in animum recepisti. Juvabit hoc te: me certe juvat; primum, quod te ¹¹ talem video ut in ira regi possis: deinde quod tantum mihi tribuis, ut vel auctoritati meæ pareas, vel precibus indulgeas. Igitur & laudo & gratias ago. Simul in posterum moneo, ut te erroribus tuorum, etsi non fuerit qui deprecetur, placabilem præstes. Vale.

XXV. C.

XXV. C. PLINIVS MAMILIANO

S V O S.

QVereris de turba castrenſium negotiorum, &, tanquam ſummo otio perfruare, luſus & ineptias noſtras legis,amas,flagitas,meque ad ſimilia condenda non mediocriter incitas. Incipio enim ex hoc genere ſtudiorum non ſolum oblectationem, verum etiam gloriā petere, poſt iudicium tuum,viri graviffimi,erudiſſimi, ac ſuper iſta veriffimi. Nunc me rerum actus modice, ſed tamen diſtringit: quo finito aliquid earundem Camœnarum in iſtum benigniſſimum ſinum mittam. Tu paſſerculis & columbulis noſtris inter aquilas veſtras dabis pennas, ſi tamen & ſibi & tibi placebunt: ſi tantum ſibi, continendos cavea nidove curabis. Vale.

XXVI. C. PLINIVS LVPERCO

S V O S.

Dixi de quodam oratore ſeculi noſtri, recto quidem & ſano, ſed parum grandi & ornato, ut opinor, apte. Nihil peccat, niſi quod nihil peccat. Debet enim orator erigi, attolli, interdum etiam efferveſcere, efferri, ac ſæpe accedere ad præceps. Nam plerunque altis & excelsis adjacent abrupta: tutius per plana, ſed humilius & depreſſius iter: frequentior currentibus quam reptantibus lapſus: ſed his non labentibus nulla laus, illis nonnulla laus etiamſi labantur. Nam ut quædam artes, ita eloquentiam nihil magis quam ancipitia commendant. Vides, qui per funem in ſumma nituntur, quantos ſoleant excitare clamores, quum jam jamque caſuri videntur. Sunt enim maxime mirabilia quæ maxime inſperata, maxime periculofa, utque Græci magis exprimunt *ἐπιδρομή*.

L 7

Ideo

Ideo nequaquam par gubernatoris est virtus, quum placido & cum turbato mari vehitur: tunc admirante nullo illaudatus, inglorius subit portum; at quum stridunt funes, curvatur arbor, gubernacula gemunt, tunc ille clarus & diis maris proximus. Cur hæc? Quia visus es mihi in scriptis meis annotasse quædam ut tumida, quæ ego sublimia; ut improba, quæ ego audentia; ut nimia, quæ ego plena arbitrabar. Plutrium autem refert, reprehendenda annotes, an insignia. Omnis enim advertit quod eminent & extat; sed acri intentione dijudicandum est, immodicum sit an grande, altum an enorme. atque ut Homerum potissimum attingam, quem tandem alterutram in partem potest fugere,

—— βεῖχε δ' ὀρεῖα χθών,

Ἀμρι δ' ἐσάλη πηξέ μεγας ἐρενός.

& totum illud,

Ὡς δ' ὅτε χείμαῖροι παταμοὶ καὶ ὄρεσσι
ρέοντες

Εἰς μισγάκειαν συμβάλλετον ὀμβριμον
ὑδωρ.

Sed opus est examine & libra, incredibilia sint hæc ¹² & immania, an magnifica & cælestia. Nec nunc ego me his similia aut dixisse aut posse dicere puto. Non ita infanio: sed hoc intelligi volo, laxandos esse eloquentiæ frenos, nec angustissimo gyro ingeniorum impetus refringendos. At enim alia conditio oratorum, alia poetarum. Quasi vero M. Tullius minus audeat. Quamquam hunc omitto: neque enim ambigi puto. Sed Demosthenes ipse, ille norma oratoris & regula, num se cohibet & comprimit, quum dicit illa notissima? Ἄνθρωποι μαργί, καὶ κέλαρες, καὶ αἰλάσσοις. Et rursus: καὶ γὰρ λίθοις ἐτείχευα τὴν πόλιν, καὶ πλίν-

πλίνθοις ἐγὼ. Et statim: ἐκ ἐκ μὲν θαλάπῃς
 τὴν εὐβοίαν περιβαλόμην ἐγὼ πρὸς τὴν Ἀπὶ-
 κῆς. [ὅσον ὡς ἀνθρωπίνῳ λογισμῷ δυνατὸν.]
 Et alibi: ἐγὼ ὅ οἶμαί μιν, ὡς ἄνδρες Αθλιῶται,
 νῦν τὸς θεὸς ἐκείνον μεθύειν τῷ μεγέθει τῆς πεπρα-
 γμένων. Iam quid audentius illo pulcherrimo ac
 longissimo excessu? νόσημα γάρ. Quid hæc bre-
 viora superioribus, sed audacia paria? Τότε ἐγὼ
 μὲν τῷ Πύθωνι δρασωμένῳ καὶ πολλῶν ῥέοντι κατὰ
 ὑμῶν. Ex eadem nota: Ὅταν ὅ ἐκ πλεονεξίας
 καὶ πονηρίας τις, ὥσπερ ἔτ' ἰσχύς, ἢ πρὸς τὴν
 πρὸς τὰς καὶ μικρὸν πᾶσιμα ἀπαντα ἀνιχνύ-
 πτε καὶ δέλυσσε. Simile his: Ἀπεχρυσισμένῳ
 ἀπασιν τοῖς ἐν τῇ πόλει δικαίαις γνώσεσι τριῶν
 δικαστηρίων. Et ibidem: σὺ δὲ εἰς ταῦτα ἔλθων
 προσδωκας Ἀρεστογείτον, μᾶλλον ὅ ἀνήμερος
 ὄλως, μὴ δὴ πρὸς ἑς αὐτὸς ἐάλωκας λιμέναις,
 καὶ προσδωκῶν ἐπέπλησας, πρὸς τῆς ὁρμίσσε.
 Et dixerat: Δέδοικα μὴ δόξητέ μοι τὴν αἰεὶ βε-
 λόμενον εἶναι πονηρὸν τὸ ἐν τῇ πόλει παιδοδεί-
 βειν. ἀδελφεὲς μὲν γὰρ ὅτι πᾶς ὁ πονηρὸς, κατὰ
 ἑαυτὸν. Et deinceps; Τάτω δὲ ἑδέναι ἐρῶ τῶν
 τύπων τῶν βασιμῶν ὄντα, ἀλλὰ πάντα ὑπό-
 κρημα, φάραγας, βάρεατα. Nec satis: ἑδὲ
 γὰρ τὸς πρὸς τὸν ὑπολαμβάνω τὰ δικαστήρια
 ταῦτα οἰκοδεμῆσαι, ἵνα τὸς τοῖς ἐν αὐτοῖς
 μοχλεύετε, ἀλλὰ πᾶσιμα, ἵνα ἀνείργετε, καὶ
 κολλάζετε, καὶ μηδεὶς ζηλοῖ, μηδὲ ὀπισθυμῇ κα-
 κίας. Adhuc: Εἰ ὅ κάπηλός ἐστι πονηρίας, καὶ
 παλιγκάπηλός, καὶ μεταβολός. Et mille talia;
 ut præteream quæ ab Æschine δαύματα, non ῥή-
 ματα, vocantur. In contrarium incidi. Dices, hunc
 quoque ob ista culpari. Sed vide quanto major sit
 qui reprehenditur ipso reprehendente: & major
 ob hæc quoque. In aliis enim vis, in his granditas
 ejus

ejus elucet. Num autem Æschines ipse iis quæ in Demosthene carpebat, abstinuit? καὶ γὰρ [ὡς ἄνδρες Ἀθηναῖοι,] τὸ αὐτὸ φθέρειν τὸ ἴδιον καὶ τὸ νόμον ὅταν δ' ἐτίθεν μὲν βρωνὺ ἀριῆ νόμου, ἐτίθεν ὃ ὁ ῥήτωρ, τὸ τὸ νόμος δικαίως καὶ διδόναι τὴν ψήρον, ἢ τὴν τὸ λέγοντι ἀναιχιστία. Alio loco: ἔπειτα ἀνταρῶνται πρὸς πάντων ἐν τῇ ψήφισματι. πρὸς τῇ κλέμματα γραφῆς τὰ πέντε τάλαντα πρὸς τῶνδε, ἀξίων πρὸς ἡλείας μὴ ἡμῖν ἀλλὰ Καλλία διδόναι. ὅτι ὃ ἀληθὴ λέγω. ἀδελφὸν δὲ Κομπόν, καὶ τὰς τελεῖρας, καὶ τὴν ἀλαζονείαν ἐκ τῆ ψήφισματι, ἀνέγνωσι. Iterum alio: καὶ μὴ ἔατε αὐτὸν εἰς τὸς τῷ ᾧ νόμος λόγους πείσσειν. Quod adeo probavit, ut repetat, ἀλλὰ ἑκατὸν μισθοὶ καὶ ἐκδοῦντες ἐν τῇ ἐκκλησίᾳ εἰσελαύνετε αὐτὸν εἰς τὸς τῷ ᾧ νόμος λόγους, καὶ τὰς ἐκτροπὰς αὐτῷ τῷ λόγων ὁππότε. An illa custoditius pressiusque? σὺ ὃ ἐλκοποιεῖς, καὶ μὲν λόγους σοι μέλει τῷ αὐθιγέρον λόγων, ἢ τῷ σωτηρίας τῷ πόλεως. Altius illa: καὶ ὑποπέμψαμι δὲ ἀνδρωπον ὡς κοινὸν τῇ Ἑλλήνων συμφορᾷ, ἢ συλλαβόντες ὡς λησὴν τῇ πραγμάτων καὶ τῇ πολιτείας πλείοντα τιμωρήσασθαι. & alia. Exspecto ut quædam ex hac epistola, gubernacula gemunt, & diu maris proximis, iisdem notis quibus ea de quibus scribo, confodias. Intelligo enim me, dum veniam prioribus peto, in illa ipsa quæ annotaveras incidisse. Sed confodias licet, dummodo jam nunc destines diem, quo & de illis & de his coram exigere possimus. Aut enim tu me ¹³ timidum, aut ego te temerarium faciam. Vale.

XXVII. C. PLIN. ¹⁴ LATERANO

s y o s.

Quanta potestas, quanta dignitas, quanta majestas, quantum denique numen sit historiarum, cum frequenter alias, tum proxime sensi. Recitaverat quidam verissimum librum, partemque ejus in alium diem reservaverat: ecce amici ¹⁵ cujusdam orantes obsecrantesque ne reliqua recitaret. Tantus audiendi quæ fecerint pudor, quibus nullus faciendi quæ audire erubescunt. Et ille quidem præstitit quod rogabatur: sinebat fides. Liber tamen, ut factum ipsum, manet, manebit, legeturque semper, tanto magis, quia non statim. Incitantur enim homines ad agnoscenda quæ differuntur. Vale.

XXVIII. C. PLINIVS ROMANO

s v o - S.

Post longum tempus epistolas tuas, sed tres pariter, recepi, omnes elegantissimas, amantissimas, & quales à te venire, præsertim desideratas, oportebat: quarum una injungis mihi jucundissimum ministerium, ut ad Plotinam, sanctissimam feminam, literæ tuæ perferantur: perferentur. Eâdem commendas Popilium Artemisium: statim præstiti quod petebat. Indicas etiam, modicas te vindemias collegisse: Communis hæc mihi tecum, quanquam in diversissima parte terrarum, querela est. Altera epistola nuntias, multa te nunc dictare, nunc scribere, quibus nos tibi repræsentes. Gratias ago: agerem magis, si me illa ipsa quæ scribis aut dictas, legere voluisses. Et erat æquum ut te mea, ita me tua scripta cognoscere, etiam si ad alium quam ad me pertinerent. Polliceris in fine, quum certius de vitæ nostræ ordinatione aliquid au-

audieris, futurum te fugitivum rei familiaris, statimque ad nos evolaturum, qui jam tibi compedes necimus, quas perfringere nullo modo possis. Tertia epistola continebat, esse tibi redditam orationem pro ¹⁶ Clario, eamque visam uberiores quam dicente me, audiente te, fuerit. Est uberior. multa enim postea inferui. Adjicis, alias te literas curiosius scriptas misisse: an acceperim quæris: non accepi, & accipere gestio. Proinde prima quaque occasione mitte, appositis quidem usuris, quas ego (non parcius possum) centesimas computabo. Vale.

XXIX. C. PLINIVS RVSTICO

s v o S.

VT satius est unum aliquid insigniter facere, quam plurima mediocriter; ita plurima mediocriter, si non possis unum aliquid insigniter. Quod intuens ego, variis me studiorum generibus, nulli satis confusus, experior. Proinde quum hoc vel illud leges, ita singulis veniam, ut non singulis, dabis. An ceteris artibus excusatio in numero, literis durior lex, in quibus difficilior effectus est? Quid autem ego de venia quasi ingratus? Nam si ea facilitate hæc proxima acceperis, qua priora, laus potius speranda, quam venia obsecranda est. Mihi tamen venia sufficit. Vale.

XXX. C. PLINIVS GEMINIO

s v o S.

LAudas mihi, & frequenter præsens, & nunc per epistolas, Nonium tuum, quod sit liberalis in quosdam: & ipse laudo, sit tamen non in hos solos. Volo enim eum qui sit vere liberalis, tribuere patriæ, propinquis, affinibus, amicis, sed amicis dico pauperibus: non ut isti, qui iis potissimum donant,

nant, qui donare maxime possunt. Hos ego viscatibus hamatisque muneribus non sua promere puto, sed aliena corripere. Sunt ingenio simili, qui quod huic donant, auferunt illi, famamque liberalitatis avaritia petunt. Primum est autem, suo esse contentum: deinde, quos præcipue scias indigere, sustentantem foventemque, orbe quodam societatis ambire. Quæ cuncta si facit iste, usquequaque laudandus est: si unum aliquod, minus quidem, laudandus tamen. Tam rarum est etiam imperfectæ liberalitatis exemplar. Ea invasit homines habendi cupido, ut possideri magis quam possidere videantur. Vale.

XXXI. C. PLINIVS SARDO

SVO S.

POSTquam à te recessi, non minus tecum, quam quum apud te, fui. Legi enim librum tuum, identidem repetens ea maxime (non enim mentiar) quæ de me scripsisti. In quibus quidem percopiosus fuisti. Quam multa, quam varia, quam non eadem de eodem, nec tamen diversa, dixisti? Laudem pariter & gratias agam? Neutrum satis possum, & si possem, timerem ne arrogans esset, ob ea laudare, ob quæ gratias agerem. Vnum illud addam, omnia mihi tanto laudabiliora visa, quanto jucundiora; & tanto jucundiora, quanto laudabiliora erant. Vale.

XXXII. C. PLINIVS TITIANO

SVO S.

QVid agis? quid acturus es? Ipse vitam jucundissimam, id est, otiosissimam, vivo. Quo fit, ut scribere longiores epistolas nolim, velim legere: illud, tanquam delicatus; hoc, tanquam otiosus.

Nihil

Nihil est enim aut pigrius delicatis, aut curiosius otiosis. Vale.

XXXIII. C. PLINIVS CANINIO

S V O S.

Incidi in materiam veram, sed simillimam fictæ, dignamque isto latissimo, altissimo, planæque poetico ingenio. Incidi autem, dum super cœnam varia miracula hinc inde referuntur. Magna auctoris fides; tamen si quid poetæ cum fide? Is tamen auctor, cui bene vel historiam scripturus credidisses. Est in Africa Hipponensis colonia, mari proxima: adjacet ei navigabile stagnum, ex quo, in modum fluminis, æstuarium emergit, quod vice alterna, prout æstus aut repressit, aut impulit, nunc infertur mari, nunc redditur stagno. Omnis hic ætas piscandi, navigandi, atque etiam natandi studio tenetur: maxime puerorum, quos otium ludusque sollicitat. His gloria & virtus altissime provehi: victor ille qui longissime ut litus, ita simul nantes, reliquit. Hoc certamine puer quidam, audentior ceteris, in ulteriora tendebat: delphinus occurrit, & nunc præcedere puerum, nunc sequi, nunc circuire, postremo subire, deponere, iterum subire, trepidantemque perferre primum in altum: mox flectit ad litus, redditque terræ & æqualibus. Serpit per coloniam fama: concurrere omnes, ipsum puerum tanquam miraculum aspicere, interrogare, audire, narrare. Postero die obsident litus, prospectant mare, & si quid est mari simile. Natant pueri: inter hos ille, sed cautius. Delphinus rursus ad tempus, rursus ad puerum venit. Fugit ille cum ceteris. Delphinus, quasi invitet, revocet, exilit, mergitur, variosque orbes implicat expeditque. Hoc altero die, hoc tertio; hoc pluribus,

bus, donec homines innutritos mari subiret timendi pudor: accedunt, & alludunt, & appellant: tangunt etiam, pertrectantque ¹⁷ præbentem. Crescit audacia experimento. Maxime puer, qui primus expertus est, adnatat natanti, insilit tergo: fertur referturque, agnosci se, amari putat, amat ipse: neuter timet, neuter timetur. Hujus fiducia, mansuetudo illius augetur: nec non alii pueri dextrâ lævâque simul eunt hortantes monentefque. Ibat una (id quoque mirum) delphinus alius, tantum spectator & comes. Nihil enim simile aut faciebat, aut patiebatur: sed alterum illum ducebat, reducebat, ut puerum ceteri pueri. Incredibile (tam verum tamen quam priora) delphinum gestatorem collusoremque puerorum in terram quoque extrahi solitum, arenisque siccatum, ubi incaluisse, in mare revolvi. Constat Octavium Avitum, legatum proconsulis, in litus educto religionem prava superfudisse unguentum, cujus illi in novitatem odoremque in altum refugisse; nec nisi post multos dies visum languidum & mœstum; mox, redditus viribus, priorem lasciviam & solita ministeria repetisse. Confluebant ad spectaculum omnes magistratus, quorum adventu & mora modica respublica novis sumptibus atterebatur. Postremo locus ipse quietem suam secretumque perdebat. Placuit occulte interfici, ad quod coibatur. Hæc tu qua miseratione, qua copia deslebis, ornabis, attolles? Quanquam non est opus affingas aliquid aut adstruas: sufficit ne ea quæ sunt vera minuantur. Vale.

XXXIV. C. PLIN. TRANQVILLO

S V O S.

EXplica æstum meum. Audio me male legere duntaxat versus : orationes enim commodius, sed tanto minus versus. Cogito ergo recitaturus familiaribus amicis, experiri libertum meum. Hoc quoque familiare, quod elegi non bene, sed melius scio læturum : si tamen non fuerit perturbatus. Est enim tam novus lector, quam ego poëta. Ipse nescio quid illo legente interim faciam, sedeam defixus, & mutus, & similis otioso; an (ut quidam) quæ pronuntiabit, murmure, oculis, manu prosequar. Sed puto me non minus male saltare quam legere. Iterum dicam, explica æstum meum, verèque rescribe, num sit melius, pessime legere, quam ista vel non facere, vel facere. Vale.

XXXV. C. PLINIVS APPIO

S V O S.

Librum quem misisti, recepi, & gratias ago : sum tamen hoc tempore occupatissimus. Ideo nondum eum legi, cum alioqui validissime cupiam : sed eam reverentiam cum literis ipsis, tum scriptis tuis debeo, ut sumere illa, nisi vacuo animo, irreligiosum putem. Diligentiam tuam in retractandis operibus valde probo. Est tamen aliquis modus, primum, quod nimia cura deterit magis quam emendat ; deinde, quod nos à recentioribus revocat, simulque nec absolvit priora, & inchoare posteriora non patitur. Vale.

XXXVI. C. PLINIVS FVSCO

S V O S.

Quæris quemadmodum in Tuscis diem æstate disponam. Evigilo quum libuit, plerunque
circa

circa horam primam; sæpe ante; tardius raro: clausæ fenestræ manent. Mire enim silentio & tenebris animus alitur. Ab iis quæ avocant abductus, & liber, & mihi relictus, non oculos animo, sed animum oculis sequor, qui eadem quæ mens, vident, quoties non vident alia. Cogito si quid in manibus, cogito ad verbum scribenti emendantique similis: nunc pauciora, nunc plura, ut vel difficile vel facile componi tenerive potuerunt. Notarium voco, & die admissio, quæ formaveram dicto; abit, rursusque revocatur, rursusque remittitur. Vbi hora quarta vel quinta (neque enim certum dimensumque tempus) ut dies suasit, in xystum me vel cryptoporticum confero; reliqua meditor & dicto; vehiculum ascendo. Ibi quoque idem quod ambulans aut jacens. Durat intentio, mutatione ipsa refecta: paulum redormio, deia ambulo, mox orationem Græcam Latinamve clare & intente, non tam vocis causa quam stomachi, lego: pariter tamen & illa firmatur. Iterum ambulo, ungor, exerceor, labor. Cœnanti mihi, si cum uxore, vel paucis, liber legitur: post cœnam, ¹⁸ comœdi aut lyristes: mox cum meis ambulo, quorum in numero sunt eruditi. Ita variis sermonibus vespera extenditur, & quanquam longissimus dies cito conditur. Nonnunquam ex hoc ordine aliqua mutantur. Nam si diu ¹⁹ tacui, vel ambulavi, post somnum demum lectionemque, non vehiculo, sed (quod brevius, quia velocius) equo gestor. interveniunt amici ex proximis oppidis, partemque dici ad se trahunt, interdumque lassato mihi opportuna interpellatione subveniunt. Venor aliquando: sed non sine pugillaribus, ut quamvis nihil ceperim, nonnihil referam. Datur & colonis (ut videtur ipsis) non satis temporis,

poris, quorum mihi agrestes querelæ literas nostras
& istæc urbana opera commendant. Vale.

XXXVII. C. PLINIVS PAVLINO

s v o s.

NEc tuæ naturæ est, translatitia hæc & quasi
publica officia à familiaribus amicis contra
ipsorum commodum exigere: & ego te constan-
tius amo, quam ut verear ne aliter ac velim acci-
pias, nisi te calendis statim consulem videro: præ-
sertim cum me necessitas locandorum prædiorum
plures annos ordinatura detineat; in qua mihi no-
va consilia sumenda sunt. Nam priore lustro, quan-
quam post magnas remissiones, reliqua creverunt:
inde plerisque nulla jam cura minuendi æris ali-
eni, quod desperant posse persolveri; rapiunt etiam,
consumuntque quod natum est, ut qui jam putent
se non sibi parcere. Occurrendum ergo augeſcen-
tibus vitiis, & medendum est. Medendi una ratio,
²⁴ si non nummo, sed partibus locem, ac deinde
ex meis aliquos exactores operi, custodes fructibus
ponam: & alioqui nullum justius genus redditus,
quam quod terra, cælum, annus refert. Ad hoc,
magnam fidem, acres oculos, numerosas manus
poscit: experiendum tamen, & quasi in veteri
morbo, quælibet mutationis auxilia tentanda
sunt. Vides quam non delicata me causa obire pri-
mum consulatus tui diem non sinat: quem tamen
hîc præſens votis, gaudio, gratulatione celebrabo.
Vale.

XXXVIII. C. PLINIVS SATVRNINO

s v o s.

EGo vero Rufum nostrum laudo: non quia tu
ut ita facerem petiisti, sed quia est ille dignissi-
mus. Legi enim librum omnibus numeris absolu-
tum,

tum ; cui multum apud me gratiæ amor ipsius ad-
jecit. Judicavi tamen. Neque enim soli judicant
qui maligne legunt. Vale. •

XXXIX. C. PLINIVS MVSTIO
S V O S.

ARuspicum monitu reficienda est mihi ædes
Cereris in prædiis in-melius & in majus. Ve-
tus sane & angusta , cum sit alioqui statò die fre-
quentissima. Nam idibus Septembribus magnus è
regione tota coit populus , multæ res aguntur,
multa vota suscipiuntur, multa redduntur, sed nul-
lum in proximo suffugium aut imbris aut solis.
Videor ergo munifice simul religioseque facturus,
si ædem quam pulcherrimam exstruxero, addidero
porticus : illam ad usum deæ , has, ad hominum.
Velim ergo emas quatuor marmoreas columnas,
cujus tibi videbitur generis : emas marmora, qui-
bus solum, quibus parietes excolantur. Erit etiam
vel faciendum vel emendum ipsius deæ signum :
quia antiquum illud è ligno quibusdam sui parti-
bus vetustate obtruncatum est. Quantum ad por-
ticus, nihil interim occurrit quod videatur istinc
esse repetendum: nisi ²⁵ tamen ut formam secun-
dum rationem loci scribas: neq; enim possunt cir-
cumdari templo; nam solum templi hinc flumine
& abruptissimis ripis, hinc via cingitur. Est ultra
viam latissimum pratum , in quo satis apte contra
templum ipsum porticus explicabuntur: nisi quid
tu melius inveneris , qui soles locorum difficulta-
tes arte superare. Vale.

XL. C. PLINIVS FVSCO

S V O S.

Scribis, pergratas tibi fuisse literas meas, quibus cognovisti quemadmodum in Tuscis otium æstatis exigerem: requiris quid ex hoc in Laurentino hyeme permitem. Nihil, nisi quod meridianus somnus eximitur, multumque de nocte vel ante vel post diem sumitur: & si agendi necessitas instat, quæ frequens hyeme, non jam comædo vel lyristæ post cœnam locus; sed illa quæ dictavi, identidem retractantur, ac simul memoriæ frequenti emendatione proficitur. Habes æstate, hyeme consuetudinem; addas huc licet autumnum, quæque inter hyemem æstatemque media, ut nihil de die perdunt, ita de nocte parvulum acquirunt. Vale.

LIBER X.

In quo Epistola Plinii ad Trajanum Imperatorem; & Trajani ad Plinium.

I. C. PLINIVS TRAIANO

I M P. S.

TV A quidem pietas, Imperator sanctissime, optaverat, ut quam tardissime succederes patri: sed dii immortales festinaverunt virtutes tuas ad gubernacula reipub. quam susceperas, admove. Precor ergo ut tibi, & per te generi humano, prospera omnia, id est, digna seculo tuo, contingant. Fortem te & hilarem, Imperator optime, & privatim & publice opto.

II. C.

II. C. PLINIVS TR. IMP. S.

EXprimere, domine, verbis non possum, quantum mihi gaudium attuleris, quod me dignum putasti jure trium liberorum. Quamvis enim Iulii Serviani, optimi viri, tuique amantissimi, precibus indulseris : tamen etiam ex rescripto intelligo, libentius hoc ei te præstitisse, quia pro me rogabat. Videor ergo summam voti mei consequutus, cum inter initia felicissimi principatus tui probaveris, me ad peculiarem indulgentiam tuam pertinere : eoque magis liberos concupisco ; quos habere etiam illo tristissimo seculo volui, sicut potes duobus matrimoniis meis credere. Sed dii melius, qui omnia integra bonitati tuæ reservarunt. Malui hoc potius tempore me patrem fieri, quo futurus essem & securus & felix.

III. C. PLINIVS TR. IMP. S.

Indulgentia tua, Imperator optime, quam plenissimam exerior, hortatur me, ut audeam tibi etiam pro amicis obligari ; inter quos sibi vel præcipuum locum vindicat Voconius Romanus, ab ineunte ætate condiscipulus & contubernalis meus. Quibus ex causis & à Divo patre tuo petieram, ut illum in amplissimum ordinem promoveret : sed hoc votum meum bonitati tuæ reservatum est, quia mater Romani liberalitatem festertii quadringenties, quod conferre se filio codicillis ad patrem tuum scriptis professâ fuerat, nondum satis legitime peregerat. Quod postea fecit, admonita à nobis. Nam & fundos emancipavit, & cetera, quæ in emancipatione implenda solent exigi, consummavit. Cum sit ergo finitum quod spes nostras morabatur, non sine magna fiducia sub signo. Augget fidem pro moribus Romani mei, quos & libe-

ralia studia exornant, & eximia pietas, quæ hanc ipsam matris liberalitatem, & statim patris hereditatem, & adoptionem à vitrico meruit. Auget hæc & natalium & paternarum facultatum splendor; quibus singulis multum commendationis accessurum etiam ex meis precibus, indulgentiæ tuæ credo. Rogo, ergo, domine, ut me exoptatissimæ mihi gratulationis compotem facias, & honestis (ut spero) affectibus meis præstes, ut non in me tantum, verum & in amico gloriari iudiciis tuis possim.

IV. C. PLINIVS TR. IMP. S.

Proximo anno, domine, gravissima valetudine usque ad periculum vitæ vexatus; iatralipten-
assumpsit: cujus sollicitudini & studio, tuæ tantum indulgentiæ beneficio referre gratiam possum. Quare rogo, des ei civitatem Romanam. Est enim peregrinæ conditionis; manumissus à peregrina. Vocatur ipse Harpocras; patronam habuit Thermuthin Theonis, quæ jampridem defuncta est. Item rogo, des jus Quiritium libertis Antoniae Maximillæ, ornatissimæ feminæ, Helix & Antoniae Harmeridi. Quod à te, petente patrona, peto.

V. C. PLINIVS TR. IMP. S.

Exprimere, domine, verbis non possum, quanto me gaudio affecerint epistolæ tuæ, ex quibus cognovi te Harpocrati, iatraliptæ meo, etiam Alexandrinam civitatem tribuisse, quamvis, secundum institutionem principum, non temere eam dare proposuisses. Esse autem Harpocran νόμον Μιμερτικόν indico tibi. Rogo ergo, indulgentissime Imper. ut mihi ad Pompeium Plantam, præfectum Ægypti, amicum tuum, sic ut promisisti, epistolam mittas. Obviam iturus, quo maturius,
domi-

domine exoptatissime, adventus tui gaudio frui possim, rogo permittas mihi, quam longissime occurrere tibi.

VI. C. PLINIVS TR. IMP. S.

Proxima infirmitas mea, domine, obligavit me Posthumio Marino medico: cui parem gratiam referre beneficio tuo possum, si precibus meis, ex consuetudine bonitatis tuæ, indulseris. Rogo ergo, ut propinquis ejus des civitatem, Chrysippo Mithridatis, uxoriq; Chrysippi Stratonicæ Epigoni, item liberis ejusdem Chrysippi, Epigono & Mithridati, ita ut sint in patris potestate, utque iis in libertos servetur jus patronorum. Item rogo, indulgeas jus ² Quiritium L. Satrio Albascantio, & P. Cæsio Phosphoro, & Panchariæ Soteridi. Quod à te, volentibus patronis, peto.

VII. C. PLINIVS TR. IMP. S.

Scio, domine, memoriæ tuæ, quæ est benefacendi tenacissima, preces nostras inhærere: quia tamen in hoc quoque sæpe indulxisti, admoneo simul & impense rogo, ut Aëtium Suram prætura exornare digneris, cum locus vacet. Ad quam spem alioqui ² quietissimam hortatur & natalium splendor, & summa integritas in paupertate, & ante omnia, felicitas temporum, quæ bonam conscientiam civium tuorum ad usum indulgentiæ tuæ provocat & attollit.

VIII. C. PLINIVS TR. IMP. S.

Cum sciam, domine, ad testimonium laudemque morum meorum pertinere, tam boni principis iudicio exornari, rogo, dignitati, ad quam me provexit indulgentia tua, vel auguratum, vel septemviratum, quia vacant, adjicere digneris, ut

jure sacerdotii precari deos pro te publice possim, quos nunc precor pietate privata.

IX. C. PLINIVS TR. IMP. S.

Victoriæ tuæ, optime Imperator, maximæ, pulcherrimæ, antiquissimæ, & tuo nomine & reip. gratulor, deosque immortales precor, ut omnes cogitationes tuas tam lætus sequatur eventus; ut virtutibus tantis gloria imperii & novetur & augeatur.

X. C. PLINIVS TR. IMP. S.

Servilius Pudens legatus, domine, viii calend. Decembr. Nicomediam venit: meque longæ expectationis sollicitudine liberavit.

XI. C. PLINIVS TR. IMP. S.

Rosianum Geminum, domine, arctissimo vinculo mecum tua in me beneficia junxerunt. Habui enim illum quæstorem in consulatu, mei summe observantissimum expertus. Tantam mihi post consulatū reverentiam præstat, ut publicæ necessitudinis pignora privatis cumulet officiis. Rogo ergo, ut ipsi apud te, pro dignitate ejus, precibus meis faveas: cui & si quid mihi credis, indulgentiam tuam dabis. Dabit ipse operam, ut in his quæ ei mandaveris, majora mereatur. Parcior me in laudando facit, quod spero tibi & integritatem ejus, & probitatem, & industriam non solum ex ejus honoribus, quos in urbe sub oculis tuis gessit, verum etiam ex commilitio, esse notissimam. Illud unum, quod propter caritatem ejus nondum mihi videor satis plene fecisse, etiam atque etiam facio; teque, domine, rogo, gaudere me ex ornata quæstoris mei dignitate, id est, per illum meâ, quam maturissime velis.

XII. C.

XII. C. PLINIVS TR. IMP. S.

Difficile est, domine, exprimere verbis, quantum perceperim lætitiā, quod & mihi & socii meæ præstitisti, ut ad finem consulatus Cælium Clementem in hanc provinciam transferres. Ex illo enim mensuram beneficii tui penitus intelligo, cum tam plenam indulgentiam cum tota domo mea experiar: cui referre gratiam parem nec audeo quidem, quamvis maxime debeam. Itaque ad vota confugio, deosque precor, ut iis quæ in me assidue confers, non indignus existimer.

XIII. C. PLINIVS TR. IMP. S.

Scripsit mihi, domine, Lycormas, libertus tuus, ut, si qua legatio à Bosphoro venisset, urbem petitura, usque in adventum suum retineretur. Et legatio quidem duntaxat in eam civitatem in qua ipse sum, nulla adhuc venit; sed venit tabellarius Sauromata, quem ego, usus opportunitate quam mihi casus obtulerat, cum tabellario, quæ Lycormam ex itinere præcessit, mittendum putavi, ut possis ex Lycormæ & ex regis epistolis pariter cognoscere, quæ fortasse pariter scire deberes.

XIV. C. PLINIVS TR. IMP. S.

Rex ⁴ Sauromata scripsit mihi, esse quædam quæ deberes quam maturissime scire: qua ex causa festinationem tabellarii, quem ad te cum epistolis misit, diplomate adjuvi.

XV. C. PLINIVS TR. IMP. S.

Legato Sauromatæ regis, quum sua sponte Niceæ, ubi me invenerat, biduo substitisset. longiorem moram faciendam, domine, non putavi. Primum quod incertum adhuc erat, quando liber-

tus tuus Lycormas venturus esset; deinde quod ipse proficiscebar in diversam provinciæ partem, ita officii necessitate exigente. Hæc in notitiam tuam perferenda existimavi, quia proxime scripseram, petiisse Lycormam, ut legationem, si qua venisset à Bosphoro, usque in adventum suum retinerem. Quod diutius faciendi nulla mihi probabilis ratio occurrit; præsertim cum epistolæ Lycormæ, quas detinere, ut ante prædixi, nolui, aliquot diebus hunc legatum antecessuræ viderentur.

XVI. C. PLINIVS TR. IMP. S.

APuleius, domine, miles, qui est in statione Nicomedenſi, scripsit mihi, quendam nomine Callidromum, quum detineretur à Maximo & Dionysio pistoribus, quibus operas suas locaverat, confugisse ad tuam statuum, perductumque ad magistratus indicasse, servisse aliquando Laberio Maximo, captumque à Sufago in Mesia, & à Decebalo, muñeri missum Pacoro, Parthiæ regi, pluribusq; annis in ministerio ejus fuisse: deinde fugisse, atque ita in Nicomediam pervenisse. Quem ego perductum ad me quum eadem narrasset, mittendum ad te putavi. Quod paulo tardius feci, dum requiro gemmam, quam sibi, habentem imaginem Pacori, & quibus insignibus ornatus fuisset, subtractam indicabat. Volui enim hanc quoque, si inveniri potuisset, simul mittere, sicut glebulam misi, quam se ex Parthico metallo attulisse dicebat. Signata est anulo meo, cujus est aposphragisma, quadriga.

XVII. C. PLINIVS TR. IMP. S.

Maximum, libertum & procuratorem tuum, domine, per omne tempus quo fuimus una, probum, & industrium, & diligentem, ac, sicut rei
tuz

tue amantissimum, ita disciplinæ tenacissimum expertus, libenter apud te testimonio prosequor ea fide quam tibi debeo.

XVIII. C. PLINIVS TR. IMP. S.

GAbium Bassum, domine, præfectum oræ Ponticæ, integrum, probum, industrium, atque inter ista reverentissimum mei expertus, voto pariter & suffragio prosequor, eâ fide quam tibi debeo: quem abunde conspexi instructum commilitio tuo: cujus disciplinæ debet, quod indulgentia tua dignus est. Apud me & milites & pagani, à quibus iustitia ejus & humanitas penitus inspecta est, certatim ei, qua privatim, qua publice, testimonium retribuerunt. Quod in notitiam tuam perfero ea fide quam tibi debeo.

XIX. C. PLINIVS TR. IMP. S.

Nymphidium Lupum, domine, primipilarem, commilitonem habui, quum ipse tribunus essem, ille præfectus: inde familiariter diligere cœpi. Crevit postea caritas ipsa mutux vetustate amicitix. Itaque & quieti ejus injeci manum, & exegi, ut me in Bithynia consilio instrueret. Quod ille amicissime, & otii & senectutis ratione postposita, & jam fecit, & facturus est. Quibus ex causis necessitudines ejus inter meas numero, & filium inprimis, Nymphidium Lupum, juvenem probum, industrium, & egregio patre dignissimum, suffecturum indulgentiæ tuæ: sicut primis ejus experimentis cognoscere potes, cum præfectus cohortis plenissimum testimonium meruerit Iulii Ferocis & Fusci Salinatoris, clarissimorum virorum. Meum gaudium, domine, meam gratulationem filii honores continerent.

XX. C. PLINIVS TRAIANO

I M P. S.

VT primum me, domine, indulgentia vestra promovit ad præfecturam ærarii Saturni, omnibus advocacionibus, quibus alioqui nunquam eram promiscue functus, renuntiavi, ut toto animo, delegato mihi officio vacarem. Qua ex causa quum patronum me provinciales optassent contra Marium Priscum, & petii veniam hujus muneris & impetravi: sed cum postea consul designatus, censuisses faciendum nobiscum, quorum erat excusatio recepta, ut essemus in Senatus potestate, pateremurq; nomina nostra in urnam conjici, convenientissimum esse tranquillitati sæculi tui putavi, præsertim tam moderatæ voluntati amplissimi ordinis non repugnare. Cui obsequio meo opto ut existimes consistere rationem, cum omnia facta dictaque mea probare sanctissimis moribus tuis cupiam.

XXI. TRAIANVS PLINIO S.

ET civis & senatoris boni partibus functus es, obsequium amplissimi ordinis, quod justissime exigebat, præstando. Quas partes impleturum te secundum susceptam fidem confido.

XXII. C. PLINIVS TRAIANO

I M P. S.

AGo gratias, domine, quod & jus Quiritium libertis necessariæ mihi feminæ, & civitatem Romanam Harpocrati, iatraliptæ meo, sine mora indulxisti. Sed quum annos ejus & censum, sicut præceperas, ederem, admonitus sum à peritioribus, debuisse me ante ei Alexandrinam civitatem impe-

impetrare , deinde Romanam , quoniam esset Ægyptius. Ego autem, quia inter Ægyptios, ceterosque peregrinos , nihil interesse credebam, contentus fueram hoc solum scribere tibi , eum scilicet à peregrina manumissum , patronamque ejus jampridem decessisse. De qua ignorantia mea non queror, per quam stetit ut tibi pro eodem homine sæpius obligarer. Rogo itaque , ut beneficio tuo legitime frui possim , tribuas ei & Alexandrinam civitatem , & Romanam. Annos ejus & censum (nequid rursus indulgentiam tuam moraretur) libertis tuis, quibus jusseras, misi.

XXIII. TRAIANVS PLINIO S.

Civitatem Alexandrinam, secundum institutionem principum ; non temere dare proposui : sed cum Harpocrati, iatraliptæ tuo, jam civitatem Romanam impetraveris , huic quoque petitioni tuæ negare non sustineo. Tu, ex quo nomen sit, notum mihi facere debebis , ut epistolam tibi ad Pompeium Plantam, præfectum Ægypti, amicum meum, mittam.

XXIV. C. PLINIVS TRAIANO

I M P. S.

Qum divus pater tuus , domine , & oratione pulcherrima & honestissimo exemplo omnes cives ad munificentiam esset cohortatus , petii ab eo, ut statuas principum, quas in longinquis agris per plures successiones traditas mihi, quales acceperam custodiebam , permitteret in municipium transferre, adjectâ suâ statuâ. Quodq; ille mihi cum plenissimo testimonio indulserat , ego statim decurionibus scripseram , ut assignarent solum , in quo templum pecunia mea extruerem: illi in ho-

norem operis ipsius electionem loci mihi obtulerant. Sed primum mea, deinde patris tui valetudine, postea curis delegati à vobis officii retentus, nunc videor commodissime posse in rem præsentem excurrere. Nam & menstruum meum calend. Septembris finitur, & sequens mensis complures dies feriatos habet. Rogo ergo, ante omnia permittas mihi, opus quod inchoaturus sum, exornare & tua statua: deinde, ut hoc facere quam maturissime possim, indulgeas commeatum. Non est autem simplicitatis meæ dissimulare apud bonitatem tuam, obiter te plurimum collaturum utilitatibus rei familiaris meæ. Agrorum enim, quos in eadem regione possideo, locatio cum alioqui cccc excedat, adeo non potest differri, ut proximam putationem novus colonus facere debeat. Præterea continuæ sterilitates cogunt me de remissionibus cogitare: quarum rationem, nisi præsens, inire non possum. Debebo ergo, domine, indulgentiæ tuæ, & pietatis meæ celeritatem, & statuarum ordinationem, si mihi ob utraque hæc dederis commeatum xxx dierum. Neque enim angustius tempus præfinire possum, cum & municipium & agri, de quibus loquor, sint ultra centesimum & quinquagesimum lapidem.

XXV. TR. PLINIO S.

ET privatas multas & omnes publicas causas petendi commeatus reddidisti: mihi autem vel sola voluntas tua suffecisset. Neque enim dubito te, ut primum potueris, ad tam districtum officium reversurum. Statuam poni mihi à te eo quo desideras loco, quanquam ejusmodi honorum parcissimus, tamen patior, ne impedisse cursum erga me pietatis tuæ videar.

XXVI. C.

XXVI. C. PLINIVS TR. IMP. S.

Quia confido, domine, ad curam tuam pertinere, nuntio tibi, me Ephesum cum omnibus meis *ὡς Μαλίας* navigasse. Quamvis contrariis ventis retentus. Nunc, destino partim orariis navibus, partim vehiculis, provinciam petere. Nam sicut itineri graves æstus, ita continuæ navigationi etesiæ reluctantur.

XXVII. TR. PLINIO S.

Recte renuntiasti mihi, Secunde carissime. Pertinet enim ad animum meum, quali itinere in provinciam pervenias. Prudenter autem constituis interim navibus, interim vehiculis uti, prout loca suaserint.

XXVIII. C. PLINIVS TR. IMP. S.

Sicut saluberrimam navigationem, domine, usque Ephesum expertus, ita inde, postquam vehiculis iter facere cœpi, gravissimis æstibus, atque etiam febriculis, vexatus Pergami substiti. Rursus, quum transissem in orarias naviculas, contrariis ventis retentus, aliquanto tardius quam speraveram, id est xv calend. Octobres, Bithyniam intravi. Non possum tamen de mora queri, cum mihi contigerit quod erat auspiciatissimum, natalem tuum in provincia celebrare. Nunc reipub. Prusensium impendia, reditus, debitores excutio: quod ex ipso tractu magis ac magis necessarium intelligo. Multæ enim pecuniæ variis ex causis à privatis detinentur: præterea quædam 7 minime legitimis sumptibus erogantur. Hæc tibi, domine, in ipso ingressu meo scripsi. Quintodecimo calend. Octob. domine, provinciam intravi, quam in eo obsequio, in ea erga te fide, quam de genere

humano mereris, inveni. Despice, domine, annexarium putes, mittere huc mensorem. Videntur enim non mediocres pecuniæ posse revocari à curatoribus operum, si mensuræ fideliter aguntur. Ita certe prospicio ex ratione Prusensium, quam cum Maximo tracto.

XXIX. TRAIANVS PLINIO S.

Cuperem sine querela corpusculi tui, & tuorum, pervenire in Bithyniam potuisses, ac simile tibi iter ab Epheso ei navigationi fuisset, quam expertus usque illo eras. Quo autem die pervenisses in Bithyniam, cognovi, Secunde carissime, literis tuis. Provinciales (credo) prospectum sibi à me, intelligent. Nam & tu dabis operam, ut manifestum sit, illis electum te esse, qui ad eosdem mei loco mittereris. Rationes autem inprimis tibi rerum publicarum excutiendæ sunt. Nam & esse eas vexatas satis constat. Mensores vix etiam iis operibus quæ aut Romæ, aut in proximo, fiunt, sufficientes habeo: sed in omni provincia inveniuntur, quibus credi possit, & ideo non deerunt tibi, modo velis diligenter excutere.

XXX. C. PLINIVS TR. IMP. S.

Rogo, domine, consilio me regas hæsitantem, utrum per publicos civitatum servos (quod usque adhuc factum) an per milites, asservare custodias debeam. Vereor enim, ne & per servos publicos parum fideliter custodiantur, & non exiguum militum numerum hæc cura distringat. Interim publicis servis paucos milites addidi. Video tamen periculum esse, ne id ipsum utrisque negligentiae causa sit; dum communem culpam hi in illos, illi in hos regerere posse confidunt.

XXXI. TRA-

XXXI. TRAIANVS PLINIO S.

Nihil opus est, mi Secunde carissime, ad continendas custodias, plures commilitones converti. Perseveremus in ea consuetudine quæ isti provinciæ est, ut per publicos servos custodiantur. Etenim, ut fideliter hoc faciant, in tua severitate ac diligentia positum est. Inprimis enim, sicut scribis, verendum est, ne, si permisceantur servis publicis milites, mutua inter se fiducia negligentiores sint: sed & illud hæreat nobis, quam paucissimos milites à signis avocandos esse.

XXXII. C. PLINIVS TR. IMP. S.

Gabius Bassus, præfectus oræ Ponticæ & reverentissimæ & officiosissimæ, domine, venit ad me, & compluribus diebus fuit mecum. Quantum perspicere potui, vir egregius, & indulgentia tua dignus: cui ego notum feci, præcepisse te, ut ex cohortibus, quibus me præesse voluisti, contentus esset beneficiariis decem, equitibus duobus, centurione uno. Respondit, non sufficere sibi hunc numerum, idque se scripturum tibi. Hoc in causa fuit, quo minus statim revocandos putarem, quos habet supra numerum.

XXXIII. TRAIANVS PLINIO S.

ET mihi scripsit Gabius Bassus, non sufficere sibi eum militum numerum, qui ut daretur illi, mandatis meis complexus sum. Quod quæris scripsisse me ut notum haberes, his literis subjici jussi. Multum interest, res poscat, an homines imperare latius velint. Nobis autem utilitas demum spectanda est: & quantum fieri potest, curandum ne milites à signis absint.

XXXIV. C.

XXXIV. C. PLINIVS TR. IMP. S.

PRusenses, domine, balineum habent & sordidum & vetus. Id itaque, indulgentiâ tuâ, restituere desiderant: ego tamen æstimans uovum fieri debere, videris mihi desiderio eorum indulgere posse. Erit enim pecunia ex qua fiat: primum ea, quam revocare à privatis & exigere jam cœpi: deinde, quam ipsi erogare in oleum soliti, parati sunt in opus balinei conferre. Quod alioqui & dignitas civitatis, & seculi tui nitor postulat.

XXXV. TR. PLINIO S.

SI instructio novi balinei oneratura vires Prusensium non est, possumus desiderio eorum indulgere: modo ne quid ideo aut^r intribuant, aut minus illis in posterum fiat, ad necessarias erogationes.

XXXVI. C. PLINIVS TR. IMP. S.

Maximus, libertus & procurator tuus, domine, præter decem beneficiarios, quos assignari à me Gemellino, optimo viro, iussisti, sibi quoque confirmat necessarios esse milites. Ex his interim, sicut inveneram, in ministerio ejus relinquendos existimavi: præsertim cum ad frumentum comparandum iret in Paphlagoniam. Quin etiam tutelæ causa, quia desiderabat, addidi duos equites. In futurum quid servari velis, rogo rescribas.

XXXVII. TR. PLINIO S.

Nunc quidem proficiscentem, ad comparationem frumentorû, Maximum, libertum meum recte militibus instruxisti. Fungebatur enim & ipse extraordinario munere. Quum ad pristinum actum reversus fuerit, sufficient illi duo à te dati milites,

milites , & totidem à Virbio Gemellino , procuratore meo, quem adjuvat.

XXXVIII. C. PLINIVS TR. IMP. S.

SEmpronius Cælianus, egregius juvenis, repertos inter tirones duos servos misit ad me : quorum ego supplicium distuli , ut te, conditorem disciplinæ militaris firmatoremque, consulerem de modo pœnæ. Ipse enim dubito ob hæc maxime , quod, ut jam dixerant, sacramento militari nondum distributi in numero serant. Quid ergo debeam sequi, rogo, domine, scribas, præsertim cum pertineat ad exemplum.

XXXIX. TR. PLINIO S.

SECundem mandata mea fecit Sempronius Cælianus , mittendo ad te eos de quibus cognosci oportebat, an capitale supplicium meruisse videantur. Refert autem, voluntarii se obtulerint, an lecti sint, vel etiam vicarii dati. Lecti si sunt, inquisitor peccavit : si vicarii dati, penes eos culpa est , qui dederunt : si ipsi, cum haberent conditionis suæ conscientiam, venerunt. animadvertendum. n̄ illos erit. Neque enim multum interest, quod nondum per numeros distributi sunt. Ille enim dies quo primum probati sunt, veritatem ab his originis suæ exigit.

XL. C. PLINIVS TR. IMP. S.

SAlva magnitudine tua , domine , descendas oportet ad meas curas, cum jus mihi dederis referendi ad te de quibus dubito. In plerisque civitatibus , maxime Nicomediæ & Niceæ , quidam vel in opus damnati, vel in ludum, similiaque his genera pœnarum , publicorum servorum officio ministerioque funguntur , atque etiam , ut publici
servi,

servi, annua accipiunt. Quod ego quum audissem, diu multumque hæsitavi quid facere deberem. Nam & reddere pœnæ post longam tempus ple-rosque jam senes, &, quantum affirmatur, frugali-ter modesteque viventes, nimis severum arbitra-
 bar; & in publicis officiis retinere damnatos, non satis honestum putabam; eosdem rursus à repub. pasci otiosos, inutile, non pasci, etiam periculosum, existimabam. Necessario ergo rem totam, dum te consularem, in suspenso reliqui. Quæres for-
 tasse, quemadmodum evenerit, ut pœnis, in quas damnati erant, exolverentur: & ego quæsi, sed nihil comperi, quod affirmare tibi possum. Ut decreta quibus damnati erant, proferebantur; ita nulla monumenta, quibus liberati probarentur. Erant tamen qui dicerent deprecantes, jussu pro-
 consulum legatorumve dimissos. Addebat fidem, quod credibile erat, neminem hoc ausum sine au-
 ctore.

XLII. TRAIANVS PLINIO S.

Memineris idcirco te in istam provinciam mis-
 sum, quoniam multa in ea emendanda appa-
 ruerint. Erit autem vel hoc maxime corrigendum,
 quod qui damnati ad pœnam erant, non modo ea
 sine auctore, ut scribis, liberati sunt: sed etiam in
 conditionem proborum ministrorum retrahantur.
 Qui igitur intra hos proximos decem annos da-
 mnati, nec ullo idoneo auctore liberati sunt, hos
 oportebit pœnæ suæ reddi: si qui vetustiores inve-
 nientur; & senes ante annos decem damnati, dis-
 tribuamus illos in ea ministeria, quæ non longe
 à pœna sint. Solent enim ejusmodi, ad balineum,
 ad purgationes cloacarum, item munitiones via-
 rum & vicorum, dari.

XLII. C.

XLII. C. PLINIVS TR. IMP. S.

QUum diversam partem provinciæ circumirem, Nicomediæ vastissimum incendium multas privatorum domos, & duo publica opera, quamquam via interjacente, Gerusiam & Iffon, absumpsit. Est autem latius sparsum: primum violentia venti, deinde inertia hominum, quod satis constat otiosos & immobiles tanti mali spectatores perstitisse: & alioqui nullus usquam in publico sipo, nulla hama, nullum denique instrumentum ad incendia compescenda: & hæc quidem, ut jam præcepi, parabuntur. Tu, domine, despice, an instituendum putes collegium fabrorum, duntaxat hominum CL: ego attendam ne quis, nisi faber, recipiatur, neve jure concessio in aliud utatur. Nec erit difficile custodire tam paucos.

XLIII. TRAIANVS PLINIO S.

Tibi quidem secundum exempla complurium, in mentem venit, posse collegium fabrorum apud Nicomedenses constitui: sed meminerimus, provinciam istam, & præcipue eas civitates, ab ejusmodi factionibus esse vexatas. Quodcunque nomen ex quacunque causa dederimus iis qui in idem contracti fuerint, hetæriæ quamvis breves fient. Satiùs itaque est comparari ea quæ ad coërcendos ignes auxilio esse possint, admonerique dominos prædiorum, ut & ipsi inhiſceant, ac, si res poposcerit, accursu populi ad hoc uti.

XLIV. C. PLINIVS TR. IMP. S.

Solennia vota pro incolumitate tua, qua publica salus continetur, & suscipimus, domine, pariter & solvimus, precati deos ut velint ea semper solvi, semperque signari.

XLV. TR

XLV. TR. PLINIO S.

ET solvisse vos cum provincialibus, diis immortalibus vota pro mea salute & incolumitate, & nuncupasse, libenter, mi Secunde carissime, cognovi ex literis tuis.

XLVI. C. PLINIVS TR. IMP. S.

IN aquæductum, domine, Nicomedenses impenderunt HS xxx. ccc. xxix. qui imperfectus adhuc relictus, ac etiam destructus est: rursus in alium ductum erogata sunt cc. Hoc quoque relicto, novo impendio est opus, ut aquam habeant qui tantam pecuniam male perdiderunt. Ipse perveni ad fontem purissimum, ex quo videtur aqua debere perducì, sicut initio tentatum erat, arcuato opere, ne tantum ad plana civitatis & humilia perveniat. Manent adhuc paucissimi arcus: possunt & erigi quidam lapide quadrato, qui ex superiore opere detractus est: aliqua pars, ut mihi videtur, testaceo opere agenda erit. Id enim & facilius & vilius. Et inprimis necessarium est, mitti à te vel aquilegem vel architectum, ne rursus eveniat quod accidit. Ego illud unum affirmo, & utilitatem operis & pulchritudinem seculo tuo esse dignissimam.

XLVII. TR. PLINIO S.

CVrandum est, ut aqua in Nicomedensem civitatem perducatur. Vere credo te ea qua debbis diligentia hoc opus aggressurum. Sed, mediis-fidius, ad eandem diligentiam tuam pertinet, inquirere quorum vitio ad hoc⁹ opus tantam pecuniam Nicomedenses perdiderint, ne, quum inter se gratificentur, & inchoaverint aquæductus, & reliquerint. Quid itaque compereris, perfer in notitiam meam.

XLVIII.

XLVIII. C. PLINIVS TR. IMP. S.

Theatrum, domine, Nicæ maxima jam parte constructum, imperfectum tamen, festertium, ut audio (neque enim ratio plus excussa est) amplius centies hausit: vereor ne frustra. Ingentibus enim rimis descendit & hiat, sive in causa solum humidum & molle, sive lapis ipse gracilis & putris: dignum est certe deliberatione, sitne faciendum, aut sit relinquendum, an etiam destruendum. Nam fulturæ ac substructiones, quibus subinde suscipitur, non tam firmæ mihi quam sumptuosæ videntur. Huic theatro ex privatorum pollicitationibus multa debentur, ut basilicæ circa, ut porticus supra caveam: quæ nunc omnia differuntur cessante eo quod ante peragendum est. Iidem Nicenses gymnasium, incendio amissum, ante adventum meum restituere cœperunt longe numerosius laxiusque quam fuerat. Etiam aliquantum erogaverunt: periculum est, ne parum utiliter. Incompositum enim & sparsum est. Præterea architectus, sane æmulus ejus à quo opus inchoatum est, affirmat, parietes (quanquam viginti & duos pedes latos) imposita onera sustinere non posse, quia sint cæmento medii farti, nec testaceo opere præcincti. Claudiopolitani quoque in depresso loco, imminente etiam monte, ingens balineum defodiunt magis quam ædificant, & quidem ex ea pecunia quam buleutz addunt beneficio tuo, aut jam obtulerunt ob introitum, aut nobis exigentibus conferent. Ergo quum timeam ne illic publica pecunia, hîc, quod est omni pecunia pretiosius, munus tuum male collocetur, cogor petere à te, non solum ob theatrum, verum etiam ob hæc balinea, mittas architectum, despecturum

et utrum sit utilius post sumptum qui factus est, quoquo modo consummare opera ut inchoata sunt: an quæ videntur emendanda, corrigere; quæ transferenda, transferre; ne, dum fervare volumus quod impensum est, male impendamus quod addendum est.

XLIX. TRAIANVS PLINIO S.

Quid oporteat fieri circa theatrum, quod inchoatum apud Nicenses est, in re præsentì optime deliberabis & constitues: mihi sufficiet indicari cui sententiæ accesseris. Tunc autem à privatis exigì opera tibi curæ sit, quum theatrum (propter quod illa promissa sunt) factum erit. Gymnasiis indulgent Græculi: ideo forsitan Nicenses majore animo constructionem ejus aggressi sunt: sed oportet illos eo contentos esse, quod possit illis sufficere. Quid Claudiopopolitanis circa balineum, quod parum (ut scribis) idoneo loco inchoaverunt, suadendum sit, tu constitues. Architecti tibi deesse non possunt. Nulla provincia est, quæ non peritos & ingeniosos homines habeat: modo ne existimes brevius esse ab urbe mitti, quum ex Græcia etiam ad nos venire soliti sunt.

L. C. PLINIVS TR. IMP. S.

Intuenti mihi & fortunæ tuæ & animi magnitudinem, convenientissimum videtur, demonstrare opera non minus æternitate tua quam gloria digna, quantumque pulchritudinis, tantum utilitatis habitura. Est in Nicomædensium finibus amplissimus lacus: per hunc marmora, fructus, ligna, materiæ, & sumptu modico & labore usque ad viam navibus, inde, magno labore, majore impendio, vehiculis ad mare devehuntur. Sed hoc opus multas manus poscit: at hæc porro non desunt.

sunt. Nam & in agris magna copia est hominum, & maxima in civitate: certa que spes omnes libentissime aggressuros opus omnibus fructuosum. Superest ut tu libratores vel architectos, si tibi videbitur, mittas, qui diligenter exploret sitne lacus altior mari, quem artifices regionis hujus quadraginta cubitis altiore esse contendunt. Ego per eadem loca invenio fossam à rege percussam: sed incertum utrum ad colligendum humorem circumjacentium agrorum, an ad committendum flumini lacum; est enim imperfecta: hoc quoque dubium, intercepto rege mortalitate, an desperato operis effectu. Sed hoc ipso (feres enim me ambiciosum) pro tua gloria incitor & accendor, ut cupiam peragi à te quæ tantum cœperant reges.

L I. TRAIANVS PLINIO S.

Potest nos sollicitare lacus iste ut committere illum mari velimus: sed plane explorandum est diligenter, ne, si immissus in mare fuerit, totus effluat. Certe, quantum aquarum, & unde accipiat, poteris à Calphurnio Macro petere. Libratores & ego hinc aliquem tibi, peritum ejusmodi operum, mittam.

L II. C. PLINIVS TR. IMP. S.

Requirenti mihi Byzantium reipub. impendia, quæ maxima fecit, indicatum est, domine, legatum ad te salutandum annis omnibus cum psephismate mitti, eique dari nummorum duodecim millia. Memor ergo propositi tui, legatum quidem retinendum, psephisma autem mittendum putavi, ut simul & sumptus levaretur, & impleretur publicum officium. Eidem civitati imputata sunt terna millia, quæ viatici nomine annua dabantur legato cuncti ad eum qui Mesia præest, publice

blice salutandum. Hæc ego in posterum circumciedenda existimavi. Te, domine, rogo ut quid sentias rescribendo, aut consilium meum confirmare, aut errorem emendare digneris.

LIIL. TR. PLINIO S.

O Prime fecisti, Secunde carissime, duodena ista Byzantiis, quæ ad salutandum me in legatum impendebantur, remittendo. Fungetur his partibus, etsi solum eorum psephisma per te missum fuerit. Ignoscet illis & Mesiæ præses, si minus illum sumptuose coluerint.

LIV. C. PLINIVS TR. IMP. S.

Diplomata, domine, quorum dies præterita, an omnino observari, & quam diu velis, rogo scribas, meque hæsitacione liberes. Vereor enim ne in alterutram partem ignorantia lapsus, aut illi-cita confirmem, aut necessaria impediam.

LV. TR. PLINIO S.

Diplomata, quorum præteritus est dies, in usu esse non debent: ideo inter prima injungo mihi, ut per omnes provincias ante mittam nova diplomata quam desiderari possint.

LVI. C. PLINIVS TR. IMP. S.

Quam vellem Apamæ, domine, cognoscere publicos debitores, & redditum & impendia, responsum est mihi, cupere quidem universos ut à me rationes coloniæ legerentur; nunquam tamen esse lectas ab ullo proconsulum: habuisse privilegium & vetustissimum morem, arbitrio suo rempub. administrare. Exegi ut quæ dicebant, quæque recitabant, libello complecterentur: quem tibi, qualem acceperam, misi: quamvis intellige-
rem,

rem, pleraque ex illo ad id de quo quæritur non pertinere. Te rogo, ut mihi præcipere digneris, quid me putes observare debere. Vereor enim, ne aut excessisse, aut non implexisse officii mei partes videar.

LVII. TR. PLINIO S.

Libellus Apamæorum, quem epistolæ tuæ junxeras, remisit mihi necessitatem perpendendi qualia essent propter quæ videri volunt eos, qui pro consulibus hanc provinciam obtinuerunt, abstinuisse inspectione rationum suarum, cum ipsum te, ut eas inspiceres, non recusaverint. Remuneranda est igitur probitas eorum: ut jam nunc sciant hoc quod inspecturus es, ex mea voluntate, salvis quæ habent privilegiis, esse facturum.

LVIII. C. PLINIVS TR. IMP. S.

An te adventum meum, domine, Nicomedenses priori foro novum adjicere cœperunt, cujus in angulo est ædes vetustissima Matris Magnæ, aut reficienda, aut transferenda: ob hoc præcipue, quod est multo depressior opere eo quod nunc maxime surgit. Ego, quum quærerem num esset aliqua lex dicta templo, cognovi alium hîc, alium apud nos esse morem dedicationis. Dispice ergo, domine, an putes ædem, cui nulla lex dicta est, salva religione posse transferri: alioqui commodissimum est, si religio non impedit.

LIX. TR. PLINIO S.

Potes, mi Secunde carissime, sine sollicitudine religionis, si loci positio videtur hoc desiderare, ædem Matris Deum transferre in eam quæ est accommodatior: nec te moveat quod lex dedicationis nulla reperitur, cum solum peregrinæ civitatis capax non sit dedicationis quæ sit nostro jure.

N

LX. C.

LX. C. PLINIVS TR. IMP. S.

Dilem, domine, quo servasti imperium, dum suscipis, quanta mereris lætitia celebravimus, precati deos ut te generi humano, cujus tutela & securitas salutis tuæ innisa est, incolumem florentemque præstarent. Prælimus, & commilitonibus jusjurandū more solenni præstantibus, & provincialibus, qui eadē certarunt pietate, jurantibus.

LXI. TR. PLINIO S.

Quanta religione ac lætitia commilitones cum provincialibus, te præeunte, diem imperii mei celebraverint, libenter, mi Secunde carissime, cognovi ex literis tuis.

LXII. C. PLINIVS TR. IMP. S.

Pecuniæ publicæ, domine, providentia tua & ministerio nostro etiam exactæ sunt & exiguntur: quæ vereor ne otiosæ jaceant. Nam & prædiorum comparandorum aut nulla aut rarissima occasio est: nec inveniuntur qui velint debere, reipub. præsertim, duodenis assibus, quanti à privatis mutantur. Dispice ergo, domine, numquid minuendam usuram, ac per hoc idoneos debitores invitandos, putes: &, si ne sic quidem reperiuntur, distribuendam inter decuriones pecuniam, ita ut recte reipub. caveant: quod, quanquam invitis & recusantibus, minus acerbum erit, levioze usura constituta.

LXIII. TR. PLINIO S.

Et ipse non aliud remedium dispicio, mi Secunde carissime, quam ut quantitas usurarum minuat, quo facilius pecuniæ publicæ collocentur. Modum ejus ex copia eorum qui mutuabuntur tu constitues. Invitos ad accipiendum compellere, quod fortassis ipsis otiosum futurum sit, non est ex justitia nostrorum temporum.

LXIV.

LXIV. C. PLINIUS TR. IMP. S.

SVMmas, domine, gratias ago, quod inter maximas occupationes, iis, de quibus te consului, me quoque regere dignatus es: quod nunc quoque facias, rogo. Adiit enim me quidam, indicavitque, adversarios suos à Servilio Calvo, clarissimo viro, in triennium relegatos, in provincia morari: illi contra, ab eodem se restitutos affirmaverunt, edictumque recitaverunt: qua causa necessarium credidi, rem integram ad te referre. Nam, sicut mandatis tuis cautum est ne restituam ab alio aut à me relegatos; ita de iis, quos alius relegaverit & restituerit, nihil comprehensum est. Ideo tu, domine, consulendus fuisti, quid observare me velles, tam, hercule, de iis quam de illis qui in perpetuum relegati, nec restituti, in provincia deprehenduntur. Nam hæc quoque species incidit in cognitionem meam. Est enim adductus ad me in perpetuum relegatus à Julio Basso proconsule: ego, quia sciebam acta Bassi rescissa, datumque à Senatu jus omnibus de quibus ille aliquid constituisset, ex integro agendi duntaxat per biennium, interrogavi hunc quem relegaverat, an adiisset, docuissetque proconsulem: negavit. Per quod effectum est ut te consulerem, an reddendum eum pœnæ suæ, an gravius aliquid, & quid potissimum, constituendum putares & in hunc, & in eos, si qui forte in simili conditione invenirentur. Decretum Calvi & edictum, item decretum Bassi his literis subjeci.

LXV. TRAIANVS PLINIO S.

Quid in personam eorum statuendum sit, qui à Publio Servilio Calvo proconsule in triennium relegati, & mox ejusdem edicto restituti in provincia remanserunt, proxime tibi rescribam, quum causas hujus facti à Calvo requisiero. Qui

N 2

à Julio

à Julio Basso in perpetuum relegatus est, cum per biennium agendi facultatem habuerit, si existimabat se injuria relegatum, neque id fecerit, atque in provincia morari perseveraverit, vincetus mitti ad præfectos prætorii mei debet. Neque enim sufficit, eum pœnæ suæ restitui, quam contumaciâ elusit.

LXVI. C. PLINIVS TR. IMP. S.

QUum citarem judices, domine, conventum inchoaturus, Flavius Archippus vacationem petere cœpit, ut philosophus. Fuerunt qui dicerent, non modo liberandum eum judicandi necessitate, sed omnino tollendum de judicum numero, reddendumque pœnæ quam fractis vinculis evasisset. Recitata est sententia Velii Pauli proconsulis, qua probatur Archippus crimine falsi damnatus in metallum: ille nihil proferebat quo restitutum se doceret. Allegabat tamen pro restitutione & libellum à se Domitiano datum, & epistolas ejus ad honorem suum pertinentes, & decretum Prusensium. Addebat his & literas tuas scriptas sibi: addebat & patris tui edictum, & epistolam, quibus confirmasset beneficia à Domitiano data. Itaque, quamvis eidem talia crimina applicarentur, nihil decernendum putavi, donec te consulerem de eo quod mihi constitutione tua dignum videbatur. Ea quæ sunt utrimque recitata, his literis subjeci.

EPISTOLA DOMITIANI AD TERENTIVM
MAXIMUM.

Flavius Archippus philosophus impetravit à me, ut agrum ei DC circa Prusiadam, patriam suam, emi juberem, cujus reditu suos alere posset. Quod ei præstari volo: summam expensam liberalitati meæ feres.

EIVSDEM

EIVSDEM AD L. APPIVM MAXIMVM.

*A*rchippum philosophum, bonum virum, & professioni suae etiam moribus respondentem, commendatum habeam velim, mi Maxime, & plenam ei humanitatem tuam praestes in iis qua verecunde à te desideraverit.

EDICTVM DIVI NERVÆ.

*Q*VÆDAM SINE DVBIO, QVIRITES, IPSA FELICITAS TEMPORVM EDICIT, NEC SPECTANDVS EST IN IIS BONVS PRINCEPS, ^{1º} QVIBVS ILLVM INTELLIGI SATIS EST, CVM HOC SIBI QVISQVE CIVIVM MEORVM SPONDERE POSSIT, ME SECVRITATEM OMNIVM QVJETI MEÆ PRÆTVLISSE, VT ET LIBENTER NOVA BENEFICIA CONFERREM, ET ANTE ME CONCESSA SERVAREM. NEC TAMEN ALIQVAM GAVDIIS PVBLICIS AFFERAT HÆSITATIONEM VEL EORVM QVI IMPETRAVERVNT DIFFIDENTIA, VEL EIVS MEMORIA QVI PRÆSTITIT, NECESARIVM PARITER CREDIDI AC LÆTVM, OBVIAM DVBITANTIBVS INDVLGENTIAM MEAM MITTERE. NOLO EXISTIMET QVISQVAM, QVÆ ALIO PRINCIPE VEL PRIVATIM VEL PVBLICE CONSEQUVTVS, IDEO SALTEM A ME RESCINDI, VT POTIVS MIHI DEBEAT SI ILLA RATA ET CERTA FECERO: NEC GRATVLATIO VLLIVS INSTAVRATIS EGET PRECIBVS. ET QVI NON HABENT, ME, QVEM FORTVNA IMPERII VULTV MELIORE RESPEXIT, NOVIS BENEFICIIS VACARE PATIANTVR: ET EA DEMVM SCIANT RÔGANDA ESSE QVÆ NON HABENT:

EPISTOLA EIVSDEM AD TVLLIVM
IVSTVM.

*C*um rerum omnium ordinatio, quæ prioribus temporibus inchoata consummataque sunt, observanda sit, tum epistolæ etiam Domitiani standum est.

LXVII. C. PLINIVS TR. IMP. S.

Flavius Archippus per salutem tuam æternitatemque petit à me ut libellum, quem mihi dedit, mitterem tibi. Quod ego sic roganti præstandum putavi; ita tamen, ut missurum me, notum accusatrici ejus facerem, à qua & ipsa acceptum libellum his epistolis junxi, quo facilius, velut audita utraque parte, dispiceres quid statuendum putares.

LXVIII. TRAIANVS PLINIO S.

Potuit quidem ignorasse Domitianus in quo statu esset Archippus, quum tam multa ad honorem ejus pertinentia scriberet: sed meæ naturæ accommodatius est credere, etiam statui ejus subventum interventu principis: præsertim cum etiam statuarum ei honor toties decretus sit ab iis qui ignorabant quid de illo Paulus proconsul pronuntiasset. Quæ tamen, mi Secunde carissime, non eo pertinent, ut, si quid illi novi criminis obijciatur, minus de eo audiendum putes. Libellos Furie Primæ accusatricis, item ipsius Archippi, quos alteri epistolæ tuæ junxeras, legi.

LXIX. C. PLINIVS TR. IMP. S.

TV quidem, domine providentiissime, vereris ne commissus flumini, atque ita mari, lacus effluat: sed ego in re præsentī invenisse videor quemadmodum huic periculo occurrerem. Potest enim

enim lacus fossa usque ad flumen adduci, nec tamen in flumen emitti, sed relicto quasi margine contineri pariter & dirimi: sic consequemur ut nec vicino videatur flumini mistus, & sit perinde ac si miscéatur. Erit enim facile per illam brevissimam terram, quæ interjacebit, advecta fossa onera transponere in flumen. Quod ita fiet, si necessitas coget, & (spero) non coget. Est enim & lacus ipse satis altus, & nunc in contrariam partem flumen emittit; quod interclusum inde, & quo volumus aversum, sine ullius detrimento, lacus tantum aquæ, quantum nunc portat, effundet. Præterea per id spatium, per quod fossa facienda est, incidunt rivi: qui si diligenter colligantur, augebunt illud quod lacus dederit. Enimvero si placeat fossam longius ducere, & arctius pressam mari æquare, nec in flumen, sed in ipsum mare emitte, repercussus maris servabit & reprimet quicquid è lacu veniet. Quorum si nihil nobis loci natura præstaret, expeditum tamen erat, cataraëtis aquæ cursum temperare. Verum & hæc & alia multo sagacius conquiret explorabitque librator, quem plane, domine, debes mittere, ut polliceris. Est enim res digna & magnitudine tua & cura. Ego interim Calphurnio Macro, clarissimo viro, auctore te, scripsi ut libratores quammaxime idoneum mitteret.

LXX. TR. PLINIO S.

MAnifestum est, mi Secunde carissime, nec prudentiam nec diligentiam tibi defuisse circa istum lacum, cum tam multa provisa habeat, per quæ nec pericliterur exhauriri, & magis in usus nobis futurus sit. Elige igitur id quod præcipue res ipsa suaserit. Calphurnium Macrum credo fa-

N 4

cturum,

eturum, ut te libratore instruat : neque enim provinciarum istarum his artificibus carent.

LXXI. C. PLINIVS TR. IMP. S.

Magna, domine, & ad totam provinciam pertinet quæstio est de conditione & alimentis eorum quos vocant *ὑπαυτοί*. In qua ego, auditis constitutionibus principum, quia nihil inveniebam aut proprium, aut universale, quod ad Bithynos ferretur, consulendum te existimavi, quid observari velles. Neque enim putavi, posse me in eo, quod auctoritatem tuam posceret, exemplis esse contentum. Recitabatur autem apud me edictum, quod dicebatur divi Augusti, ad Anniam pertinens : recitatae & epistolae divi Vespasiani ad Lacedæmonios, & divi Titi ad eosdem, dein ad Achæos : & Domitiani ad Avidium Nigrinum & Armenium Brocchum, proconsules, item ad Lacedæmonios : quæ ideo tibi non misi, quia & parum emendata, & quædam non certæ fidei videbantur, & quia vera & emendata in scriniis tuis esse credebam.

LXXII. TR. PLINIO S.

Quæstio ista, quæ pertinet ad eos qui liberi nati, expositi, deinde sublati à quibusdam & in servitute educati sunt, sæpe tractata est : nec quicquam invenitur in commentariis eorum principum qui ante me fuerunt, quod ad omnes provincias sit constitutum. Epistolæ sane sunt Domitiani ad Avidium Nigrinum & Armenium Brocchum, quæ fortasse debeant observari : sed inter eas provincias de quibus rescripsit, non est Bithynia : & ideo nec assertionem denegandam iis qui ex ejusmodi causa in libertatem vindicabuntur, puto :

puto : neque ipsam libertatem redimendam pretio alimentorum.

LXXIII. C. PLINIVS TR. IMP. S.

Petentibus quibusdam, ut sibi reliquias suorum, aut propter injuriam vetustatis, aut propter fluminis incursum, aliaque his similia quæcunque, secundum exemplum proconsulum, transferre permitterem, quia sciebam in urbe nostra ex ejusmodi causis collegium pontificum adiri solere, te, domine, Maximum Pontificem, consulendum putavi quid observare me velis.

LXXIV. TR. PLINIO S.

Dvrum est injungere necessitatem provincialibus pontificum adeundorum, si reliquias suorum propter aliquas justas causas transferre ex loco in alium locum velint. Sequenda ergo potius tibi exempla sunt eorum qui isti provinciae præfuerunt, & ex causa cuique ita aut permittendum, aut negandum.

LXXV. C. PLINIVS TR. IMP. S.

Quærenti mihi, domine, Prusæ ubi posset balineum, quod indulisti, fieri, placuit locus in quo fuit aliquando domus (ut audio) pulchra, nunc deformis ruinis. Per hoc enim consequemur, ut scædissima facies civitatis ornetur, atque etiam, ut ipsa civitas ampliatur, nec ulla ædificia tollantur; sed quæ sunt vetustate sublapsa, reparentur in melius. Est autem hujus domus conditio talis. Legaverat eam Claudius Polyænus Claudio Cæsari, jusseratque in peristylio templum ei fieri, reliqua ex domo locari, ex quo redditum aliquandiu civitas percepit: deinde paulatim partim spoliata, partim neglecta, cum peristylio domus tota collapsa est: ac jam pene nihil ex ea nisi solum

superest: quod tu, domine, siue donaveris civitati, siue vñire iusseris propter opportunitatem loci, pro summo munere accipiet. Ego, si permiseris, cogito in area vacua balineum collocare; eum autem locum, in quo ædificia fuerunt, exhedra & porticibus amplecti, atque tibi consecrare; cuius beneficio elegans opus dignumque nomine tuo fiet. Exemplar testamenti, quanquam mendosum, misi tibi; ex quo cognosces, multa Polyenum in ejusdem domus ornatum reliquisse, quæ, ut domus ipsa, perierunt: à me tamen, in quantum potuerit, requirentur.

LXXVI. TR. PLINIO S.

Possumus apud Prusenses area ista cum domo collapsa, quam vacare scribis, ad extruccionem balinei uti. Illud tamen parum expressisti, an ædes in peristyllo Claudio facta esset. Nam si facta ædes esset, licet collapsa sit, religio ejus occupavit solum.

LXXVII. C. PLINIVS TR. IMP. S.

Postulantibus quibusdam ut de agnoscendis liberis restituendisque natalibus, & secundum epistolam Domitiani scriptam Minutio Rufo, & secundum exempla proconsulum, ipse cognoscerem; respexi ad SC. pertinentis ad eadem genera causarum, quod de his tantum provinciis loquitur, quibus proconsules præsunt: ideoque rem integram distuli, dum tu, domine, præceperis quid observare me velis.

LXXVIII. TR. PLINIO S.

SI mihi SC. miseris, quod hæsitacionem tibi fecit, æstimabo an debeas cognoscere de agnoscendis liberis, & natalibus suis restituendis.

LXXIX.

LXXIX. C. PLINIVS TR. IMP. S.

Ivlivs, domine, Largus, ex Ponto, nondum mihi visus, ac ne auditus quidem, sed iudicio tuo credens, dispensationem quandam mihi erga te pietatis suæ ministeriumque mandavit. Rogavit enim testamento ut hereditatem suam adirem, cerne-remque: ac deinde, perceptis quinquaginta milli-bus nummum, reliquum omne Heracleotarum & Theanorum civitatibus redderem: ita ut esset arbitrii mei, utrum opera facienda, quæ honori tuo consecrarentur, putarem, an instituendos quin-quennales agonas, qui Trajani appellentur. Quod in notitiam tuam perferendum existimavi, ob hoc maxime, ut dispiceres, quid eligere debeam.

LXXX. TRAIANVS PLINIO S.

Ivlivs Largus fidem tuam, quasi te bene nosset, elegit. Quid ergo potissimum ad perpetuitatem memoriæ ejus faciat, secundum cujusq; loci con-ditionem ipse dispice, & quod optimum existi-maveris, sequere.

LXXXI. C. PLINIVS TR. IMP. S.

Providentissime, domine, fecisti, quod præcepi-sti Calphurnio Macro, clarissimo viro, ut le-gionarium centurionem Byzantium mitteret. Dis-pice, an etiam Iuliopolitanis simili ratione con-sulendum putes: quorum civitas, cum sit perexi-gua, onera maxima sustinet, tantoque graviores injurias, quanto est infirmior, patitur. Quicquid autem Iuliopolitanis præstiteris, id etiam toti pro-vinciæ proderit. Sunt enim in capite Bithyniæ, plurimisque per eam commeantibus transitum præbent.

LXXXII. TR. PLINIO S.

EA conditio est civitatis Byzantiorum, confluente undiq; in eam comineantium turba, ut, secundum consuetudinem præcedentium temporum, honoribus ejus præsidio centurionis legionarii consulendum habuerimus: si Iuliopolitanis succurrendum eodem modo putaverimus, onerabimus nos exemplo. Plures enim tanto magis eadem requirent, quanto infirmiores erunt. Tibi eam fiduciam diligentia habeo, ut credam te omni ratione id acturum, ne sint obnoxii injuriis. Si qui autem se contra disciplinam meam gesserint, statim coërceantur: aut, si plus admiserint quam ut in re præsentis sit satis, puniantur: si milites erunt, legatis eorum quæ deprehenderis, notum facies: aut, si in urbem versus venturi erunt, mihi scribes.

LXXXIII. C. PLINIVS TR. IMP. S.

CAutum est, domine, Pompeia lege, quæ Bithynis data est, ne quis capiat magistratum, neve sit in senatu minor annorum xxx: eadem lege comprehensum est, ut qui ceperint magistratum, sint in senatu. Sequutum est dein edictum divi Augusti, quo permisit minores magistratus ab annis duobus & viginti capere. Quæritur ergo, an qui minor xxx annorum gessit magistratus, possit à censoribus in senatum legi, & si potest, an ex iis quoque qui non gesserint, possit quis per eandem interpretationem ab ea ætate senator legi, à qua illis magistratum gerere permissum est. quod alioqui factitatum adhuc, & esse necessarium dicitur, quia sit aliquanto melius, honestorum hominum liberos, quam è plebe in curiam admitti. Ego à destinatis censoribus quid sentirem interrogatus,

eos quidem qui minores xxx annis gessissent magistratum, putabam posse in senatum & secundum edictum Augusti, & secundum legem Pompeiam, legi : quoniam Augustus gerere magistratus minoribus annis xxx permisisset, lex senatorem esse voluisset, qui gessisset magistratum. De his autem qui non gessissent, quamvis essent ætatis ejusdem cujus illi, quibus gerere permissum est, hæsitabam. Per quod effectum est ut te, domine, consulerem quid observari velles. Capita legis, tum edictum Augusti, literis subjeci.

LXXXIV. TR. PLINIO S.

Interpretationi tuæ, mi Secunde carissime, idem existimo ; hætenus edicto divi Augusti novatam esse legem Pompeiam, ut magistratum quidem capere possint ii qui non minores duorum & viginti annorum essent : & qui acceperint, in senatum cujusque civitatis pervenirent. Ceterum, non capto magistratu, eos qui minores xxx annorum sint, quia magistratum capere possint, in curiam etiam loci cujusque non existimo legi posse.

LXXXV. C. PLINIVS TR. IMP. S.

Qum Prusæ ad Olympum, domine, publicis negotiis intra hospitium, eodem die exiturus, vacarem, Asclepiades magistratus indicavit appellatum me à Claudio Eumolpo, quum Coccianus Dion in bule assignari civitati opus, cujus curam egerat, veller : tum Eumolpus assistens Flavio Archippo dixit; exigendam esse à Dione rationem operis, antequam reipub. traderetur, quod aliter fecisset ac debuisset. Adjecit etiam, esse in eodem opere positam tuam statuam, & corpora sepulcorum, uxoris Dionis, & filiorum : postulavitque ut cognoscerem pro tribunali. Quod quum ego

me protinus facturum dilaturumque profectiorem dixissem, ut longiorem diem ad instruendam causam darem, utque in alia civitate cognoscerem, petiit. Ego me auditurum Nicææ, respondi: ubi quum sedissem cogniturus, idem Eumolpus; tanquam adhuc parum instructus, dilationem petere coepit: contra Dion, ut audiretur, exigere. Dicta sunt utrinque multa, etiam de causa: ego quum dandam dilationem & consulendum existimarem in re ad exemplum pertinenti, dixi utrique parti, ut postulationum suarum libellos darent. Volebam enim te ipsorum potissimum verbis ea quæ erant proposita recognoscere. Et Dion quidem se daturum dixit: & Eumolpus respondit, complexurum se libello quæ reipublicæ peteret. Ceterum, quod ad sepultos pertinet, non accusatorem se, sed advocatum Flavii Archippi, cuius mandata pertulisset. Archippus, cui Eumolpus, sicut Prusæ, assistebat, dixit se libellum daturum: ita nec Eumolpus, nec Archippus, quam plurimis diebus expectati, adhuc mihi libellos dederunt: Dion dedit, quem huic epistolæ junxi. Ipse in re præsentis fui, & vidi tuam quoque statuam in bibliotheca positam. Id autem, in quo dicuntur sepulti filii ejus, & uxor Dionis, in area collocatum, quæ porticibus includitur. Te, domine, rogo, ut me in hoc præcipue genere cognitionis regere digneris, cum alioqui magna sit expectatio, ut necesse sit in ea re quæ in confessum venit, & exemplis defenditur, deliberare.

LXXXVI. TR. PLINIO S.

Potuisti non hæere, mi Secunde carissime, circa id de quo me consulendum existimasti, cum propositum meum optime nosset, non ex me-

metu nec terrore hominum, aut criminibus majestatis, reverentiam nomini meo acquiri. Ommissa ergo ea quæstione, quam non admitterem, etiam si exemplis adjuvaretur, ratio totius operis effecti sub cura tua ¹¹ Cocciano Dione excutiat, cum & utilitas civitatis exigat, nec aut recuset Dion, aut debeat recusare.

LXXXVII. C. PLINIVS TR. IMP. S.

Rogatus, domine, à Nicensibus publice per ea quæ mihi & sunt & debent esse sanctissima, id est, per æternitatem tuam salutemque, ut preces suas ad te perferrem, fas non putavi negare: acceptumque ab his libellum, huic epistolæ junxi.

LXXXVIII. TR. PLINIO S.

Nicensibus, qui intestatorum suorum concessam vindicationem bonorum à divo Augusto affirmant, debebis vacare, contractis omnibus personis ad idem negotium pertinentibus, adhibitis Virdio Gemellino, & Epimacho, liberto meo, procuratoribus, ut, æstimatis etiam iis quæ contra dicuntur, quod optimum credideritis, statuatis.

LXXXIX. C. PLINIVS TR. IMP. S.

Optò, domine, & hunc natalem, & plurimos alios, quam felicissimos agas: æternaque laude florentem virtutis tuæ gloriam & incolumis & fortis aliis super alia operibus augeas.

XC. TRAIANVS PLINIO S.

Agnosco vota tua, mi Secunde carissime, quibus precaris ut plurimos & felicissimos natales, florente statu reipub. nostræ agam.

XCI. C. PLINIVS TR. IMP. S.

SInopenſes, domine, aqua deficiuntur; quæ videtur & bona & copioſa ab ſextodecimo milliaro poſſe perducī. Eſt tamen ſtatim ab capite paulo amplius mille paſſibus locus ſuſpectus & mollis, quem ego interim explorari modico impendio juſſi, an recipere & ſuſtinere opus poſſit. Pecunia, curantibus nobis, contracta, non deerit, ſi tu, domine, hoc genus operis & ſalubritati & amœnitati valde ſitientis coloniæ indulſeris.

XCII. TR. PLINIO S.

VT cœpiſti, Secunde cariffime, explora diligenter, an locus ille, quem ſuſpectum habes, ſuſtinere opus aquæ ductus poſſit. Neque enim dubitandum puto, quin aqua perducenda ſit in coloniā Sinopenſem, ſi modo & viribus ſuis ipſa id aſſequi poteſt, cum plurimum ea res & ſalubritati & voluptati ejus collatura ſit.

XCIII. C. PLINIVS TR. IMP. S.

AMiſenorum civitas & libera & fœderata beneficio indulgentiæ tuæ legibus ſuis utitur: in hac datum mihi publice libellum, ad Eranos pertinentem, his literis ſubjeci, ut tu, domine, diſpiceres quid & quatenus aut permittendum aut prohibendum putares.

XCIV. TR. PLINIO S.

AMiſenos, quorum libellum epiſtolæ tuæ junxeras, ſi legibus iſtorum, quibus de officio fœderis utuntur, conſeſſum eſt Eranos habere, poſſumus quo minus habeant non impedire, eo facilius, ſi tali collatione, non ad turbas & illicitos cœtus, ſed ad ſuſtinendam tenuiorum inopiam utuntur.

In

In ceteris civitatibus, quæ nostro jure obstrictæ sunt, res hujusmodi prohibenda est.

XCV. C. PLINIVS TR. IMP. S.

SVetonium Tranquillum, probissimum, honestissimum, eruditissimum virum, & mores ejus sequutus & studia, jam pridem, domine, in contubernium assumpsi: tantoque magis diligere cœpi, quanto hunc propius inspexi. Huic jus trium liberorum necessarium faciunt duæ causæ. Nam & judicia amicorum promeretur, & parum felix matrimonium expertus est: impetrandumque à bonitate tua per nos habet, quod illi fortunæ malignitas denegavit. Scio, domine, quantum beneficium petam, quod peto à te, cujus in omnibus desideriis meis plenissimam indulgentiam experior. Potes autem colligere quantopere cupiam, quod non rogarem absens, si mediocriter cuperem.

XCVI. TR. PLINIO S.

QVam parce hæc beneficia tribuam, utique, mi Secunde carissime, hæret tibi, cum etiam in Senatu affirmare soleam, non excessisse me numerum, quem apud amplissimum ordinem suffecturum mihi professus sum: tuo tamen desiderio subscripsi; &, ut scias dedisse me jus trium liberorum Suetonio Tranquillo ea conditione qua assuevi, referri in commentarios meos jussi.

XCVII. C. PLINIVS TR. IMP. S.

SOlenne est mihi, domine, omnia de quibus dubito, ad te referre. Quis enim potest melius vel cunctationem meam regere, vel ignorantiam instruere? Cognitionibus de Christianis interfui nunquam: ideo nescio quid & quatenus aut puniri soleat, aut quæri. Nec mediocriter hæsitavi,
sitne

fitne aliquod discrimen ætatum , an quamlibet teneri nihil à robustioribus differant : deturne pœnitentiæ venia, an ei qui omnino Christianus fuit, desisse non prosit : nomen ipsum , etiam si flagitiis carcat , an flagitia cohærentia nomini puniantur. Interim in iis qui ad me tanquam Christiani deferbantur , hunc sum sequutus modum. Interrogavi ipsos, an essent Christiani: confitentes iterum ac tertio interrogavi , supplicium minatus : perseverantes duci iussi. Neque enim dubitabam, qualecunque esset quod faterentur , pervicaciam certe , & inflexibilem obstinationem debere puniri. Fuerunt alii similis amentię : quos , quia cives Romani erant , annotavi in urbem remittendos ; mox ipso tractu , ut fieri solet , diffundente se crimine, plures species inciderunt. Propositus est libellus sine auctore, multorum nomina continens, qui negarent se esse Christianos, aut fuisse, quum, præeunte me , deos appellarent , & imagini tuæ , quam propter hoc jusseram cum simulacris numinum afferri , thure ac vino supplicarent , præterea maledicerent Christo : quorum nihil cogi posse dicuntur , qui sunt revera Christiani. Ergo dimittendos putavi. Alii ab indice nominati , esse se Christianos dixerunt , & mox negaverunt : fuisse quidem , sed desisse , quidam ante triennium, quidam ante plures annos , non nemo etiam ante viginti quoque. Omnes & imaginem tuam , deorumque simulacra venerati sunt ; ii & Christo maledixerunt. Affirmabant autem , hanc fuisse summam vel culpæ suæ , vel erroris , quod essent soliti stato die ante lucem convenire : carmenque Christo, quasi Deo, dicere secum invicem: seque sacramento non in scelus aliquod obstringere , sed ne furta, ne latrocinia, ne adulteria committerent, ne
fidem

fidem fallerent, ne depositum appellati abnegarent: quibus peractis morem sibi discedendi fuisse, rursusque coeundi ad capiendum cibum, promiscuum tamen, & innoxium: quod ipsum facere desisse post edictum meum, quo secundum mandata tua hetærias esse vetueram. Quo magis necessarium credidi, ex duabus ancillis, quæ ministræ dicebantur, quid esset veri & per tormenta quærere. Sed nihil aliud inveni, quam superstitionem pravam & immodicam, ideoque, dilata cognitione, ad consulendum te decurri. Visa est enim mihi res digna consultatione, maxime propter periclitantium numerum. Multi enim omnis ætatis, omnis ordinis, utriusque sexus etiam, vocantur in periculum, & vocabuntur. Neque enim civitates tantum, sed vicos etiam atque agros superstitionis istius contagio pervagata est: quæ videtur sisti & corrigi posse. Certe satis constat, prope jam desolata templa cepisse celebrari, & sacra solennia diu intermissa repeti: passimque venire victimas, quarum adhuc rarissimus emptor inveniebatur; Ex quo facile est opinari, quæ turba hominum emendari possit, si sit pœnitentiæ locus.

XCVIII. TR. PLINIO S.

Actum quem debuisti, mi Secunde, in excutiendis causis eorum qui Christiani ad te delati fuerant, secutus es. Neque enim in universum aliquid, quod quasi certam formam habeat, constitui potest. Conquirendi non sunt: si deferantur & arguantur, puniendi sunt: ita tamen ut qui negaverit se Christianum esse, idque re ipsa manifestum fecerit, id est, supplicando diis nostris, quamvis suspectus in præteritum fuerit, veniam ex pœnitentia impetret. Sine auctore vero propositi libelli, nullo

nullo crimine, locum habere debent. Nam & pessimi exempli, nec nostri seculi est.

XCIX. C. PLINIVS TR. IMP. S.

Amastrianorum civitas, domine, & elegans & ornata, habet inter præcipua opera pulcherriam, eandemque longissimam, plateam: cujus à latere per spatium omne porrigitur nomine quidem flumen, re vero cloaca foedissima: quæ sicut turpis & immundissima aspectu, ita pestilens est, odore teterrimo. Quibus ex causis, non minus salubritatis quam decoris interest, eam contegi: quod fiet, si permiseris, curantibus nobis ne desit quoque pecunia operi tam magno quam necessario.

C. TRAIANVS PLINIO S.

Rationis est, mi Secunde carissime, contegi aquam istam quæ per civitatem Amastrianorum fluit, si detecta salubritati obeat. Pecunia ne huic operi desit, curaturum te secundum diligentiam tuam certum habeo.

CI. C. PLINIVS TR. IMP. S.

Vota, domine, priorum annorum nuncupata alacres lætique persolvimus, novaque rursus, curante commilitonum & provincialium pietate, suscepimus: precati deos ut te remque publicam florentem & incolumem ea benignitate servarent quam super magnas plurimasque virtutes præcipue sanctitate consequi deorum honore meruisti.

CII. TR. PLINIO S.

Solviste vota diis immortalibus, te præeunte, pro mea incolumitate, & commilitones cum provincialibus lætissimo consensu, in futurumque
nun-

nuncupasse, libenter, mi Secunde carissime, cognovi literis tuis.

CIII. C. PLINIVS TR. IMP. S.

Diem, in quem tutela generis humani felicissima successione translata est, debita religione celebravimus, commendantes diis, imperii tui auctoribus, & vota publica & gaudia.

CIV. TR. PLINIO S.

Diem imperii mei debita lætitia & religione à commilitonibus & provincialibus, præeunte te celebratum, libenter, mi Secunde carissime, cognovi literis tuis.

CV. C. PLINIVS TR. IMP. S.

Valerius, domine, Paulinus, excepto uno, jus Latinorum suorum mihi reliquit: ex quibus rogo tribus interim jus Quiritium des. Vereor enim ne sit immodicum, pro omnibus pariter invocare indulgentiam tuam; qua debeo tanto modestius uti, quanto pleniorē experior. Sunt autem pro quibus peto, C. Valerius Æstivus, C. Valerius Dionysius, C. Valerius Aper.

CVI. TR. PLINIO S.

Cum honestissime iis, qui apud fidem tuam à Valerio Paulino depositi sunt, consultum velis mature per me, iis interim, quibus nunc petisti, ut scias dedisse me jus Quiritium, referri in commentarios meos jussi, idem facturum in ceteris pro quibus petieris.

CVII. C. PLINIVS TR. IMP. S.

Rogatus, domine, à P. Accio Aquila, centurione cohortis sextæ equestris, ut mitterem tibi libellum, per quem indulgentiam pro statu filiz suæ
im-

implorat, durum putavi negare, cum scirem quantam soleres militum precibus patientiam humanitatemque præstare.

CVIII. TRAIANVS PLINIO S.

Libellum P. Accii Aquilæ, centurionis cohortis sextæ equestris, quem mihi misisti, legi: cujus precibus motus dedi filiæ ejus civitatem Romanam. Libellum rescripti, quem illi redderes, misi tibi.

CIX. C. PLINIVS TR. IMP. S.

Quid habere juris velis & Bithynas & Ponticas civitates in exigendis pecuniis, quæ illis vel ex locationibus, vel ex venditionibus aliisve causis debeantur, rogo, domine, rescribas. Ego inveni, à plerisque proconsulibus concessam eis protopraxiā, eamque pro lege valuisse. Existimo tamen tua providentia constituendum aliquid & sanciendum, per quod utilitatibus eorum in perpetuum consulatur. Nam quæ sunt ab aliis instituta, sint licet sapienter indulta, brevia tamen & infirma sunt, nisi illis tua contingat auctoritas.

CX. TRAIANVS PLINIO S.

Quo jure uti debeant Bithynæ vel Ponticæ civitates in iis pecuniis quæ ex quaque causa reipub. debentur, ex lege cujusque animadvertendum est. Nam si habent privilegium quo ceteris creditoribus anteponantur, custodiendum est: si vero non habent, in injuriam privatorum id dari à me non oportebit.

CXI. C. PLINIVS TR. IMP. S.

Edicus, domine, Amisenorum civitatis petebat apud me à Iulio Pisone denariorum circiter XL millia, donata ei publice ante xx annos, & bule & eccle-

ecclesia consentiente : utebaturque mandatis tuis , quibus ejusmodi donationes vetantur. Piso contra, plurima se in remp. contulisse , ac prope totas facultates erogasse, dicebat. Addebat etiam temporis spatium , postulabatque ne id quod pro multis & olim accepisset , cum everfione reliquæ dignitatis reddere cogeretur. Quibus ex causis integram cognitionem differendam existimavi, ut te, domine, consulerem quid sequendum putares.

CXII. TRAIANVS PLINIO S.

Sicut largitiones ex publico fieri mandata prohibent , ita , ne multorum securitas subruatur, factas ante aliquantum temporis retractari atque in irritum vindicari non oportet. Quicquid ergo ex hac causa actum ante viginti annos erit, omittamus. Non minus enim hominibus cujusque loci, quam pecuniæ publicæ consultum volo.

CXIII. C. PLINIVS TR. IMP. S.

Ex Pompeia, domine , qua Bithyni & Pontici utuntur, eos qui in bulen à censoribus leguntur, dare pecuniam non jubet : sed iis quos indulgentia tua quibusdam civitatibus super legitimum numerum adjicere permisit , & singula millia denariorum & bina intulerunt. Anicius deinde Maximus proconsul eos etiam qui à censoribus legerentur , duntaxat in paucissimis civitatibus aliud aliis jussit inferre. Superest ergo, ut ipse dispicias an in omnibus civitatibus certum aliquid omnes qui deinde buleutæ leguntur, debeant pro introitu dare. Nam quod in perpetuum mansurum est , à te constitui decet, cujus factis dictisque debetur æternitas.

CXIV.

CXIV. TRAIANVS PLINIO S.

Honorarium decurionatus omnes qui in quaque civitate Bithyniæ decuriones fiunt, inferre debeant necne, in universum à me non potest statui. Id ergo quod semper tutissimum est, sequendam cujusque civitatis legem, puto scilicet adversus eos qui inviti fiunt decuriones, existimo id acturos ut erogatio ceteris præferatur.

CXV. C. PLINIVS TR. IMP. S.

LEge, domine, Pompeia permissum Bithynicis civitatibus, adscribere sibi quos vellent cives, dum civitatis non sint alienæ, sed suarum quisque civitatum quæ sunt in Bithynia. Eadem lege sancitur, quibus de causis è senatu à censoribus ejiciantur: inter quas nihil de cive alieno cavetur. Inde me quidam ex censoribus consulendum putaverunt, an ejicere deberent eum qui esset alterius civitatis. Ego, quia lex sicut adscribi civem alienum vetabat, ita ejici è senatu ob hanc causam non jubebat: præterea quia ab aliquibus affirmabatur mihi in omni civitate plurimos esse buleutas ex aliis civitatibus, futurumq; ut multi homines multæque civitates concuterentur ea parte legis quæ jampridem consensu quodam exolevisset, necessarium existimavi consulere te quid servandum putares. Capita legis his literis subjeci.

CXVI. TRAIANVS PLINIO S.

MERITO hæsisisti, Secunde carissime, quid à te rescribi oporteret censoribus consulentibus an legerent in senatum aliarum civitatum, ejusdem tamen provinciæ, cives. Nam & legis auctoritas, & longa consuetudo usurpata contra legem, in diversum movere te potuit. Mihi hoc temperamen-

• ramentum ejus placuit, ut ex præterito nihil¹² novaremus, sed inanerent, quamvis contra legem, adsciti quarumcunque civitatum cives, in futurum autem lex Pompeia observaretur: cujus vim si retro quoque velimus custodire, multa necesse est perturbari.

CXVII. C. PLINIVS TR. IMP. S.

Qui virilem togam sumunt, vel nuptias faciunt, vel ineunt magistratum, vel opus publicum dedicant, solent totam bulen, atque etiam è plebe non exiguum numerum vocare, binosque denarios vel singulos dare: quod an celebrandum, & quatenus, putes, rogo scribas. Ipse enim, sicut, (arbitror non imprudenter) præsertim ex solennibus causis, concedendum jussi invitationes; ita vereor, ne ii, qui mille homines, interdum etiam plures, vocant, modum excedere, & in speciem diamones incidere videantur.

CXVIII. TR. PLINIO S.

Merito vereris, ne in speciem diamones incadat invitatio, quæ & in numero modum excedit, & quasi per corpora, non viritim singulos ex notitia, ad solennes sportulas contrahit. Sed ego ideo prudentiam tuam elegi, ut formandis istius provinciæ moribus ipse moderareris & ea constituas, quæ ad perpetuam ejus provinciæ quietem essent profutura.

CXIX. C. PLINIVS TR. IMP. S.

Athletæ, domine, ea quæ pro Iselasticis certaminibus constituisti, deberi sibi putant statim ex eo die quò sunt coronati. Nihil enim referre, quando sint patriam inveci, sed quando certamine vicerint, ex quo invehi possint. Ego contra

O

scribo

scribo Iselastorum nomine.¹³ itaque eorum vehementer addubitem an sit potius id tempus quo *εἰσέλασταιν* intuendum. Idem obsonia petunt pro eo agone qui à te Iselasticus factus est, quamvis vicerint ante quam fieret. Aiunt enim congruens esse, sicut non datur sibi pro his certaminibus quæ esse Iselastica, postquam vicerunt, desierunt; ita pro iis dari quæ esse cœperunt. Hic quoque non mediocriter hæreo, ne cujusquam retro habeatur ratio: dandumque quod tunc, quum vincerent, non debebatur. Rogo ergo, ut dubitationem meam regere, id est, beneficia tua interpretari ipse digneris.

CXX. TR. PLINIO S.

Iselasticum tunc primum mihi videtur incipere deberi, quum quis in civitatem suam ipse *εἰσέλασταιν*. Obsonia eorum certaminum quæ Iselastica esse placuit mihi, si ante Iselastica non fuerunt, retro non debentur. Nec proficere pro desiderio athletarum potest, ¹⁴ tam eorum quæ postea Iselastica lege constitui, quam quum vincerent esse desierunt. Mutata enim conditione certaminum, nihilominus quæ ante perceperant, non revocantur.

CXXI. C. PLINIVS TR. IMP. S.

VSque in hoc tempus, domine, neque cuiquam diplomata commodavi, neque in rem ullam, nisi tuam, misi. quam perpetuam servationem meam quædam necessitas rupit. Vxori enim meæ, audita morte avi, volenti ad amitam suam excurrere, usum eorum negare durum putavi, cum talis officii gratia in celeritate consisteret; sciremque te rationem itineris probaturum, cujus causa erat pietas. Hæc scripsi, quia mihi parum gratus tibi fore

fore videbar , si dissimulasset inter alia beneficia hoc unum , quod me debere sciebam indulgentiæ tuæ, quod fiducia ejus, quasi consulto te, non dubitavi facere ; quem si consuluissem , sero fecissem.

CXXII. TR. PLINIO S.

Merito habuisti , Secunde carissime , fiduciam animi mei. Nec dubitandum fuisset, si expectasses donec me consuleres an iter uxoris tuæ diplomatibus, quæ officio tuo dedi, ^{et} adjuvandum esset, usum eorum intentioni non profuisse, cum apud amitam suam uxor tua deberet etiam celeritate gratiam adventus sui augere.

F I N I S.





C. PLINII CÆCILII SECUNDI
CONSULIS
PANEGYRICVS,
NERVÆ TRAJANO
AVGVSTO DICTVS.



ENE ac sapienter, Patres C. majores instituerunt, ut rerum agendarum, ita dicendi initium à precationibus capere: quod nihil rite, nihilque providenter homines sine deorum immortalium ope, consilio, honore auspicarentur. Qui mos cui potius quam consuli? aut quando magis usurpandus colendusque est, quam quum imperio senatus, auctoritate reipublicæ ad agendas optimo principi gratias excitamur? Quod enim præstabilius est aut pulchrius munus deorum, quam castus & sanctus & diis simillimus princeps? Ac, si adhuc dubium fuisset, forte casuque rectores terris, an aliquo numine darentur, principem tamen nostrum liqueret divinitus constitutum. Non enim occulta potestate fatorum, sed ab Jove ipso coram ac palàm repertus, electus est. quippe inter aras & altaria, eodemque loci, quem deus ille tam manifestus ac præsens quam cælum ac sidera insedit. Quo magis aptum piumque est, te Jupiter optime maxime, antea conditorem, nunc conservatorem imperii nostri, precari ut mihi

mihi digna consule , digna senatu , digna principe
 contingat oratio : utque omnibus quæ dicentur à
 me , libertas , fides , veritas constet : tantumque à
 specie adulationis absit gratiarum actio mea ,
 quantum abest à necessitate. Equidem non con-
 suli modo , sed omnibus civibus enitendum reor
 nequid de principe nostro ita dicant , ut idem illud
 de alio dici potuisse videatur. Quare abeant ac re-
 cedant voces illæ quas metas exprimebat : nihil
 quale antea dicamus : nihil enim quale antea pa-
 timur : nec eadem de principe palam quæ prius ,
 prædicemus : neque enim eadem secreto loqui-
 mur quæ prius. Discernatur orationibus nostris
 diversitas temporum , & ex ipso genere gratiarum
 agendarum intelligatur , cui , quando sint hæcenus
 ut deo , nunc nusquam , ut numini blandiamur.
 Non enim de tyranno , sed de cive : non de domi-
 no , sed de parente loquimur. Vnum ille se ex no-
 bis , & hoc magis excellit atque eminet , quod
 unum ex nobis putat : nec minus hominem se
 quam hominibus præesse meminit. Intelligamus
 ergo bona nostra , dignosque nos illius usu probe-
 mus , atque identidem cogitemus , si majus princi-
 pibus præstemus obsequium qui servitute civium ,
 quam qui libertate lætantur. Et populus quidem
 Romanus dilectum principum servat : quantoque
 paulo ante concentu formosum alium , hunc for-
 tissimum personat : quibusque aliquando clamo-
 ribus gestum alterius & vocem , hujus pietatem ,
 abstinentiam , mansuetudinem laudat. Quid nos
 ipsi ? divinitatem principis nostri , an humanita-
 tem , temperantiam , facilitatem , ut amor & gau-
 dium tulit , celebrare universi solemus ? Iam , quid
 tam civile , tam senatorium , quam illud additum à
 nobis optimi cognomen ? quod peculiare hujus

& proprium arrogantia priorum principum fecit. Enimvero quam commune, quam ex æquo, quod felices nos felicem illum prædicamus? alternisque votis hæc faciat, hæc audiat, quasi non dicturi nisi fecerit, comprecamur? Ad quas ille voces lacrymis etiam ac multo pudore suffunditur. Agnoscit enim, sentitque, sibi non principi dici. Igitur quod temperamentum omnes in illo subito pietatis calore servavimus, hoc singuli quoque meditati teneamus: sciamusque nullum esse neque sincerius neque acceptius genus gratiarum, quam quod illas acclamationes æmulemur, quæ fingendi non habent tempus. Quantum ad me pertinet, laborabo ut orationem meam ad modestiam principis moderationemque submittam: nec minus considerabo quid aures ejus pati possint, quam quid virtutibus debeat. Magna & inusitata principis gloria, cui gratias acturus non tam vereor ne me in laudibus suis parcum quam ne nimium putet. Hæc me cura, hæc difficultas sola circumstat. nam merenti gratias agere facile est, patres conscripti. non enim periculum est ne, quum loquar de humanitate, exprobrari sibi superbiam credat: quum de frugalitate, luxuriam: quum de clementia, crudelitatem: quum de liberalitate, avaritiam: quum de benignitate, livorem: quum de continentia, libidinem: quum de labore, inertiam: quum de fortitudine, timorem. Ac ne illud quidem vereor, ne gratus ingratusve videar, prout satis aut parum dixerò. Animadverto enim etiam deos ipsos non tam accuratis adorantium precibus quam innocentia & sanctitate lætari: gratioremque existimari qui delubris eorum puram castamque mentem quam¹ qui meditatum carmen intulerit. Sed parendum est senatusconsulto, ² quod ex utilitate publica pla-

Placuit ut consulis voce sub titulo gratiarum agendarum, boni principes quæ facerent recognoscerent: mali, quæ facere deberent. Id nunc eo magis solenne ac necessarium est, quod parens noster privatas gratiarum actiones cohibet & comprimit: intercessurus etiam publicis, si permetteret sibi vetare, quod senatus juberet. Vtrunque, Cæsar Auguste, moderate, & quod alibi tibi gratias agi non finis, & quod hîc finis. non enim à teipso tibi honor iste, sed ab agentibus habetur. Cedis affectibus nostris, nec nobis munera tua prædicare, sed audire tibi necesse est. Sæpe ego mecum, P.C. tacitus agitavi qualem quantumque esse oporteret cujus ditione nutuque maria, terræ, pax, bella regerentur: quum interea fingenti formantique mihi principem, quem æquata diis immortalibus potestas deceret, nunquam voto saltem concipere succurrit similè huic quem videmus.³ Enituit aliquis in bello, sed obsolevit in pace: alium toga, sed non & arma honestarunt: reverentiam ille terrore, alius amorem humanitate captavit: ille quæsitam domi gloriam, in publico, hic in publico partam, domi perdidit: postremo adhuc nemo extitit cujus virtutes nullo vitiorum confinio læderentur. At principi nostro quanta concordia, quantusque concentus omnium laudum, omnisque gloriæ contigit, ut nihil severitati ejus hilaritate, nihil gravitati simplicitate, nihil majestati humanitate detrahatur. Iam firmitas, jam proceritas corporis, jam honor capitis, & dignitas oris, ad hoc, ætatis inflexa maturitas, nec sine quodam munere deum festinatis senectutis insignibus ad augendam majestatem ornata cæsaries, nonne longe lateque principem ostentant? Talem esse oportuit quem non bella civilia, nec armis oppressa respublica, sed pax & ad-

optatio, & tandem exorata terris numina dedissent. An fas erat nihil differre inter imperatorem quem homines & quem dii fecissent? quorum quidem in te, Cæsar, iudicium & favor, tunc statim quum ad exercitum profiscereris, & quidem inusitato enituit. Nam ceteros principes aut largus cruor hostiarum, aut sinister volatus avium consulentibus nuntiavit: tibi ascendenti de more Capitolium, quanquam non id agentium, civium clamor, ut jam principi, occurrit. Siquidem omnis turba quæ limen infederat, ad ingressum tuum foribus reclusis, jam quidem ut tunc arbitrabatur, deum, ceterum ut docuit eventus, te consalutavit imperatorem: nec aliter à cunctis omen acceptum est. Nam ipse intelligere volebas: recusabas enim imperare, recusabas quod bene erat imperaturo: igitur cogendus fuisti. Cogi porro non poteras, nisi periculo patriæ & mutatione reipub. obstinatum enim tibi non suscipere imperium, nisi servandum fuisset. Quare ergo illum ipsum furorem, motumque castrensem reor extitisse, quia magna vi magnoque terrore modestia tua vincenda erat. At sicut maris cælique temperiem turbines tempestatesque commendant, ita ad augendam pacis tuæ gratiam, illum tumultum præcessisse crediderim. Habet has vices conditio mortalium, ut adversa ex secundis, ex adversis secunda noscantur. Occultat utrorumque semina deus, & plerumque bonorum malorumque causæ sub diversa specie latent. Magnum quidem illud seculo dedecus, magnum reipub. vulnus impressum est. Imperator, & parens generis humani obsessus, captus, inclusus: ablata mitissimo seni servandorum hominum potestas: ereptumque principi illud in principatu beatissimum, quod nihil cogitur. Si tamen

hæc

hæc sola erat ratio quæ te publicæ salutis gubernaculis admoveret, prope est ut exclamem, tanti fuisset. Corrupta est disciplina castrorum, ut tu corrector emendatorque contingeres: inductum pessimum exemplum, ut optimum opponeretur: postremo coactus princeps quos nollet occidere, ut daret principem qui cogi non posset. Olim tu quidem adoptari merebare: sed nescissemus quantum tibi deberet imperium, si ante adoptatus esses. Expectatum est tempus in quo liqueret non tam accepisse te beneficium quam dedisse. Confugit in sinum tuum concussa respub. ruensque imperium super imperatorem, imperatoris tibi voce delatum est. Imploratus adoptione, & accitus es. Ut olim duces magni à peregrinis externisque bellis ad opem patriæ ferendam revocari solebant, ita filius ac parens uno eodemque momento rem maximam invicem præstitistis. Ille tibi imperium dedit, tu illi reddidisti. Solus ergo adhuc qui promunere tanto paria accipiendo fecisti, immo ultro dantem obligasti. Communicato enim imperio sollicitior tu, ille securior factus est. O novum atque inauditum ad principatum iter! non te propria cupiditas, proprius metus, sed aliena utilitas, alienus timor principem fecit. Videaris licet quod est amplissimum consequutus inter homines: felicius tamen erat illud quod reliquisti, sub bono principe privatus esse delisti. Assumptus es in laborum curarumq; consortium, nec te læta & prospera stationis istius, sed aspera & dura ad capefendam eam compulerunt: suscepisti imperium postquam alium suscepti pœnitebat. Nulla adoptati cum eo qui adoptabat, cognatio, nulla necessitudo, nisi quod uterque optimus erat, dignusque alter eligi, alter eligere. Itaque adoptatus es,

non ut prius alius atque alius in gratiam uxoris :
ascivit enim te filium non vitricus , sed princeps :
eodemque animo divus Nerva pater tuus factus
est, quo erat omnium. Nec decet aliter filium as-
sumi, si assumatur à principe. An senatus populi-
que Romani exercitus provincias , socios trans-
missurus uni, successorem è sinu uxoris accipias ?
summæque potestatis heredem tantum intra do-
mum tuam quæras ? non per totam civitatem cir-
cumferas oculos , & hunc tibi proximum , hunc
conjunctissimum existimes , quem optimum ,
quem diis simillimum inveneris ? Imperaturus
omnibus eligi debet ex omnibus. non enim ser-
vulis tuis dominum, ut possis esse contentus qua-
si necessario herede , sed principem civibus datu-
rus imperator. Superbum istud & regium, nisi ad-
optes eum quem constet imperaturum fuisse , e-
tiam si non adoptasses. Fecit hoc Nerva, nihil in-
teresse arbitratus , genueris an elegeris : si perinde
sine judicio adoptentur liberi ac nascuntur , nisi
tamen quod æquiore animo ferunt homines quem
princeps parum feliciter genuit, quam quem male
elegit. Sedulo ergo vitavit hunc casum, nec judi-
cium hominum , sed deorum etiam in consilium
assumpsit. Itaque non tua in cubiculo, sed in tem-
plo , nec ante genialem torum , sed ante pulvinas
Iovis optimi maximi, adoptio peracta est : qua
tandem non servitus nostra, sed libertas & salus &
securitas fundabatur. Sibi enim dii gloriam illam
vendicaverunt : horum opus , horum illud impe-
rium, Nerva tamen minister fuit : uterque qui ad-
optaret tam paruit quam tu qui adoptabaris. Alla-
ta erat ex Pannonia laurea , id agentibus diis , ut
invisi imperatoris exortum victoriæ insigne de-
coraret : hanc imperator Nerva in gremio Iovis collo-

collocarat, quum repente solito major & augustinior, advocata hominum concione deorumque, te filium sibi, hoc est, unicum auxilium, fessis rebus assumpsit. Inde quasi deposito imperio qua securitate, qua gloria lætus? nam quantum refert deponas an partiaris imperium, nisi quod difficilius hoc est, non secus ac præsentis tibi innixus, tuis humeris se patriamque sustentans, tua juvenuta, tuo robore invaluit: statim confedit omnis tumultus. Non adoptionis opus istud fuit, sed adoptati: atque adeo temere fecerat Nerva si adoptasset alium. Oblitine sumus ut nuper post adoptionem non desierit seditio, sed cœperit? irritamentum istud irarum, & fax tumultus fuisset, nisi incidisset in te. An dubium est, ut dare non posset imperium imperator qui reverentiam amiserat? auctoritate ejus effectum est cui dabatur. Simul filius, simul Cæsar, mox imperator, & consors tribunitiæ potestatis, & omnia pariter, & statim factus es, quæ proxime parens verus tantum in alterum filium contulit. Magnum hoc tuæ moderationis indicium, quod non solum successor imperii, sed particeps etiam sociusque placuisti. Nam successor, etiam si nolis, habendus es: non es habendus socius, nisi velis. Credentne posteris, patrio & consulari, & triumphali patre genitum, quum fortissimum, amplissimum, amantissimum sui exercitum regeret, imperatorem non ab exercitu factum? eidem quum Germaniæ præsideret, Germanici nomen hinc missum? nihil ipsum, ut imperator fieret agitasse? nihil fecisse, nisi quod meruit & paruit. Paruisti enim Cæsar, & ad principatum obsequio pervenisti: nihilque magis à te subiecti animo factum est, quam quod imperare cœpisti. Jam Cæsar, jam imperator, jam Germanicus,

nicus, absens & ignarus, & post tanta nomina quantum ad te pertinet, privatus. Magnum videretur, si dicerem, Nescisti te imperatorem futurum: eras imperator, & esse te nesciebas. Ut vero ad te fortunæ tuæ nuntius venit, malebas quidem hoc esse quod fueras, sed non erat liberum. Annon obsequeris principi civis; legatus imperatori? filius patri? ubi deinde disciplina? ubi mos à majoribus traditus, quodcunque imperator munus injungeret, æquo animo paratoque subeundi? Quid enim si provincias ex provinciis, ex bellis bella mandaret? Eodem illo uti jure posse putes, quum ad imperium revocet, quo sit usus quum ad exercitum miserit; nihilque interesse, ire legatum, an redire principem jubeat, nisi quod major sit obsequii gloria in eo quod quis minus velit. Augebat auctoritatem jubentis, in summum discrimen auctoritas ejus adducta: utq; magis parendum imperanti putares efficiebatur, eo quod ab aliis minus parebatur. ad hoc audiebas senatus populi-que consensum. Non unius Nervæ judicium illud; illa electio fuit. nam qui ubique sunt homines, hoc idem votis expetebant: ille tantum jure principis occupavit, primusque fecit quod omnes facturi erant: nec hercule tantopere cunctis factum placeret, nisi placuisset antequam fieret. At quo temperamento, dii boni, potestatem tuam fortunamque moderatus es? Imperator titulis, & imaginibus, & signis: ceterum modestia, labore, vigilantia, dux & legatus, & miles: quum jam tua vexilla, tuas aquilas magno gradu anteires, neque aliud tibi ex illa adoptione, quam filii pietatem, filii obsequium assereres, longamque huic nomini ætatem, longam gloriam precarè: jam te providentia deorum primum in locum provexerat, tu
adhuc

adhuc in secundo resistere , atque etiam senescere optabas : privatus tibi videbaris quandiu imperator & alius esset. Audita sunt vota tua, sed in quantum optimo illi & sanctissimo seni utile fuit, quem dii cælo vendicaverunt , ne quid post illud divinum & immortale factum , mortale faceret. Deberi quippe maximo operi hanc venerationem , ut novissimum esset, auctoremque ejus statim consecrandum, ut quandoque inter posteros quaereretur an illud jam deus fecisset. Ita ille nullo magis nomine publicus parens quam quia tuus. Ingens gloria , ingensque fama , quum abunde expertus esset quam bene humeris tuis sederet imperium , tibi terras, te terris reliquit : eo ipso carus omnibus ac desiderandus , quod prospexerat ne desideraretur. quem tu lacrymis primum , ita ut filium decuit , mox templis honestasti : non imitatus illos qui hoc idem , sed alia mente , fecerunt. Dicavit cælo Tiberius Augustum, sed ut majestatis numen induceret : Claudium Nero , sed ut irrideret : Vespasianum Titus, Domitianus Titum : sed ille, ut dei filius, hic, ut frater videretur : tu sideribus patrem intulisti, non ad metum civium, non in contumeliam numinum , non in honorem tuum , sed quia deum credis. Minus est hoc quum sit ab his qui & sese deos putant : sed licet illum aris, pulvinaribus, flamine colas, non alio magis tamen deum & facis & probas quam quod ipse talis es. In principe enim qui electo successore fato concessit , una iterumque certissima divinitatis fides est, bonus successor. Num ergo tibi ex immortalitate patris aliquid arrogantiae accessit ? num hos proximos divinitate parentum desides ac superbos , potius quam illos veteres & antiquos æmuleris , qui hoc ipsum imperium peperere , quod modo hostes in-

vaserant contempserantque? cujus pulsus fugatique, non aliud magis habebatur indicium, quam quod triumpharetur. Ergo sustulerant animos, & jugum excusserant: nec jam nobiscum de sua libertate, sed de nostra servitute, certabant: ac ne inducias quidem, nisi æquis conditionibus inibant: legesque ut acciperent, dabant. At nunc rediit omnibus terror & metus, & votum imperata faciendi. Vident enim Romanum ducem unum ex illis veteribus & priscis, quibus imperatorium nomen addebant confecti cædibus campi, & infecta victoriis maria. Accipimus obsides ergo, non emimus: nec ingentibus damnis immensisque muneribus paciscimur: ut vicerimus: rogant, supplicant; largimur, negamus. utrumque ex imperii maiestate. Agunt gratias qui impetraverunt. non audent queri quibus negatum est. An audeant qui sciant te assedisse ferocissimis populis eo ipso tempore quod amicissimum illis, difficillimum nobis, quum Danubius ripas gelu jungit, duratusque glacie ingentia tergo bella transportat: quum feræ gentes non telis magis, quam suo cælo, suo sidere armantur? Sed ubi in proximo tu, non secus ac si mutata temporum vices essent, illi quidem latibulis suis clausi tenebantur, nostra agmina percurrere ripas, & aliena occasione si permitteres uti, ultroque hyemem suam barbaris inferre gaudebant. Hæc tibi apud hostes veneratio. Quid apud milites, quam admirationem quemadmodum comparasti, quum tecum in eandem, tecum ferrent sitim? quum in illa meditatione campestri militariis turmis imperatorium pulverem sudoremque misceres? nihil à ceteris, nisi robore ac præstantia, differens, quum libero Marte, nunc totius tela vibrares, nunc vibrata susciperes, alacer vir-

virtute militum , & lætus quoties aut cassidi tuæ aut clypeo gravior ictus incideret? Laudabas quippe ipse ferientes, hortabarisque ut auderent: & audebant jam, quum spectator moderatorque ineuntium certamina virorum , arma componeres, tela tentares: ac si quid durius accipienti videretur, ipse vibrares. Quid quum solatium fessis , ægris opem ferres? Non tibi moris tua inire tentoria, nisi commilitonum ante lustrasses : nec requiem corpori, nisi post omnes , dare. Hac mihi admiratione dignus imperator non videretur , si inter Fabricios & Scipiones & Camillos talis effet. Tunc enim illum imitationis ardor , semperque melior aliquis accenderet: postquam vero studium armorum à manibus ad oculos , ad voluptatem à labore translatum est, postquam exercitationibus nostris non veteranorum aliquis, cui decus muralis aut civica, sed Græculus magister assistit , quam magnum est unum ex omnibus patrio more patria virtute lætari, & sine æmulo, ac sine exemplo secum certare, secum contendere : ac sicut imperat solus , solum ita esse qui debeat imperare? Nonne incunabula hæc tibi Cæsar , & rudimenta , quum puer admodum Parthica lauro gloriam patris augeres , nomenque Germanici jam tum mererè? quum ferociam superbiamque Parthorum ex proximo auditus magno terrore cohiberes? Rhenumque & Euphratem admirationis tuæ fama jungeres? quum orbem terrarum non pedibus magis quam laudibus peragreres? apud eos semper major & clarior quibus postea contigisses? Et necdum imperator , necdum dei filius eras , Germaniamque cum plurimæ gentes, ac prope infinita vastitas interjacentis soli , tum Pyrenæus, Alpes , immensique alii montes, nisi his compararentur, muniunt
diti-

dirimuntque, per hoc omne spatium quum legiones duceres, seu potius (tanta velocitas erat) raperes: non vehiculum unquam, non equum respexisti. Levis hic, non subsidium itineris, sed decus, & cum ceteris subsequebatur, ut cujus nullus tibi usus, nisi quum die stativorum proximum campum alacritate, discursu, pulvere attolleres. Initium laboris mirer, an finem? multum est quod perseverasti, plus tamen quod non timuisti ne perseverare non posses. Nec dubito quin ille qui te inter ⁶ illa Germaniæ bella ab Hispania usque, ut validissimum præsidium exciverat, iners ipse, alienisque virtutibus tunc quoque invidus imperator, quum ope earum indigeret, tantam admirationem tui, non sine quodam timore conceperit, quantam ille genitus Iove post sævos labores, duraque imperia regi suo indomitus semper indefessusque referebat: quum aliis super alias expeditionibus munere alio dignus invenireris. Tribunus vero disjunctissimas terras teneris adhuc annis viri firmitate lustrasti: jam tunc præmonente fortuna ut diu ⁷ penitus perdisceres quæ mox præcipere deberes. Neque enim prospexisse castra, brevemque militiam quasi transisse contentus, ita egisti tribunum, ut esse statim dux posses, nihilque discendum haberes tempore docendi. Cognovisti per stipendia decem, mores gentium, regionum situs, opportunitates locorum, & diversam aquarum cælique temperiem, ut patrios fontes, patriumque fidus ferre consueisti: quoties equos, quoties emerita arma mutasti. Veniet ergo tempus quo posterius visere, visendum tradere minoribus suis gestient, quis sudores tuos hauserit campus, quæ refectio- nes tuas arbores, quæ somnum saxa prætexerint, quod denique testum magnus hospes impleveris,

ut

ut tunc ipsi tibi ingentium ducum sacra vestigia
iisdem in locis monstrabantur. Verum hæc olim,
in præsentia quidem quisquis paulo vetustior mi-
les, hic te commilitone censetur. Quotus enim
quisque cujus tu non ante commilito quam impe-
rator? Inde est quod prope omnes nomine appel-
las, quod singulorum fortia facta commemoras.
nec habent adnumeranda tibi pro republica vul-
nera quibus statim laudator & testis contigisti.
Sed magis prædicanda moderatio tua, quod innu-
tritus bellicis laudibus, pacem amas: nec quia vel
pater tibi triumphalis, vel adoptionis tuæ die dica-
ta Capitolino Iovi laurus, idcirco ex occasione
omni quæris triumphos, non times bella, nec pro-
vocas. Magnum est, imperator Auguste, magnum
est stare in Danubii ripa, si transeas certum trium-
phi, nec decertare cupere cum recusantibus: quo-
rum alterum fortitudine, alterum moderatione
efficitur. Nam ut ipse nolis pugnare, moderatio:
fortitudo tua præstat ut neque hostes tui velint.
Accipiet ergo aliquando Capitolium non inanes
currus, nec falsæ simulacra victoriæ: sed impera-
tore veram ac solidam gloriam reportante, tran-
quillitatem, & tamen confessa hostium obsequia,
ut vincendus nemo fuerit. pulchrius hoc omnibus
triumphis. neque enim unquam nisi ex contemptu
imperii nostri factum est ut vinceremus. Quod
si quis barbarus rex eo insolentiæ furorisque pro-
cesserit, ut iram tuam indignationemque merea-
tur, næ ille, siue interfuso mari, seu fluminibus
immemis, seu præcipiti monte defenditur, omnia
hæc tam prona tamque cedentia virtutibus tuis
sentiet, ut subsedisse montes, flumina exaruisse,
interceptum mare, illatasque sibi non esse classes
nostras, sed terras ipsas arbitretur. Videor jam cer-
nere

nere non spoliis provinciarum, & extorto sociis auro, sed hostilibus armis, captorumque regum catenis triumphum gravem. Videor ingentia ducum nomina, nec indecora nominibus corpora ² vocitare. Videor intueri in manibus sequentem, mox ipsum te sublimem instantemq; curru domitarum gentium tergo, ante currum clypeos quos ipse perfoderis. Nec tibi opima defuerint, si quis regum venire in manus audeat: nec modo telorum tuorum, sed etiam oculorum minarumque conjectum, toto campo totoque exercitu opposito, perhorrescat. Meruisti proxima moderatione ut quandocunque te vel inferre vel propulsare bellum coegerit imperii dignitas, non ideo vicisse videaris ut triumphares, sed triumphare quia viceris. Aliud ex alio mihi occurrit. Quam speciosum est quod disciplinam castrorum lapsam extinctamque refovisti, depulso prioris seculi malo, inertia, & contumacia, & dedignatione parendi! Tutum est reverentiam, tutum caritatem mereri. Nec ducum quisquam, aut non amari à militibus, aut amari timet: & inde offensæ gratiæque pariter securi instant operibus, adsunt exercitationibus, arma, mœnia, viros aptant. Quippe non is princeps qui sibi imminere, sibi intendi putet quod in hostes paretur: quæ persuasio fuit illorum qui hostilia quum facerent, timebant. Eodem ergo tempore militaria studia, nec animos modo, sed & corpora ipsa languescere, gladios etiam incuria hebetari retundique gaudebant. Duces porro nostri non tam regum ceterorum quam suorum principum insidias, nec tam hostium quam commilitonum manus ferrumque metuebant. Est hæc natura fideribus, ut parva & exilia validiorum exortus-obscuret: similiter imperato-

ria

ris adventu legatorum dignitas inumbratur. Tu
 tamen major omnibus quidem eras, sed sine ullius
 diminutione major: eandem auctoritatem præsen-
 te te quisque quam absente, retinebat. Quin etiam
 plerisque ex eo reverentia accesserat, quod tu quo-
 que illos reverebare. Itaque perinde summis atque
 infimis carus, sic imperatorem commilitonem-
 que miscueras, ut studium omnium laboremque
 & tanquam exactor intenderes, & tanquam par-
 ticeps fociusque relevares. Felices illos quorum
 fides & industria non per internuntios & inter-
 pretes, sed ab ipso te nec auribus tuis, sed oculis,
 probantur. Consecuti sunt ut absens quoque de
 absentibus nemini magis quam tibi crederes. Iam
 te civium desideria revocabant, amoremque castro-
 rum superabat caritas patriæ, iter inde placidum,
 ac modestum, ut plane à pace redeuntis. Nec ve-
 ro ego in laudibus tuis ponam quod adventum
 tuum non pater quisquam, non maritus expavit.
 Affectata aliis castitas, tibi ingenita & innata, in-
 terque ea quæ imputare non possis. Nullus in ex-
 igendis vehiculis tumultus, nullum circa hospitia
 fastidium: annona, quæ ceteris. Ad hoc, comi-
 tatus accinctus & parens. diceres magnum al-
 quem ducem, & te potissimum ad exercitus ire.
 Adeo nihil, aut certe parum intererat inter impera-
 torem factum, & brevi futurum. Quam dissimilis
 nuper alterius principis transitus, si tamen transitus
 ille, non populatio fuit, quum abactus hospitem
 exerceret, omniaque dextra lævaque perusta & attrita,
 ut si vis aliqua, vel ipsi illi barbari, quos fugiebat,
 inciderent. Persuadendū provinciis erat illud iter,
 Domitiani fuisse, non principis. Itaque non tam
 pro tua gloria quam pro utilitate communi, edi-
 cto subjecisti quid in utrumque vestrum esset im-
 per-

penſum. Affueſcat imperator, cum imperio calculum ponere: ſic exeat, ſic redeat, tanquam rationem redditurus. edicat quid abſumpſerit. Ita fiet ut non abſumat quod pudeat dicere: præterea futuri principes, velint, nolint, ſciant⁹ tamen. Conſtet, propoſitiſque duobus exemplis meminerint, perinde conjecturam de moribus ſuis homines eſſe faſturos, prout hoc vel illud elegerint. Nonne his tot tantiſque meritis novos aliquos honores, novos titulos inerebare? at tu etiam nomen patris patriæ recuſabas. Quam longa nobis cum modestia tua pugna? quam tarde vicimus? Nomen illud quod alii primo ſtatim principatus die, ut imperatoris & Cæſaris receperunt, tu uſque eo diſtulisti, donec tu quoque, beneficiorum tuorum parciffimus æſtimator, jam te mereri fatereris? Itaque ſoli omnium contigit tibi ut pater patriæ eſſes antequam fieres. Eras enim in animis, in judiciis noſtris: nec publicæ pietatis intererat quid vocare, niſi quod ingrata ſibi videbatur, ſi te imperatorem potius vocaret & Cæſarem, quam patrem experiretur. Quod quidem nomen qua benignitate, qua indulgentiâ exerces! ut cum civibus tuiſ, quaſi cum liberis parens, vivis! ut reverſus imperator, qui privatus exieras, agnoſcis, agnoſceris! eoſdem nos, eundem te putas: par omnibus, & hoc tantum ceteris major, quo melior. Ac primum qui dies ille quo expectatiſ deſideratiſque urbem tuam ingreſſus es? Iam hoc ipſum quod ingreſſus es, quam mirum lætumque? Nam priores invehi & importari ſolebant: non dico quadrijugo curru, & albetibus equis, ſed humeris hominum, quod arrogantius erat: tu ſola corporis proceritate elatior aliis & excelfior, non de patientia noſtra quendam triumphum, ſed de
super-

superbia principum egisti. Ergo non ætas quæ-
 quam, non valetudo, non sexus retardavit quomi-
 nus oculos insolito spectaculo impleret. Te parvuli
 noscere, ostentare juvenes, mirari senes, ægri
 quoque neglecto medentium imperio ad conspe-
 ctum tui, quasi ad salutem sanitatemque, prorepe-
 re. Inde alii se satis vixisse te viso, te recepto: alii
 nunc magis esse vivendum prædicabant. Fœminas
 etiam tunc fœcunditatis suæ maxima voluptas
 subiit, quum cernerent cui principi cives, cui im-
 peratori milites peperissent. Videres referta tecta
 ac laborantia, ac ne eum quidem vacantem locum
 qui nonnisi suspensum & instabile vestigium ca-
 peret. Oppletas undique vias, angustumque tra-
 mitem relictum tibi: alacrem hinc atque inde po-
 pulum, ubique par gaudium paremque clamorem.
 tam æqualiter ab omnibus ex adventu tuo lætitia
 percepta est, quam omnibus venisti: quæ tamen
 ipsa cum ingressu tuo crevit; ac prope in singulos
 gradus adaucta est. Gratum erat cunctis quod sen-
 natum osculo exciperes, ut dimissus osculo fueras:
 gratum quod equestris ordinis decora honore
 nominum sine monitore signares: gratum quod
 tantum non ultro clientibus salutatis quasdam fa-
 miliaritatis notas adderes: gratius tamen quod sen-
 sim & placide, & quantum respectantium turba
 pateretur, incederes, quod occurfantium populus
 te quoque, te, inimo maxime, astaret: quod primo
 statim die latus tuum crederes omnibus. neque enim
 stipatus satellitum manu, sed circumfusus undique
 nunc senatus nunc equestris ordinis flore, prout
 alterutrum frequentię genus invaluisset, silentes
 quietosque lictores tuos subsequere. Nam mi-
 lites nihil à plebe habitu, tranquillitate, modestiæ
 differebant. Vbi vero cœpisti Capitolium ascen-
 dere,

dere, quam læta omnibus adoptionis tuæ recordatio ! quam peculiare gaudium eorum qui te prius eodem loco salutaverant imperatorem ! quin etiam deum ipsum tuam præcipuam voluptatem operis sui percepisse crediderim. Ut quidem iisdem vestigiis institisti, quibus parens tuus ingens illud deorum prolaturus arcanum, quæ circumstantium gaudia ! quam recens clamor ! quam similis illi dies, qui hunc genuit diem ! ut plena altaribus, augusta victimis cuncta ! ut in unius salutem collata omnium vota ! quum sibi se, ac liberis suis, intelligerent precari quæ pro te precarentur. Inde tu in palatium quidem, sed eo vultu, sed ea moderatione, ut si privatam domum peteres ; ceteri ad penates suos, quisque iteraturus gaudii fidem, ubi nulla necessitas gaudendi est. Onerasset alium ejusmodi introitus ; tu quotidie admirabilior & melior : talis denique, quales alii principes futuros se tantum pollicentur. Solum ergo te commendat augetque temporis spatium. Iunxisti enim ac miscuisti res olim diversissimas, securitatem imperantis, & incipientis pudorem. Non tu civium amplexus ad pedes tuos deprimis, nec osculum manu reddis. Manet imperatori quæ prior humanitas. Incedebas pedibus, incedis : lætabaris labore, lætaris : eademque omnia illa circa te, nihil in ipso te fortuna mutavit. Liberum est, ingrediente per publicum principe, subsistere, occurrere, comitari, præterire : ambulas inter nos, non quasi ^{1º} contingat, & copiam tui, non ut imputes, facis. Hæret lateri tuo quisquis accessit : finemque sermoni suus cuique pudor, non tua superbia, facit. Regimur quidem à te, & subiecti tibi, sed quemadmodum legibus, sumus. Nam & illæ cupiditates nostras libidinesque moderantur, nobiscum ta-

men

men & inter nos versantur. Emines, excellis, ut honor, ut potestas, quæ super homines quidem, hominum sunt tamen. Ante te principes, fastidio nostri, & quodam æqualitatis metu, usum pedum amiserant. Illos ergo humeri cervicisque servorum super ora nostra: te fama, te gloria, te civium pietas super ipsos principes vehunt; te ad sidera tollit humus, ita communia & confusa principis vestigia. Nec vereor, P. C. ne longior videar, quum sit maxime optandum, ut ea, pro quibus aguntur principi gratiæ, multa sint: quæ quidem reverentius fuerit integra illibataque cogitationibus vestris reservari, quam carptim breviterque perstringi, quia fere sequitur, ut illa quidem de quibus taceas, tanta quanta sunt esse videantur. Nisi vero leviter attingi placet, locupletatas tribus, datumque congiarium populo, & datum totum, quum donativi partem milites accepissent. An mediocris animi est, his potius repræsentare, quibus magis negari potest? quamquam in hac quoque diversitate æqualitatis ratio servata est. Æquati sunt enim populo milites eo quod partem, sed priores; populus militibus, quod posterior, sed totum statim accepit. Enimvero qua benignitate divisum est? quantæ curæ tibi fuit ne quis expers liberalitatis tuæ fieret? Datum est his, qui post edictum tuum in locum erasorum subditi fuerant: æquatique sunt ceteris illi etiam, quibus non erat promissum. Negotiis aliquis, valetudine alius, hic mari, ille fluminibus distinebatur: expectatum est provisumque ne quis æger, ne quis occupatus, ne quis denique longe fuisset: veniret quisque quum vellet: veniret quisque quum posset. Magnificum, Cæsar, & tuum, disjunctissimas terras munificentiae, ingenio velut admoveere, immensaque spatia libe-

liberalitate contrahere: intercedere casibus, occurrere fortunæ, atque omni ope adniti ne quis è plebe Romana dante congiarium te, hominem magis sentiret se fuisse quam civem. Adventante congiarii die, observare principis egressum in publicum: insidere ¹² examina infantium, futurusque populus solebat. Labor parentibus erat ostentare parvulos: impositosque cervicibus adulantia verba blandasque voces edocere. Reddebant illi quæ monebantur, ac plerique irritis precibus surdas principis aures adstrepebant: ignarique quid rogassent, quid non impetrassent, donec plane scirent, differebantur: tu ne rogari quidem sustinuiisti. Et quanquam lætissimum oculis tuis esset, conspectu Romanæ sobolis impleri, omnes tamen antequam te viderent adirentve, recipi, incidi iussisti, ut jam inde ab infantia parentem publicum munere educationis experirentur: crescerent de tuo qui crescerent tibi, alimentisque tuis ad stipendia tua pervenirent, tantumque omnes uni tibi quantum parentibus suis quisque deberet. Recte, Cæsar, quod spem Romani nominis sumptibus tuis suscipis. Nullum est enim magno principe, immortalitatemque merituro impendii genus dignius quam quod erogatur in posteros. Locupletes ad tollendos liberos ingentia præmia, & pares pœnæ cohortantur: pauperibus educandis una ratio est bonus princeps. Hic fiducia sui procreatos nisi larga manu fovet, auget, amplectitur, occasum imperii, occasum reipub. accelerat. Frustra princeps plebe neglecta, ut defectum corpore caput, nutaturumque instabili pondere tuetur. Facile est conjectare quod perceperis gaudium quum te parentum, liberorum, senum, infantium, puerorum clamor exciperet. Hæc prima parvulorum civium

vox aures tuas imbuit, quibus tu daturus alimenta hoc maximum præstitisti, ne rogarent. Super omnia est tamen, quod talis es, ut sub te liberos tollere libeat & expediat. Nemo jam parens filio nisi fragilitatis humanæ vices horret; nec inter insanabiles morbos principis ira numeratur. Magnum quidem est educandi incitamentum, tollere liberos in spem alimentorum, in spem congiariorum; majus tamen, in spem libertatis, in spem securitatis. Atque adeo nihil largiatur princeps, dum nihil auferat. non alat, dum non occidat: nec deerunt qui filios concupiscant. Contra, largiatur ut auferat, alat ut occidat, næ ille tam brevi tempore effecerit ut omnes non posterorum modo, sed sui parentumque pœniteat. Quocirca nihil magis in tua tota liberalitate laudaverim, quam quod congiarium das de tuo, alimenta de tuo: neque à te liberi civium, ut ferarum catuli, sanguine & cædibus nutriuntur: quodque gratissimum est accipientibus, sciunt dari sibi quod nemini est ereptum, locupletatisq; tam multis pauperiorem esse factum principem tantum: quanquã nec hunc quidem. Nam cujus est quicquid est omnium, tantum ipse quantum omnes habet. Alio me vocat numerosa gloria tua: alio autem? quasi vero jam satis veneratus miratusque sim quod tantam pecuniam profudisti, non ut flagitii tibi conscius ab infectione ejus averteres famam; nec ut tristes hominum mœstosque sermones lætiore materia detineres. Nullam congiario culpam, nullam alimentis crudelitatem redemisti; nec tibi benefaciendi fuit causa, ut quæ male feceras, impune fecisses; amor impendio isto, non venia quæsitæ est: populusque Romanus obligatus à tribunali tuo, non exoratus recessit. Obtulisti enim congiarium gau-

P

den-

dentibus gaudens, securusque securis: quodque antea principes ad odium sui leniendum tumentibus plebis animis objectabant, id tu tam innocens populo dedisti quam populus accepit. Paulo minus, P. C. quinque millia ingenuorum fuerunt, quæ liberalitas principis nostri conquisivit, invenit, adscivit. Hi subsidium bellorum, ornamentum pacis, publicis sumptibus aluntur, patriamque non ut patriam tantum, verum ut altricem amare condiscunt. Ex his castra, ex his tribus replebuntur; ex his quandoque nascentur quibus alimentis opus non sit. Dent tibi, Cæsar, ætatem dii quam merearis, ferventque animum quem dederunt: & quando majorem infantium turbam iterum atque iterum videbis incidi (augetur enim quotidie & crescit, non quia cariores parentibus liberi, sed quia principi cives) dabis congiaria si voles, præstabis alimenta si voles; illi tamen propter te nascuntur. Instar ego perpetui congiarii reor affluentiam annonæ. Hujus aliquando cura Pompeio non minus addidit gloriæ, quam pulsus ambitus campo, exactus hostis mari, oriens triumphis occidensque lustratus. Nec vero ille civilius quam parens noster, auctoritate, consilio, fide reclusit vias, portus patefecit, itinera terris, litoribus mare, litora mari reddidit, diversasque gentes ita commercio miscuit, ut quod genitum esset usquam, id apud omnes natum esse videretur. Nonne cernere datur, ut sine ullius injuria omnis usibus nostris annus exuberet? Quippe non, ut ex hostico raptæ, perituræque in horreis messes, nequicquam queritanti- bus sociis, auferuntur. Devehunt ipsi quod terra genuit, quod fidus aluit, quod annus tulit: nec novis indictionibus pressi ad vetera tributa deficiunt. Emit fiscus quicquid videtur emere; inde
copiæ,

copiæ, inde annona, de qua inter licentem vendentemque conveniat: inde hîc satietas, nec fames usquam. Ægyptus alendis augendisque seminibus ita gloriata est, ut nihil imbribus cæloque deberet: siquidem proprio semper amne perfusa, nec alio genere aquarû solita pinguescere, quam quas ipse devexerat, tantis segetibus induebatur, ut cum feracissimis terris, quasi nunquam cessura, certaret: hæc inopina siccitate usque ad injuriam sterilitatis exaruit, quia piger Nilus cunctanter alveo sese ac languide extulerat, ingentibus quoque tunc quidem ille fluminibus conferendus. Hinc pars magna terrarum mergi palanti amne consueta alto pulvere incanduit. Frustra tunc Ægyptus nubila optavit, cælumque respexit, quum ipse fœcunditatis parens contractior & exilior iisdem ubertatem ejus anni angustiis, quibus abundantiam suam, cohibuisset. Neque enim solum vagus ille expanditor amnis intra usurpata semper collum substiterat atque hæserat, sed supino etiam ac detinenti solo, placido se mollique lapsu refugum abstulerat: necdum satis humentes terras addiderat arentibus. Igitur inundatione, id est, ubertate, regio fraudata, sic opem Cæsaris invocavit, ut solet amnem suum: nec longius illi adversotum fuit spatium quam dum nuntiat. Tam velox, Cæsar, potentia tua est, tamque in omnia pariter intenta bonitas & accincta, ut tristius aliquid seculo tuo passis ad remedium salutemque sufficiat, ut scias. Omnibus equidem gentibus fertiles annos gratasque terras precor; crediderim tamen per hunc Ægypti statum tuas fortunam vires experiri, tuamque vigilantiam exspectare voluisse. Nam quum omnia ubique secunda merearis, nonne manifestum est, si quid adversi cadat, tuis laudibus, tuisque virtuti-

bus materiem campumque prosterni, quum secunda felices, adversa magnos probent? Percrebuerat antiquitus, urbem nostram nisi opibus Ægypti ali sustentarique non posse: superbiebat ventosa & insolens natio; quod victorem quidem populum pasceret tamen, quodque in suo flumine, in suis manibus vel abundantia nostra vel fames esset. Refudimus Nilo suas copias: recepit frumenta quæ miserat, deportatasque messes revexit. Discat igitur Ægyptus, credatque experimento, non alimenta se nobis, sed tributa præstare: sciat se non esse P.R. necessariam, & tamen serviat. Post hæc, si volet Nilus, amet alveum suum, & fluminis modum servet: nihil hoc ad urbem, ac ne ad Ægyptum quidem, nisi ut inde navigia inania & vacua, & similia redeuntibus, hinc plena & onusta & qualia solent venire, mittantur, conversoque munere maris, hinc potius venti ferentes & brevis cursus optentur. Mirum, Cæsar, videretur, si desiderem Ægyptum, cessantemque Nilum non sensisset urbis annona, quæ tuis opibus, tua cura usq; illuc redundavit, ut simul probaretur, & nos Ægypto posse, & nobis Ægyptum carere non posse. Actum erat de fecundissima gente, si libera fuisset: pudebat sterilitatis insolitæ, nec minus erubescibat fame qua torquebatur, quum pariter à te necessitatibus ejus pudorque subventum est. Stupebant agricolæ plena horrea quæ non ipsi referfissent, quibus de campis illa subvecta messis, quæ in Ægypti parte alius amnis. Ita beneficio tuo, nec maligna tellus, & obsequens Nilus Ægypto quidem sæpe, sed gloriæ nostræ nunquam largior fluxit. Quam nunc juvat, provincias omnes in fidem nostram ditionemque venisse, postquam contigit princeps terrarum, qui fecunditatem nunc huc
nunc

nunc illuc, ut tempus & necessitas posceret, transferret referretque; qui diremptam mari gentem, ut partem aliquam populi plebisque Romanæ, aleret ac tueretur? Et cælo quidem nunquam benignitas tanta, ut omnes simul terras uberet foveatque. Hic omnibus pariter, si non sterilitatem, at mala sterilitatis exturbat: hic si non fœcunditatem, at bona fœcunditatis importat. Hic æternis commeatibus orientem occidentemque connectit, ut quæ ubique feruntur, quæque expetuntur, omnes gentes invicem capiant, & discant quanto libertate discordi servientibus sit utilius unum esse cui serviant. Quippe discretis quidem bonis omnium sua cujusque ad singulos mala, sociatis autem atque permixtis singulorum mala ad neminem, ad omnes ¹⁴ omnium bona pertinent. Sed sive terris divinitas quædam, sive aliquis annibus genius, & solum illud & flumen ipsum precor ut hac principis benignitate contentum, molli gremio semina recondat, multiplicata restituat. Non equidem reposcimus fœnus, putet tamen esse solvendum, fallacemque unius anni fidem omnibus annis, omnibusque postea seculis tanto magis quia non exigimus, excuset. Satisfactum qua civium, qua sociorum utilitatibus. Visum est spectaculum inde non enerve, nec fluxum, nec quod animos virorum molliret & frangeret, sed quod ad pulchra vulnera contemptumque mortis accenderet: quum in servorum etiam noxiorumque corporibus amor laudis & cupido victoriæ cerneretur. Quam deinde in edendo liberalitatem, quam justitiam exhibuit, omni affectione aut intactus, aut major? Impetratum est, quod postulabatur: oblatum, quod non postulabatur. Institit ultro, & ut

concupisceremus admonuit : ac sic quoque plura inopinata, plura subita. Jam quam libera spectantium studia, quam securus favor ? Nemini impietas, ut solebat, objecta, quod odisset gladiatorem : nemo spectator spectaculum factus, miseras voluptates unco & ignibus expiavit. Demens ille, verique honoris ignarus, qui crimina majestatis in arena colligebat, ac se despici & contemni, nisi etiam gladiatores ejus veneraremur, sibi male dici, in illis suam divinitatem, suum numen violari interpretabatur : quum se idem quod deos, idem gladiatores quod se putabat. At tu, Cæsar, quam pulchrum spectaculum pro illo nobis execrabili reddidisti ? Vidimus delatorum judicium, quasi graffatorum, quasi latronum : non solitudinem illi noviter, sed templum, sed forum infederant. Nulla jam testamenta secura, nullus status certus : non orbitas, non liberi proderant. Auxerat hoc malum principum avaritia. Advertisti oculos, atque ut ante castris, ita postea pacem foro reddidisti : excidisti intestinum malum : & provida severitate cavisti, ne fundata legibus civitas everfa legibus videretur. Licet ergo cum fortuna tum liberalitas tua visenda nobis præbuerit, ut præbuit, nunc ingentia robora virorum, & pares animos, ¹⁵ nunc immanitatem ferarum, nunc mansuetudinem incognitam, nunc secretas illas & arcanas, ac sub te primum communes opes ; nihil tamen gratius, nihil seculo dignius, quam quod contigit desuper intueri delatorum supina ora, retortasque cervices agnoscebamus & fruebamur, quum velut piaculares publicæ sollicitudinis victimæ supra sanguinem ¹⁶ noxiorum ad lenta supplicia gravioresque poenas ducerentur. Congesti sunt in navigia raptim conquisita, ac tempestatibus dediti, abirent, fugerent-

rentque vastatas delationibus terras : ac , si quem fluctus ac procellæ scopulis reservassent, hic nuda saxa & inhospitale litus incoheret , ageret duram & anxiam vitam , relictâque post tergum totius generis humani securitate mœreret. Memoranda facies, delatorum classis permixta omnibus ventis, coactaque vela tempestatibus pandere , iratosque fluctus sequi, quoscunque in scopulos detulissent. Iuvabat, prospectare statim à portu sparsa navigia, & apud illum ipsum mare agere principi gratias, qui, clementiâ suâ salvâ, ultionem hominum terrarumque diis maris commendasset. Quantum diversitas temporum posset, tum maxime cognitum est, quum iisdem quibus antea cautibus innocentissimus quisque , tunc nocentissimus affigeretur, quumque insulas omnes , quas modo senatorum, jam delatorum turba compleret ; quos quidem non in præsens tantum, sed in æternum repressisti, mille pœnarum indagine inclusos. Ereptum alienas pecunias eunt; perdant quas habent: expellere penatibus gestiunt ; suis exturbentur ; neque , ut antea , exanguem illam & ferream frontem nequicquam convulnerandam præbeant punctis , & notas suas rideant ; sed spectent paria præmio damna, nec majores spes quam metus habeant, timeantque quantum timebantur. Ingenti quidem animo Titus securitati nostræ ultionique prosperer, ideoque numinibus æquatus est : sed quanto tu quandoque dignior cælo , qui tot res illi adjecisti , propter quas illum deum fecimus ? Id hoc magis arduum fuit, quod imperator Nerva, te filio , te successore dignissimus , per quem magna quædam edicto Titi adstruxerat, nihilque reliquisse tibi videbatur, qui tam multa excogitasti, ut si ante te nihil esset inventum. Quæ singula quantum

tibi gratiæ dispensata adjecissent? Tu simul omnia perfudisti, ut sol & dies non parte aliqua, sed statim totus, nec uni aut alteri, sed omnibus in commune, profertur. Quam juvat cernere ærarium silens & quietum, & quale ante delatores erat! Nunc templum illud, nunc vere Deus, non spoliarium civium, cruentarumque prædarum sævum receptaculum, ac toto in orbe terrarum adhuc locus unus, in quo, optimo principe, boni malis impares essent. Manet tamen honor legum, nihilque ex publica utilitate convulsum, nec poena cuiquam remissa, sed addita est ultio, solumque mutatum quod jam non delatores, sed leges timentur. At fortasse non eadem severitate fisco, qua ærarium, cohibes: immo tanto majore, quanto plus tibi licere de tuo quam de publico credis. Dicitur actori atque etiam procuratori tuo; In jus veni; sequere ad tribunal. Nam tribunal quoque excogitatum cruciatu est par ceteris, nisi illud litigatoris amplitudine metiaris. Sors & urna fisco judicem assignat: licet rejicere, licet exclamare; Hunc nolo, timidus est, & bona seculi parum intelligit. Illum ²⁷ nolo, quia Cæsarem fortiter amat. Eodem foro utuntur principatus & libertas. Quæ præcipua tua gloria est, sæpius vincitur fisco; cujus mala causa nunquam est, nisi sub bono principe. Ingens hoc meritum; majus illud, quod eos procuratores habes, ut plerumque cives tui non alios judices malint. Liberum est autem disceptanti dicere, Nolo eum eligere. Neque enim ullam necessitatem muneribus tuis addis, ut qui scias hanc esse beneficiorum principalium ²⁸ summam, si illis & non uti licet. Onera imperii, pleraque vectigalia institui ut pro utilitate communi, ita singulorum injuriis coegerunt. His vigesima reperta est, tribu-

tum

tum tolerabile , & facile heredibus duntaxat extraneis, domesticis grave. Itaque illis irrogatum est, his remissum: videlicet quod manifestum erat quanto cum dolore laturi, seu potius non laturi homines essent, destrungi aliquid & abradi bonis, quæ sanguine, gentilitate, sacrorum denique societate meruissent, quæque nunquam ut aliena & speranda, sed ut sua semperq; possessa, ac deinceps proximo cuiq; transmittenda cepissent. Hæc mansuetudo legis veteribus civibus servabatur. Novi seu per Latium in civitate, seu beneficio principis venissent, nisi simul cognationis jura impetrassent, alienissimi habebantur, quibus conjunctissimi fuerant. Ita maximum beneficium vertebatur in gravissimam injuriam, civitasque Romana instar erat odii, & discordiæ, & orbitatis, quum carissima pignora salva ipsorum pietate distraheret. Inveniebantur tamen quibus tantus amor nominis nostri inesset, ut Romanam civitatem non vigesimæ modo, verum etiam affinitatum damno bene compensari putarent sed his maxime debebat gratuita contingere, à quibus tam magno æstimabatur. Igitur pater tuus sanxit ut quod ex matris ad liberos, ex liberorum bonis pervenisset ad matrem, etiamsi cognationum jura non recepissent quum civitatem adipiscerentur, ejus vigesimam ne darent. Eandem immunitatem in paternis bonis filio tribuit, si modo reduëtus esset in patris potestatem: ratus, improbe & insolenter, ac pene impie his nominibus inferi publicanum: nec sine piaculo quodam sanctissimas necessitudines velut intercedente vigesima scindi, nullum esse tanti vetigal, quod liberos ac parentes faceret extraneos. Hactenus ille: parcius fortasse quam decuit optimum principem, sed non parcius quam optimum

patrem qui optimum adoptaturus, hoc quoque parentis indulgentissimi fecit, quod delibasse quædam seu potius demonstrasse contentus, largam, ac prope intactam benefaciendi materiam filio reservavit. Statim ergo muneri ejus liberalitas tua adstruxit ut quemadmodum in patris filius, sic in hereditate filii pater esset immunis, nec eodem momento quo pater esse desisset, hoc quoque¹⁹ amitteret quod fuisset. Egregie, Cæsar, quod lacrymas parentum vêtigales esse non pateris. Bona filii pater sine diminutione possideat, nec socium hereditatis accipiat qui non habet luctus: nemo recentem & attonitam orbitatem ad computationem vocet, cogatque patrem quid reliquerit filius scire. Augeo P.C. principis munus, quum ostendo liberalitati ejus inesse rationem. ambitio enim, & jactantia, & effusio, & quidvis potius quam liberalitas existimanda est cui ratio non constat. Dignum ergo, imperator, mansuetudine tua, minuere orbitatis injurias, nec pati quemquam filio amisso insuper affici alio dolore: sic quoq; abunde misera res est, pater filio solus heres: quid si coheredem non à filio accipiat? Adde quod quum divus Nerva sanxisset ut in paternis bonis liberi necessitate vigesimæ solverentur, congruens erat eandem immunitatem parentes in liberorum bonis obtinere. Cur enim posteris amplior honor quam majoribus haberetur? curve non retro quoque recurreret æquitas eadem? Tu quidem Cæsar illam exceptionem removisti, si modo filius in potestate patris fuisset: intuitus (opinor) vim legemque naturæ, quæ semper in ditione parentum esse liberos jussit, nec uti inter pecudes, sic inter homines potestatem & imperium valentioribus dedit. Nec vero contentus primum cognationis
gra-

gradum abstulisse vigesimæ, secundum quoque exemit, cavitq; ut in sororis bonis frater, & contra, in fratris soror, utque avus avia in neptis nepotisque, & invicem illi servarentur immunes. His quoque quibus per Latium civitas Romana patuisset, idem indulgit, omnibusque inter se cognationum jura commisit simul & pariter, & more naturæ, quæ priores principes à singulis rogari gestiebant, non tam præstandi animo quam negandi. Ex quo intelligi potest quantæ benignitatis, quanti spiritus fuerit, sparsas, atque (ut ita dicam) laceras gentilitates colligere atque connectere, & quasi renasci jubere: deferre quod negabatur, atque id præstare cunctis quod sæpe singuli non impetrassent: postremo, ipsum sibi eripere tot beneficiorum occasiones, tam numerosam obligandi imputandique materiam: indignum credo ei visum, ab homine peti quod dii dedissent. Sorores estis, & frater, avus, & nepotes: quid est ergo ^{1o} cur egetis, ut sitis? vobis estis. Qui pro cetera sua moderatione non minus invidiosum putat dare hereditatem quam auferre. Læti ergo adite honores, capeffite civitatem, neminem hoc necessitudinis abruptum velut truncum amputatumque destituet: in eisdem omnes quibus ante pignoribus, sed honestiores perfruentur: ac ne remotus quidem, jamque deficientis affinitatis gradus à qualibet quantitate vigesimam inferre cogetur. statuit enim communis omnium parens summam quæ publicanum pati possit. Carebit onere vigesimæ parva & exilis hereditas: &, si ita gratus heres volet, tota sepulcro, tota funeri ^{2a} serviet: nemo observator, nemo castigato assistet. Cujuscunque modi ea pecunia ex hereditate alicujus obvenierit, securus habeat quietusque possideat. Ea lex vi-

gesimæ dicta est, ut ad periculum ejus perveniri, nisi opibus, non possit. Conversa est iniquitas in gratulationem, injuria in votum: optat heres ut vigesimam debeat. additum est ut qui ejusmodi ex causis in idem edicti vigesimam deberent, nondum tamen intulissent, non inferrent. At in præteritum subvenire ne dii quidem possunt: tu tamen subvenisti, cavisti que ut desineret quisque debere²² quod non esset postea debiturus. Idem fecisti ne malos principes habuissemus, quo ingenio si natura pateretur, quam libenter tot spoliatis, tot trucidatis sanguinem & bona refudisses? Vetuisti exigi quod deberi non tuo seculo cœperat. Alius ut contumacibus irasceretur, tarditatemque solvendi dupli vel & quadrupli, irrogatione mulcetaret: tu nihil referre iniquitatis existimas, exigas quod deberi non oportuerit, an constituas ut debeat. Feres Cæsar curam & sollicitudinem consularem. nam mihi cogitanti, eundem te collationes remisisse, donativum reddidisse, congiarium obtulisse, delatores abegisse, vectigalia temperasse: interrogandus videris, satisne computaveris imperii redditus, an tantas vires habeat frugalitas principis, ut tot impendiis, tot erogationibus sola sufficiat. Nam quid est causæ cur aliis quidem, quum omnia raperent, & rapta retinerent, ut si nihil rapuissent, defuerint omnia: tibi, quum tam multa largiaris & nihil auferas, omnia supersint? Nunquam principibus defuerunt qui fronte gravi & tristi supercilio utilitatibus fisci contumaciter adescent, & erant principes ipsi sua sponte avidi & rapaces, & qui magistris non egerent: plura tamen semper à nobis contra nos didicerunt, sed ad tuas aures cum ceteris omnibus, tum vel maxime avaris adulationibus obstructus est aditus. Silent
ergo

ergo & quiescunt, & postquam non est cui suadeatur; qui suadeant non sunt. Quo evenit ut tibi cum plurimum pro tuis, tum pro nostris moribus debeamus. Locupletabant & fiscum & ærarium non tam Voconiz & Iuliz leges, quam majestatis singulare & unicum crimen eorum qui crimine vacarent: hujus tu metum penitus sustulisti, contentus magnitudine, qua nulli magis caruerunt quam qui sibi majestatem vendicabant. Reddita est amicis fides, liberis pietas, obsequium servis: verentur, & parent, & dominos habent. Non enim jam servi principis nostri amici, sed nos sumus: nec pater patriæ alienis se mancipiis cariorem quam civibus suis credit. Omnes accusatore domestico liberaisti, unoque salutis publicæ signo illud (ut sic dixerim) servile bellum sustulisti, in quo non minus servis quam dominis præstitisti: hos enim securos, illos bonos fecisti. Non vis interea laudari, nec fortasse laudanda sint: grata sunt tamen recordantibus principem illum in capita dominorum servos subornantem, monstrantemque crimina, quæ tanquam delata puniret: magnum & inevitabile, ac toties cuique experiendum malum, quoties quisque similes principi servos haberet. In eodem genere ponendum est quod testamenta nostra secura sunt: nec unus omnium, nec, quia scriptus, heres es. Non tu falsis, non tu iniquis tabulis advocaris. nullius ad te iracundia; nullius impietas, nullius furor confugit: nec quia offendit alius nuncuparis, sed quia ipse meruisti. Scriberis ab amicis, ab ignotis præteriris: nihilque inter privatum & principem interest, nisi quod nunc à pluribus amaris: nam & plures amas. Tenes, Cæsar, hunc cursum, & probatur experimento, sitne feracius & uberius, non ad laudem modo, sed ad

pecuniam principi, si herede illo mori homines velint, quam si cogantur. Donavit pater tuus multa, & ipse donasti: cesserit parum gratus, manent tamen ii qui bonis ejus fruuntur, nihilque ex illis ad te nisi gloria redit. nam liberalitatem jucundiorrem debitor gratus, clariorem ingratus facit. Sed quis ante te laudem istam pecuniæ prætulit? quotusquisque principum ne id quidem in patrimoniis nostris suum duxit quod esset de suo? Nonne ut regum, ita Cæsarum munera illitos cibis hammos, opertos præda laqueos æmulabantur, quum privatis facultatibus velut hausta & multiplicata, retro secum quicquid attigerant referrent? Quam utile est ad usum secundorum per adversa venisse? Vixisti nobiscum, periclitatus es, timuisti, quæ tunc erat innocentium vita: scis & expertus es quantopere detestentur malos principes etiam qui malos faciunt. Meministi quæ optare nobiscum, quæ sis queri solitus. Nam privato judicio principem geris, meliorem immo te præstas quam tibi alium precabare. Itaque sic imbuti sumus, ut quibus erat summa votorum, melior pessimo princeps, jam non possimus nisi optimum ferre. Nemo est ergo tam tui, tam ignarus sui, ut locum ipsum post te concupiscat. Facilius est ut esse aliquis successior tuus possit quam ut velit. Quis enim curæ tuæ molem sponte subeat? quis comparari tibi non reformidet? Expertus & ipse es quam sit onerosum succedere bono principi, & afferebas excusationem adoptari. An prona parvaque sunt ad æmulandum quod nemo incolumitatem turpitudine rependit. Salva est omnibus vita & dignitas vitæ, nec jam consideratus ac sapiens qui ætatem in tenebris agit. eadem quippe sub principe virtutibus præmia, quæ in libertate: nec benefactis tan-

tum ex conscientia merces, sed etiam præmia sunt. Amas constantiam civium, rectosque ac vividos animos non, ut alii, contundis ac deprimis, sed foves & attollis. Prodest bonos esse, quum sit satis abundeque si non nocet: his honores, his sacerdotia, his provincias offers: hi amicitia tua, hi iudicio florent: acuuntur isti integritatis & industriæ pretio. Similes & dissimiles alliciuntur: nam præmia bonorum malorumque bonos ac malos faciunt. Pauci adeo ingenio valent ut non turpe honestumque, prout bene ac secus cessit, expectant fugiantve: ceteri, ubi laboris inertiae, vigilantiae fomno, frugalitatis luxuriæ merces datur, eadem ista quibus alios artibus assequutos vident, consecretantur: qualesque sunt illi, tales esse & videri volunt, & dum ²⁴ volunt fiunt. Et priores quidem principes, excepto patre tuo, præterea uno aut altero, & nimis dixi, vitiis potius civium quam virtutibus lætabantur. primum quod in alio sua quemque natura delectat: deinde quos patientiores servitutis arbitrabantur, quos non deceret esse nisi servos, horum in sinum omnia congerebant: bonos autem otio aut situ abstrusos, & quasi sepultos, non nisi delationibus & periculis in lucem ac diem proferebant. Tu amicos ex optimis legis, & hercule æquum est esse eos carissimos bono principi, qui invisi malo fuerint. Scis ut sicut diversa natura dominatio & principatus, ita non aliis esse principem gratiorem quam qui maxime dominum graventur. Hos ergo provehis, & ostentas quasi specimen & exemplar, quæ tibi secta vitæ, quod hominum genus placeat. ideo non censuram adhuc, non præfecturam morum recepisti, quia tibi beneficiis potius quam remediis ingenia nostra experiri placet. Et alioqui nescio an plus mori-

moribus conferat princeps qui bonos esse patitur, quam qui cogit. Flexibiles quamcunque in partem ducimur à principe : atque , ut ita dicam , sequaces sumus. Huic enim cari , huic probati esse cupimus ; quod frustra speraverunt dissimiles : eo-que obsequii continuatione pervenimus , ut prope omnes homines unius moribus vivamus. Porro, non tam sinistre constitutum est , ut qui malum principem possumus, bonum non possimus imitari. Perge modo, Cæsar , & vim effectumque censure tuum propositum, tui actus obtinebunt. Nam vita principis censura est, eaque perpetua : ad hanc dirigimur, ad hanc convertimur : nec tam imperio nobis opus est quam exemplo. Quippe infidelis recti magister est metus. Melius homines exemplis docentur, quæ inprimis hoc in se boni habent, quod approbant, quæ præcipiunt fieri posse. Et quis terror valuisset efficere, quod reverentia tui effecit ? Obtinuit aliquis ut spectaculum pantomimorum ² populi Romani tolli pateretur : sed non obtinuit, ut velleret. Rogatus es tu quod cogebat alius, cœpitque esse beneficium quod necessitas fuerat. Neque enim à te minore concentu ut tolles pantomimos quam à patre tuo ut restitueret exactum est. Vtrunque recte : nam & restitui oportebat quos sustulerat malus princeps , & tolli restitutos. In his enim quæ à malis bene fiunt, hic tenendus est modus , ut appareat, auctorem displicuisse non factum. Idem ergo populus ille aliquando scenici imperatoris spectator & applausor, nunc in pantomimis quoque adversatur , & damnat effeminatas artes , & indecora seculo studia. Ex quo manifestum est principum disciplinam capere etiam vulgus : quum rem si ab uno fiat, severissimam fecerint omnes. Maeste hac gravitatis gloria,
Cæsar,

Cæsar, qua consequutus es ut quod antea vis & imperium, nunc mores vocarentur. Castigaverunt vitia sua ipsi qui castigari merebantur, iidemque emendatores qui emendandi fuerunt. itaque nemo de severitate tua queritur, & liberum est queri. Sed quum ita comparatum sit, ut de nullo minus principe querantur homines, quam de quo maxime licet, tamen in seculo nihil est quo non omne hominum genus lætetur & gaudeat: boni provehuntur: mali, qui est tranquillissimus status civitatis, nec timent nec timentur. Mederis erroribus, sed implorantibus, omnibusque quos bonos facis hanc astruis laudem, ne coëgissee videaris. Quid vitam? quid mores juventutis, quam principaliter formas? quem honorem dicendi magistris, quam dignitatem sapientiæ doctoribus habes? ut sub te spiritum & sanguinem & patriam receperunt studia, quæ priorum temporum immanitas exiliis puniebat, quum sibi vitiorum omnium conscius princeps, inimicas vitiis artes non odio magis quam reverentia relegaret? at tu easdem artes in complexu, oculis, auribus habes. Præstas enim quæcunque præcipiunt: tantumque eas diligis quantum ab illis probaris. An quisquam studia humanitatis professus, non cum omnia tua, tum vel in primis laudibus ferat admissionum tuarum facilitatem? Magno quidem animo parens tuus hanc ante hos principes arcem publicarum ædium nomine inscripserat: frustra tamen nisi adoptasset, qui habitare ut in publicis posset. Quam bene cum titulo isto moribus tuis convenit? quanquam omnia sic facis, tanquam non alius inscripserit. Quod enim forum? quæ templa tam reſerata? non Capitolium, ipsaque illa adoptionis tuæ sedes magis publica, magis omnium: nullæ obices, nulli con-

tumc-

tumeliarum gradus : superatisque jam mille liminibus, ultra semper aliqua dura & obstantia. Magna ante te, magna post te, juxta tamen maxima quies, tantum ubique silentium, tam altus pudor, ut ad parvos penates & larem angustum ex domo principis inodestiae & tranquillitatis exempla referantur. Ipse autem, ut excipis omnes? ut expectas? ut magnam partem dierum inter tot imperii curas quasi per otium transigis? itaque non ut alias attoniti, nec ut periculum capitis adituri tarditate, sed securi & hilares quum commodum est, convenimus: & admittente principe interdum est aliquid quod nos domi quasi magis necessarium teneat. Excusati semper tibi, nec unquam excusandi sumus. Scis enim sibi quemque praestare quod te videat, quod te frequenter, ac tanto liberalius ac diutius voluptatis hujus copiam praebes. Nec salutationes tuas fuga & vastitas sequitur: remoramur, resistimus ut in communi domo, quam nuper immanissima belua plurimo terrore inunierat; quum velut quodam specu inclusa nunc propinquorum sanguinem lamberet, nunc se ad clarissimorum civium strages caedesque proferret. Obversabantur foribus horror & minae, & par metus admissis & exclusis. Ad haec ipse occursum quoque visuque terribilis, superbia in fronte, ira in oculis, femineus pallor in corpore, in ore impudentia multo rubore suffusa: non adire quisquam, non alloqui audebat, tenebras semper secretumque captantem, nec unquam ex solitudine sua prodeuntem, nisi ut solitudinem faceret: ille tamen, quibus sibi parietibus & muris salutem suam tueri videbatur, dolum secum & insidias, & ultorem scelerum deum inclusit: dimovit, perfregitque custodias poena, angustosque per aditus & obstru-

ctos

ctos non secus ac per apertas fores, & invitantia
 limina irrupit: longeque tunc illi divinitas sua,
 longe arcana cubilia sævique secessus, in quos ti-
 more & superbia, & odio hominum agebatur.
 Quanto nunc tutior, quanto securior eadem do-
 mus, postquam ejus non crudelitatis, sed amo-
 ris excubiis, non solitudine & claustris defendi-
 tur? Et quid ergo? discimus experimento, fide-
 lissimam esse custodiam, principis ipsius innocen-
 tiam. Hæc arx inaccessa, hoc inexpugnabile mu-
 nimentum, munimento non egere. Frustra se ter-
 rore succinxerit qui septus caritate non fuerit. ar-
 mis enim arma irritantur. Num autem serias tan-
 tum partes dierum in oculis nostris cœtuque con-
 sumis? num remissionibus tuis eadem frequentia,
 eademque illa socialitas interest? num tibi semper
 in medio cibus, semperque mensa communis? num
 ex convictu nostro mutua voluptas? num
 provocas reddisque sermones? num ipsum tempus
 epularum tuarum quum frugalitas contrahat, ex-
 tendit humanitas? Non enim ante medium diem
 ditentus solitaria cœna spectator adnotatorque
 convivis tuis immines: nec jejunis & inanibus
 plenus ipse eructans non tam apponis quam obji-
 cis cibos, quos dedigneris attingere: ægreque per-
 pessus superbam illam convictus simulationem,
 rursus te ad clandestinam ganeam occultumque
 luxum refers. Ergo non aurum, nec argentum, nec
 exquisita ingenia cœnarum, sed suavitatem tuam
 jucunditatemque miramur: quibus nulla satiety
 adest, quando sincera omnia, & vera, & ornata
 gravitate. Neque enim aut peregrinæ superstitio-
 nis mysteria, aut obscœna petulantia mensis prin-
 cipis oberrat, sed benigna invitatio, & liberales jo-
 ci, & studiorum honor. Inde tibi parcus, & brevis
 sa-

somnus, nullumque amore nostri angustius tempus quam quod sine nobis agis. Sed quum rebus tuis ut participes perfruamur, quæ habemus ipsi quam propria, quam nostra sunt? Non enim exturbatis prioribus dominis, omne stagnum, omnem lacum, omnem etiam saltum immensa possessione circumvenis, nec unius oculis flumina, fontes, maria deserviunt. Est quod Cæsar non suum videat; tandemque imperium principis quam patrimonium majus est. Multa enim ex patrimonio refert in imperium quæ priores principes occupabant, non ut ipsi fruerentur, sed ne quis alius. Ergo in vestigia sedesque nobilium immigrant pares domini, nec jam clarissimorum virorum receptacula habitatore servo teruntur, aut foeda vastitate procumbunt. Datur intueri pulcherrimas ædes deterso situ auctas ac vigentes. Magnum hoc tuum non erga homines modo, sed erga tecta ipsa meritum, sistere ruinas, solitudinem pellere, ingentia opera eodem quo extructa sunt animo ab interitu vindicare: muta quidem illa & anima carentia, sentire tamen & lætari videntur quod niteant, quod frequententur, quod aliquando cœperint esse domini, non servientis. Circumfertur sub nomine Cæsaris tabula ingens rerum venalium, quod sit detestandâ avaritiâ illius, qui tam multa concupiscebat, quum haberet supervacua tam multa: tunc exitialis erat apud principem huic laxior domus, illi amœnior villa. Nunc princeps in hæc eadem dominos quærit, ipse inducit: ipsos illos magni aliquando imperatoris hortos, illud nunquam nisi Cæsaris suburbanum, licemur, emimus, implemus. Tanta benignitas principis, tanta securitas temporum est ut ille nos principalibus rebus existimet dignos: nos non timeamus quod digni

digni esse videmur. Nec vero emendi tantum civibus tuis copiam præbes, sed amcenissima quæque largiris & donas: ita (inquam) donas, in quæ electus, in quæ adoptatus es: transfers quod iudicio accepisti, ac nihil magis tuum credis quam quod per amicos habes: idem tam parcus in ædificando, quam diligens in tuendo. Itaque non, ut ante, immanium transvectione saxorum urbis tecta quatuntur. Stant securæ domus, nec jam templa nutantia. Satis est tibi, nimiumque, quum successeris frugalissimo principi, magis rejicere aliquid & amputare ex his quæ princeps tanquam necessaria reliquit. Præterea pater tuus usibus suis detrahebat quæ fortuna imperii dederat: tutius quod pater. At quam magnificus in publicum es! Hinc porticus, inde delubra occulta celeritate properantur, ut non consummata, sed tantum commutata videantur. Hinc immensum latus circi templorum pulchritudinem provocat: digna populo victore gentium sedes, nec minus ipsa visenda, quam quæ ex illa spectabuntur: visenda autem cum cetera specie, tum quod æquatus plebis ac principis locus: siquidem per omne spatium una facies, omnia continua & paria, nec magis proprius spectandi Cæsaris suggestus, quam propria quæ spectet. Licebit ergo civibus tuis invicem contueri: dabitur non cubiculum principis, sed ipsum principem cernere in publico, in populo sedentem; populo, cui locorum quinque millia adjecisti. Auxeras enim numerum ejus congiarii facilitate, majoremque in posterum suscipi liberalitatis tuæ fide jusseras. Horum unum si præstitisset alius, illi jamdudum radiatum caput, & media inter deos sedes auro stare aut chore, augustioribusque aris & grandioribus victimis invocaretur. Tu delubra

non-

non nisi adoraturus intras ; tibi maximus honor excubare pro templis, postibusque prætexi. Sic fit, ut dei summum inter homines fastigium servant, quin deorum ipse non adeptus. Itaque tuam statuam in vestibulo Iovis optimi maximi unam alteramve, & hanc æream, cernimus. At paulo ante, aditus omnes, omnes gradus, totaque area hinc auro, hinc argento relucebat, seu potius polluebatur, quum incesti principis statuis permixta deorum simulacra sorderent. Ergo istæ quidem æræ & paucæ manent, manebuntque quamdiu templum ipsum : illæ autem aureæ & innumerabiles strage & ruina publico gaudio litaverunt. Iuvabat illidere solo superbissimos vultus, instare ferro, sævire securibus, ut, si singulos ictus sanguis dolorque sequeretur, nemo tam temperans gaudii feræque lætitiæ, quin instar ultionis videretur, cernere laceros artus, truncata membra ; postremo, truces horrendasque imagines abjectas excoctasque flammis, ut ex illo terrore & minis in usum hominum ac voluptates ignibus mutarentur. Simili reverentia, Cæsar, non apud genium tuum bonitati tuæ gratias agi, sed apud numen Iovis optimi maximi pateris. Illi debere nos quicquid debeamus, illius quod bene facias muneris esse qui te dedit. Ante quidam ingentes hostiarum greges per Capitolinum iter magna sui parte velut intercepti divertere via cogebantur, quum sævissimi domini atrocissima effigies tanto victimarum cruore coleretur, quantum ipse humani sanguinis profundeat. Omnia, P. C. quæ de aliis principibus à me aut dicuntur aut dicta sunt, eo pertinent ut ostendam, quam longa consuetudine corruptos depravatosque mores principatus parens noster reformet & corrigat : alioqui nihil non parum
grate

grate sine comparatione laudatur. Præterea hoc
 primum erga optimum imperatorem piorum ci-
 vium officium est, insequi dissimiles. Neque enim
 satis amarint bonos principes, qui malos satis non
 oderint. Adjice, quod imperatoris nostri non aliud
 amplius ac diffusius meritum est, quam quod
 infectari malos principes tutum est. An excidit do-
 lori nostro modo vindicatus Nero? permitteret,
 credo, famam vitamque ejus carpi qui mortem
 ulcisceretur: nec ut in se dicta interpretaretur, quæ
 de simillimo dicerentur. Quare ego te, Cæsar, mu-
 neribus omnibus tuis, omnibus comparo, multis
 antepono, quod licet nobis & in præteritum de
 malis imperatoribus quotidie vindicari, & futuros
 sub exemplo præmonere, nullum locum, nullum
 esse tempus, quo funestorum principum manes à
 posterorum execrationibus conquiescant. Quo
 constantius, P. C. & dolores nostros & gaudia
 proferamus: ingemiscamus illis quæ patiebamur.
 Simul utrumque faciendum est sub bono principe.
 Hoc secreta nostra, hoc sermones, hoc ipsæ gratia-
 rum actiones agant, meminerintque, sic maxime
 laudari incolumem imperatorem, si priores secus
 meriti reprehendantur. Nam quum de malo prin-
 cipe posteritæ tacent, manifestum est eadem facere
 præsentem. Et quis jam locus miseræ adulationis
 manebat, quum laudes imperatorum ludis etiam
 & comessationibus celebrarentur, saltarentur-
 que, atque in omne ludibrium effeminatis voci-
 bus, modis, gestibus frangerentur? Sed illud indi-
 gnum, quod eodem tempore in senatu & in scena
 ab histrione & à consule laudabantur. Tu procul à
 tui cultu ludicras artes removisti. Seria ergo te
 carmina, honorque æternus annalium, non hæc
 brevis & pudenda prædicatio colit: quin etiam
 tanto

tanto majore consensu in venerationem tui theatra ipsa consurgunt, quanto magis de te scenæ silebunt. Sed quid ego istud admiror? quum eos quoque honores, qui tibi à nobis offeruntur aut delibare parcissime, aut omnino soleas recusare? Nihil antè tam vulgare, tam parvum in senatu agèbatur, ut non laudibus principum immoraretur, quibuscunque censendi necessitas accidisset. De ampliando numero gladiatorum, aut de instituendo collegio fabrorum consulebamur, & quasi prolatis imperii finibus, nunc ingentes arcus, accessurosque templorum fastigium titulos, nunc menses etiam, nec hos singulos nomini Cæsarum dicabamus: patiebantur illi, & quasi meruissent, lætabantur. At nunc quis nostrum, tanquam oblitus ejus de quo refertur, censendi officium principis honore consumit? Tux moderationis hæc laus, constantia nostra; & tibi obsequimur quod in curiam, non ad certamen adulationum, sed ad usum munusque justitiæ convenimus: hanc simplicitati tuæ veritatisque gratiam relaturi, ut te quæ vis, velle, quæ non vis, nolle credamus. Incipimus inde, definiamus ibi à quo incipi, in quo defini sub alio principe non posset. Nam plerisque ex decretis honoribus, & alii non receperunt: nemo ante tantus fuit, ut crederetur noluisse decerni. Quod ego titulis omnibus speciosius reor, quando non trabibus aut saxi nomen tuum, sed monumentis æternæ laudis inciditur. Ibit in secula, fuisse principem, cui florenti & incolumi nunquam nisi modici honores, sæpius nulli decernerentur. Et sane, si velimus cum priorum temporum necessitate certare, vincemur. Ingeniosior est enim ad excogitandum simulatio veritate, servitus libertate, metus amore. Simul quum jam pridem novitas omnis adulatione consum-

sumpta sit, non alius erga te novus honor superest
 quam si aliquando de te tacere audeamus. Age,
 si quando pietas nostra silentium rupit, & vere-
 cundiam tuam vicit, quæ qualiaque decernimus
 nos, tu non recusas; ut appareat, non superbia &
 fastidio te amplissimos honores repudiare, qui
 minores non dedigneris. Pulchrius hoc, Cæsar,
 quam si recusares omnes: nam recusare omnes,
 ambitionis; moderationis est, eligere parcissimos.
 Quo temperamento & nobis & ærario prodes,
 quod sumptibus ejus adhibes modum, & qui ex-
 haustum non sis innocentium bonis repleturus.
 Stant igitur effigies tuæ, quales olim ob egregia in
 repub. merita privatis dicabantur. Visuntur ea-
 dem è materia Cæsaris statuæ, qua Brutorum, qua
 Camillorum: Nec discrepat causa. Illi enim reges
 hostemque victorem mœnibus depulerunt: hic
 regnum ipsum, quæque alia captivitas gignit, arcet
 ac submovet, sedemque obtinet principis, ne sit
 domino locus. Ac mihi intuenti in sapientiam
 tuam, minus mirum videtur, quod mortales istos
 caducosque titulos aut deprecæris aut temperes.
 Scis enim ubi vera principis, ubi sempiterna sit
 gloria; ubi sint honores in quos nihil flammis, ni-
 hil senectuti, nihil successoribus liceat. Arcus e-
 nim & statuas, aras etiam templaque demolitur
 & obscurat oblivio, negligit carpitque posteritas:
 contra, contemptor ambitionis, & infinitæ pote-
 statis domitor ac frænator animus ipsa vetustate
 florescit, nec ab ullis magis laudatur, quam quibus
 minime necesse est. Præterea, ut quisquis factus est
 princeps, extemplo fama ejus, incertum bona an
 mala, ceterum æterna est. Non ergo perpetua
 principi fama, quæ invitum manet, sed bona con-
 cupiscenda est. Ea porro non imaginibus & sta-
 tuis,

Q

tuis, sed virtute ac meritis prorogatur. Quinetiam leviora hæc, formam principis figuramque, non aurum melius vel argentum quam favor hominum exprimat teneatque. Quod quidem prolixè tibi cumulateque contingit, cujus lætissima facies & amabilis vultus in omnium civium ore, oculis, animo sedet. Annotasse vos credo, Patres conscripti, jamdudum me non eligere quæ referam. Propositum est enim mihi, principem laudare, non principis facta. Nam laudabilia multa etiam mali faciunt; ipse laudari, nisi optimus, non potest. Quare non alia major, Imperator Auguste, gloria tua, quam quod agentibus tibi gratias nihil velandum est, nihil omittendum est. Quid est enim in principatu tuo, quod cujusque prædicatio vel transilire vel prætervehi debeat? quod momentum, quod immo temporis punctum aut beneficio sterile, aut vacuum laudè? num omnia ejusmodi, ut is optime te laudasse videatur, qui narraverit fidelissime? Quo fit ut prope in immensum diffundatur oratio mea, & necdum de biennio loquor. Quam multa dixi de moderatione, & quanto plura adhuc restant? ut illud quod secundum consulatum recepisti, quia princeps & pater deferebat. At postquam ad te imperii summam, & cum omnium rerum, tum etiam tui potestatem dii transfulerint, tertium consulatum recusasti, quum agere tam bonum consulem posses. Magnum est, differre honorem, gloriam, majus. Gestum consulatum mirer, an non receptum? gestus non in hoc urbis otio, & intimo sinu pacis, sed juxta barbaras gentes: ut illi solebant quibus erat moris paludamento mutare prætextam, ignotasque terras victoria sequi. Pulchrum imperio, gloriosum tibi, quum te socii atque amici sua in patria, suis in sedibus adierunt.

Decora

Decora facies consulis : multa post secula tribunal viridi cespite extructum , nec fascium tantum, sed pilorum signorumque honore circumdatum Augebant maiestatem præsentis diversi postulantium habitus, ac dissonæ voces, raræque sine interprete oratio. Magnificum est, civibus jura, quid hostibus, reddere? speciosum certam fori pacem, quid immanes campos sella curuli, victorisque vestigio premere? imminere minacibus ripitutum quietumque, quid spernere barbaros fremitus? hostilemque terrorem non armorum magis, quam togarum ostentatione compescere? Itaque non te apud imagines, sed ipsum præsentem audientemque consalutabant imperatorem, nomenque quod alii domitis hostibus, tu contemptis merebare. Hæc laus acti consulatus; illa dilati, quod adhuc initio principatus ut jam excusatus honoribus, & expletus consulatum recusasti, quem novi imperatores destinatum aliis in se transferebant. Fuit etiam qui in principatus sui fine consulatum quem dederat, ipse magna ex parte jam gestum extorqueret & raperet. Hoc ergo honore, quem & incipientes principes & desinentes adeo concupiscunt ut auferant; tu otioso ac vacante privatis cessisti. Invidiosusne erat aut tibi tertius consulatus, aut principi primus? Nam secundum imperator quidem, sub imperatore tamen, inisti: nihilque imputari in eo vel honori potest vel exemplo, nisi obsequium. Ita vero quæ civitas quinquies, atque etiam sexies, consules vidit, non illos qui expirante jam libertate per vim ac tumultum creabantur, sed quibus sepositis & absentibus in rura sua consulatus ferebantur: in hac civitate tertium consulatum princeps generis humani ut pergravem recusasti? Tantone Papyrius etiam & Quintius mo-

deratior? Augustus, & Cæsar, & pater patriæ. At illos resp. ciebat: quid? te non eadem respublica? non senatus? non consulatus ipse, qui sibi tuis humeris attolli & augescere videtur? Non te ad exemplar ejus voco, qui continuis consulatibus fecerat longum quendam & sine discrimine annum: his te conféro, quos certum est, quoties consules fuerunt, non sibi præstitisse. Erat in senatu ter consul, quum tu tertium consulatum recusabas. Onerosum nescio quid verecundiæ tuæ consensus noster indixerat, ut princeps toties consul esses, quoties senator tuus nimia modestia, istud etiam privatus recusasses. An consularis viri triumphalisque filius quum tertio consul creatur, ascendit, non debitum hoc illi, non vel sola generis claritate promeritum? Contigit ergo privatis aperire annum, fastosque referare: & hoc quoque redditæ libertatis indicium fuit, quod consul alius quam Cæsar esset. Sic exactis regibus cœpit liber annus: sic olim servitus pulsa, privata fastis nomina induxit: miseros ambitionis, qui ita consules semper, ut semper principes erant: quanquam non ambitio magis quam livor & malignitas videri potest, omnes annos possidere, summumque illud purpuræ decus non nisi præceptum præfloratumque transmittere. Tuam vero magnanimitatem, an modestiam, an benignitatem prius mirer? Magnanimitas fuit, expetito semper honore abstinere: modestia, cedere: benignitas, per alios frui. Sed jam tempus est te ipsi consulatui præstare, ut majorem eum suscipiendo gerendoque facias. Nam sæpius recusare, ambiguum ac potius illam interpretationem habet, tanquam minorem putes. Tu quidem ut maximum recusasti: sed hoc persuadere nemini poteris, nisi aliquando & non recusaveris. Quum
arcus,

arcus , quum trophæa , quum statuas deprecari,
 tribuenda est verecundiæ tuæ venia: (illa enim fa-
 ne tibi dicantur:) nunc vero postulamus , ut futu-
 ros principes doceas inertiae renuntiare, paulisper
 delicias differre , paulisper , & saltem ad brevissi-
 mum tempus, ex illo felicitatis somno velut exci-
 tatos , induere prætextam , quam quum dare pos-
 sent , occuparint : ascendere curulem quam deti-
 neant : esse denique quod concupierunt, nec ideo
 tantum velle consules fieri, ut fuerint. Gessisti al-
 terum consulatum, scio : illum exercitibus, illum
 provinciis , illum etiam ceteris gentibus poteris
 imputare , non potes nobis. Audivimus quidem
 te omne munus consulis obivisse , sed audivimus :
 diceris justissimus , humanissimus, patientissimus
 fuisse, sed diceris: æquum est aliquando nos judi-
 cio nostro, nostris oculis, non famæ semper & ru-
 moribus credere. Quousque absentes de absente
 gaudebimus? Liccat experiri, an aliquid superbiæ
 tibi ille ipse secundus consulatus attulerit. Mul-
 tum in commutandis moribus hominum medius
 annus valet, in principum plus. Dicimus quidem,
 cui virtus aliqua contingat , omnes inesse: cupi-
 mus tamen experiri, an nunc quoque una eadem-
 que res sit, bonus consul & bonus princeps. Nam
 præter id quod est arduum, duas, easque simul, ea-
 pere potestates summas , tum inest utrique non-
 nulla diversitas, quum principem quam dissimilli-
 mum consuli deceat. Atque ego video , proximo
 anno consulatus recusandi hanc præcipuam fuisse
 rationem , quod eum absens gerere non poteras :
 sed jam urbi votisque publicis redditus, quid est in
 quo magis sis approbaturus quæ quantaque fue-
 rint quæ desiderabamus? Parum est ut in curiam
 venias, nisi & convocas: ut intersis senatui, nisi &

præsides: ut censentes audias, nisi & perrogas. Vis illud augustissimum consul aliquando tribunal majestati suæ reddere? ascende. Vis constare reverentiâ magistratibus, legibus auctoritatem, modestiam ²⁶ petulantibus? adi. Quid enim interesset reip. si privatus esses, consulem te haberet tantum, an & senatorem? hoc nunc scito interesse, principem te habeat tantum, an & consulem. His tot tantisque rationibus, quanquam multum reluctata, verecundia principis nostri tandem tamen cessit. At quemadmodum cessit? Non se ut privatis, sed ut privatos pares sibi faceret. Recepit enim tertium consulatum, ut daret: noverat moderationem hominum, noverat pudorem, qui non sustinerent tertio consules esse, nisi cum ter consule. Bello- rum istud sociis olim, periculum confortibus, parce tamen, tribuebatur, quod tu singularibus viris, ac de te quidem bene ac fortiter meritis præstitisti, sed in toga meritis. Vtriusque cura, utriusque vigilantia obstrictus es, Cæsar. Sed in principe rarum, ac prope insolitum est, ut se putet obligatum, aut, si putet, amet. Debes ergo, Cæsar, & solvis. Sed quum ter consules facis, non tibi magnus princeps, sed non ingratus amicus videris: quin etiam perquam modica quædam civium merita fortunæ tuæ viribus in majus extollis. Efficis enim ut tantum tibi quisque præstitisse videatur, quantum à te recepit. Quid isti benignitati precer? nisi ut semper obliges, obligeris: incertumque facias, utrum magis expediat civibus tuis debere tibi, an præstitisse. Equidem illum antiquum senatum contueri videbar, quum ter consule assidente, tertio consulem designatum rogari sententiam cernerem. Quanti tunc illi, quantusque tu? Accidit quidem, ut corpora quamlibet ardua & excelsa procerioribus ad-
mota

mota decreſcant ; item ut altiffimæ civium digni-
 tates collatione faſtigii tui quaſi deprimantur :
 quantoque propius ad magnitudinem tuam aſcen-
 derint , tanto etiam à ſua deſcendiſſe videantur :
 illos tamen tu quanquam non potuiſti tibi æ-
 quare quum velles, adeo in edito collocaſti, ut tan-
 tum ſuper ceteros, quantum infra te cernerentur.
 Si unius tertium conſulatum eundem in annum
 in quem tuum , contuliſſes, ingentis animi ſpeci-
 men haberetur. Vt enim felicitatis eſt , quantum
 velis poſſe, ſic magnitudinis, velle quantum poſſis.
 Laudandus quidem & ille qui tertium conſulatum
 meruit , ſed magis ſub quo meruit : magnus me-
 morandusque qui tantum præmium cepit , ſed
 major qui capienti dedit. Quid, quod duos pariter
 tertio conſulatu collegas tui ſanctitate decoraſti ?
 ut ſit nemini dubium , hanc tibi præcipuam cau-
 ſam fuiſſe extendendi conſulatus tui , ut duorum
 conſulatus amplecteretur , & collegam te uni da-
 ret. Vterque nuper conſulatum alterum geſſerat à
 patre tuo, id eſt, quanto minus quam à te datum ;
 utriusque adhuc oculis paulo ante dimiſſi faſces
 oberrabant : utriusque ſolennis ille liſtorum &
 prænuntius clamor auribus infederat , quum rur-
 ſus curulis, rurfusque purpura, ut olim, quum ho-
 ſtis in proximo , & in ſummum diſcrimen addu-
 cta reſpub. expertum honoribus virum poſceret,
 non conſulatus hominibus iſdem , ſed iſdem ho-
 mines conſulatibus reddebantur. Tanta tibi bene-
 faciendi vis , ut indulgentiam tuam neceſſitas æ-
 muletur. Modo prætextas exuerant , reſumant :
 modo liſtores abire jufferant , revocent : modo
 gratulantes amici receſſerant, revertantur. Homi-
 niſne iſtud ingenium eſt, hominis poteſtas, renō-
 vare gaudia, redintegrare lætitiā, nullamque re-

quem¹⁷ gratulationis dare, neque alia repetendis consulatibus intervalla permittere, nisi dum finiuntur? Facias ista semper, nec unquam in hoc opere aut animus tuus aut fortuna lassetur: des quamplurim� tertios consulatus, &, quum plurimis tertios consulatus dederis, semper tamen plures, quibus debeas dare, supersint. Omnium quidem beneficiorum quæ merentibus tribuuntur, non ad ipsos gaudium magis, quam ad similes redundat: præcipue tamen ex horum consulatu non ad partem aliquam senatus, sed ad totum senatum tanta lætitia pervenit, ut eundem honorem omnes sibi & dedisse & accepisse videantur. Nempe enim hi sunt quos senatus quum publicis sumptibus minuendis optimum quemque præficeret, elegit equidem primos. Hoc est igitur, hoc est, quod penitus illos animo Cæsaris insinuavit. An parum sæpe experti sumus, hanc esse rerum conditionem, ut senatus favor apud principem aut profit aut noceat? Nonne paulo ante nihil magis exitiale erat, quam illa principis cogitatio? Hunc senatus probat, hic senatui carus est. Oderat quos nos amaremus; sed & nos, quos ille. Nunc inter principem senatumque dignissimi cujusque caritate certatur: demonstramus invicem, credimus invicem, quodque maximum amoris mutui signum est, eosdem amamus. Proinde, Patres C. favete aperte, diligite constanter: non jam dissimulandus est amor, ne noceat; non premendum odium, ne profit: eadem Cæsar quæ senatus probat improbatque: vos ille præsentēs, vos etiam absentes in consilio habet: tertio consules fecit quos vos elegeratis, & fecit hoc ordine quo electi à vobis erant. Magnum utrumque videtur, sive eosdem maxime diligit, quos scit nobis esse carissimos; sive

five illis neminem præfert, quamvis aliquem magis amet. Proposita sunt senioribus præmia, junioribus exempla : adeant , frequentent securas tandem ac patentes domos. Quisquis probatos senatui viros suscipit , hic maxime principem promeretur. Sibi enim accrescere putat quod cuique adstruatur : nullamque in eo gloriam ponit, quod sit omnibus major, nisi maximi fuerint quibus major est. Persta, Cæsar, in ista ratione propositi, talesque nos crede, qualis fama cuiusque est: huic aures, huic oculos intende : ne respexeris clandestinas existimationes , nullisque magis quam audientibus insidiantes susurros : Meiùs omnibus, quam singulis creditur. Singuli enim decipere & decipi possunt: nemo omnes, neminem omnes fefellerunt. Revertor jam ad consulatum tuum, etsi sunt quædam ad consulatum quidem pertinentia, ante consulatum tamen, inprimis quod comitiis tuis interfuisti candidatus, non consulatus tantum , sed immortalitatis & gloriæ , & exempli quod sequerentur boni principes , mali mirarentur. Vidit te populus Romanus in illa vetere potestatis suæ sede : perpeffus es longum illud carmen comitiorum , nec jam irridendam moram : consulque sic factus es ut unus ex nobis quos facis consules. Quotusquisque principum antecedentium honorem istum aut consulatui habuit , aut populo? Non alii marcidi somno, hesternaque cœna redundantes, comitiorum suorum nuntios operiebantur? Alii sane pervigiles & insomnes, sed intra cubilia sua illis ipsis consulibus, à quibus consules renuntiabantur , exilia & cædem machinabantur. O prava & inscia veræ majestatis ambitio, concupiscere honorem quem dedigneris : dedignari quem concupiscas : quumque ex proximis

Q5

hortis

hortis campum & comitia prospectes, sic ab illis abesse, tanquam Danubio Rhenoque dirimare! Averſeris tu honori tuo ſperata ſuffragia, renuntiarique te conſulem juiſſe contentus, liberæ civitati ne ſimulationem quidem ſerves! Abſtineas denique comitiis abſtruſus atque abditus, quaſi illic tibi non conſulatus detur, ſed abrogetur imperium! Hæc perſuaſio ſuperbiſſimis dominis erat, ut ſibi viderentur principes eſſe deſinere, ſi quid facerent tanquam ſenatores. Plerique tamen non tam ſuperbia quam metu quodam ſubmovebantur. An ſtuprorum ſibi, inceſtarumque noctium conſeii auſpicia polluere, ſacratumque campum nefario auderent contaminare veſtigio? non adeo deos homineſque contempſerant, ut in illa ſpatioſiſſima ſede hominum deorumque conjeſtos in ſe oculos ferre ac perpeti poſſent. Tibi contra & moderatio tua ſuaſit, & ſanctitas, ut te & religioni deorum & judiciis hominum exhiberes. Alii conſulatum antequam acciperent, tu & dum accipis, meruiſti. Peraſta erant ſolennia comitiorum, ſi principem cogitares, jamque ſe omnis turba commoverat, quum tu, mirantibus cunctis, accedis ad conſulis ſellam: adigendum te præbes in verba principibus ignota, niſi quum jurare cogerent alios. Vides quam neceſſarium fuerit conſulatum non recuſare? non putaſſemus iſtud facturum te fuiſſe, ſi recuſaſſes. Stupeo, P.C. necdum ſatis aut oculis meis aut auribus credo: atque identidem me an audierim, an viderim, interrogo. Imperator ergo, & Cæſar, & Auguſtus, Pontifex maximus, ſtetit ante gremium conſulis; ſeditque conſul principe ante ſe ſtante: & ſedit inturbatus, interritus, & tanquam ita fieri ſoleret. Quinetiam ſedens præbuit juſjurandum, & ille juravit, expreſſit,

pressit, explanavitque verba quibus caput suum, domum suam, si scienter fefellisset, deorum iræ consecraret. Ingens, Cæsar, & par gloria tua, siue fecerint istud postea principes, siue non fecerint. Villane satis prædicatio digna est, idem tertio consulem fecisse quod primo? idem principem quod privatum? idem imperatorem quod sub imperatore? Nescio jam, nescio pulchriusne sit istud, quod præeunte nullo, an hoc, quod alio præeunte iurasti. In rostris quoque simili religione ipse te legibus subiecisti: legibus, Cæsar, quas nemo principi scripsit. Sed tu nihil amplius vis tibi licere quam nobis: sic fit ut nos tibi plus velimus. Quod ego nunc primum audio, nunc primum disco, non est princeps super leges, sed leges supra principem: idem Cæsari consuli quod ceteris non licet; iurat in legem attendentibus diis. (nam cui magis quam Cæsari attendant?) iurat observantibus his, quibus idem iurandum est: non ignarus alioqui, nemini religiosius quod iuraverit custodiendum, quam cuius maxime interest non pejerare. Itaque & abiturus consulatu iurasti, te nihil contra leges fecisse. Magnum hoc erat quum promitteres: majus, postquam præstitisti. Iam toties procedere in rostra, inascensumque illum superbiæ principum locum terere, hic suscipere, hic ponere magistratus, quam dignum te, quamque diversum consuetudine illorum, qui pauculis diebus gestum consulatum, immo non gestum, abjiciebant per edictum! hoc pro concione, pro rostris, pro jurejurando, scilicet ut primis extrema congruerent, utque hoc solo intelligerentur ipsi consules fuisse, quod alii non fuissent. Non transilivi, Patres conscripti, principis nostri consulatum, sed eundem in locum contuli quicquid de jurejurando dicen-

dum erat. Neque enim, ut in sterili jejunaque materia, eandem speciem laudis diducere ac spargere, atque identidem tractare debemus. Illuxerat primus consulatus tui dies, quo tu curiam ingressus, nunc singulos, nunc universos adhortatus es resumere libertatem, capeffere quasi communis imperii curas, invigilare publicis utilitatibus & insurgere. Omnes ante te eadē ista dixerunt, nemini tamen ante te creditum est. Erant sub oculis naufragia multorum, quos ²⁸ insidiosa tranquillitate provectos improvisus turbo perculerat. Quod enim tam infidum mare, quam blanditiæ principum illorum, quibus tanta levitas, tanta fraus, ut facilius esset iratos quam propitios habere? Te vero securi & alacres quo vocas sequimur. Iubes esse liberos: erimus. Iubes quæ sentimus promere in medium: proferemus. Neque enim adhuc ignavia quadam & insito torpore cessavimus. Terror, & metus, & miseria illa ex periculis facta prudentia monebat, ut à repub. (erat autem omnino nulla respublica) oculos, aures, animos averteremus: at nunc tua dextera tuisque promissis freti & innixi diutina servitute ora referamus, frænataque tot malis linguam resolvimus. Vis enim tales esse nos, quales jubes, nihilq; exhortationibus tuis fucatum, nihil subdolum, denique quod credentem fallere paret, non sine periculo fallentis. Neque enim unquam deceptus est princeps, nisi qui prius ipse decepit. Equidem hunc parentis publici sensum cum exhortatione ejus, tum pronuntiatione ipsa perspexisse videor. Quæ enim illa gravitas sententiarum? quam inaffectata veritas verborum? quæ asseveratio in voce? quæ affirmatio in vultu? quanta in oculis, habitu, gestu, toto denique corpore fides? Tenebit ergo semper quod suaserit, sciet-

scietque nos, quoties libertatem, quam dedit, experiemur, sibi parere. Nec verendum est, ne incautos putet, si fidelitate temporum constanter utamur, quos meminit sub malo principe aliter vixisse. Nuncupare vota & pro æternitate imperii, & pro salute civium, immo pro salute principum, ac propter illos pro æternitate imperii solebamus: hæc pro imperio nostro in quæ sint verba suscepta operæ pretium est annotare, **SI BENE REMPVB. ET EX UTILITATE OMNIUM REXERIS.** Digna vota quæ semper suscipiantur, semperq; solvantur. Egit cum diis, ipso te auctore, Cæsar. respub. ut te sospitem incolumemq; præstarent, si tu ceteros præstiffes: si contra, illi quoque à custodia tui corporis oculos dimoverent, teque relinquerent votis quæ non palam susciperentur. Alii se superstites reipubl. optabant faciebantque: tibi salus tua invisa est, si non sit cum reipub. salute conjuncta. Nihil pro te pateris optari, nisi expediat optantibus, omnibusque annis in consilium de te deos mittis, exigisque ut sententiam suam mutant, si talis esse desieris, qualis electus es. Sed ingenti conscientia, Cæsar, pacisceris cum diis, ut te si mereris servent, quum scias an merearis, neminem magis quam deos scire. Nonne vobis, P. C. hæc diebus ac noctibus agitare secum videtur? Ego quidem in me, si omnium utilitas ita posceret, etiam præfecti manum armavi: sed ne deorum quidem aut iram aut negligentiam deprecor: quæso immo & obtestor, ne unquam pro me vota respub. invita suscipiat: aut si susceperit invita, ne debeat. Capis ergo, Cæsar, salutis tuæ gloriosissimum fructum ex consensu deorum. Nam quum excipias, ut ita demum te dii servent, si bene rempub. & ex utilitate omnium rexeris, certus es te bene rempub. gerere,

quum servant. Itaque securus tibi & lætus dies erit, qui principes alios cura & metu distinebat, quum suspensi & attoniti, parumque confisi patientia nostra, hinc atque inde publicæ servitutis nuntios expectarent, ac si forte aliquos flumina, nives, venti præpedissent, statim hoc illud esse credebant quod merebantur: nec erat discrimen ullum pavoris; propterea quod quum à malo principe tanquam successor timeatur quisquis est dignior, quum sic nemo non dignior, omnes timentur. Tuam securitatem non mora nuntiorum, non literarum tarditas differt: scis tibi ubique jurari, quum ipse jura-
veris omnibus. Nemo hoc sibi non præstat. Amarus quidem te in quantum mereris, istud tamen non tui facimus amore, sed nostri: nec unquam illucescat dies quo pro te nuncupet vota non utilitas nostra, sed fides, Cæsar. Turpis tutela principis cui potest imputari. Queri libet quod in secreta nostra non inquirant principes, nisi quos odimus. Nam si eadem cura bonis quæ malis esset, quam ubique admirationem tui, quod gaudium exultationemque deprehenderes? quos omnium cum conjugibus ac liberis, quos etiam cum domesticis aris focusque sermones? Scires mollissimis illis auribus parci, & alioqui quum fiat odium amorque contraria, hoc perquam simile habent, quod ibi intemperantius amamus bonos principes, ubi ²⁹ liberius malos odimus. Cepisti tamen & affectus nostri & judicii experimentum, quantum maximum præsens capere potuisti, illo die quo solitudini pudori que candidatorum ita consuluisti, ne ullius gaudium alterius tristitia turbaret. Alii cum læticia, alii cum spe recesserunt: multis gratulandum, nemo consolandus fuit. Nec ideo segnius juvenes nostros exhortatus es, consulatum circum-
irent,

irent, senatui supplicarent, atque ita à principe sperarent honores, si à senatu petissent. Quo quidem in loco, si quibus opus exemplo, adjecisti ut te imitarentur. Arduum, Cæsar, exemplum, & quod imitari non magis quisque candidatorum quam principum possit. Quis enim vel uno die reverentior senatus candidatus quam tu cum omni vita, tum illo ipso tempore quo judicas de candidatis? An aliud à te quam senatus reverentia obtinuit, ut juvenibus clarissimæ gentis debitum generi honorem, sed antequam deberetur, offerres? Tandem ergo nobilitas non obscuratur, sed illustratur à principe: tandem illos ingentium virorum nepotes, illos posteros libertatis, nec terret Cæsar, nec pavet: quinimmo festinatis honoribus amplificat atque auget, & majoribus suis reddit: si quid usquam stirpis antiquæ, si quid residuæ claritatis, hoc amplexatur, & refovet, & in usum reipub. promittit. Sunt in honore hominum, & in honore famæ magna nomina ex tenebris oblivionis indulgentia Cæsar: cujus hæc intentio est, ut nobiles & conservet & efficiat. Præfuerat provinciæ quæstor unus ex candidatis, in quem ea civitas amplissima redditus egregia constitutione fundaverat; hoc senatui allegandum putasti. Cur enim te principe, qui generis tui claritatem virtute superasti, deterior esset conditio eorum qui posteros habere nobiles mererentur, quam eorum qui parentes habuissent?

• O te dignum, qui de magistratibus nostris semper hæc nunties, nec pœnis malorum, sed bonorum præmiis bonos facias! Accensa est juvenus, erexitque animos ad æmulandum quod laudari videbat: nec fuit quisquam quem non hæc cogitatio subiret, quum sciret, quicquid à quoque in provinciis bene fieret, omnia te scire. Vtile est, Cæsar, & salu-

salutare præsidibus provinciarum, hanc habere fiduciam, paratum esse sanctitati, industriæ suæ maximum præmium, iudicium principis, suffragium principis. Adhuc autem quamlibet sincera rectaque ingenia, etsi non detorquebat, hebetabat tamen misera, sed vera reputatio. Vides enim, si quid bene fecero, nesciet Cæsar: aut si scierit, testimonium non reddet. Ita eadem illa seu negligentia seu malignitas principum, quum male consultis impunitatem, recte factis nullum præmium polliceretur, nec illos à crimine, & hos deterrebat à laude. At nunc, si bene aliquis provinciam rexerit, huic quæsitæ virtute dignitas offertur. Patet enim omnibus honoris & gloriæ campus: ex hoc quisque quod cupit petat, & affectus sibi debeat. Provinciis quoque in posterum & injuriarum metum & accusandi necessitatem remisisti. Nam si præfuerint quibus gratias egerint, de nullo queri cogentur: & alioquin nihil magis prodesse candidato ad sequentes honores, quam peractos optime magistratus. Magistratus magistratu, honore honor petitur. Volo ego, qui provinciam rexerit, non tantum codicillos amicorum, nec urbana conjuratione eblanditas preces, sed decreta coloniarum, decreta civitatum alleget: Næ suffragiis consularium virorum urbes, populi, gentes inferuntur. Efficacissimum pro candidato genus est rogandi, gratias agere. Iam quo assensu senatus, quo gaudio exceptum est, quum candidatis, ut quemque nominaveras, osculo occurreres, deventus quidem in planum, & quasi unus ex gratulantibus. Te mirer magis, an improbem illos, qui effecerunt ut istud magnum videretur, quum velut affixi curulibus suis manum tantum, & hanc cunctanter & pigre, & imputantibus similes, prome-

rent?

rent? Contigit ergo oculis nostris insolita facies, princeps & candidatus æquales & simul stantes, intuerique parem accipientibus honorem qui dabat. Quod factum tuum à cuncto senatu quam vera acclamatione celebratum est, tanto major, tanto augustior. Nam cui nihil ad augendum fastigium superest, hic uno modo crescere potest, si se ipse submittat, securus magnitudinis suæ. Neque enim ab ullo periculo fortuna principum longius abest, quam ab humilitate. Mihi quidem non tam humanitas tua, quam intentio ejus admirabilis videbatur. Quippe quum orationi oculos, vocem, manum commodares, ut si alii eadem ista mandasses, omnes comitatus numeros obibas. Atque etiam quum suffragatorum nomina honore quo solent exciperentur, tu quoque inter excipientes eras, & ex ore principis ille senatorius assensus audiebatur: quodque apud principem perhibere testimonium merentibus gaudebamus, perhibebatur à principe. Faciebas ergo quum diceres optimos: nec ipsorum modo vita à te, sed judicium senatus comprobabatur, ornarique se non illos magis quos laudabas, letabatur. Iam quod precatus es, ut illa ipsa ordinatio comitiorum bene ac feliciter eveniret nobis, reipublicæ, nonne tibi tale est, ut nos hunc ordinem votorum convertere debeamus? deos denique obsecrare, ut omnia quæ facis, quæque facies, prospere cedant tibi, reipub. nobis? vel, si brevius sit optandum, ut uni tibi, in quo & respub. & nos sumus? Fuit tempus, ac nimium diu fuit, quo alia adversa, alia secunda principi & nobis: nunc communia tibi nobiscum tam læta quam tristia: nec magis sine te nos esse felices, quam tu sine nobis potes. An si posses, in fine votorum adjecisses, ut ita precibus tuis disannue-

nuerent, si iudicium nostrum mereri perseveraffes? Adeo nihil tibi amore civium antiquius, ut ante à nobis, deinde à diis, atque ita ab illis amari velis, si à nobis ameris. Et sane priorum principum exitus docuit, ne à diis quidem amari nisi quos homines ament. Arduum erat, has precatationes tuas laudibus adæquare: adæquavimus tamen. Qui amoris ardor? qui stimuli, quæ faces illas nobis acclamationes subjecerunt? Non nostri, Cæsar, ingenii, sed tuæ virtutis tuorumque meritorum voces fuerunt, quas nulla unquam adulatio invenit, nullus cuiusquam terror expressit. Quem sic timuimus ut hæc fingeremus? quem sic amavimus ut hæc fateremur? Nosti necessitatem servitutis quando simile aliquid audisti, & quando dixisti. Multa quidem excogitat metus: sed quæ appareant quæsitæ ab invitis: aliud solitudinis, aliud securitatis ingenium est: alia tristium inventio, alia gaudentium. Neutrum simulationes expresserint. Habent sua verba miseri, sua verba felices, ut quæ jam ^{1º} maxime ab utrisque dicantur. Testis ipse es quæ in omnium ore lætitia: non amictus cuiquam, non habitus quem modo extulerat: inde resultantia vocibus tecta, nihilque tantis clamoribus satis clausum. Quis nunc non è vestigio suo exiluit? quis exiluisse sensit? Multa fecimus sponte, plura instinctu quodam & imperio. Nam gaudio quoque cogendi vis inest. Num ergo modum ei tua saltem modestia imposuit? Nam quanto magis à te reprimebatur, exarsimus, non contumacia, Cæsar, sed ut in tua potestate est an gaudeamus, ita in quantum, nec in nostra. Comprobasti & ipse acclamationum nostrarum fidem lacrymarum tuarum veritate. Vidimus humescentes oculos tuos, demissumque gaudio vultum tantum-

tumque sanguinis in ore, quantum in animo pudoris. Atque hoc magis incensi sumus ut precaremur, ne quando tibi non eadem causa lacrymarum, utque nonnunquam frontem tuam abstergeres. Hoc ipsum has sedes nobis quasi responsuras interrogemus, viderintne unquam principis lacrymas: at senatus sæpe viderunt. Onerasti futuros principes: sed & posteros nostros. Nam & hi à principibus suis exigent ut eadem audire mereantur: & illi quod non audiant, indignabuntur. Nihil magis possum proprie dicere quam quod dictum est à cuncto senatu, O TE FELICEM: quod quum diceremus, non opes tuas, sed animum mirabamur! Est enim demum vera felicitas, felicitate dignum videri. Sed cum multa illo die dicta sunt sapienter & graviter, tum vel inprimis hoc, CREDE NOBIS, CREDE TIBI. Magna hoc fiducia nostri, majore tamen tui diximus. Alius enim fortasse alium, ipsum se nemo deceperit, introspiciat modo vitam, seque quid mereatur interroget. Proinde dabat vocibus nostris fidem apud optimum principem, quod apud malos detrahebat. Quamvis enim faceremus quæ amantes solent, illi tamen non amari se credebant sibi. Super hæc precati sumus: VT SIC TE AMARENT DII, QVEMADMODVM TV NOS. Quis hoc aut de se, aut principi diceret mediocriter amanti? Pro nobis ipsis quidem hæc fuit summa votorum, ut nos sic amarent dii, quomodo tu. Estne verum quod inter ista clamavimus, O NOS FELICES? Quid enim felicius nobis, quibus non jam illud optandum est, ut nos diligat princeps, sed dii quemadmodum princeps? Civitas religionibus dedita, semperque deorum indulgentiam pietate merita, nihil felicitati suæ putat altrui posse, nisi ut dii Cæsarem imitentur. Sed quid singula confector &

colli-

colligo, quasi vero aut oratione complecti, aut memoria consequi possim, quæ vos, P. C. ne qua interciperet oblivio, & in publica acta mittenda, & incidenda in ære censuistis? Ante, orationes principum tantum ejusmodi genere monumentorum mandari æternitati solebant: acclamationes quidē nostræ parietibus curiæ clādebantur. Erant enim quibus nec senatus gloriari, nec princeps possent: has vero & in ³² singulis exire, & posteris prodi, cum ex utilitate tum ex dignitate publica fuit; primum, ut orbis terrarum pietatis nostræ adhiberetur testis & conscius; deinde, ut manifestum esset, audere nos de bonis malisque principibus non tantum post ipsos judicare; postremo, ut experimento cognosceretur, & ante nos gratos, sed miseros fuisse; quibus esse nos gratos probare antea non licuit. At qua contentione, quo nisu, quibus clamoribus expositulatum est, ne affectus nostros, ne tua merita supprimeres? denique ut in posterum exemplo provideres? Discant & principes acclamationes veras falsasque discernere, habeantque muneris tui quod jam decipi non poterunt. Non instruendum illis iter ad bonam famam, sed non deferendum: non submovenda adulatio, sed non reducenda est. Certum est & quæ facere & quæ debeant audire, si faciant. Quid nunc ego super ea quæ sum cum toto senatu precatus, pro senatu precer, nisi ut hæreat animo tuo gaudium quod tunc oculis protulisti? Ames illum diem, & tamen vincas: nova merearis, nova audias. Eadem enim dici nisi ob eadem facta non possunt. Iam quam antiquum, quam consulare, quod triduum totum senatus sub exemplo tui sedit, quum interea nihil præter consulem ageres? Interrogavit quisque quod placuit: dissentire, discedere, & copiam judicii sui reipubl. facere

facere tutum fuit. Consulti omnes, atque etiam dinumerati sumus, vicitque sententia non prima, sed melior. At quis antea loqui, quis hiscere audebat, præter miseros illos qui primi interrogabantur? ceteri quidem defixi & attoniti ipsam illam mutam ac sedentariam assentiendi necessitatem quo cum dolore animi, quo cum totius corporis horrore perpetiebantur? Vnus solusque censebat quod sequerentur omnes, & omnes improbarent, inprimis ipse qui censuerat: adeo nulla magis omnibus displicent quam quæ sic fiunt, tanquam omnibus placeant. Fortasse imperator in senatu ad reverentiam ejus componebatur: ceterum egressus statim se recipiebat in principem, omniaque consularia officia abigere, negligere, contemnere solebat. Ille vero ita consul, ut si tantum consul foret, nihil infra se putabat nisi quod infra consulem esset: ac primum ita domo progrediebatur, ut illum nullus apparatus arrogantiae principalis, nullus præcursorum tumultus detineret. Vna erat in limine mora, consultare aves, revererique numinum monitus: nemo perturbabatur, nemo submovebatur. Tanta viatoribus quies, tantus pudor fascibus, ut plerumque aliena turba subsistere & consulem & principem cogeret: ipsius quidem officium tam modicum, tam temperatum, ut antiquus aliquisque magnus consul sub bono principe incedere videretur. Iter illi sæpius in forum, frequenter tamen & in campum. Nam comitia consulum obibat ipse; tantum ex renuntiatione eorum voluptatis, quantum prius ex destinatione capiebat. Stabant candidati ante curulem principis, ut ipse ante consules steterat, adigebanturque in verba, in quæ paulo ante ipse juraverat princeps, qui tantum putat esse in jure-

jurejurando, ut illud & ab aliis exigat. Reliqua pars diei tribunali dabatur. Ibi vero quanta religio æquitatis, quanta legum reverentia? Adibat aliquis ut principem; respondebat se consulem esse. Nullius ab eo magistratus jus, nullius auctoritas imminuta est, aucta etiam: siquidem pleraque ad prætores remittebat, atque ita ut collegas vocaret, non quia populare gratumque audientibus, sed quia ita sentiebat. Tantum dignationis in ipso honore ponebat, ut non amplius esse censeret quod aliquis collega appellaretur à principe, quam quod prætor esset. Ad hæc tam assiduus in tribunali, ut labore refici ac reparari videretur. Quis nostrum idem curæ, idem sudoris sumit? quis adeo expetitis honoribus aut deservit, aut sufficit? Et sane æquum est tantum ceteris præstare consulibus ipsum qui consules facit: quippe etiam fortunæ videbatur indignum, si posset honores dare, qui gerere non posset. Facturus consules doceat, accepturisque amplissimum honorem persuadeat, scire se quid sit quod daturus sit: sic fit ut illi quoque sciant quid acceperint. Quo justius senatus ut susciperes quartum consulatum & rogavit & jussit. Imperii hoc verbum; non adulationis esse, obsequio tuo crede, quod non alia in re magis aut senatus exigere à te, aut tu præstare senatui debes. Ut enim ceterorum hominum, ita principum illorum omnium qui dii sibi videntur, ævum omne & breve & fragile est. Itaque optimum quemque niti & contendere decet, ut post se quoque reipub. profit, moderationis scilicet justitiæque monumentis, quæ prima statuere cos. potest. Hæc nempe intentio tua, ut libertatem revoces ac reducas. Quem ergo honorem magis amare, quod nomen usurpare sæpius debes, quam quod pri-

primum invenit recuperata libertas? Non est minus civile, & principem esse pariter, & consulem, quam tantum consulem. Habe etiam rationem verecundiæ collegarum tuorum; collegarum inquam: ita enim & ipse loqueris, & nos loqui vis. Onerosa erit modestiæ illorum tertii consulatus sui recordatio, donec te consulem videant. Neque enim potest non nimium esse privatis, quod principi satis est. Annuas, Cæsar, optantibus, quibusque apud deos esse consuesti, quorum potens es ipse, votorum compotes facias. Fortasse sufficiat tibi tertius consulatus: sed nobis tanto minus sufficit. Ille nos instituit & induxit, ut te iterum iterumque cos. habere cupiamus. Remissius istud contenderemus, si adhuc non sciremus qualis esses futurus. Tolerabilius fuit, experimentum tui nobis quam usum negari. Dabiturne rursus videre consulem illum? audiet & reddet quas proxime voces? præstabitque gaudium quantum ipse percipiet? præsidebit lætitiæ publicæ auctor ejus & causa? tentabitque affectus nostros ut solet cohibere, nec poterit? Erit pietati senatus cum modestia principis felix speciosumque certamen, seu fuerit victa seu vicerit. Equidem incognitam quandam proximaque majorem præsumo lætitiā. Quis enim est tam imbecilli ingenio, qui non tanto meliorem consulem speret, quanto sæpius fuerit? Alius labores, si non continuo desidii ac voluptati dedisset, otio tamen & quiete recreasset: hic consularibus curis exolutus, principales resumpsit, tam diligens temperamenti, ut nec consulis officium princeps, nec principis consul appeteret. Videmus ut provinciarum desideriis, ut singularum etiam civitatum ¹² precibus occurrat. Nulla in audiendo difficultas, nulla in respondendo mora. Adeunt statim,

tim, dimittuntur statim : tandemque principis fores exclusa legationum turba non obsidet. Quid in omnibus ³³ cognitionibus quam mitis severitas, quam non dissoluta clementia? Non locupletando fisco sedes, nec aliud tibi sententiæ tuæ pretium, quam bene iudicasse. Stant ante te litigatores non de fortunis suis, sed de sua ³⁴ existimatione solliciti, nec tam verentur quid de causa sua, quam quid de moribus sentias. O veri principis, atque etiam consulis, reconciliare æmulas civitates, tumentesque populos non imperio magis quam ratione comperescere, intercedere iniquitatibus magistratum, infectumque reddere quicquid fieri non oportuerit; postremo, velocissimi sideris more omnia invisere, omnia audire, & undecunque invocatum statim velut numen adesse & assistere! Talia esse crediderim quæ ipse mundi parens temperat nutu, si quando oculos demisit in terras, & facta mortalium inter divina opera numerare dignatus est: quibus nunc per te liber solutusque, cælo tantum vacat, postquam te dedit qui erga omne hominum genus vice sua fungereris. Fungeris enim, sufficisque mandanti, quum tibi dies omnis summa cum utilitate nostra, cum tua laude, condatur. Quod si quando cum influentibus negotiis paria fecisti, instar refectionis existimas mutationem laboris. Quæ enim remissio tibi, nisi lustrare saltus, excutere cubilibus feras, superare immensa montium juga, & horrentibus scopulis gradum inferre, nullius manu, nullius vestigio adjutum, atque inter hæc pia mente adire lucos, & occurfare numinibus? Olim hæc experientia inventutis, hæc voluptas erat; his artibus futuri duces imbuebantur, certare cum fugacibus feris cursu, cum audacibus robore, cum callidis astu: nec

nec mediocre pacis decus habebatur submota
 campis irruptio ferarum, & obsidione quadam li-
 beratus agrestium labor. Vsurpabant gloriam istam
 illi quoque principes qui obire non poterant : u-
 surpabant autem, ut domitas³⁵ fractasq; claustris
 feras, ac deinde in ipsorum quidem ludibrium e-
 missas mentita sagacitate colligerent. Huic par
 capiendi quærendique sudor, summusque & idem
 gratissimus labor, invenire. Enimvero si quando
 placuit idem corporis robur in maria proferre,
 non ille fluitantia vela aut oculis sequitur aut ma-
 nibus : sed nunc gubernaculis affidet, nunc cum
 valentissimo quoque sodalium certat frangere flu-
 ctus, domitare ventos reluctantes, remisque trans-
 fretare obstantia freta. Quantum dissimilis illi qui
 non Albani lacus otium, Baianique torporem &
 silentium ferre, non pulsus saltem fragoremque
 remorum perpeti poterat, quin ad singulos ictus
 turpi formidine horresceret. Itaq; procul ab omni
 sono inconcussus ipse & immotus, religato re-
 vinctoq; navigio, non secus ac piaculum aliquod,
 trahebatur. Fœda facies, quum P. R. imperator
 alienum cursum, alienumq; rectorem velut capta
 nave sequeretur. Nec deformitate ista saltem flu-
 mina carebant atque amnes, Danubius ac Rhe-
 nus. Tantum illud nostri dedecoris vehere gaude-
 bant, non minore cum pudore imperii, quod hæc
 Romanæ aquilæ, Romana signa, Romana deni-
 que ripa, quam quod hostium prospectarent : ho-
 stium, quibus moris est eadem illa nunc rigentia
 gelu flumina, aut campis superflua, nunc liquida
 ac deferentia, lustrare navigiis, nandoque superare.
 Nec vero laudaverim per se magnopere duritiem
 corporis ac lacertorum : sed si his validior toto
 corpore animus imperaret, quem non fortunæ in-

R

dul-

dulgentiæ molliant , non copiæ principales ad fegnitiam luxumque detorqueant ; tunc ego , seu montibus seu mari exerceatur , & lætum opere corpus , & crescentia laboribus membra mirabor. Video enim jam inde antiquitus maritos dearum , ac deorum liberos , nec dignitate nuptiarum magis quam his artibus inclaruisse. Simul cogito , quam sint ista ludus & avocamentum hujus , illæ seriæ & intenti , & à quibus se in tale otium recipit , voluptates. Sunt enim voluptates , quibus optime de cujusque gravitate , sanctitate , temperantia creditur. ³⁶ Nam quis adeo dissolutus , cujus non occupationibus aliqua species severitatis incidat ? Otio prodimur. An non pleriq; principes hoc idem tempus in aleam , stupra , luxum conferebant , quum seriarum laxamenta curarum vitiorum contentione supplerent ? Habet hoc primum magna fortuna , quod nihil tectum , nihil occultum esse patitur : principum vero non modo domos , sed cubicula ipsa intimosque secessus recludit , omniaq; arcana noscenda famæ proponit atque explicat. Sed tibi , Cæsar , nihil accommodatius fuerit ad gloriam , quam penitus inspicere. Sunt quidem præclara quæ in publicum profers , sed non minora ea quæ limine tenes. Est magnificum , quod te ab omni contagione vitiorum reprimis ac revocas , sed magnificentius , quod tuos. Quanto enim magis arduum est alios præstare quam se , tanto laudabilius quod , quum ipse sis optimus , omnes circa te similes tui effecisti. Multis illustribus dedecori fuit aut inconsultius uxor assumpta , aut retenta patientius : ita foris claros domestica destruebat infamia , & ne maximi cives haberentur hoc efficiebat , quod mariti minores erant. Tibi uxor in decus & gloriam cedit. Quid enim illa
san-

sanctius ? quid antiquius ? Nonne, si pontifici maximo deligenda sit conjunx, aut hanc aut similem (ubi est autē similis?) elegerit? Quam illa nihil sibi ex fortuna tua, nisi gaudium vendicat? quam constanter non potentiam tuam, sed ipsum te reueretur ? Idem estis invicem quod fuistis : probatis ex æquo, nihilque vobis felicitas addidit, nisi quod scire cœpistis, quam bene uterq; vestrūm felicitatem ferat. Eadem quam modica cultu? quam parca comitatu? quam civilis incessu ? Mariti hoc opus, qui ita imbuir, ita instituit. Nam uxori sufficit obsequii gloria. ³⁷ An, quum videat quam te nullus terror, nulla comitetur ambitio, non & ipsa cum silentio incedat ? ingredientemque pedibus maritum in quantum patitur sexus, imitetur? Decuerit hoc illam, etiam si diversa tu facias. Sub hac verq; modestia viri, quantam debet verecundiam uxor marito ? femina sibi ? Soror autem tua, ut se sororem esse meminit? ut in illa tua simplicitas, tua veritas, tuus candor agnoscitur? ut si quis eam uxori tuæ conferat, dubitare cogatur, utrum sit efficacius ad recte vivendum, bene institui, aut feliciter nasci. Nihil est tam proum ad simultates quam æmulatio, in feminis præsertim : ea porro maxime nascitur ex conjunctione, alitur æqualitate, exardescit invidia, cujus finis est odium. Quo quidem admirabilius existimandum est, quod mulieribus duabus in una domo, pariq; fortuna, nullum certamen, nulla contentio est. Suspiciunt invicem, invicem cedunt: quumque te utraque effusissime diligit, nihil sua putant interesse utram tu magis ames. Idem utrique propositum, idem tenor vitæ, nihilq; ex quo sentias duas esse. Te enim imitari, te subsequi student. Ideo utraque mores eosdem, quia utraque tuos, habet : inde modera-

tio, inde etiam perpetua securitas. Neque enim unquam periclitabuntur, esse privatæ quæ non desierunt. Obtulerat illis senatus cognomen Augustarum, quod certatim deprecatur sunt, quamdiu appellationem Patris patriæ tu recusasses: seu quod plus esse in eo judicabant, si uxor & soror tua, quam si Augustæ dicerentur. Sed quæcunque illis ratio tantam modestiam suavit, hoc magis dignæ sunt quæ in animis nostris & sint & habeantur Augustæ, quia non vocantur. Quid enim laudabilius feminis, quam si verum honorem non in splendore titulorum, sed in iudiciis hominum reponant? magnisque nominibus pares se faciant, etiam dum recusant? Jam etiam & in privatorum animis exoleverat priscum mortalium bonum amicitia, cujus in locum migraverant assentationes, blanditiæ, & pejor odio amoris simulatio. etenim in principum domo nomen tantum amicitia, inane scilicet irrisumque, manebat. Nam quæ poterat esse inter eos amicitia, quorum sibi alii domini, alii servi videbantur? Tu hanc pulsam & errantem reduxisti. Habes amicos, quia amicus ipse es. Neque enim, ut alia subjectis, ita amor imperatur: neque est ullus affectus tam exactus, & liber, & dominationis impatiens, nec qui magis vices exigat. Potest fortasse princeps inique, potest tamen odio esse nonnullis, etiam si ipse non oderit: amari, nisi ipse amet, non potest. Diligis ergo quum diligaris, & in eo quod utrique honestissimum est, tota gloria tua est, qui superior factus descendis in omnia familiaritatis officia, & in amicum ex imperatore submitteris: immo tunc maxime imperator, quum amicum ex imperatore agis. Etenim quum plurimis amicitiiis fortuna principum indigeat, præcipuum est principis opus, amicos

amicos parare. Placeat tibi semper hæc secta, & cum alias virtutes tuas tum hanc constantissime teneas, nec unquam persuadeatur, humile esse principi, nisi odisse. Iucundissimum est in rebus humanis amari, sed non minus amare: quorum utroque ita frueris, ut quum ipse ardentissime diligas, adhuc tamen ardentius diligaris. Primum, quia facilius est unum amare quam multos: deinde quia tibi amicos tuos obligandi adest facultas tanta, ut nemo possit te, nisi ingratus, non magis amare. Operæ pretium est referre, quod tormentum tibi injunxeris, ne quid amico negares. Dimisisti optimum virum, tibi carissimum, invitus & tristis, & quasi retinere non posses. Quantum amares eum, desiderio expertus es, distractus separatusque dum cedis & vinceres. Ita quod fando inauditum, quum princeps & principis amicus diversa velletis, id potius factum est quod amicus volebat. O rem memoriæ literisque mandandam! præfectum prætorii non ex ingerentibus, sed ex subtrahentibus legere: eundemque otio, quem pertinaciter ames, reddere: quumque sis ipse distentus imperii curis, non quietis gloriam cuiquam invidere. Intelligimus, Cæsar, quantum tibi pro laboriosa ista statione & exercita debeamus, quum otium à te, tanquam res optima, & petatur, & detur. Quam ego audio confusionem tuam fuisse, quum digredientem prosequeris? Prosequutus enim nec temperasti tibi, quo minus exeunti in litore amplexus osculum ferres. Stetit Cæsar in illa amicitiae specula, precatumque maria, celere inque (si tamen ipse voluisset) recursum, nec sustinuit recedentem non etiam atque etiam votis, lacrymis sequi. Nam de liberalitate taceo. Quibus enim muneribus æquari hæc cura principis, hæc

Patientia potest, qua meruisti, ut ille sibi nimium
 fortis, ac prope durus, videretur? Nec dubito, quin
 agitaverit secum an gubernacula retorqueret: &
 fecisset, nisi quod pene ipso contubernio principis
 felicius jucundiusque est desiderare principem. Et
 ille quidem ut maxima fructus suscepti, ita majore
 depositi officii gloria fruitur: tu autem facilitate
 ista consequutus es, ne quem retinere videaris in-
 vitum. Civile hoc erat & parenti publico conve-
 nientissimum, nihil cogere, semperque meminisse,
 nullam tantam potestatem cuiquam dari posse, ut
 non sit gravior potestate libertas. Dignus es, Cæ-
 sar, qui officia mandes deponere optantibus; qui
 petentibus vacationem, invitus quidem, sed tamen
 tribuas; qui ab amicis orantibus requiem non te
 relinqui putes; qui semper invenias & quos ex o-
 tio revoces & quos otio reddas. Vos quoque, quos
 parens noster familiariter inspicere dignatur, fo-
 vete judicium ejus quod de vobis habet: hic ve-
 ster labor est. Princeps enim, quum in uno pro-
 bavit amare se scire, vacat culpa si alios minus a-
 mat. Ipsum quidem quis mediocriter diligat, quum
 leges amandi non det, sed accipiat? Hic præsens,
 ille mavult absens amari: uterque ametur, ut ma-
 vult: nemo in tædium præsentia, nemo in ob-
 livionem absentia veniat. Tenet quisque locum
 quem semper meruit; faciliusque est ut oculis ejus
 vultus absentis quam ut animo caritas excidat.
 Plerique principes, quum essent civium domini, li-
 bertorum erant servi: horum consiliis, horum nu-
 tu regebantur: per hos audiebant, per hos loque-
 bantur: per hos præturæ etiam & sacerdotia &
 consulatus, immo & ab his, petebantur. Tu libertis
 tuis summum quidem honorem, sed tanquam li-
 bertis habes, abundeque sufficere his credis, si pro-
 bi &

bi & frugi existimentur. Scis enim, præcipuum esse indicium non magni principis, magnos libertos. Ac primum neminem in usu habes, nisi aut tibi, aut patri tuo, aut optimo cuique principum, dilectum: statimque hos ipsos quotidie, deinde ita formas, ut se non tua fortuna, sed sua metiantur: & tanto magis digni, quibus honor omnis præstetur à nobis, quia non est necesse. Iustisne de causis S. P. Q. R. Optimi tibi cognomen adjecit? Paratum id quidem & in medio positum, novum tamen. Scias neminem ante meruisse, quod non erat excogitandum, si quis meruisset. An satius fuit Felicem vocare? quod non moribus, sed fortunæ datum est. Satius, Magnum? cui plus invidiæ quam pulchritudinis inest. Adoptavit te optimum princeps in suum, senatus in Optimi nomen. Hoc tibi tam proprium quam paternum, nec magis diffinite distincteque designat qui Trajanum, quam qui Optimum appellat, ut olim frugalitate Pisones, sapientia Lælii, pietate Metelli monstrabantur: quæ simul omnia uno isto nomine continentur. Nec videri potest optimus, nisi qui est omnibus optimis in sua cujusque laude præstantior. Merito tibi ergo post ceteras appellationes hæc est addita, ut major. Minus est enim Imperatorem & Cæsarem & Augustum, quam omnibus imperatoribus, & Cæsaribus, & Augustis esse meliorem: ideoque ille parens hominum deorumque, Optimi prius, deinde Maximi nomine colitur: quo præclarior laus tua, quem non minus constat optimum esse quam maximum. Assequutus es nomen, quod ad alium transire non possit, nisi ut appareat in bono principe alienum, in malo falsum: quod licet omnes postea usurpent, semper tamen agnoscetur ut tuum. Etenim, ut nomine Augusti admonemur

eius cui primum dicatum est ; ita hæc Optimi appellatio nunquam memoriæ hominum sine te recurret : quotiesque posterī nostri Optimum aliquem vocare cogentur , toties recordabuntur quis meruerit vocari. Quanto nunc, dive Nerva, gaudio frueris, quum vides & esse Optimum & dici, quem tanquam optimum elegisti ! quam lætum tibi quod comparatus filio tuo vinceris ! Neque enim alio magis approbatur animi tui magnitudo , quam quod optimus ipse non timuisti eligere meliorem. Sed & tu, pater Trajane (nam tu quoque si non sidera , proximam tamen sideribus obtines sedem) quantam percipis voluptatem, quum illum tribunum, illum militem tuum, tantum imperatorem, tantum principem cernis ? cumque eo qui adoptavit amicissime contendis, pulchrius fuisse genuisse talem, an elegisse ? Maeste uterque ingenti in remp. merito, cui hoc tantum boni contulistis. Licet alteri vestrum filii virtus triumphalia, cælum alteri dederit , non minor tamen vestra laus , quod ista per filium quam si ipsi meruissetis. Scio, P. C. cum ceteros cives, tum præcipue consules, oportere sic affici, ut se publice magis quam privatim obligatos putent. Vt enim malos principes rectius pulchriusque est ex communibus injuriis odisse quam propriis, ita boni speciosius amantur ob ea quæ generi humano, quam quæ hominibus, præstant : quia tamen in consuetudinem venit, ut consules publica gratiarum actione perlata, suo quoque nomine quantum debeant principi, profiteantur, concedite, me non pro me magis munere isto , quam pro collega meo Cornuto Tertullo , consulari viro, fungi. Cur enim non pro illo quoque gratias agam, pro quo non minus debeo ? præsertim quum indulgentissimus imperator in concordia nostra

ea præstiterit ambobus, quæ si tantum in alterum contulisset, ambos tamen æqualiter obligasset. Vtrunque nostrum ille optimi cuiusque spoliator & carnifex stragibus amicorum, & in proximum iactato fulmine afflauerat. Iisdem enim amicis gloriabamur, eosdem amissos lugebamus: ac sicut nunc spes gaudiumque, ita tunc communis nobis dolor & metus erat. Habuerat hunc honorem periculis nostris diuus Nerva, ut nos, & si minus ut³⁸ bonos promovere vellet, quia mutati seculi signum & hoc esset quod florerent, quorum præcipuum votum ante fuerat, ut memoriæ principis elaberentur. Nondum biennium compleramus in officio laboriosissimo & maximo, quum tu nobis, Optime principum, fortissime imperatorum, consultatum obtulisti, ut ad sumum honorem gloria celeritatis accederet. Tantum inter te & illos principes interest qui beneficiis suis commendationem ex difficultate captabant, gratioresque accipientibus honores arbitrabantur, si prius illos desperatio, & tædium, & similis repulsæ mora, in notam quandam pudoremque vertissent. Obstat verecundia, quo minus percreseamus quo utrumque nostrum testimonio ornaris, ut amore recti, amore reipub. priscis illis consulibus æquaveris, merito necne, neutram in partem decernere audeamus: quia nec fas est affirmationi tuæ derogare, & onerosum confiteri vera esse quæ de nobis præsertim tam magnifica dixisti. Tu tamen dignus es qui eos consules facias, de quibus possis ista prædicare. Tribuas veniam, quod inter hæc beneficia tua gratissimum est nobis, quod nos rursus collegas esse voluisti: ita caritas mutua, ita congruens tenor vitæ, ita una eademque ratio propositi postulabat: cuius ea vis, ut morum similitudo concordie nostræ glo-

riam minuat: ac perinde sit mirū si alter nostrū & collega, ac si à seipso, dissentiat Non ergo temporarium & subitum est quod uterq; collegæ consulatu, tanquam iterum suo gaudet: nisi quod tamen qui rursus consules fiunt, bis quidem, sed temporibus diversis obligantur: nos duos consulatus accipimus simul, simul gerimus, alterq; in altero Consules, sed iterum & pariter sumus. Illud vero quam insigne, quod nobis Præfectis ærario consulatum ante quam successorem dedisti? Aucta est dignitas dignitate: neq; continuatus tantum, sed geminatus est honor, finemq; potestatis alterius, tanquam parum esset excipere, prævenit. Tanta tibi integritatis nostræ fiducia fuit, ut non dubitares te salva diligentia tuæ ratione esse facturum, si nos post maximum officium privatos esse non fineres. Quid, quod eundem in annum consulatum nostrū contulisti? Ergo non alia nos pagina, quam te consullem accipiet: & nostra quoque nomina addentur fastis, quibus ipse præscriberis. Tu comitiis nostris præsidere, tu nobis sanctissimum illud carmen præire dignatus es: tuo iudicio consules facti, tua voce renuntiati sumus, ut idem honoribus nostris suffragator in curia, in campo declarator existeres. Nam quod eum potissimum mensem attribuisti, quem tuus natalis exornat, quam pulchrum nobis? quibus edicto, quibus spectaculo celebrare continget diem illum triplici gaudio lætum, qui principem abstulit pessimum, dedit optimum, meliorem optimo genuit. Nos sub oculis tuis augustior solito currus accipiet; nos inter secunda omina, & vota certantia, quæ præsentī tibi conferentur, & vehemur alacres & incerti ex utra parte major auribus nostris accadat clamor. Super omnia tamen prædicandum videtur, quod pateris consules esse quos

quos fecisti: quippe nullum periculum, nullus ex principe metus consulares animos debilitat & frangit; nihil inuitis audiendum, nihil coactis discernendum erit. Manet manebitq; honori veneratio sua; nec securitatem auctoritate perdemus. Ac si quid forte ex consulatus fastigio fuerit diminutum, nostra hæc erit culpa, non seculi, Licet enim quantum ad principem, licet tales consules agere quales ante principes erant. Vllamne tibi pro beneficiis referre gratiam parem possumus, nisi tantum illam, ut semper nos meminerimus consules fuisse, & consules tuos? Ea sentiamus, ea censemus quæ consularibus digna sunt: ita versemur in republica, ut credamus esse remp.; non consilium nostrum, non operam subtrahamus, nec disjunctos nos, & quasi dimissos consulatu, sed quasi astrictos & devinctos putemus, eundemq; locum laboris & curæ, quem reverentiæ dignitatisque, teneamus. In fine orationis præsidēs custodesque imperii deos ego consul pro rebus humanis, ac te præcipue, Capitoline Iupiter, precor, ut beneficiis tuis faveas, tantisque muneribus addas perpetuitatem. Audisti quæ malo principi precabamur; exaudi quæ pro dissimillimo optamus. Non te dstringimus votis: non enim pacem, non concordiam, non securitatem, non opes oramus, non honores: simplex cunctaque ista complexum unum omnium votum est, SALVS PRINCIPIS. Nec vero nova tibi injungimus. Tu enim jam tunc illum in tutelam recepisti, quum prædonis avidissimi faucibus eripuisti. Neque enim sine auxilio tuo, quum altissima quæque quaterentur, hic, qui omnibus excelsior erat, inconcussus stetit. Præteritus est à pessimo principe, qui præteriri ab optimo non potuit. Tu clara iudicii tui signa misisti, quum

proficiscenti ad exercitum tuo nomine, tuo honore cessisti. Tu voce IMPERATORIS quid sentires locutus, filium illi, nobis parentem, tibi pontificem maximum elegisti. Quo majore fiducia iisdem illis votis quæ ipse pro se nuncupari jubet, oro & obtestor, si bene rempub. si ex utilitate omnium regit, primum ut illum nepotibus nostris ac pronepotibus serves; deinde ut quandoque successorem ei tribuas, quem genuerit, quem formaverit, similemque fecerit adoptato; aut, si hoc fato negatur, in consilio sis eligenti, monstresque aliquem quem adoptari in Capitolio deceat. Vobis P. C. quantum debeam, publicis etiam monumentis continetur. Vos mihi in tribunatu quietis, in prætura modestiæ; vos in istis officiis etiam, quæ è studiis nostris circa tuendos socios injunxeratis, cuncti constantiæ antiquissimum testimonium perhibuistis: vos proxime destinationem consulatus mei his acclamationibus approbavistis, ut intelligam, etiam atque etiam enitendum mihi, ut hunc consensum vestrum complectar, & teneam, & in dies augeam. Etenim memini tunc verissime judicari, meruerit quis honorem, necne, quum adeptus est. Vos modo favete huic proposito, & credite, si cursu quodam provectus ab illo infidiosissimo principe, antequam profiteretur odium bonorum, postquam professus est, substiti; quum viderem quæ ad honores compendia paterent, longius iter malui: si malis temporibus inter mœstos & paventes, bonis inter securos gaudentesque numeror: si denique in tantum diligo Optimum principem, in quantum invisus pessimo fui. Ego reverentiæ vestræ sic semper inserviam, non ut me consulem, & mox consularem, sed ut candidatum consulatus putem.

F I N I S.

V A R I A N T E S

Lectiões aliquot.

L I B R O • I.

- 1 al. SECUNDO
- 2 al. *Adriano*, al. *Arrio*.
- 3 al. *Stylo*.
- 4 al. *rota posita in con.* &c.
- 5 al. *platanus opacissima?*
- 6 al. *quid popina?* in nonnullis omittitur.
- 7 al. *Veltii*. al. *Metii*.
- 8 al. *Sentias*, *quaro*.
- 9 al. *judicio* :
- 10 al. *αὐταίετορ*.
- 11 al. *fuerit*.
- 12 al. ~~meum~~ *tractavi*, *nob*.
- 13 al. *tractu provideremus*. vel *produceremus*.
- 14 al. *sed voluptatis parum habentes*.
- 15 al. *quod non sileas ipse*, *culpatur*.
- 16 al. *junctisque*
- 17 al. *Arrio* vel *Attio*.
- 18 al. *vultu*.
- 19 al. *Emilianus*.
- 20 al. *jure*.
- 21 al. *idem qui in orationibus est* : *presior tantum*
&c.
- 22 al. *dixerat*.
- 23 al. *actio non bona quæ sit bona oratio* : *non posse*
autem bonam actionem esse, *quæ non sit*
bona oratio : *est enim ora*.
- 24 al. *vitium*

25 al. *praferatur.*26 al. *domini.*

L I B R O I I.

1 al. *reservatum.*2 al. *φιλαίπ@.*3 al. *terimus atatem*4 al. *λαμωροφωνόταλ@.*5 al. *Erutii vel Erucii.*6 al. *pro Consule.*7 al. *Fabius.*8 al. *inductus.*9 al. *duodecim.*10 al. *Larcins*, al. *Titus Larcins*,11 al. *Ammiano.* al. *Annio.*12 al. *quod suspensum & tabulatum*;13 al. *procestrio.*14 al. *recipit.*15 al. *multis*16 al. *soles*17 al. *diu miseram expectatione suspendit.*18 al. *bona mortis*,19 al. *sestertia duplicia.*

L I B R O I I I.

1 al. *dierum.*2 al. *conferuntur.*3 al. *existimo*,4 al. *minores, sed tamen innumeri.*5 al. *Macro.*6 al. *Naturalium*7 al. *paratissimi.*8 al. *qui non*9 al. *semper, ejus ex fortuna,*

10 al.

- 10 al. *καὶ νῆσι* &
 11 al. *coiebat*
 12 al. *genere*
 13 al. *ream probari*
 14 al. *suscipitur*
 15 al. *omiserim rursus, &*
 16 al. *difficile & vobis*
 17 al. *virtute.*
 18 al. *Voconio Rom.*
 19 al. *adjicus*
 20 al. *studia*
 21 al. *restringantur.*
 22 al. *Serviano*
 23 al. *defensione*
 24 al. *sedendi*

LIBRO IV.

- 1 al. *Tifernium*
 2 al. *in saluberrimo*
 3 al. *nectare*
 4 al. *siccasque*
 5 al. *Luperco* al. *Aulo Lepido*
 6 al. *peritus*
 7 al. *consensu,*
 8 al. *legationi*
 9 al. *peritis juris*
 10 al. *dices*
 11 al. *indignum*
 12 al. *contactum*
 13 al. *laxa vero*
 14 al. *educantur*
 15 al. *in alio*
 16 al. *Antonino* &
 17 al. *sefellisse.*
 18 al. *elegia.*

19 al.

- 19 al. *subiit*
 20 *Antonino*
 21 al. *incurrit.*

L I B R O V.

- 1 al. *Calphurnio*
 2 al. *excultum*
 3 al. *abstergi*
 4 al. *suppositum*
 5 al. *aditu*
 6 al. *viticula*
 7 al. *exit*
 8 al. *lavantur*
 9 al. *sedecies*
 10 al. *Tacito*
 11 al. *propterea quod: forte melius praterea*
 12 al. *accendar. ut videtur ante sollicitudine desiderari.*
 13 al. *ita*
 14 al. *senilis.*
 15 al. *usque verecunda.*
 16 al. *Spurrinna*
 17 al. *ruribus* al. *vitibus*, al. *amnibus*; forte, *fontibus viridibus*, melius.
 18 al. *perdam.*
 19 al. *decemviri.*

L I B R O VI.

- 1 al. *inoffensa valetudine*
 2 al. *latissimâ*
 3 al. *vindicabo.*
 4 al. *egeris*
 5 al. *laboriose exercitum*
 6 al. *retinere amici*
 7 al. *tenebras noctis pellebat.*

- 8 al. *colligo*
 9 al. *Formianorum*
 10 al. *tuus, tuus*
 11 al. *viam deserueramus*
 12 al. *ad noctem*
 13 al. *Vergilium*
 14 al. *perrogavit*
 15 al. *satisfacturum*
 16 al. *Vipsano*
 17 al. *quadraginta*
 18 al. *mutatur*
 19 al. *ducem haberent.*
 20 al. *nouales*
 21 al. *Polyditus.*

LIBRO VII.

- 1 al. *Gemino vel Geminio*
 2 al. *quousque*
 3 al. *acoribus. forte acroribus.*
 4 al. *Cilicia*
 5 al. *si quid tam bene.*
 6 al. *verbum*
 7 al. *Tusco*
 8 al. *poëtica descriptionis.*
 9 al. *ingat*
 10 al. *promulgatum*
 11 al. *Epistolam extendi,*
 12 al. *sex*
 13 al. *Militio Iusto,*
 14 al. *ex superscripto aliter explicetur.*
 15 al. *in operam,*
 16 al. *non ergo culpandus ego, sed ille qui capis.*
 17 al. *incidens febris tussim ingessit,*
 18 al. *morte*
 19 al. *& excedit,*
 20 al. *inerrabat :*

21 al.

- 21 al. *auribusque manum*
 22 al. *adjicerentur*
 23 al. *miliaria*
 24 al. *Annii*.

L I B R O V I I I .

- 1 al. *decumavimus ejus summam*
 2 al. *justum*
 3 al. *bonitatem*
 4 al. *fruenti*
 5 al. *censorem*
 6 al. *utilitas*
 7 al. *verus* al. *justus*
 8 al. *numen* ;
 9 al. *premant*
 10 al. *extiterit*
 11 al. *proruta*
 12 al. *hortis*
 13 al. *corbula onerariis*
 14 al. *trahuntur*
 15 al. *Ariano*
 16 al. *delicatus*
 17 al. *tempore*
 18 al. *at sic*

L I B R O I X .

- 1 al. *Platam* al. *Plantam*.
 2 al. *Arriam*
 3 al. *me*
 4 al. *quo*
 5 al. *Annius*
 6 al. *Mamiliano*
 7 al. *quidem licet* ;
 8 al. *ratiunculas*
 9 al. *Rufeni*

- 10 al. *propinquus*
 11 al. *tam tractabilem*
 12 al. *inania*
 13 al. *tumidum.*
 14 al. *Paterno*
 15 al. *ejusdem*
 16 al. *C. Lanio*
 17 al. *praeuntem*
 18 al. *Comædus*
 19 al. *jacui*
 20 al. *si non uni, sed pluribus*
 21 al. *tantum.*

LIBRO X.

- 1 al. *νόμος μεμφίτω.* Vide Epist. 23.
 2 al. *quietissimum.* & melius meo judicio.
 3 al. *ipse*
 4 al. *Sauromates*
 5 al. *bullam,*
 6 al. *traderem*
 7 al. *minime*
 8 al. *intribuatur.*
 9 al. *tempus.*
 10 al. *qui pusillum intelligit.* Satis est,
 11 al. *Cocciani Dionis*
 12 al. *moveremus.*
 13 al. *ita tamen ut vehementer*
 14 al. *quod eorum qua*
 15 al. *adjuvandum putarem, serum futurum.*

PANEGYRICVS.

- 1 al. *attinet*
 2 al. *quo ex*
 3 al. *emicuit*
 4 al. *nutatione*

5 al.

404 VARIANT. LECT. ALIQVOT.

- 5 al. *crimen.*
- 6 al. *ipsa.*
- 7 al. *penitusque*
- 8 al. *tanti tuum*
- 9 al. *noscitare.*
- 10 al. *contingas*
- 11 al. *pietas, te libertas*
- 12 al. *vias*
- 13 al. *qui terrarum fecunditatem*
- 14 al. *omnium*
- 15 al. *tunc*
- 16 al. *innoxiorum*
- 17 al. *volo*
- 18 al. *summam gratiam*
- 19 al. *amitterent*
- 20 al. *cur egetis?*
- 21 al. *serviet :*
- 22 al. *quod esset postea*
- 23 al. *implicita*
- 24 al. *volunt*
- 25 al. *populo Romano*
- 26 al. *postulantibus*
- 27 al. *gratulationibus*
- 28 al. *invidiosa*
- 29 al. *liberalius*
- 30 al. *max. eadem*
- 31 al. *vulgus exire*
- 32 al. *presidium*
- 33 al. *excogitationibus.*
- 34 al. *astimatione*
- 35 al. *fractisque*
- 36 al. *Nam*
- 37 al. *At*
- 38 al. *bonos, tamen.*



I N D E X
R E R V M & V E R B O R V M
inſignium, quæ in Epiftolis Plinii
continentur.

A.

A bsentium deſiderium. 146	Altiſſus. 121
Abſtinens alieni. 152	Aculeum relinquere audientibus. 25
Acanthus. 126	Adhortatio ad famam nominis. 69
Accia Variola. 176. ex heredata à patre. ibid. actio pro ea. ibid.	Adhortatio ad ſtudia. 153
Accuſare damnatum. 43	Adoleſcentes an inſtituendi domi. 103. caſtigandi qualiter. 241.
Accuſationes voluntaria. 63	plurimum reſert à quo doctrinam accipiant. 62
Achaia provincia. 233	Adoleſcentium quadam auriſus danda. 35
Acilius Rufus. 144	Adoleſcentuli forenſes. 47
Aciliani codicilli. 50	Adulatio cruenta Publi- cii Certi. 245
Acroamata. 174	Advocationes venire & emi vetita. 137
Actiões retractata. 247	Advocati novitii. 48. tri- bunus ab advocatiōe abſti-
Actiōis & recitatiōis non eadem ratio. 56	
Actiōis exemplar oratio. 23	
Actiōis viſ. 33, 56	

I N D E X.

abstineat.	28	Aisiensis villa.	153
Ædes Matris magna.	289	Amare, diligere.	71
Æde sacra collapsa, so-		Ambitio senibus turpis.	59
lum sacrum manet.	297	Ambitus lex.	162
Emilia via cura.	138	Ἀμαρτυρία loquens in-	
Emulatio bona.	69	temperantius.	26
Emulationis stimuli.	65	Amicitia. 184. infida.	
Eschines μεγαλοφωνό-		152. principis ad quid	
τατος.	33	utendum. 22. recipro-	
Eschinis iudicium de		ca.	151
Demosthene.	92	Amicitia cause maxi-	
Eschines quanti De-		ma.	183
mosthenis eloquentiam		Amici pluris facti Plinio.	202
fecerit.	33	Amici hominis admoni-	
Ætatum discrimen.	307	tio & castigatio.	152
Ἀλλόκαλον, alienum ab		Amici memoria sacro-	
homine honesto.	33	saucta.	187
Afranius incertum sua,		Amicis obsequendum	
an libertorum manibus		quatenus.	7
peremptus.	222	Amicis probari magnum.	
Africum mare.	51	14. dulce Amico collo-	
Afrorum patronus Pli-		qui. 36. non obsequi	
nus.	41	turpissimum. 108. re-	
Agones quinquennales		pugnandum interdum.	
Traiani nomine.	299		189
Agri opportunitas.	29	Amicorum bonis uten-	
Agrorum locandorum ne-		dum sobrie. 170. cau-	
cessitas.	203	se suscipiende. 171.	
Alexandrina civitas.	265	consilia communia. 5.	
Alimenta τῶν δειπνῶν.	296	observatio. 204. omnia	
		communia. 3. 170.	
			188
		Amicos carpere, judi-	
		cium	

I N D E X.

cium non est.	202	minium.	225
Amicus alter ipse.	120	Antiquitatis laus.	165
Amiseni fœderati.	304	Antonini poësis quæ.	91
Amisenorum civitas.	310	Antonini probantur ver-	
Amor constans.	148.	sus.	135
magister optimus.	110.	Apamea.	289.
ex judicio.	56.	libellus	
judicium.	109.	Apamaeorum.	ibid.
tens & querulus.	31.	Apodyterium.	127
musicam docet.	110	Apotheca.	52
Amor uxoris, qui		Aqua.	284
levi de causa queritur.		Aqua ductus imperfe-	
	32	ctus.	ibid.
Amor præcurrit votis suis.		Aquilex.	ibid.
	106	Aratus.	130
Amor sollicitus.	103	Archippus Flavins va-	
Amore plus effici, quam		cationem petit, ut phi-	
vi. 233.		losophus.	292. 294.
turpe in A-		discrimen vocatus, &	
more vinci.	90	cur.	292
Amoris constantia in So-		Architectus.	285.
lone.	186	am-	
Amoris mollitia.	111	lus.	268
Amoris vis.	233	Aristo peritissimus juris.	
Andreion.	54	27.	de morte volunta-
Animus à cogitatione,		ria deliberat.	28
motuque corporis exci-		Aristonis adversa valetu-	
tatur.	7	do, fides & auctoritas,	
Animus futuris corporis		laus, sobrietas, & vir-	
sustinetur.	11	tutes.	ibid.
Annaria lex.	301	Armarium.	51
Annulus Plinii.	272	Arnonilla Timonis uxor.	
Annus septimus & sexa-			4
gesimus.	16	Arrianus Maturius.	61.
Anio delicatissimus a-		ejus virtutes.	ibid.
		Arria.	77.
		cordata fe-	
		mina.	

exolevit. 88
Beneficia qui tuenda. 54
Beneficium accipit, qui digno dat. 196
Beneficium collocandum in amicum merentem. 92
Beneficium magnum, ius trium liberorum. 305
Beneficium vetus novo augendum. 64
Benignitatis culpa. 20
Bithynica leges de magistratibus. 310
Bithynorum causa. 155.
mos. 314. *in Blateram libri,* 235
Bonum non est aliis invidendum, quo ipse careas. 13
Brevitas in agendo. 22
Brevitas qualis. ibid.
Brixia tenax antiquitatis. 17
Bruttianus. 166
M. Brutus. 121
Bule. 320. *in bulem a censoribus lecti.* 311
Buleuta. 285
Buleuta supernumerarii. 321
Byzantii. 287

C.

C *Cecilius Classicus homo fœdus* 64

per te malus. 71. *Pro consul accusatus.* 64
Cecilius Clemens successor Plinii in provincia. 271
Cecinna Patus. 81
Cepio Hispano. 96
Cæsar ita Catonem reprehendit, ut laudet. 78
Caii Fannii mors. 123
Caii Septitii laus. 39
Caius Calvisius contubernalis Plinii. 92
Caius Musonius. 77
Calcaria sponte currenti. 8
Calculus albus. 2
Calculos ponere. 57
Calestrius Proconsul Bætica. 190
Callimachus. 92
Calphurnia uxor Plinii librorum studiosa. 151. *abortum fecit.* 216
Calphurnia tenetur desiderio Plinius. 148
C. Calvus. 121
Calvi decretum. 291
Calvi versus. 20
Calvisius Nepos. 92
Camilliana villa. 172
Candidatorum ambitio. 87

Candidatorum corruptela. ibid.
Cani-

I N D E X.

Caninii villa.	2	Census Romani firmi.	
Capillos submittere reu-			ibid.
mos.	201	Centumviri.	251
Capito Titinius.	20	Centumviralibus causis	
Capitonis studium.	ibid.	Plinius distractus.	47
Captare.	58	apud Centumviros arena	
Caput amici commenda-		Plinii.	155
tissimum.	84	Centurio exauctoratus.	
Carminē oblectandum in-			173
genium.	186	Centurio legionarius.	299
Cassius Iurisconsul.	198	Charta bibula.	224
Castigare, emendare.	13.	Christiana instituta &	
in Castris cultu paga-		mores.	305
no quidam eruditi.		Christiani, cives Romani.	
	198		ibid.
Catonem reprehendit Ca-		Christiani revera qui sint,	
sar.	79	non posse cogi ad ma-	
Q. Catullus.	121	ledicendum Christo.	
Catulli iudicium de versi-			ibid.
bis.	104	Christiani coacti adorare	
Catulli versus.	20	Deos & statuam Tra-	
Catullus Messalinus.	112	jani.	ibid.
Cavadium.	51	Christiani in cognitionem	
Cavere Reipub.	293	adducti, Christiani-	
Causa rogandi expenden-		sum abjurantes, an	
da.	28	puniendi. ibid. super-	
Causidici novitii impu-		stitionem pravam,	
dentes.	47	Christianismum vocat	
Celer Romanus eques.		Plinius. 306. de Chri-	
	100	stianis quid statuatur	
Celeritatis gratia.	311	Trajanus. 307. ancilla	
Censoria nota.	245	Christianorum inquisi-	
Census editus.	275	ta.	306
Census hominum spectan-		Christianorum cætus.	
tur.	18		ibid.
			Chri-

I N D E X.

<i>Christianorum numerus</i>	<i>Claudius Restitutus.</i>	73
<i>immensus. ibid.</i>	<i>Clavius Fuscus, Classicus</i>	
<i>Citos acres dulcibus mi-</i>	<i>gener. ibid.</i>	
<i>scere. 179</i>	<i>Clavus insanabilis.</i>	68
<i>Cicero augur. 54</i>	<i>Clepsydra. 147</i>	
<i>Cicero versus scripsit. 180</i>	<i>Climactericum tempus,</i>	
<i>Ciceronis epigramma in</i>		57
<i>Tironem suum. ibid.</i>	<i>Clitumnus fons. 215</i>	
<i>laus. 181. iecythi. 2.</i>	<i>Coccei Dionis causa. 301</i>	
<i>oratio quæ optima. 23.</i>	<i>Cæna sordida & gloriosa.</i>	
<i>pro Cluentio. pro Cor-</i>		35-78
<i>nelio. pro Murena. pro</i>	<i>Coercendi qui contra di-</i>	
<i>Vateno. in Verrem.</i>	<i>sciplinam agunt. 300</i>	
<i>ibid.</i>	<i>Catus illiciti prohibendi.</i>	
<i>Circenses ludi. 238</i>		304
<i>Civitas amplianda. 297</i>	<i>Cognitio de liberis agno-</i>	
<i>Civitatis ornanda facies.</i>	<i>scendis. 298</i>	
<i>ibid.</i>	<i>Cognitiones apud Traja-</i>	
<i>Civium numero augeri</i>	<i>num. 173</i>	
<i>civitatem, pulchrum.</i>	<i>Cognitiones de Christianis.</i>	
<i>205</i>		305
<i>Ciamore incitari inter re-</i>	<i>Collegium fabrorum.</i>	
<i>citandum. 41</i>		283
<i>Claritas facit injuriam</i>	<i>Columella Carystia. 129</i>	
<i>majorem. 152</i>	<i>Commeatus. 276</i>	
<i>Classicus accusator Plinii.</i>	<i>Comædia Virginii. 165</i>	
<i>172. ejus uxor inter</i>	<i>Comum Plinii patria. 2</i>	
<i>reos. 75. de ipso Senatus</i>	<i>Conditiones. 22</i>	
<i>decretum. 172</i>	<i>Conscientia, fama. 14</i>	
<i>Claudiopolitani. 285</i>	<i>Conscientiæ & fame fru-</i>	
<i>Claudius Aristo. 173</i>	<i>ctus. 120</i>	
<i>Claudius Caesar recitan-</i>	<i>Consilium alienum suo</i>	
<i>tem audiit. 16</i>	<i>preferunt attoniti.</i>	
<i>Claudius Capito. 155</i>		110
<i>Claudius Pollio. 204</i>	<i>Consolatio qualis dolenti</i>	

I N D E X.

adhibenda.	<u>219</u>	Cryptoporticus.	<u>128</u>
Consolatio in morte Co-		Cupiditas pecunia.	<u>9</u>
rellii Rufi.	<u>14</u>	Cura nimia deterit magis,	
Consuetudo civitatis.		quam emendat.	<u>262.</u>
	<u>205</u>	<u>sordida</u> & humiles cu-	
Consulatus, quo functus		<u>ra.</u>	<u>3</u>
Plinius.	<u>112</u>	Curatores operum.	<u>278</u>
Contentio non improba.		Curianus exheres à matre	
	<u>185</u>	factus.	<u>118</u>
in Convivendo, libertorum		Curiosius nihil otiosius, nec	
& liberorum differen-		pigrius delicatus.	<u>260</u>
tia.	<u>37</u>	Cymbula oneraria.	<u>229</u>
Corellia causa suscepta à			
Plinio.	<u>107</u>		
Corellii laudatio.	ibid.		
Corellius cunctantior.	<u>243</u>		
Corellii Rufi obitus spon-			
tanæus.	<u>16</u>		
Cornelia Vestalis, viua de-			
fossa.	<u>99</u>		
Corinthium signum.	<u>68</u>		
Cornelius Minutianus.			
	<u>196</u>		
Corneius Nepos.	<u>121</u>		
Cornelius Priscus.	<u>144</u>		
Cornelius Tacitus.	<u>41.</u> di-		
sertissimus.	<u>43</u>		
Cornutus. 109. collega Pli-			
nii. 155. ejus laus.	<u>44</u>		
Corporis fulsuris animus			
sustinetur.	<u>113</u>		
<u>Credas</u> tibi plurimum,			
neccuiquam satis fidas.			
	<u>167</u>		
Cremutius Ruso.	ibid.		

D.

D Anna luctibus au-	
cta.	<u>225</u>
Damnati in opus.	<u>281</u>
Damnatum accusare.	<u>42</u>
Damnatus in metallum.	ibid.
Debitorum idonei.	<u>290</u>
Decibalus.	<u>272</u>
Decipere improbos pro mo-	
ribus temporum pru-	
dentia est.	<u>226</u>
Decretum contra Christia-	
nos. <u>306.</u> per publicum	
dedecus, felicem esse.	
	<u>211</u>
Dedicationis mos alius.	
	<u>289</u>
Deformius amittere lau-	
dem, quam non assequi.	
	<u>235</u>
Defun-	

<i>Defuncta.</i>	<u>75</u>	<i>Dignitate augeri non est</i>	
<i>Defuncti voluntas.</i>	<u>114</u>	<i>gratius, quam aquari</i>	
<i>Defuncto praestitus honos.</i>		<i>bonis.</i>	<u>138</u>
	<u>21</u>	<i>Dilatum, non negatum.</i>	
<i>Defunctorum voluntates</i>			<u>217</u>
<i>rata debent esse.</i>	<u>99</u>	<i>Diomedis & Glauci per-</i>	
<i>Defunctorum imagines</i>		<i>mutatio.</i>	<u>120</u>
<i>quid conferant.</i>	<u>38</u>	<i>Diplomata.</i>	<u>288</u>
<i>Defunctorum reliquia an</i>		<i>Diplomata principis ne-</i>	
<i>transferenda.</i>	<u>297</u>	<i>mini commodata.</i>	<u>315</u>
<i>Delphini mira historia.</i>		<i>Discrimen atatum.</i>	<u>305</u>
	<u>260</u>	<i>Dispositionis laus.</i>	<u>79</u>
<i>Demosthenes letatus ubi.</i>		<i>Doctrina quorundam in</i>	
<u>252. ejus loci. ibid. o-</u>		<i>obscuro versantiū.</i>	<u>198</u>
<u>ratio contra Midiam.</u>		<i>Doiendiquadam voluptas.</i>	
	<u>204</u>		<u>224</u>
<i>Deprecari non defendi.</i>		<i>Dolor consolationem non</i>	
	<u>137</u>	<i>admittit.</i>	<u>14</u>
<i>Destituere fidem.</i>	<u>109</u>	<i>Dolor ex morte Iulii A-</i>	
<i>Diamone.</i>	<u>313</u>	<i>viti.</i>	<u>134</u>
<i>Dianam & Minervam</i>		<i>Dolor in morte uxoris.</i>	
<i>montibus inerrare.</i>	<u>7</u>		<u>210</u>
<i>Dicentis calor ut langue-</i>		<i>Dolor studia excutit.</i>	<u>232</u>
<i>scat.</i>	<u>97</u>	<i>Dolor vehemens studium</i>	
<i>Dicere pessime cum qui</i>		<i>impedit.</i>	<u>27</u>
<i>laudabatur maxime.</i>		<i>Dolor vim addit ingenio.</i>	
	<u>47</u>		<u>111</u>
<i>Dieta. 126. seu zeta. 53</i>		<i>Dolori imperare.</i>	<u>228</u>
<i>Dietula.</i>	<u>126</u>	<i>Domitianus savus.</i>	<u>100</u>
<i>Difficultas patrociniandi.</i>		<i>Domitiani epistola.</i>	<u>292.</u>
	<u>143</u>	<i>ejus epistola de Spi-</i>	
<i>Digesta.</i>	<u>248</u>	<i>ritis.</i>	<u>296</u>
<i>Dignitas civitatis, seculi</i>		<i>Domitiani temporibus</i>	
<i>nitor.</i>	<u>280</u>	<i>quanta scelera.</i>	<u>244</u>
<i>Dignitas sumptuosa.</i>	<u>336</u>	<i>Domitius Afer.</i>	<u>48</u>

I N D E X.

<i>Domitius Tullius.</i>	<u>226</u>	<i>Emendatus vir.</i>	<u>61.</u> quod eminet, acunctis vide- tur. <u>254.</u> mala emptio exprobrat stultitiam domino. <u>29</u>
<i>Domus collapsa cum pe- ristylio.</i>	<u>297</u>		
<i>Domus ruinis deformis.</i>	ibid.		
<i>Donare locupleti.</i>	<u>119</u>	<i>Encolpius lector Plinii.</i>	<u>207</u>
<i>Donationes vetite.</i>	<u>312</u>	<i>Endecasyllabi.</i>	<u>135</u>
<i>Dormire in dextram au- rem.</i>	<u>117</u>	<i>Ennius.</i>	<u>121</u>
<i>Drusi Neronis effigies in somnia.</i>	<u>64</u>	<i>Ἐπαινος, ἡδίστον ἀν- σμεα.</i>	<u>205</u>
<i>Dure fecisti.</i>	<u>22</u>	<i>Epigramma Antonini.</i>	<u>109</u>
E.		<i>Epistola malignitate in- terpretantium ex- ponitur.</i>	<u>131.</u> pra- cursoria. <u>102.</u> quo longior, eo jucundior. <u>250</u>
<i>Ecclesia.</i>	<u>311</u>		
<i>Edictum D. Augusti.</i>	<u>300</u>	<i>Epistola tanquam pignus obligatorium.</i>	<u>179</u>
<i>Educatio vetus.</i>	<u>219</u>	<i>Epistola non idem stylus ac historia.</i>	<u>2</u>
<i>Egestas & inopia differunt.</i>	<u>109</u>	<i>Epistola steriles.</i>	<u>120</u>
<i>Egnatius Marcellinus.</i>	<u>101</u>	<i>Epistolarum stylus.</i>	<u>185</u>
<i>Elegi teneri.</i>	<u>141</u>	<i>ἄρα δὲ δὲ ἔρεσ.</i>	<u>70</u>
<i>Eloquentia anceps com- mendatur.</i>	<u>253</u>	<i>Eruditus hesitat.</i>	<u>25</u>
<i>Eloquentia exposita statim cernitur.</i>	<u>62</u>	<i>Error felicissimus.</i>	<u>202</u>
<i>Eloquentia Isai.</i>	<u>32</u>	<i>Error iudicium.</i>	<u>182</u>
<i>Eloquentia, loquentia.</i>	<u>144</u>	<i>Errori venia tribuenda.</i>	<u>220</u>
<i>Eloquentia male sine mo- ribus discitur.</i>	<u>62</u>	<i>Etesia.</i>	<u>277</u>
<i>Eluvio.</i>	<u>225</u>	<i>Eumolpus.</i>	<u>302</u>
<i>Emancipata filia.</i>	<u>226</u>	<i>Euphrati admirator Pl- nius. 12. dotes admi- rabi-</i>	
<i>Emendatissimus quis.</i>	<u>230</u>		

I N D E X.

rabiles, habitus corporis, laudatio.	ibid.	summam non ordinem.	101
Euriti ^{us} Clarus.	39	Famae praesumptio.	237
<u>Euripus.</u>	2	Famae studiosi.	249
Eurhythmus.	174	Familiaritas, amicitia.	108
Εἶδος τοῦ αἵματος.	141	Fannia.	77
Exempla sequenda ubi.	297	Fannii liber de occisis à Nerone.	137
Exemplis moveri nos decet. 6. res defensa.	302.	Fannii somnium.	ibid.
tulit in exilium exilii causam.	194	Φαντασμα.	199
Exilium molle, velut premium.	101	Felicem fuisse, miserum est.	45
Expositi filii.	296	Felici ^{us} antequam felicissimus fieret.	142
F.		Fidendum nullis rebus, desperandum nihil.	114
F abatus profocer Plinii.	89.	Fides eos quibus resistit, offendit, deinde suspicitur, laudaturque.	75
Fabati laus.	135. natales.		136
	172	Fiducia mutua negligentiores.	279
Fabrorum collegium.	283	Filia tota patri.	139
Faciendi & non faciendi ratio unde.	170	Filiorum mores ut castigandi.	241
Facies liberalis adolescentis.	19	Filius patri carus.	81
Facultates non negligenda.	13	Firmanorum causa.	161
Falsi species, dictare aliis testamenta.	59	Flavius Archippus.	207
Fama defuncti tuenda.	22	Famina cordatae laudatio.	193
Fama magna praecessit. major juvenus.	ibid.	Fontis mira.	117
Fama nuntiat rerum			

I N D E X.

<i>Fortium capita.</i>	<u>215</u>	<i>mutatio.</i>	120
<i>Forenses advocati novitii.</i>	<u>47</u>	<i>Gloria qui ducuntur, illis</i>	
<i>Forensium ingenia qualia.</i>	32	<i>mirifice assensio placet, etiam minorum.</i>	ibid.
<i>Fortes fortuna juvat.</i>	143.	<i>Gloriam non meruisse, sed effugisse flagitium.</i>	
<i>de fortuna se vindicat</i>			
<i>Licinianus.</i>	100		<u>77</u>
<i>Fortuna mutatio.</i>	<u>114</u>	<i>Gracchorum orationes.</i>	<u>23</u>
<i>Fragilitas humana.</i>	<u>69</u>	<i>Gradatim definendi initium.</i>	<u>49</u>
<i>Frigidaria cella.</i>	<u>127</u>	<i>Gracorum mos.</i>	<u>57</u>
<i>Frontinus vetuit monumentum sibi fieri.</i>	<u>248</u>	<i>Gracorum oratorum mos.</i>	144
<i>Fronto.</i>	<u>119</u>		
<i>Fronto Cattius.</i>	<u>155</u>	<i>Graculi gymnasiis indigent.</i>	<u>286</u>
<i>Frugalitatis prisca imago.</i>	27	<i>Gratia malorum infida.</i>	<u>9</u>
<i>Fruges inventa in Graecia.</i>	<u>234.</u>	<i>Gratia perit si reposcatur.</i>	<u>17</u>
<i>Libo frugi.</i>	<u>57</u>	<i>Gratiam non referre, turpe.</i>	<u>358</u>
<i>Funambuli.</i>	<u>254</u>	<i>Gravitas vel gravitatis imitatio.</i>	<u>155</u>
<i>Fundani filia mortuae laus.</i>	<u>88</u>	<i>Gravitatis imitatio in novitiis Senatoribus.</i>	ibid.
<i>Fundi emancipati.</i>	<u>173</u>	<i>Gubernacula gemunt.</i>	<u>242</u>
<i>Fusci Salinatoris commendatio.</i>	<u>107</u>	<i>Gymnasium incendio amissum restitunt Nicenses.</i>	<u>285</u>
G.		H.	
<i>Gallita adulterii rea.</i>	<u>173</u>		
<i>Gerusia.</i>	<u>283</u>		
<i>Gestatio.</i>	2		
<i>Gestatio recta.</i>	<u>239</u>	<i>Hama.</i>	<u>283</u>
<i>Glauci & Diomedis per-</i>		<i>Harpocras.</i>	<u>174</u>
			<i>He-</i>

I N D E X.

<i>Heliocaminus.</i>	<u>53</u>	<i>scribendam monitio.</i>	
<i>Helvidius. 111. maritus</i>		<i>ibid.</i>	
<i>Fannia.</i>	<u>139</u>	<i>Homerus multis verbis us-</i>	
<i>Helvidii conditio qualis.</i>		<i>sus, brevis tamen. 130</i>	
<i>242. libri de Helvidii</i>		<i>Homeri ordo conversus. 7.</i>	
<i>ultione.</i>	<i>ibid.</i>	<i>versus. ibid.</i>	
<i>Helvidiarum sororum</i>		<i>Homo sum. 121</i>	
<i>mors. 111</i>		<i>Hominius Varenii advoca-</i>	
<i>Hendecasyllabi Plinii. 105</i>		<i>tus. 136</i>	
<i>Herennius Pollio. 94</i>		<i>Honestas, necessitas. 99.</i>	
<i>Herennius Senecio. ibid.</i>		<i>plus valere debet quam</i>	
<i>ejus uxor. ibid.</i>		<i>necessitas. ibid.</i>	
<i>Herennius Severus. 116</i>		<i>Honestissimum testamen-</i>	
<i>Hermes libertus Plinii.</i>		<i>tum. 197</i>	
	<u>187</u>	<i>Honestum, majorum sequi</i>	
<i>Herodes. 91</i>		<i>vestigia. 135</i>	
<i>Heteria. 283. vetita. 307</i>		<i>Honestus, error. 78</i>	
<i>Hippodromus. 127</i>		<i>Honor ex amici beneficio.</i>	
<i>Hispani & Probi damna-</i>		<i>22. reverentia. 108</i>	
<i>tio. 72</i>		<i>Honores urbani. 174</i>	
<i>Hispulla. 109. uxor Co-</i>		<i>Hypocaustum unctua-</i>	
<i>rellii Rufi. 15</i>		<i>rium. 127</i>	
<i>Hispulla filius. 61</i>			
<i>Historia de Plinii majoris</i>			
<i>obitu. 162</i>			
<i>Historia de spectris. 199</i>			
<i>Historia non debet egredi</i>			
<i>veritatem. 132</i>			
<i>Historia quoque scripta</i>			
<i>modo, delectat. ibid.</i>			
<i>Historia Dacici belli laus.</i>			
	<u>209</u>		
<i>Historia fides debita. 249</i>			
<i>Historiam scribere cur</i>			
<i>difficile. 132. ad eam</i>			

I.

<i>Abolenus Friscus. 156</i>	
<i>Ianuarius mensis celo-</i>	
<i>berrimus. 42</i>	
<i>Latraliptes. 274</i>	
<i>Icaria insula. 180</i>	
<i>Idonei debitores. 290</i>	
<i>Imagines clarorum viro-</i>	
<i>rum. 20</i>	
<i>Imagines defunctorum.</i>	
<i>ibid.</i>	
<i>Ima-</i>	

S 5

I N D E X.

- Imagines majorum.* 62 *Ingenia recentium non*
Immerentem non preme- *aspernanda.* 165
re, honestissimum. 73 *Ingenia recta debilitat ve-*
ad Immortalitatem ad- *recundia, perversa con-*
hortatio. 40 *firmitat audacia.* 84
Immortalitatis amor. *Ingenia varietate dele-*
132 *ctantur.* 185
Immortalitatis studium. *Ingenium nullum vel cla-*
70 *rum facile emergit.*
Improbi ditescunt, boni 167
egent. 59 *Ingrati in defunctos.*
Improbitas majora capit 205
quam virtus. ibid. *Inopia & egestas, differunt.*
Impudentia adolescentum. 109
219 *Intensio intermissa agre*
Impudentia novitiorum *resumitur.* 102
advocatorum. 47 *Intestatorum concessa bona*
Incendium Nicomedia. *Nicensibus.* 303
283 *Invenire praeclare, dispo-*
Incorruptus animus. 279 *nere apte.* 79
Indignationi vela dare. *Inventioni suae quisque*
177 *favet.* 24
Indulgentia principis. 302 *qui Invidet, minor est.*
materna indulgentia. 154
217 *sine Invidia, sine potentia.*
Ineptias commendare, in- 147
eptissimum. 104 *Inundatio.* 225
Inficiari rem manifestam, *Invocatio Deorum poeius*
augentis est crimen, non *familiaris.* 316
diluentis. 96 *Iffus.* 283
Infirmi dum sumus, opti- *Isai eloquentia.* 34
mi sumus. 129 *Isai laudatio.* ibid.
Infirmis graviores infe- *Isai promptum ingenium.*
runtur injuria. 228 ibid.
Ingenia hebetata. 220 *Iselastica.* 324. *agon Isela-*
sticus.

I N D E X.

<i>sticus.</i>	<i>ibid.</i>	<i>fecit heredem fideicom-</i>	
<i>Isocrates impeditus à di-</i>		<i>missarium.</i>	<u>299</u>
<i>cendo.</i>	<u>171</u>	<i>Iulius Naso.</i>	<u>153</u>
<i>Iudex suis auribus pa-</i>		<i>Iulius Naso candidatus.</i>	
<i>trientiam debet.</i>	<u>147</u>	<i>150. ipsius mors.</i>	<i>ibid.</i>
<i>Iudices & auditores non</i>		<i>Iulius Nepos.</i>	<u>183</u>
<i>mauventur eodem modo.</i>	<u>56</u>	<i>Iulius Orator.</i>	<i>ibid.</i>
<i>Iudicia recuperatoria.</i>		<i>Iulius Servianus.</i>	<i>ibid.</i>
	<u>102</u>	<i>Iungere extrema, quasi</i>	
<i>Iudicii acules revelli pos-</i>		<i>avulsa.</i>	<u>187</u>
<i>sunt, extorqueri non</i>		<i>Iunius Mauricus.</i>	<u>112</u>
<i>possunt.</i>	<u>56</u>	<i>Iurarunt coacti advocati</i>	
<i>Iudicio suo contenti.</i>	<u>122</u>	<i>nihil se accepisse.</i>	<u>145</u>
<i>Iudicium de libris Maxi-</i>		<i>Iurjurandum prastitum</i>	
<i>mi.</i>	<u>111</u>	<i>committentibus.</i>	<u>290</u>
<i>Iudicium de versiculis</i>		<i>Ius civitatis petit propin-</i>	
<i>Piinii.</i>	<u>120</u>	<i>quis sui medici Plinius.</i>	<u>269</u>
<i>Iudicium viri sapientissi-</i>		<i>Ius civitatis Alexandri-</i>	
<i>mi. 253. doctorum &</i>		<i>na.</i>	<i>ibid.</i>
<i>indoctorum Iudicium.</i>	<u>56</u>	<i>Ius civium indultum.</i>	
	<u>181</u>	<i>275. par jus, impar</i>	
<i>Iudicum error.</i>		<i>prudencia.</i>	<u>46</u>
<i>Iudicum ingenia imper-</i>		<i>Ius Latinorum.</i>	<u>309</u>
<i>spicua.</i>	<u>26</u>	<i>Ius patronorum.</i>	<u>269</u>
<i>Iudicum intentio ut con-</i>		<i>Ius Quiritium.</i>	<i>ibid.</i>
<i>fundatur.</i>	<u>74</u>	<i>Ius trium liberorum.</i>	<u>315</u>
<i>Iulii Aviti mors.</i>	<u>134</u>	<i>Iuvenis senili virtute.</i>	<u>38</u>
<i>Iulii Candidi vox.</i>	<u>144</u>	<i>Iuventutis institutio ma-</i>	
<i>Iulii Feroci laus.</i>	<u>41</u>	<i>gni sit.</i>	<u>58</u>
<i>Iulius Africanus.</i>	<u>183</u>		
<i>Iulius Bassus defensio.</i>	<u>95</u>		
<i>Iulius Bassus adversus suum</i>			
<i>clarus.</i>	<i>ibid.</i>		
<i>Iulius Largus Piinium</i>			

K.

<i>Κατὰ κεφάλαια.</i>	<u>166</u>
<i>Κίκερα, decrevi.</i>	<u>15</u>
<i>Σ 6 Κτήμα</i>	

I N D E X.

<i>Ἑτήμια</i> an ἀγώνισμα.	audiendi non semper.	33
monumentum sit an	Legentium fastidium &	
certamen.	delicia.	35
	Leges à Gracis.	288
L.	Leges legibus contraria ut	
	convincenda.	51
L Aborem repetere ,	Leges publica ubi non re-	
quam jungere diffi-	pugnant , servanda de-	
cilius est.	functi voluntas.	146
Lacus Vadimonis.	Λετούργιον.	44
Lacryma regia.	Lex ambitus.	149
Laguncula.	Lex annalis.	300
Lapidem omnem moveo.	Lex cujusque civitatis se-	
	quenda.	310
	Lex per desuetudinem &	
Lapsus frequentior cur-	consensum sublata. ibid.	
rentibus , quam re-	Lex Julia de adulteris.	
ptantibus.		173
Largius Macedo à servis	Lex munera vetat accipi.	
occisus.		97
Larium Plinii.		235
Larius lacus.	Liber eo melior quo major.	
Latus clavus.		61.
Laudanda facere ubi de-		263
simus , ineptum puta-	Liber nullus tam malus ,	
mus laudari.	quin parte aliqua pro-	
Laudari à laudato , ma-	fit.	65
gnum.	Liberalitas priscorum in	
Laurentina <i>ville</i> descri-	scriptores.	88
ptio.	Liberalitas semel incitata	
Laurentinum Plinii.	stare nequit.	136
Laus minor , sed conscien-	Libertas reducta.	219
tia fructus major.	Librator.	287
Legati Batice provincia.	Licinianus correptus à	
	Domitiana.	100
	Lici-	
Legendi semper occasio,		

I N D E X.

Licinianus è senatore Rhe-
tor. *ibid.*

Licinius Nepos. *117*

Lima. *135*

Lima non splendescit o-
pus, sed atteritur. *ibid.*

Literarum fructus. *216*

Literas illiteratas scribere.
14

Lites interquiescunt men-
se Julio. *230*

Λίσον πάλιν καὶ κισῶ. *25*

Locorum difficultates arte
superare. *265*

Loquentia, eloquentia,
Vide eloquentia.

Luceius Albius. *71*

Lucii Pisonis vox. *72*

Luctibus aucta damna.
225

Luctus memoria non re-
vocanda, festis saltem
diebus. *76*

Lugere mortem viri incul-
pati, nefas. *30*

Lugduni bibliopola tem-
pore Plinii. *241*

Lusus & ineptia. *235*

Lusus, seria. *188*

Luxuria & sordium, no-
va societas. *39*

Lycormas libertus Traja-
ni. *280*

Lysia orationes. *26*

L

M.

Macedo percussus à
servo. *79*

Magistratus officium. *211*

Magistratus verecunde
gesti. *22*

Magistratus virum ar-
guit. *33*

minor annorum triginta an-
possit gerere Magistra-
tum. *300*

Majorum mos. *61*

super Maleam. *277*

Mancipes frugis instru-
di. *85*

Manum injicere quieti.
257

Mannuli. *87*

Marcus Tullius Poëtarum
fovit ingenia. *87*

Marci Tullii lam. *ibid.*

Marius Priscus. *71.* ac-
cusator. *46*

Mariti lenocinium. *173*

Martialis laus. *88.* mors,
versus de Plinio. *ibid.*

Massa Rabius. *206*

Massa accusatus à Plinio.
ibid.

Materia emulationi re-
pugnans. *1*

Matrona lectissima. *210*

Maturii modestia. *61*

S 7

Man-

I N D E X.

- Maurici causa secessus* *Morum similitudo, vin-*
Plinii. 156. *vox cor-*
data. 112 *culum amicitia.* 105
Maximi libri. 233 *Mors acerba quorum.* 123.
Maximus scripsit libros *ex morbo.* 14. *landa-*
in Blateram. *ibid.* *bi.* 31. *voluntaria.*
Clacium uxoris Ma- 168
ximi. *ibid.*
Meditationis studium. *Mortis genus luctuosum*
143 *quod.* 14. *metu mortis*
Membra domus. 127 *mortem precari.* 162.
Membrum dormitorium. 163
62 *Mortis pulcerrima confi-*
Menelai oratio. 25 *lium.* 82. *impetu non*
Menstruum. 300 *confusio mortem oppe-*
Μεσσηγεσ. 48 *tere.* 18
M. Messala. 121 *Mortem flere viri spectati*
Messalinus cacus & im- *non decere.* 33. *certa-*
probus. 59. *damnatu* *men nullum cum mor-*
in metallum. 26 *tui.* 35. *nefas in mor-*
Metius Carus. 2 *tuum scribere.* 236
Metius Modestus. *ibid.* *Mortuo convitiari non de-*
Miites à signis non avo- *cet.* *ibid.*
candos. 297 *Mos majorum in produ-*
Miites & pagani. 272 *cendus in forum adole-*
Minutiani laus. 196 *scitibus.* 43
Mirabilia insperata. 254 *Μεσσηγεσ.* 11
Miserum est, fuisse fel- *Musonius Bassus.* 205
icem. 54 *Musonii gener Artemi-*
Modestia eruditorum quo- *dorus.* 77
rundam. 123 *Munera viscata & ha-*
Morbi per successiones tra- *mata.* 259
duntur. 14

N.

N *Atalis dies principis.*
309
Nata-

I N D E X.

Natalis dies Trajani celebratus.	ibid.	Nonio Celeri elocatur Quintiliani filia.	<u>175</u>
Naturæ opera delectant.	<u>230</u>	Norbanus Licinianus reus postulatus.	<u>75</u>
Naves oraria.	<u>277</u>	Novandum nihil.	<u>313</u>
Necessitates voluptatibus anteferenda.	ibid.	Novitas grata.	<u>228</u>
Nefas <u>interrogare</u> de quo pronuntiatum.	<u>5</u>	Novitas libro lenocinatur.	<u>57</u>
Negligimus qua ultro occurrunt.	<u>228</u>	Numidia Quadratilla mors.	<u>197</u>
Negligentes de alieno, de suo diligentes.	<u>103</u>	Nuncupare vota.	<u>284</u>
Nepotis laudes.	<u>117</u>	O.	
Nepotis edictum.	<u>149</u>	O Essequii finis aliquis.	<u>63</u>
Neratius Marcellus.	<u>70</u>	Oceani natura.	<u>74</u>
Nero perit Consule Silio Italico.	<u>69</u>	Ocii dispositio.	<u>113</u>
Neronis tyrannis.	<u>65</u>	Ociosi nihil impetrari.	<u>179</u>
Nerva.	<u>112.</u> 121	Ociosum esse, quam nihil ageremelus.	<u>12</u>
Nerva confirmat ab aliis facta principibus.	<u>293.</u>	Ocium, & nihil agere.	<u>216</u>
ejus clementia.	<u>101.</u>	Ocriculum.	<u>168</u>
rescriptum pro Archippo.	<u>104.</u>	Octavius stimulatur ad scripta sua edenda.	<u>39</u>
securitatem publicam sue anteposit.	<u>103</u>	Offensa & similitudines non effugienda. ubi.	<u>56</u>
Nicea theatrum imperfectum.	<u>285</u>	Offensus valde irascitur.	<u>152</u>
Nicetes.	<u>150</u>	Officina antelucana.	<u>78</u>
Nicomedia incendium.		Officio potius consulendum, quam facultatibus.	<u>139</u>
Vide incendium forum novum.	<u>282</u>	Officium amicitia non deferendum studio.	<u>110</u>
Nigrinus.	<u>137.</u>		
Tribunus plebis.	ibid.		

I N D E X.

rum causa.	216	Ordinum ac dignitatum discrimina.	238		
Officium cujusque spectandum.	189				
τ' Ὀυαρ ἐν Διός ἐστ.	21	P.			
Opera natura delectant.	230	P Acerius.	272		
Opera adificiorum corrigenda.	284	Pate, non dolet.	82		
Opes oculis obire.	227	Pallantis monimentum.	203		
Opinto ut mutanda.	26	Pallantis liberti monimentum superbum.	211		
Opinionum varietas.	222	Panarium.	7		
Opisthographi.	66	Panegyricus Plinii.	79		
Oratio attollenda, vel submittenda.	77	Paradoxa.	253		
Oratio & actio non idem.	23	Parcimonia temporis.	66		
Oratio exemplar actionis.	ibid.	Partes universa.	35		
Oratio extemporanea Isai.	32	Parva res maximas trahunt.	24		
Oratio grandifona.	235	Passienus Paulus.	251		
Oratio nivibus hybernus similis.	24	Passienus à Propertio genus duxit.	ibid.		
Oratio qua optima.	ibid.	Pauli Passieni carmina qualia.	156. elegi Passieni quales.	251. ejus iaus.	ibid.
Oratio qualis esse debeat.	ibid.	Passienus Crispus.	183		
Orationis & historiae multa communia & diversa.	123	Peccata si paria, pares laudes.	208		
Orationum recitatio.	56	Pecunia ad salutandum principem remissa Byzantiis.	287		
Orator vir malus, dicendi imperitus.	94	Pecunia data à bulentis pro introitu.	285		
Oratorum officium.	235	Pecunia male impensa in aqua ducta.	284		
Oratoria facultatis summa difficultas.	132	Pecu-			

I N D E X.

*Pecunia in opus balinei
conferenda.* [280](#)

Pecunia Reipub. debita.
[310](#)

*Pecunia publica ne sint
otiosa.* [290](#)

Peregrinatio interfit. [86](#)

*Peregrinum solum non est
capax juris Romani.*
[289](#)

Pericles. [255](#)

Pericles tonabat. [25.](#) elo-
quentia Periclis. *ibid.*

Pervicaciam puniri. [306](#)

Petulantia iners. [114](#)

Philosophi reprehensi. [77](#)

Philosophi urbe pulsi.
ibid.

*Philosophia pulcerrima
pars, agere negotium pu-
blicum, cognoscere.* [12](#)

Piaculare. [75](#)

*nihil Pigrius delicatis,
aut curiosius otiosis.*
[260](#)

Piscina. [51](#)

Piso à Galba adoptatus.
[57](#)

Pitho, Suada. [25](#)

Platea. [308](#)

Platonis sublimitas. [130](#)

*Plebs limine curia discre-
ta.* [11](#)

*Plinius accusator Marii
Prisc.* [41.](#) advocatio-

nibus non functus pro-
miscue. *ibid.* admira-
tione captus librorum
Saturnini, ad dicen-
dum paratus, teneba-
tur. 20. à Trajano jus-
trium liberorum obti-
nuit Voconio. [46.](#) au-
gur. 93. Baticorum pa-
tronus. [63.](#) bibliote-
cam dedicaturus. 8. Bi-
thyniam intrat. [277.](#)
centumviralibus cau-
sis districtus. [45.](#) Cice-
ronis amicus. [95.](#) con-
sul. [79.](#) cupit inseri
Taciti Annalibus.
[205.](#) Demosthenis imi-
tator. 1. fama studio-
sus. [124.](#) in consilium
evocatus à Trajano
[173.](#) intrepide distri-
cturus calamum in
tyrannos. [243.](#) non
contentus seculi sui e-
loquentia. 8. patrocini-
atur Afris, cum Ta-
cito patronus Bassi. 41.
patronus Baticorum.
[63.](#) patronus, judex
datus. [73.](#) poetica stu-
diosus. 81. prator.
[312.](#) qua etate cepit
agere in foro. [136.](#)
scriptorum suorum
admi-

I N D E X.

admirator. <u>1.</u> se inter bonos numerat. <u>8.</u> sibi gratulatur. <u>ib.</u> studia ut ordinet in <u>suis</u> villis. <u>250.</u> studiorum no- mine agnitus. <u>10.</u> stu- diosus. <u>16.</u> studiosus gloria Trajani. <u>242.</u> studiosissimus. <u>23.</u> stu- diosorum fautor. <u>161.</u> successor Frontini in <u>auguratu.</u> <u>94.</u> tragæ- diam scripsit annos natus quatuordecim; <u>180.</u> Trajanum con- sult. <u>275.</u> & passim. tribunus. <u>28.</u> valetu- dine oculorum impedi- tus. <u>195.</u> Venationis studiosus. <u>142.</u> vete- rum more, cibum su- mebat. <u>78.</u> in villa o- tiosus. <u>32.</u> vino parco- sus. <u>19.</u> abstinentia Plinii. <u>139.</u> actiones quedam. <u>154</u> Plinii majoris obitus. <u>157.</u> libri & scripta. <u>40. 41</u> Plinium literati omnes amabant. <u>17</u> Plinium pudet tempo- rum priorum. cur. <u>214</u> Pana modus in servis	militibus. <u>281</u> Pænitentia venia. <u>307</u> Pænitentiam agat pæn- tentia sua. <u>187</u> Poëtus furere concessum. <u>181</u> Poëtus mentiri licet. <u>156</u> Poëtam castum esse decet non versus. <u>104</u> Poëtarum proventus. <u>16</u> Pompeia lex. <u>300.</u> qua contineat. <u>ibid.</u> Pompeii Quintiani mors. <u>240</u> Pompeius Saturninus. <u>131</u> Pompeius Iulianus. <u>13</u> Pomponia Gratilla here- dem scribit Plinium. <u>118</u> Pomponius Secundus. <u>121</u> Pontificum collegium. Vide Collegium. Popularitatis innoxia vir. <u>173</u> Populi judicium. <u>191.</u> ad populum provoco. <u>192</u> Porticus. <u>51</u> Porticus in O similitudi- nem. <u>ibid.</u> Praire. <u>309</u> Preces pia & amici effica- ces. <u>161</u> Pre-
--	--

I N D E X.

<i>Pretium negatur cujus</i>	<i>Pronuntiationis vis.</i>	<u>81</u>
<i>pretium reposcitur.</i>	<i>Propertius.</i>	<u>156</u>
<i>Primipilus.</i>	<i>Prusa balineum.</i>	<u>297</u>
<i>Princeps quod constituit</i>	<i>Prusenses.</i>	<u>298</u>
<i>mansurum esse, debet.</i>	<i>Prusiensium decretum de</i>	
<u>310</u>	<i>Archippo.</i>	<i>ibid.</i>
<i>Princeps ratum non habet</i>	<i>Publici servi annua acci-</i>	
<i>privilegium in alio-</i>	<i>piunt.</i>	<u>292</u>
<i>rum concessum da-</i>	<i>Publii Acilii laas.</i>	<u>18</u>
<i>mnium.</i>	<i>Publius Atilius Centurio.</i>	
<u>311</u>		<u>310</u>
<i>Principe dignum adificia</i>	<i>Pueros à centumvirali-</i>	
<i>publica instaurare. à</i>	<i>bis auspicari, ut ab</i>	
<i>numero</i>	<i>Homero in</i>	<u>scholiis. 41.</u>
<i>ad</i>	<i>&c.</i>	
<i>287.</i>	<i>Pugillares, stylus.</i>	<u>201</u>
<i>Principis amicitia ad quid</i>	<i>Pungere, non insigere acu-</i>	
<i>utendum. Vide ami-</i>	<i>leum.</i>	<u>25</u>
<i>icitia Principis.</i>	<i>Pulpito digna.</i>	<u>114</u>
<i>Principis auctoritas.</i>		
<u>303</u>		
<i>Principis exornari judi-</i>		
<i>cio.</i>		
<u>101</u>		
<i>Principis munus non male</i>		
<i>collocandum.</i>		
<u>286</u>		
<i>Principis testimonium.</i>		
<u>219. 220.</u>		
<i>voluntas.</i>		
<i>ibid. quod nullius est,</i>		
<i>Principi cedit.</i>		
<u>278</u>		
<i>Privilegia.</i>		
<u>301</u>		
<i>Privilegium in aliorum</i>		
<i>concessum detrimen-</i>		
<i>tum.</i>		
<u>311</u>		
<i>Privilegium quo ceteris</i>		
<i>creditoribus antepone-</i>		
<i>rentur Pontici.</i>		
<u>310</u>		
<i>Proceton.</i>		
<u>50</u>		
<i>Prologus epistolae.</i>		
<u>98</u>		

Q.

<i>Q</i>	<i>Vadratilla prudentia.</i>	<u>197</u>
<i>Quadrati educatio.</i>	<i>ibid.</i>	
<i>Quadratus scripsit de Hel-</i>		
<i>vidii ultione.</i>		<u>242</u>
<i>Quæstoris dignitas.</i>		<u>237</u>
<i>Quarta legitima.</i>		<u>119</u>
<i>Quinquennales agones</i>		
<i>Traiano.</i>		<u>298</u>
<i>Quintiani animus qualis.</i>		
		<u>240</u>
<i>Quintiliani filia.</i>		<u>157</u>
<i>Quiritium jus.</i>		<u>309</u>

R. Ratio

INDEX.

R.

Ratio sapientibus pro
necessitate est. 14
Ratione quam auctoritate
superari aequus. 27
Recitandi causa. 150
Recitandi ratio sua cui-
que. 217. ad recitan-
dum quid facto opus
sit. 156
Recitantis gratia. 141
Recitatio imponit & lan-
guescit. 56
Recitatio orationum. ibid.
panegyrici. 88. ad re-
citationem eruditissi-
mus quisque admit-
tendus. 48
Recitationes neglecta. 16
Recitationis fructus. 121
Recuperatoria iudicia. 81
Reditus nullus justior
quam quem terra re-
fert. 228
Regia lacryma. Vide la-
cryma.
Regulus ambitione obti-
nebat quod alii fide
non prestant. 146. bi-
pedum nequissimus. 6.
de morte filii librum
scripsit. 90. dives fa-
ctus per flagitia. ibid.

exsultans Aruleni mor-
te. 4. in summa avari-
tia sumptuosus. 90.
latrator fori timidissi-
mus. 4. Plinium laceffit
apud Centum viros. Se-
necionem lacerat. ibid.
senex nupturit. 90.
sub Nerone flagitiosus.
65
Regulo sagax responsum
Plinii. 5. de Regulo Me-
tii Modesti iudicium.
ibid.
Reipub. administranda
praecepta. 233
Reipub. curare negotia,
honestissimum. 189
Relegati in triennium.
223
Relegati non sunt ab alio
restituendi. 291
Reliquia defunctorum an
transferenda. Vide de-
functorum reliq.
Remissiones colonis per-
missa. 114
Remissionum cur non a-
qua benignitas. 208
Remapub. heredem facere.
131
Reorum agmen. 71
Repetundarum lex. 44
Rerum varietas. 114
Restituendi natales. 298
Reus-

I N D E X.

<i>Reverentia literis debita.</i>	262	<i>Satrii Rufi ambiguus sermo.</i>	245
<i>Reverentia, pudor, metus, optime judicant.</i>	191	<i>Saturnalia.</i>	96
<i>Robustus eques.</i>	168	<i>Saturnalibus missa muncera.</i>	ibid.
<i>Rogat efficaciter qui rogandi causas reddit.</i>	169	<i>Saturnini eloquentia.</i>	19.
<i>Romanus homo.</i>	112	<i>historia qualis & laudatio.</i>	ibid.
<i>Romana civitatis mores in opum ratione.</i>	17	<i>Sauromata rex.</i>	271
<i>Roma vitia late vagantur.</i>	112	<i>Scafontes extorquere.</i>	135
<i>Rosianus Geminus.</i>	270.	<i>Stavola.</i>	121
<i>commendatur Trajano.</i>	ibid.	<i>Schola innoxia.</i>	33
<i>Rufi monumentum imperfectum.</i>	153.	<i>Scholastica lex.</i>	58
<i>tumulus sine titulo.</i>	ibid.	<i>Scholastica & umbratica litera.</i>	236
<i>Rustica vita laus.</i>	112	<i>Scholasticus Isaus.</i>	32
<i>Rustica vita studiosus arguitur.</i>	179	<i>Scire plurimum, plurimum addiscere.</i>	71
<i>Rusticus Arulenus.</i>	77	<i>Scribonianus.</i>	82
		<i>Scribentes placendi causa.</i>	85
		<i>Scribentis sanctitas cumulat gratiam.</i>	60
		<i>Securitas multorum non movenda.</i>	311
		<i>Sedendi dignitas.</i>	87
		<i>Senatoris periculum.</i>	21
		<i>Senatori decor, in Senatu discessio facta.</i>	44.
		<i>in Senatu judicia divisa & in civitate.</i>	101.
		<i>in Senatum legi an possit minor annis triginta.</i>	300
		<i>Seneca.</i>	121
		<i>Seneca.</i>	7

S.

Sacerdotium non adimitur viventi. 94
 Sacra ade lapsa, solum tamen sacrum manet. 308
 Salvii liberalis laus. 47
 aut Sapiens, aut Sapiienti proximus. 79
 Satrius Rufus amulator Ciceronis. 5

Seneca.
Seneca.

I N D E X.

<i>Senectio.</i>	77	<i>Solers Pratorius.</i>	122
<i>Senibus turpis ambitio.</i>		<i>Solatia.</i>	224
	59	<i>Solum peregrina civitatis</i>	
<i>Sententiâ numerantur, non</i>		<i>non est capax dedica-</i>	
<i>ponderantur.</i>	46	<i>tionis.</i>	289
<i>Sepulcri impensa super-</i>		<i>Somnium à Iove.</i>	21
<i>vacua.</i>	161	<i>Somnium Fannii.</i>	123
<i>Sertorii exemplum.</i>	72	<i>Somnus pro morte.</i>	160
<i>Servilius Calvus.</i>	292	<i>Sordidi & gloriosi descri-</i>	
<i>Servitus misera sub ty-</i>		<i>ptio.</i>	36
<i>rannis. 220. priorum</i>		<i>Sors & usura.</i>	152
<i>temporum.</i>	219	<i>de Spectris histôria mira.</i>	
<i>Servius Sulpitius.</i>	121		199. 200
<i>Servorum ingenium.</i>	3	<i>Sperare ex aliis quod tibi</i>	
<i>Severitas moderanda.</i>		<i>non praestes, ineptum.</i>	40
	242	<i>Spurinna animum & cor-</i>	
<i>Severum exemplum.</i>	117	<i>pus exercebat.</i>	30
<i>Sexagenarii immunes.</i>	71	<i>Spurinna felix senectus.</i>	
<i>Silenda facere, laudanda</i>		<i>30. res gesta. 37. statua</i>	
<i>silere.</i>	113	<i>decreta.</i>	38
<i>Silii Italici carmina qua-</i>		<i>Statua Principum.</i>	257
<i>lia. mors, & res gesta,</i>		<i>Stibadium.</i>	129
<i>secessus. 68. 69. sub</i>		<i>Stillonius Priscus.</i>	73
<i>Nerone famam suam</i>		<i>Stoicorum simia.</i>	4
<i>lasis.</i>	ibid.	<i>Studiiformandi ratio.</i>	184
<i>Sinopenfes. 284. aqua de-</i>		<i>Successivum tempus.</i>	93
<i>ducenda in coloniam</i>		<i>Suetonius Tranquillus.</i>	29
<i>Sinopensem.</i>	287	<i>L. Sulla.</i>	122
<i>Sinisteritas auditorium.</i>			
	238		
<i>Socratici sermones.</i>	92		
<i>Σοφοκλεῖς, laudiceni.</i>			
	48		
<i>Solatia in morte suorum.</i>			
	224		

T.

<i>Abula venales.</i>	227
<i>Tempus omne perire,</i>	
<i>quod studiis non imper-</i>	
<i>titur.</i>	66

Teren-

I N D E X.

<i>Terentius Iunior.</i>	198	<i>beneficus.</i>	268. <i>benefi-</i>
<i>Terentius quasi metro so-</i>		<i>cus in milites.</i>	310.
<i>lutus.</i>	20	<i>parce tribuit privile-</i>	
<i>Terra motus.</i>	162	<i>gia.</i>	305. <i>quid statuas</i>
<i>Tertullus Cornutus.</i>	138	<i>de Christianis.</i>	307. <i>vi-</i>
<i>Testaceum opus.</i>	285	<i>ctor.</i>	270
<i>Testamenta, Speculum esse.</i>		<i>Trebonius Rufinus.</i>	112
<i>morum.</i>	226	<i>Triclinia.</i>	3
<i>Testes in reos non in da-</i>		<i>Triclinium.</i>	53
<i>mnatos interrogari.</i>	4. 5	<i>Tusculana villa descri-</i>	
<i>Theatrum Nicea.</i>	285	<i>ptio.</i>	50
<i>Thrasca.</i>	193. <i>gener Ar-</i>	<i>Tusculanum Plinii.</i>	102
<i>ria.</i>	81	<i>Tusculanus ager Plinii.</i>	51
<i>Optimol.</i>	306. <i>de Optimol.</i>	<i>Tusci insalubres.</i>	<i>ibid.</i>
<i>epistola Domitiani.</i>			
	<i>ibid.</i>		

V.

<i>Tiberis inundatio.</i>	225	V <i>Adimonis lacus.</i>	229
<i>Timor, emendator acerrim-</i>		<i>Valere non dicitur, qui</i>	
<i>mus.</i>	191. 192. <i>plerum-</i>	<i>suspensus est.</i>	83
<i>que amore fortior.</i>	5	<i>Valerius Licinianus.</i>	99
<i>Timoris vis.</i>	200	<i>Valerius Paulinus.</i>	107
<i>Titinius Capito, ejusque</i>		<i>Valerius Paulinus jus La-</i>	
<i>laus.</i>	20. <i>statuam po-</i>	<i>tinorum Plinio reliquit.</i>	
<i>suit Syllano.</i>	<i>ibid.</i>		309
<i>Titius Homulus.</i>	97	<i>Valetudo gravis interdum</i>	
<i>Titius Cassius.</i>	116	<i>morosum facit.</i>	178
<i>Titus Caesar.</i>	121	<i>Varietas grata.</i>	184
<i>Toga jure carent, quibus</i>		<i>Varietas universitatem</i>	
<i>interdictum aqua &</i>		<i>commendat.</i>	35
<i>igni.</i>	99	<i>Veiento.</i>	112
<i>Topiarii.</i>	85	<i>Velleius Blasus.</i>	58
<i>Torquatus.</i>	121	<i>de Venalibus melius auri-</i>	
<i>Trajanus ad imperium</i>		<i>bus quam oculis judi-</i>	
<i>admotus.</i>	267. <i>aver-</i>	<i>catur.</i>	26
<i>satur factiones.</i>	283.		

Vonia

I N D E X.

<i>Venia</i> danda oblectationi- bus alienis. 248	<i>Vita</i> hominum magnas latebras habet. 62
<i>Verania</i> . 58. à <i>Verania</i> co- dicilli facti. ibid.	<i>Vita</i> jucunda, otiosa. 259
<i>Verecundia</i> magis quam fiducia decet. 201	<i>Vita</i> frugalitas. 27
<i>Verginius Romanus</i> . 165.	<i>Vitellio</i> amicus <i>Sil. Itali-</i> <i>cus</i> . 68
ejus comædia. ibid.	<i>Vitia</i> remediis fortiora. 114
• <i>Vestalis</i> carnificem aver- sata. 103	<i>Vrbani</i> , urbanitas. 211
<i>Vestaliū</i> mos. 193	<i>Vrbani</i> honores. 179
<i>Vestricius</i> <i>Spurinna</i> . 37	<i>Vrbanus</i> . ibid.
<i>Veterum</i> amulus <i>Saturui-</i> <i>nus</i> . 19	<i>Vrbs</i> corrupta. 58
<i>Vetustas</i> ut laudanda. 165	<i>Vsus</i> optimus dicendi ma- gister. 171
<i>Viatricum</i> . 287	<i>Vtilitates</i> publica privatis anteferenda. 193
<i>Vindicta</i> genus manu- missionis. 192	<i>Vxor</i> patientissima. 227
<i>Virgilius</i> . 121. arma <i>Aeneæ</i> multis versibus descripsit. 130	<i>Vxoris</i> <i>Macrini</i> mors, & laudatio magna. 210
<i>Virginii</i> imaginem habe- bat <i>Sil. Italicus</i> . 69	X.
<i>Virginus</i> <i>Rufus</i> . 121. tu- tor <i>Plinii</i> . 31	X <i>Enia</i> . <i>Xerxes</i> illacrymavit. <i>cur</i> . 69
<i>Virorum</i> doctorum semper imatura mors. 130	<i>Xystus</i> . 53
<i>Virtus</i> neglecta. 58. suspe- cta. 219	Z.
<i>Visa</i> seu visiones. 200	Z <i>Eta</i> , seu <i>Diaeta</i> . ibid.
<i>Vita</i> brevis, laboribus ca- dendi non satiganda. 237	<i>Zosimi</i> liberti infirmi- tas. 142

F I N I S.



592245







